





200  
~~296-50~~

200  
296-50



# Հ Ա Յ Ե Լ Ի

## ԱՍՏՈՒՄԱԾԱՅԻՆ ՇՆՈՐՀԱՅ

28(47.925)(09)  
Ս-33  
ԱՄ



ԱՐԱՐԵԱԼ Ի ՏԵՐ ՄԱՏԹԷՈՍ ՀԱՅՐԱՊԵՏԷ ԱՄԵՆԱՅՆ ՀԱՅՈՑ

85-24991 (1001)

12012



1862

Տ Փ Խ Ի Ս :

Ի ՀԱՅ ՏՊԱՐԱՆԻ

ԳԱՐԻԲԷԼԻ ՍԵԼԳՈՒՄԵԱՆՑ ԵՒ ՀԱՄԱՐԶՈՒՄԱՑ ԷՆՅԻՍՃԱՆՑ

29:  
—  
25-8/8

Քանզի նշոյլ է ժշտնջենաւոր լուտոյն, և Հայելի  
անարատ Աստուծոյ ազգեցութեանն, և սլատկեր  
առաստութեան նորա: Իմաստ. Է. 26:

Բայց մեր ամենեցուն բացաւ երեսօք զփառս  
Տեառն իբրև ընդ Հայելի տեսեալ՝ ՚ի նոյն սլատկեր  
նորոզիմք փառաց ՚ի փառս, որպէս և ՚ի Տեառն  
Հոգւոյ: Բ. Կորն. Գ. 18:

ՀԱԻԱՆՈՒԹԵԱՄԲ ՍԻՆՀՈԴՈՍԻ ՍՐԲՈՑ ԱԹՈՌՈՅՆ ԷԶ-  
ՄԻԱԾՆԻ






ՅՈՒՐԿԱՆ Ե 1961 թ.

Ա.  
281.6  
Մ-33

## ՅԱՌԱՋԱԲԱՆ.

Հարկ անձին համարիմ առաջի առնել համօրէն սիրելի Ադգլա, եթէ ուստի եղև խնումս տկարամտութեան միջամուխ լինել յայս գրաւոր վաստակ խորհրդածութեանս, որ յաղագս Աստուածային դերբնական պարգևաց և բաղմատեսակ շնորհաց, զորպիսի աննախանձ ձիրս առատապէս վայելեմք հանապազօր ուղղախառ և ողջամիտ բարոյական մարմին և անդամքս ամենազօր և կենարար Պլխոյն մերոյ Յիսուսի Քրիստոսի և թէպէտ՝ որոց ամենահայեաց են աչք հոգւոց, նոքա առաւել ևս կարեն զբացայայտ տեսութիւնս իւրեանց ուղղել և յստակամիտ նկատել յԱստուածային սուրբ Պիրս հին և նոր Կտակարանաց իբր 'ի վճիտ և 'ի մաքուր հայելի՛ այլ զի խնումս նուաստութեան վիճակեցաւ առաջի աչաց ամենից կացուցանել զայն, վասն որոց և ես մինչ անձին առանձին ընթերցանութեամբ մըտազիր լինելի 'ի նոսա, և ահա՛ իբր հանդիտավեհ կացեալ 'ի խորհուրդս նոյն սրբազան Տառից երանելի Առաքեալն Պօղոս՝ Հարդարև ամենազօռ ներգործութեամբ զուարթացոյց և զօրացոյց զխն մտաց տեսութիւն՝ այսուհարայօրդ որ բանիւ իւրով, զոր գրէրն առ սիրելի աշակերտն իւր Տիմոթէոս, թէ՛ «Միտ դիր ընթերցուածոց բանից մխիթա-



բուժեան վարդապետութեան։ **Մ**'ի անփոյթ առներ շնորհացդ՝ որ 'ի քեզ են, որ սուա քեզ մարգարե-  
ութեամբ 'ի ձեռնադրութենէ երկոյութեան : **Յ**այդ-  
խորհեաց և 'ի դոյն կանխեսցիք, .-ա. **Տ**խմ. դ. 13,  
14-15 :

**Ա**յ՛ շնորհակց և սիրալրական է յորգորական  
բանս այս և անժխտելի . քանզի և ինքն իսկ սըր-  
բազան **Ա**ռտքեալն՝ ճշմարիտ երկնաւոր վարդապե-  
տին **Յ**իսուսի **Փ**րկչին մերոյ երկնահանճար աշա-  
կերտն, նախապէս դնացեալ զհետ շաղաց նորս,  
ըստ սրբազան **Ա**ւետարանչացն թէ՛՝ **Ե**ւ կոչեալ  
առ ինքն զժողովուրդսն՝ ասէ ցնոսա, լուարո՞ք ինձ  
ամենեքեան և 'ի միտ առէք, . **Մ**ատթ. ժե. 10 :  
**Մ**արկ. է. 14. : **Ե**ւ սպա խրատ տայր շնորհա-  
բուղի բանին իբով առհասարակ ժողովրդոցն և  
յատկապէս աշակերտելոցն իւրոց, և լուսաւորէր ըզ-  
միտս նոցա տեսանել զսուրբ **Գ**րոց յայտնութիւնս,  
որպէս և զսիրելի աշակերտն իւր զ**Տ**իմոթէոս առ  
'ի առաւել հաստատել 'ի նոսին՝ դարձեալ առաջի  
առնէ նմա ասելով . **Ո**վ **Տ**իմոթէոս՝ սիրելի որ-  
դեակ իմ ըստ հոգւոյ և հաւատարիմ ողաշտօնեաց  
երկնաւոր վարդապետին՝ **Փ**րկչին մերոյ և հոգւոր  
վերատեսուչ քեզ յանձնեալ հաւատացելոց՝ մի լիցի  
քեզ տրտմիլ յազազս հեռանալոյն իմ 'ի քէն միայն  
տեղեաւ և ոչ սրտիւ և մտօր . բայց դու բնաւ չես  
միայնակ, զի առ քեզ ունիս զ**Ա**ստուածաշունչ **Մ**ա-  
տեանս, որք ոչ միայն մատակարարեն քեզ զլիուլի

միսթարութիւն, այլ և զվարդապետութեանդ արիաջան սրաշտաման զկարեւոր պիտոյս ուսուցանենքեզ, և ոչ սցաչափ միայն, այլև յորդորեն, համոզեն զքոյդ մտաց զփոյթ և զջան արծարծել 'ի ճրիատուր սլարգևս շնորհաց սուրբ Հոգւոյն, զորս 'իքեզ ունիս յօրէ անտի ձեռնադրութեան 'ի բարձրագոյն աստիճան երիցութեան: Աստուքէն մի թողուր անգործ զշնորհացդ զօրութիւն, զոր ընկալեալ ունիս, այլ միշտ սխարապեա խորհրդով մտացդ աւետարանական բանից քարոզութեան առաքինական բարի գործովք կատարել զհոգևոր պաշտօն քո, որով և դու որդեակ իմ Տիմոթէէ ձայնակից լեալ ընդիս՝ արժանաւորիս համարձակ սլարծիլ 'ի Քրիստոս Յիսուս, եթէ՝ « զՊաշտօնն իմ փառաւոր առնեմ, » . Հռովմ. Ժա. 13 :— Այս է՝ զպաշտօնն իմ առաքելութեան և քարոզութեան, հոգևոր հովուութեան և առաջնորդութեան բանաւոր հօտին Քրիստոսի փառաւոր կացուցանեմ, և հոչակ հարկանեմ նովառ առ ամենայն հեթանոսս բանիւք և գործովք, զի զայն խրատ՝ զոր համարձակեցայ տալ հոգևոր հովուաց եկեղեցւոյն Եփեսացւոյ՝ նախ յանձին իմում ցուցանել փոյթ կարայ, և սպա առ նա ուղղեցի զբան յորդորանաց խրատուն խոյ՝ եթէ՝ « Զգոյշ կացէք անձանց և ամենայն հօտիդ, յորում եզ զձեզ Հոգին սուրբ տեսուչս հովուել զժողովուրդ Տեառն, զոր ապրեցոյց արեամբ իւրով, » . Գործք. Ի. 28 :

**Ա**պաքէն խորհրդածեալ և խմ յայս անզուգահան և ամենաբաւական **Ա**ստուածային շնորհաց պէտպէս ներգործութիւնս, զորս բացորոշաբար լուսաբանեն մեզ սուրբ **Գ**իրք որպէս վնագուր հայելի, վասն որոյ ոչ ընդհատ 'ի խորհրդոց գտի անուանել զայս նուատիկ գրչիս գործ՝ «**ՀԱՅԵԼԻ ԱՍՏՈՒԱԾԱՅԻՆ ՇՆՈՐՀԱՅ,**, , քանզի սուրբ **Գ**իրք որպէս գլինջ հայելի առաջի առնեն մեզ զամենատեսակ մարդկային կրից լախորժ և զանախորժ հայեցուածս, ըստ այնմ, եթէ դք անարատ և ամբիժ աչօք ուղղափառ հաւատոյ և սուրբ սրտի սիրոյ սկսանիցի գեգերիլ յընթերցմունս նոյն **Գ**րոց, արդարև այնպիսին զուղիղ ըմբռնումն մտաց և խորհրդոց ընկալեալ կարէ ուսանել զանարատ և զուղիղ վարդապետութիւնս **Ա**ւետարանական և **Ա**ռաքելական ճմարտութեան, և հետևիլ լուսաշաւիղ քարոզութեանց և ողջամխտ մեկնաբանութեանց և շնորհալիր բանից հոգեկիր վարդապետաց սուրբ **Ե**կեղեցոյս, որպէս և **Տ**իմութեոս սիրելի աշակերտն **Պ**ողոսի լըսէր առ 'ի նմանէ, ըստ այնմ, «**Գ**ու զհետ եկիր վարդապետութեան իմոյ, առաջնորդութեան և յօժարութեան հաւատոց: **Ե**ւ թէ՛ «**Հ**աստատուն կաց յոր ուսարդ և հաւատարիմ եղեր, գիտես ուստի ուսար, զի 'ի մանկութենէ զ**Գ**իրս սուրբս գիտես, որ կարող են իմաստուն առնել զքեզ 'ի փրկութիւն 'ի ձեռն հաւատոցն՝ որ 'ի **Ք**րիստոս **Յ**իսուս: **Ա**մենայն **Գ**իրք **Ա**ստուածաշունչք և օգտակարք 'ի վարդապետ



տութիւն են և յանդիմանութիւն և յուղղութիւն և 'ի խրատ արդարութեան, զի կատարեալ իցէ մարդն **Ա**տուծոյ յամենայն գործս բարութեան հաստատեալ, : ք. **Տիմ.** Գ. 10 — 17 : **Ի**սկ եթէ որ ակտացեալ աչօք անհաւատութեան և պղտորեալ սրտիւ և մտօք հոգեկորոյս մնրրութեան և կամակոր մոլութեան հայեսցի 'ի սուրբ **Գի**րս և քննեսցէ զայն՝ ոչ կարէ այնպիսին յատակ, պարզ և յայտնի խելամուտ լինել ճշմարտութեան, և ստանալ զուսումն ուղղափառ վարդապետութեան, այլ միշտ ընդ հակառակն մերժէ զյայտնի ճշմարտութիւնս քարոզեալս 'ի սուրբ **Գի**րս : **Յ**աղագս այսպիսեաց գրեալ է . «**Ո**ր յամենայն ժամ ուսանին, և 'ի գիտութիւն ճշմարտութեան երբէք ոչ հասանեն, այլ որպէս **Յ**անէսն և **Յ**ամրէս հակառակ կացին **Մ**ովսիսի, նոյնպէս և սորա հակառակ կան ճշմարտութեանն . մարդք ասականեալք մտօք, անպիտանք 'ի հաւատս : **Այլ** ոչ երբէք գայցեն յառաջ 'ի լաւ անգըր, քանզի անմտութիւն սոցա յայտնի լիցի ամենեցուն որպէս և նոցայն իսկ եղև :—(ք. **Տիմ.** Գ. 7—9 :

**Ե**ւ արդ՝ որովհետև այն ամենայն չնորհանորոգ բանք սրբազան **Առաքելայն** բացայայտ ծանօթութիւնս կտուն մտաց մերոց, թէ 'ի սուրբ **Գի**րս գերազանցապէս փայլեալ երևին **Ա**տուածատուր զանազան չնորհաց փառաղարդութիւնք 'ի յախտենից սլատրաստեալք և ձրիապէս սլորգլեեալք աղգի մարդ-



կան 'ի ձեռն Տեառն մերոյ և Փրկչին Յիսուսի Քրիստոսի, վասն որոյ և իմ անհամբեր գտեալ այն ամենայն բարութեանց Աստուածային շնորհաց՝ հոգեւանդն փախազանօք փութացայ զայս Գրքոյկ առանց վհատութեան հոգւոյ շարահիւսել: Եւ թէ պէտ՝ առ առաջինն հայեցեալ յիմն անբուականութիւն՝ տկար ըստ ամենայնի առ 'ի բանս գտի ըզլիզու իմ, նա մանաւանդ յԱստուածային բանիցն քարոզութիւն անլեհեր հոգւով խորամուխ լինել տրկարամիտ անձին խնամ անտեղի իսկ էր, այլ յաւէտ քաջալերեալ յորդորեցայ, մինչ առ խրախուսական Աստուածային բանիցն տպաւորութիւն դարձուցի զբովանդակ ուշ մտաց իմոց՝ որ առ Պօղոսն վերաբարդիւր թէ՛ «Շատ են քեզ շնորհք իմ, զի զօրութիւն իմ 'ի տկարութեան կատարի,»: Բ. Աորն. Ժբ. 9: Աւտի և նոյն Առաքեալն ինքնին խոստովան լինէր թէ՛ «Հոգին 'ի թիկունս հասանէ տկարութեան մերում: Հռովմ. ը. 26:—Եւ ընդ այսոցիկ զօրացուցիչ բանից յիշեցի նաև զհոգեխրախոյան բան սրբոյն Գրիգորի Նարեկացւոյ թէ՛ «Եւ զի ոչ է քո տկարութիւն՝ որ զօրութիւնդ ես ամենայնի, առ որ բանն քո միայն ազգեալ՝ զլրութիւն գործոցն զլիսաւորէ,»: Նարեկ. խթ:

Ասլա աստանօր ըստ սեպուհ սրբազան սարտաւորութեան խնում և ես համարձակիմ սիրայորդոր և Աստուածահաճոյ աղաչանս մասուցանել առ իմ սիրելի հոգեսէր ազգն Հայոց, կալ արթուն մը-

տօրք և ճանաչել զմուրեւոյս և զհերձեալս , և ամենայն զգուշութեամբ հեռանալ 'ի կորստական բանից և 'ի դործոց նոցին : Որպէս և 'ի սոյն ձայնակից լինի մեզ սրբազան Առաքեալն Պօղոս ասելով .  
 « Առաջեմ գձեզ եղբայրք՝ գիտել զայնպիսիան , որք հերձուածս և դայթակղութիւնս առնիցեն արտաքոյ վարդապետութեան , զոր դուք ուսարուք , և խորչեցարուք 'ի նոցանէ : Չի այնպիսիքն Տեառն մերոյ Քրիստոսի ոչ ծառայեն , այլ խրեանց որովայնի , և բազցրաբանութեամբ և օրհնութեամբ պատրեն ըզսիրտս անմեղաց , : Հռովմ. Ժդ . 47 . 48 :

Ապօքէն այլ մի բնաւ անխոյժ առնիցէ սիրելի Ազգն մեր զհոգեխրատ ազգաբարութեամբ սրբազան Առաքելոյն Պետրոսի եթէ՝ « Լինէլին և սուտ մարգարէք 'ի ժողովրդեանն՝ որպէս և այժմ 'ի ձեզ լինիցին սուտ վարդապետք , որք սարգեալ մուծանեն զհերձուածս կորստեան , և զորս Տէրն գնեաց՝ դնոսա ուրացեալ ածեն 'ի վերայ անձանց զարագահասն կորուստ : Եւ բազումք անկեալ երթիցեն ըզհետնոցս անառակութեանցն , վասն որոյ ճշմարտութեանն ճանասարհ հայհոյիցի , : ք . Պետր ք . 4-2 :

Յիշեցուցանեմ զարձեալ ընդ սմին նաև զԱստուածաբան Աւետարանչին Յովհաննու զկարեւորագոյն ճշմարիտ քարոզութիւն , թէ՝ « Ամենայն՝ որ յանցանէ և ոչ կոյ 'ի վարդապետութեանն Քրիստոսի , զԱստուած ոչ ճանաչէ , որ կոյ 'ի վարդա-

պետութեանն՝ նա՛ և զՈրդի և զՀայր ընդունի: Եթէ որ՝ գայցէ առ ձեզ, և զվարդապետութիւնս զայս ոչ ունիցի, մի ընդունիցիք զնա՛ ՚ի տուն, և մի ողջոյն տայցէ.ք նմա,, : ք. Յովհ. 9. 10 :

Ըստ այսոցիկ ճշմարտութեանց առաջնորդն և հետևողն հաւատոյ սուրբ Գրիգոր Լուսաւորիչն մեր ՚ի յուշ ածէ մեզ լուսաւոր վարդապետութեամբ իւրով՝ յասելն, «Որպէս արեգակնս այս՝ որ լուսաւորէ զերկիր և որ ՚ի սմա արարածք, որք երևելիք են ՚ի ծովու և ՚ի ցամաքի, այսպէս և հաւատոյ ճշմարտութիւն և սրբութիւն լուսաւորէ զմիտս ցանկացողացն Աստուծոյ, իւ անձնիշխանական կամօք երկնաւորք և երկրաւորք, մարդիկ և հրեշտակք ճշմարտութեամբ վարդապետք եղեն ՚ի շորհաց սուրբ Հոգւոյն ստոյգ գիտութեամբ ըստ արդարութեան օրինաց, և այսպէս առաջնորդեալ լուսով Երրորդութեանն ստոյգ սլատմութեամբ արարչական էութեան՝ լցին զերկինս և զերկիր ճառագայթիւք որպէս Արեգականն լոյս ՚ի կեանս և ՚ի փառս երկնաւորաց և երկրաւորաց,, Յաճախապատում.ք. ճառ.:

Ապա յետ այսր ամենայնի զաղօթս առ Աստուած յերկինս մատուցանեմ, զի ճշմարտութիւնն յախտեանական՝ նկարագիրն փառաց Հօր՝ և լոյսն շորհաց՝ Տէրն և Փրկիչն մեր Յիսուս Քրիստոս, արժանահայց խնկելի մաղթանօք սրբոյ Հօրն մերոյ Գրիգորի Լուսաւորչի անշարժ և հաստատուն պահեսցէ զառաքելական Եկեղեցի մեր հանդերձ ջեր-

մեռանդ և մեծահաւատ ուխտիք իւրովք յուղղափառ վարդապետութեան և 'ի ճշմարտութիւնս հաւատոյ, յուսոյ և սիրոյ . որով և միշտ փառաւորենցի 'ի մեզ երկրպագելի անուն սրբոյ **Յրրորդութեանն՝** այժմ և յաւիտեանս :—

**Ե**ւ ես նուիրելով զայս գուցնաբեայ գրաւոր աշխատութիւն իմ համօրէն սիրելի **Ս. զգիս՝**

**Մնամ աղօթարար**

**Մատթէոս Կաթուղիկոս ամենայն Հայոց :**

Ի 11 Գեկտեմբերի 1860 ամի.

Ի սուրբ Աթոռն Էջմիածին :





890

ՊՐԱԿ. Ա.

Աստուածաշունչ սուրբ Գիրքն է Հայեկի Աստուածային բաղմապատիկ շնորհաց :

Վայելուչ և խորհրդաւոր դատեցաւ Աստուածարանն Գրիգոր զԱստուածաշունչ սուրբ Գիրս անուանել ամենամաքուր պարզ Հայեկի Աստուածային զանազան շնորհաց՝ յասելն՝ «Զինչ առաւել յայտարար առաջի աչաց մերոց մտաց, իբրև զջինջ հայեկի բացածանուցիչ զբաղմատեսակ շնորհս Աստուծոյ մարդասիրութեանն քան զտեսութիւնս Աստուածաշունչ սուրբ Գրոց» : 'ի ձառի Շնորհաց :—

Այս այս ամենամաքուր պայծառ Հայեկես յինքեան ըսքանչելի իմն երևեցուցանէ զբաղմատեսակ Աստուածային շնորհաց զարմանալի տեսութիւնս, և որոշ որոշ սայ ծանօթութիւն զպէսպէս շնորհաց Աստուածային բաղմախնամ մարդասիրութեանն . բայց կարևոր է գիտել, թէ ո՞ր կարող իցէ վայելչակերպ նկատել և արժանապէս տեսանել և սպաս մարթանայ զանձնել յանձին իւրում զհոգեզարդ պերճութիւնս Աստուածային առատապէղ շնորհաց :

Պ.ՈՒՍ. Ա.

Ճշմարիտ հաւատք արժանաւորս կացուցանեն զմտք Աստուածային երկնաձիր շնորհաց :

Առ այս նախ՝ յոյժ կարևորագոյն է ունիլ յաչս մտոյ ամբիժ հաւատոյ ճշմարտութեան զանազոտ լոյսն, որով յաւէտ փարատին յաչաց հոգւոյն թանձրամամ խաւար մոլորապատիր անհաւատութեան և պէսպէս թիւր և մոլոր

խորհրդոց շիտթութիւնք : Ահա՛ զայս իմանալի լոյս հաւա-  
տոյ խնդրէր մարդարէն Գաւթթ յԱստուծոյ, և վարդապետեալ  
մեզ ջանասիրելով աղաղակէր. « Լոյս տուր Տէ՛ր աչաց խնց,  
զի մի՛ երբէք ննջեցից 'ի մահ : Սաղմ. Ժբ. 4 :

Ապա ուղղափառ սուրբ հաւատք մեր զմեզ մերձաւոր  
Աստուածային զանազան երկնածիր շնորհաց և սարգեաց կա-  
ցուցանեն, և բարերար խնամոցն մարդասիրութեան և հայ-  
րական բազմապատիկ գթութեան սարգեացն արժանաւորեն  
զանձինս մեր՝ Աստուածային շնորհաց, և զանեղական զօրու-  
թիւնս փառաց՝ յանդիման տեսութեան մտաց հոգւոյ առ-  
զինն. առ այս վկայէ ինձ սրբազան Առաքեալն Պօղոս՝ յա-  
սեւն, թէ՛ « ԶԴ՞նչ են հաւատք, եթէ ոչ յուսողեցոց իրաց հաս-  
տատութիւն, և յանդիմանութիւն՝ որոց ոչն երեւին : Հաւա-  
տովք իմանալք հաստատեալ զյաւիտեանն բանիւ Աստուծոյ,  
յաներևութից զերեւելիսս եղևալ. առանց որոց անհնար է հա-  
ծոյ լինել Աստուծոյ, այլ հաւատալ արժան է այնմ՝ որ մեր-  
ձենայ առ Աստուած՝ թէ է Աստուած, և որ խնդրեն զնա՝  
լինի սարգեատու : Եբբ. Ժա. 1. 5. 6 :

Տեսանե՛ս, զի ուղղափառ հաւատք մեր Աստուածային  
շնորհաց և բազմապատիկ բարերարութեանցն զմեզ մերձա-  
ւորս և հազորդս կացուցանեն : Ահա՛ զայս ճշմարիտ և զա-  
ռաջին զլիաւոր կարեորութիւն փութոյ և ջանից առ 'ի  
ստանալ յԱստուածային խնամոց զշնորհաց բարեմասնութիւնս  
բացայայտ աւետարանեաց մեզ Յիսուս Քրիստոս փրկիչն մեր  
'ի բազում տեղիս 'ի սքանչելագործութեան իւրում. զի յա-  
ղաղակելն երկուց կուրաց և 'ի խնդրելն զլոյս աչաց իւրեանց,  
հրամայեաց նոցա ցուցանել զսրտից իւրեանց զհաւատոցն  
հանդէս, որպէս պատմէ սրբազան Աւետարանիչն Մատթէոս.  
« Եւ մինչդեռ անցանէր ընդ այն Յիսուս, զհետ եղեն նմա  
կոյրք երկու, աղաղակէին և ասէին, ողորմեաց մեզ՝ որդի  
Գաւթի : Եւ իբրև եկն 'ի տուն, մատեան առ նա կոյրքն.

և ասէ ցնոսա Յիսուս, հաւատայք, եթէ կարող եմ առնել ձեզ զայդ, ասնն ցնա, այն՝ Տէր : Յայնժամ մերձեցաւ յաչս նոցա, և ասէ. ըստ հաւատոց ձերոց եղիցի՝ ձեզ, և բացան աչք նոցա : Մատթ. Թ. 27—50 :

Յովհանն Ծործորեցի սուրբ վարդապետն մեր 'ի մեկնութեան այս բանի ասէ. «Ուր երկու կոյրք աղաղակէին զՏէրն ողորմել ինքեանց և ասաց, հաւատայք՝ եթէ կարող եմ առնել ձեզ զայդ, հարցմամբս աղաչանայ մնայ, և ապա բժշկէ, և թէ՛ բացան աչք նոցա ոչ միայն մարմնոցն հրձուել 'ի լոյս զգալեացս, այլ և մտացն ցնծալ 'ի լոյս իմանալեացն» :

Ապա յայանի երևի թէ՛ առ 'ի լուսաւորել զգրայլէ աչաց նոցա զլուսաւորութիւն նախ ինդրեաց զիմանալի աչաց նոցա զլուսաւորութիւն, որ լինի հաւատով, զի ըստ Ասկերերանին «ձշմարտութիւնն հաւատոյ լոյս է մտաց տեսութեան՝ որով ծանաչեմք զաներևոյթ զօրութիւնս և զքարերարութիւնս Աստուծոյ» : Առ այս բան վկայութիւն բերէ զհոգեշունչ խրբաստ սրբազան Առաքելոյն Պօղոսի, թէ՛ «Ամենայն ինչ յանդիմանեալ 'ի լուսոյ՝ յայանի լինի, զի ամենայն ինչ՝ որ յայանի է, լոյս է» : Վասն որչ և ասէ, «Արի որ ննջեօզ, և կանգնեաց 'ի մեռելոց, և լուսատու լիցի քեզ Քրիստոս» : Եփեսաց. և. 15 14 :

Աստանօր 'ի հաստատութիւն բանից իմոց յիշեցից զլուսաշաւիղ վարդապետութիւնս նախահայրապետին մերոյ՝ սրբոյ հօրն Քրիզոստի Լուսաւորչին, որ 'ի բանս հաւատոյ քարոզեալ ուսոյց մեզ այսպէս. «ձշմարտութիւնն հաւատոյ լոյս է աչոց մտացն շարժմանց, խորհրդոցն յիշատակաց, զպեցեալ զլոյսն գիտութեան և իմաստութեան շնորհաց սուրբ Հոգւոյն, որ զառաջնորդական զմիտն լուսաւորէ. և Քրովք սրբովք յանդիման կացուցանէ զաներևոյթսն՝ իբրև 'ի տեսիլ աչաց՝ արեգականն լոյս, զի այն լոյս և սոյսպէս երևութանայ Աստուածային տէրութեանն մեծութեանն անքննին, որ աննման և անհամեմատ է, անդատում և անսահման, անհաս և ամբաւ յառ»

բարածոց՝ այլ ճանաչի աներկբայ հաւատով այնմ, որ 'ի նեղութեան և յանդորու զօրացեալ հաւատով որ 'ի սուրբ երբորդութիւնն, կայ և մնայ անսասանելի առ մտրտակիցն հաւատոյ : ձառ. 9 :

Յիշեցի առ սմին բան հողերուդիս և հրեշտակակիծն սուրբ, վարդապետին մերոյ Յրիշորի Նարեկացւոյ, որ յարժանաւայել զբուստս հաւատոյ ուղղափառութեան գրէ այսպէս. «Իսկ ըզխրախոյս տէրունի պաշտելի բանին յիշեալ առ սմին, զի ամենայն ինչ հնարաւոր է այնմ՝ որ հաւատայն, է զի ևս չափն ընտրականաց բարեմասնութեան Աստուծոյ հաճելեացն զննեալ աստանօր, զայս պատկեր բանի ընկալաք նախնի գահերէց առ 'ի սրբութեանցն մուտ սովմբ հանդերձել, առանց որոյ և ոչ Տէրն փառաց զխրսն առ մեզ հրաշագործեաց զօրութիւնս, եթէ ոչ նախ լծակից խնդրեաց բարերարութեան իւրոյ զհաւատն մեր, ուստի և ընձեռել զօրէ ինքնիշխան բաւականութեամբ առ ընթեր գոյով Աստուծոյ, քանչի հաւատօք քո կեցողցին զքեզ՝ օրհնարանեալն բերան վկայեաց, քանզի արդարև սեռն տեսութիւն և կատարեալ իմաստութիւն, և առ Աստուած ընտանութիւն, և բարձրելոյն ծանօթութիւն՝ հաւատոյ մասն, երջանիկ և ընտրեալ անուն, որ յարածղեալ մնայ անվթար և անփակելի՝ պատուակից զոյով սիրոյ և յուսոյ : Եւ թէ, ըստ որում հարցեալ Փրկչին ամենից՝ ցումնս ախտացեալս տեսանելիօք, հաւատայք՝ ասելով առ այդ՝ թէ կարող եմ առնել ձեզ զայդ, ոչ պարզեւեաց աչաց նոցա լոյս, եթէ ոչ նախ զհաւատոյն զբու ընկալուս : Նարեկ. Ժ. Ժա :

Տեսնը՝ որչափ կարևորաշոյն է հոգւոյ աչաց մերոց՝ սքանչելի և անաղօտ լոյսն ճշմարիտ մերս ուղղափառ հաւատոյ, որ ոչ միայն յանդիման կացուցանէ առաջի մասոյ մերոյ զԱստուածային իմանալի տեսութիւնս ամենակարող զօրութեանն, և զսքանչելի ներգործութիւնս բողբոսատեալ շնորհաց և խնամոյ անքննելի և անձառ. մարդասիրութեանն, այլ և աստ-



ուածային անեղական լուսոյն ճշմարտութեան և ամենացանկալի յաւերժական փառաց Աստուածութեանն հաղորդ և մասնակից առնէ զմեզ :

Եւ զայս մեծ աւետիս սրբազան Աւետարանին Յովհաննէս աւետարանէ մեզ . «Զայս զրեմք ձեզ, զի ձեր ուրախութիւնն կատարեալ լիցի, և այս են աւետիքն՝ զոր լուաք առ ՚ի նմանէ, և պատմեմք ձեզ, զի Աստուած լոյս է, և խաւար ՚ի նմա չիք և ոչ մի, եթէ ասիցեմք, թէ հաղորդութիւն ունիմք ընդ նմա, և ՚ի խաւարի շրջիցիմք, ստեմք և ոչ առնեմք զձրշմալտութիւն, իսկ եթէ ընդ լոյս զնայցեմք՝ որպէս և նա լոյս է, հաղորդութիւն ունիմք ընդ միմեանս : ա . Յովհ . ա . 4—7 :

Արժան է աստ հարցանել և քաջ իսկ վերահասու լինիլ արդ՝ ո՞ սրբազան Աւետարանիչ Սիոնի՛ ուստի՞ ունիցիս հաստատութիւն սքանչելի վարդապետութեանդ, կարէ ասել, զայս անժխտելի ճշմարտութիւն հոգեշահ բանից, զայս անվրէպ ստուգութիւն աւետալուր ևս իսկ լուայ ՚ի ճշմարտ վարդապետէն յերկնաւոր ուսուցչէն իմմէ ՚ի Յիսուսէ Քրիստոսէ, զոր նոյն ինքն աւետարանեաց՝ յասելն . «Ն՛ս ևմ լոյս աշխարհի, որ զայ զկնի իմ, ընդ խաւար մի՛ գնացէ, այլ ընկալցի զլոյսն կենաց : Յովհ . ը . 12 :—

Աստանօր ընթերցիր զուրբ վարդապետին մերոյ Սարգսի Ենորհալեոյ զարմանալի խորհրդածութիւնս, «Համակ լոյս է, և միշտ նոյնպէս ունի լոյս, ոչ որպէս ստորինս լոյս, այլ միշտ միջօրեայ պայծառացեալ, ոչ զիշեր աղօտացուցանէ զնա, և ոչ միջօրեայն քոյքայէ զճառագայթսնորա . արդարև ստուգապէս աւետիք և բիւրասպատիկ խնդութեան պատճառք, որ այնպիսի Աստուած ունիմք՝ որ ճառ նորա բորձր է քան զամենայն միտս, և լոյս նորա գերազանց է քան զամենայն բան . և զի ինքն լոյս է բնութեամբ, և ՚ի լուսոյ անտի սկիզբն արարչադործութեան իւրոյ արար, և զի զոր օրինակ չգոյ ՚ի նմա մասն



խաւարի նմանապէս և ոչ յարարածս իւր ըստ բնութեան, այլ եկամուտ 'ի մեղաց անտի ունիմք զխաւարն, որ եկն լոյս ճշմարիտ, և լուսաւորեաց զմեզ, և հաղորդս արար լուսաւորութեան իւրոյ և Աստուածութեան: Սարգիս Ճնորհալ, Մկնկ. Կաթ. տխլ Կ. պոյոյ՝ երես 637 :

Ապա բարեմի'տ ընթերցող՝ պարտաւոր եմք ընդ այսր ոչ միայն լինել շնորհակալ պարզեողին այսր անաղօտ լուսոյ շնորհաց և փառաց, այլև մաղթել մաղթեսցուք 'ի Տեառնէ մերմէ Յիսուսէ Քրիստոսէ, որպէս զի այսու լուսով հաւատոյ ճշմարտութեան լուսաւոր պահեսցէ, զաչս մտաց մերոյ, զի մի' խաւար մոլորութեան կամ մոլութեան տիրեսցէ մեզ, յաղագս որոյ Հայաստանեայց ուղղափառ սուրբ Եկեղեցի առնէ զայս աղօթս մշանջնաւորս միաբան ուխտալք. Եկեալքս ամենեքեան 'ի սուրբ Կաթուղիէ և յԱռաքելական Եկեղեցի՝ ազաւեսցուք զՄիածին Որդին Աստուծոյ՝ զՏէրն մեր և զՓրկիչն Յիսուս Քրիստոս, որ էջ փառօք չօր 'ի մեջ հնոցին, և փրկեաց զերխ մանկունան 'ի Քաղղէացւոց անտի, լուսաւոր և սուրբ պահեսցէ զմիաս մեր, զի մի' երբէք խաբկցուք մեք ի մեղաց և 'ի ցանկութենէ աշխարհի, այլ արժանի եղիցուք պահել զպատուիրանս նորա՝ առնուլ զպսակն լուսոյ և կենաց յանձինս մեր, զոր խոստացաւ սիրելեաց իւրոց ճշմարիտն Աստուած Յիսուս Քրիստոս աէր մեր: :

Ապաքէն մի' մերժեսցուք կամ խափանեսցուք զլոյսն ճշմարիտ հաւատոյ՝ զոր խոստացեալ ունիմք 'ի շնորհացն Աստուծոյ, և պարզեալ 'ի բազմախնամ մարդասիրութենէ անտի, մի' ի վերայ մեր եկեալ տիրեսցեն մոլորեցուցիչ չարաչար թելադրութիւնք սատանայի և մեղսաշաղախ խաբէութիւնք և ցանկութիւնք աշխարհի, քանզի մինչդեռ ունիմք զայս լուսաւորութիւն 'ի հողիս մեր՝ ոչ երբէք աղղէ չարահար ներգործութիւն բանսարկուին, այլ միշտ յաղթահարեալ 'ի զօ-

բութենէ Գրիստոսական շնորհաց լուսաճաճանչ սուրբ հաւատոյն մերոյ՝ ամօթապարտ հեռանայ 'ի մէնջ :—

Ահա՛ զայս ամենայն հաստատէ իւրով իսկ վկայութեամբ երանելի և սրբազան Աւետարանինն Յովհաննէս . Եղուք յԱստուծոյ էք որդեակք, և յաղթեցէք նոցա, զի մեծ է՝ որ 'ի ձեզ է, քան զայն՝ որ յաշխարհին է : Զի ամենայն որ յԱստուծոյ է ծնեալ, յաղթէ աշխարհի, հաւատքն մեր . ա . Յովհ . Գ . 4 : Ե . 4 :

Յիշեսցուք աստանօր զհոգեբուղիս վարդապետութիւնս երանելոյն Խոսրովու Անձեացեաց Եղիսիօզոսի, զոր գրէ 'ի խրատոյս մեր ամենեցուն . « Ամենայն նեաք հրեղէնք սատանայի՛ խաւարելոյն ազիւն, իսկ լուսաւորելոյն մտօք՝ անզօրք են ըստ Սաղմատոյլն . « Ա՛չ երկիցես յերկիւղէ գիշերի, և ո՛չ 'ի նեաէ որ թռչի 'ի տուէ : Քանզի թէ արեգակն արդարութեան ծագեալ՝ տիւ առնէ, քոց մտացդ, աներկիւղ մնացես յամենայն նեաից, զի այն իր 'ի խաւարի շրջի, յորժամ խաւարաւ դիւին գայթակղին, և յաւուր հասարակի լոյս զխաւարն զայն կարծեն զփախիւթիւն աշխարհիս և զցանկութիւն մեղաց, այնր աղագաւ խրատէ խնդրել զլոյսն Աստուածային և զսրբութիւն և զյատկութիւն մտաց, զի մի՛ իրբև լուսով խարխոցօք 'ի մեղաց և 'ի ցանկութենէ աշխարհիս . Եւրեցին, ասէ, զաղեղունս իւրեանց յիրս դառնութեան՝ ձգել ընդ գաղանիս այնոցիկ, որք ուղիղ են սրտիւք, յանկարծակի ձգեսցին 'ի նոսա . զի զիրս դառնութեան և զխաւարի իրբև զքաղցու և զուսոյ ինչ գան ձգել արկանել 'ի սիրոն, այլ ուղիղքն սրտիւք ո՛չ երկիցեն՝ թէ յանկարծ և յանդէտս ձգի, քանզի լոյսն՝ որ յուղիղ սրտին է, չտայ խարել, այլ ծանուցանէ զդառնն՝ դառն, և զխաւարն խաւար, և անպատիր մնացեալ լինի : Խոսրով, 'ի Մեկն . Ժա . մազր . երես . 157 :

ԳԼՈՒԽ Բ.

Աստուածային շնորհացն լոյս յստակէ զխիղճ մտաց՝ ընդ նշմարիտ  
հաւատոյն ունիլ եւ զառաքինական բարեմասնութիւնս :

Երկրորդապէս կարեւոր եւ պարտ իսկ է մեզ զպէս խղճի  
մտաց մերոց արթուն պահել առաքինական եւ Աստուածահա-  
ճոյ գործովք, զի մի՛ շիջցի լսպտեր հոգւոց մերոց 'ի լուսոյ  
ճշմարիտ հաւատոյն՝ պակասեալ 'ի յիւզոյ բարեգործութեան  
եւ սրբութեան վարուց ըստ Ոսկերերանին 'ի Մեկնութեան ա-  
ռակի յիմար Կուսանաց : Մատթ. խ. 5 : Եւ զնոյն վարդա-  
պետէ մեզ չափաբերական ոճիւ նաև Շնորհալի սուրբ Ներ-  
սէս Հայրապետն մեր :

Էջիմաստնացայ ես յերկոսին,  
Ըստ իմաստնոց կուսից հնգին.  
Զի ըստ զիւրաղինն ընդ զժուարին,  
Ո՛չ ստացայ ես զքարին.  
Այլ յիմարաց եղէ յետին,  
Ո՛չ պահելով իւղ լապտերին.  
Ընդ կուսութեան զողորմութիւն,  
Եւ կամ՝ զօծու մն Աւազանին :  
Որք 'ի գիշերն անգործ վերջին,  
Ինձ արծաթով ո՛չ վաճառին.  
Որով եւ զբունք Հարսնարանին  
Հեզգացելոյս ընդդէմ փակին : :

(Յիսուս Որդի. երես. 128) :

Ապաքէն զոր օրինակ հուր կամ ճրագ վառեալ՝ այո՛ կա-  
րեն շիջանիլ հակառակօքն՝ ջրով եւ հողմով եւ կամ արծարծ իչ  
նիւթոցն պակասմամբ՝ այսինքն փայտի կամ այլ ինչ նիւթոյ.  
սմին նման սուրբ Հոգւոյն Աստուծոյ հաճոյարար շնորհաց եւ  
զանազան պարզեաց գերբնական լուսաւորութիւնք որ 'ի միտս

և 'ի հոգիս մեր, յիրաւի ունին շիջանիլ կամ խափանիլ, յոր-  
ժամ հակառակ այսց ներքին ներդործութեանց շնորհացն  
հեռեկելով չարաչար վարուց մերոց և պէսպէս մոլութեանց և  
մոլորութեանց, և յաւէտ արհամարհելով և մերժելով զհո-  
ղեշունչ լուսաշաւիղ բանս և զաւանդութիւնս սուրբ Գրոց,  
և ոչ երբէք զգուշանալով 'ի հոգեկորոյս և 'ի մտախար թեւա-  
զրութեանց բանսարկուին, չմերժելով 'ի խորհրդոց մտաց մե-  
րոց զչարօրինակ դաղափարս, և չխորշելով 'ի չարախտավատ  
գործոց մերոց՝ չզանձեսցուք 'ի միտս մեր զխորհուրդ առաքի-  
նական բարեմասնութեանց, և չհեռեկեսցուք Աստուածահա-  
ճոյ բարեգործութեանց : Ապա այսոքիւք յանցուածովք մեք  
մեղէն հնարեմք շիջուցանել և չարծարծել 'ի մեզ զսուրբ  
Հոգւոյն շնորհացն զլոյս, որոյ յաղագս 'ի յաւէտ զգուշութիւն  
առ Եկեղեցին թեսաղոնիկեցւոց գրէր երանելին Պօղոս : « Զհո-  
գին մի՛ շիջուցանէք, զմարդարէութիւնս մի՛ արհամարհէք,  
զամենայն ինչ փորձեցէք, զբարին ընկալարուք, յամենայն ի-  
րաց չարաց 'ի բաց կացէք, և ինքն Աստուած խաղաղութեան  
սուրբս արասցէ զձեզ համօրէնս, և բովանդակ ձեր ոգի և շունչ,  
և մարմին՝ անարատ 'ի դալուստ Տեառն մերոյ Յիսուսի Քրիստոսի  
պահեսցի » : ա. Թեսաղ. ե. 19 :

Տեսե՛ր, բարեմիտ ընթերցող, թէ ո՞րչափ հարկաւոր է հոգ-  
ւոց մերոց արթնութիւն խղճի մտաց, և կարի մտադիր զգուշու-  
թիւն խորհրդոց, բանից և գործոց մերոց, զի մի՛ անկանխիմք ընդ  
կորստապատիր իշխանութեամբ խաւարասէր այսոյն չարու-  
թեան : Զայս պատուէր հոգեկեցոյց զգուշութեան աւետա-  
րանեաց մեզ երկնաւոր Վարդապետն մեր և կենարար Քրիիչն  
աշխարհի Յիսուս Քրիստոս՝ հրամայելով այսպէս. « Գնացէք  
մինչ գեռ զլոյսն ունիք, զի մի՛ խաւար ձեզ հասցէ, զի որ գը-  
նայ 'ի խաւարի՝ ոչ զիտէ յո՞ երթայ » : Յովհ. Ժբ. 55 :

Զայս Տերունական պատուէր երկրորդելով զեկուցանէ հա-  
ւատացեալոց՝ սուրբ Առաքեալն Պօղոս՝ գրելով այսպէս. « Զի թէ-



պէտ և ևրբեմն էիք խաւար, անդ լոյս էք 'ի Տէր. իբրև զորդիս լուսոյ զնացէք՝ զի ստուղ լուսոյ ամենայն բարութեամբ է, և արդարութեամբ, և ճշմարտութեամբ : Եփեսաց. Ե. Յ. 9 :

Ըստ սմին օրինակի զրէ և սրբազան Առաքեալն Պետրոս՝ 'ի քաջալերութիւն և 'ի յորդոր ճշմարիտ հաւատացելոց, որպէս զի մտադիւր ծանխցեն զՔրիստոսական շնորհաց առատութիւնս, և փութացին բեղմնաւորել զնոյնս յանձինս իւրեանց ներքին համոզմամբ, ուստի ասէ. «Այլ զուք ազգ էք ընտիր, թագաւորութիւն, քահանայութիւն, ազգ սուրբ, ժողովուրդ սեպհական, որպէս զի զձեր առաքինութիւնս նուիրիցէք այնմ՝ որ զձեզ 'ի խաւարէն կոչեաց յիւր սքանչելի լոյսն : Որք երբեմն չժողովուրդ՝ բայց արդ ժողովուրդ Աստուծոյ, որք չողորմեալք, այժմ՝ զողորմութիւն գտիք » : Կ. Պետր. բ. 9. 10 :

Յաւետարանական և յառաքելական անժխտելի բանից աստի գանձեալ՝ շնորհաբուլիս վարդապետութեամբ իւրով քարոզեաց մեզ առաքելապատիւ Նախահայրապետան մեր սուրբն Գրիգոր Լուսաւորիչ՝ այսպէս. «Վասն այսորիկ պիտոյ է յոյժ զզուշութիւն պահելով զլսելիս և զմիտս յայնպիսեաց անտի մնասուց, և խորհելով յօրէնս Տեառն 'ի տուէ և 'ի զիշերի, որ փրկութեամբ լի է և կենօք, զի մարդս մտաւոր և բանաւոր՝ շնորհիւ Աստուծոյ անշարժ կացցէ 'ի լաւութեան մտերիմ հաւատով և անարատ վարուք՝ փոխիլ 'ի մնասակարէն 'ի լաւն, և արժանաւոր լինել հոգևոր առողջութեան և ամբիժ սրբութեան՝ երախտեօք ճշարիտ սիրոյն Աստուծոյ, և ընդունել զշնորհս առաքելութեան, մարդարէութեան, վարդապետութեան, քահանայութեան՝ հաւանական կամօք, և լուսաւորել զամենայն խորհուրդս մտաց՝ լուսով զիտութեան, և արժանաւոր և երախտաւոր վարուք հասանել 'ի նաւահանգիստն կենաց : Զի մարդս յաղագս անձնիշխանութեան ունի զօրութիւն կալ 'ի մտերմութեան սուրբ սիրոյն 'ի Տէր, 'ի հնազանդութիւն հո-



զևոր օրինացն ունի և 'ի բարեացն' 'ի վայր կործանիլ 'ի խորս չարևաց, և զանարդանաց անուն ժառանգել, և զամբարշտութեան զանօրէն և զպիղծ, սոյնպէս և երկինս որ զօրութեանցն է իշխանական կալ կամօք 'ի հրամանի Արարչին և ստունդանել Տեառն, որպէս իմանալի է և հոգեղինացն կալ մնալ 'ի սէրն Աստուծոյ և 'ի միշտ և յանդադար փառաբանութեան Արարչին իւրեանց, իսկ ապստամբն 'ի նոցունց ասի սատանայ, և որք ընդ նովաւ՝ այսք պիղծք և չար դեք անուանին, այսպէս յանուանէ ունին զհետեւմունս բարւոյն, չարին, յայտնեն մեզ զլաւն և զանարգն, զի իւրաքանչիւրոցն ծանուցեալ զպատիւ և զանարգանս, զհետ եբթ իցուք բարեաց և ատեսցուք զչարն, զի լուսցուք զքարբառն երանելին՝ որ ասէ: «Ա՛ղինւ Տառայ բարի և հաւատարիմ՝ որովհետեւ 'ի սակաւուդ հաւատարիմ եղեր, 'ի վերայ բազմաց կացուցից զքեզ, մո՛ւտ յուրախութիւն Տեառն քո»: Յաճախապատում, ճառ. Գ:

Ապաքէն աստանօր պարտաւորիմք միայն զոյս մեր կենդանի հաւատով և կատարեալ սիրով հոստապինդ ունիլ 'ի փրկարար և յամենակարող զօրութիւն կենսատու Փրկչին մերոյ Յիսուսի Քրիստոսի՝ աղօթակից լինելով ընդ հրեշտակահրօն վարդապետին մերոյ սրբոյն Գրիգորի Նարեկացւոյ 'ի խորոց սրտէ մաղթելով և ազաղակելով առ նորին ամենողորմ մարդասիրական զթուլթիւնն՝ թէ: «Աստուած յաւիտենական բարերար և ամենակալ՝ ստեղծիչ լուսոյ և յօրինիչ զիշերոյ, կեանք 'իմահու, և լոյս 'ի խաւարի, յոյս ակնունողաց և երկայնմտութիւն տարակուսելոց, որ ամենարուեստ իմաստութեամբքով դարձուցանես յայդ զստուերս մահու, աննուազ ծագումն և անմուտ արեգակն, քանզի ոչ զօրէ ծածկել զփառս տէրութեան քո խաւար զիշերոյ, որում կրկնի ծունր երկրպագութեան ամենայն եղելոց երկնաւորաց և երկրաւորաց և սանդարամետականաց, որ լսես զհեծութիւն կապելոց, և հայխ յաղօթս խոնարհաց և ընդունիս զխնդրուածս նոցա, Աստուած

իմ և թագաւոր իմ, կեանք իմ, և ապաւէն իմ, յոյս իմ և վստահութիւն իմ, Յիսուս Քրիստոս Աստուածդ ամենայնի, սուրբդ հանգուցեալ 'ի հոգիս սրբոց, մխիթարութիւն վշտաց, և քաւարան մեղուցեւոց, որ զիտես զամենայն յառաջ քան զլինիլ նոցա, առաքեալ զպահպանողական զօրութիւն աջոյ քո, և փրկեալ զիս յերկեզէ գիշերի և 'ի դիւէ չարէ, որպէս զի զյիշատակ սոսկալի և սուրբ քո անուանդ միշտ համբուրեալ շրթամբք հոգւոյ բղձութեան շնչոյ՝ կեցից պահպանեալ ընդ այնոսիկ՝ որք կարգան զքեզ 'ի բոլոր սրտէ : Եւ 'ի գրոշմէ Խաչի քոյոյ 'նշանիդ՝ զոր Աստուածային արեամբք քով ներկեալ նորոգցեր, և 'ի նոյն շնորհ որդեգրութեան զմեզ մկրտեցեր, և 'ի փառս պատկերի քո նկարեալ յօրինեցեր, այսու պարգևօք Աստուածականօք՝ ամաչեցցէ սատանայ, քակտեցին մեքեանայքն, բարձցին որոգայթքն, պարտեցին մարտուցեալքն, պակասեցին զէնքն սայրասուրբ, մերժեցի մէզն, փարատեցի խաւարն, մեկնեցի մառախուղն, բազուկ քո հովանացի և աջ քո կնքեցէ, վասն զի զթած ես և ողորմած, և անուն քո կոչեցեալ է 'ի վերայ ծառայից քոց : Եւ քեզ ընդ շօր Հոգւովդ սրբով փառք և իշխանութիւն յաւիտեանս յաւիտենից. Ամէն : Նարեկ, զգ :

ԳՆԻԻ. Գ.

Հաստք ճշմարիտ 'ի սուրբ Գիրս իրբւ 'ի Հայեւոջ պատկերացուցանէ առաջի մտաց զտեսութիւն երանութեան յաւիտենական փառաց :

Ըստ սրբոյ Ոսկերերանին արդարեւ զԱստուածաշունչ սուրբ Գրոց հին և նոր Ատակարանաց ճշմարիտ և ստուգապատում տեսութիւն բանից՝ արժան իսկ է անուանել Հայելի հոգեւոր, վասն զի զԱստուծոյ ամբաւ և զամենակալ մեծութիւնն, զանեղ և զինքնազոյ երեքանձնեայ միասնական Տէրութիւնն, և զամենակարող զօրութեան սքանչելի ներգործութիւնս առարարածս իւր, և ս և զպէսպէս զմարդասիրական շնորհաց և

ձրիատուր պարգևաց բազմաբաշխ առատաձեռնութիւնս միշտ  
յանդիման կացուցանէ մտաւորական տեսութեան մեր, և մեք  
յիրաւի յորժամ ջերմեռանդն հողով խոնարհութեան շնորհ-  
ընդունակ սրտիւ սրբութեան, և աներկբայ հաւատով ճշմար-  
տութեան ընթեռնումք, և նկատել փութասիրեմք, յայնժամ  
յայտնի տեսանեմք չափաւոր տեսութեամբ մտաւոր իմացա-  
կան զօրութեան մերոյ զԱստուածային ճշմարտութիւնն, և  
զսքանչելի զօրութեան ամենակալ մեծութեան նորա ներգոր-  
ծութիւնս, և զմարդասիրական երկնային շնորհաց և առա-  
տազութիւնամոց յաճախութիւնս : Ապա և մեք ըստ Առա-  
քելոյն Պօղոսի 'ի հողիս մեր ստացեալ զհողենկար շնորհատիպ  
զաղափարս բերկրապատար ցնծութեամբ քարոզեսցուք մի-  
մեանց, եթէ «Եղբարք, այժմ տեսանեմք ընդ հայելի օրի-  
նակաւ, այլ յայնժամ դէմ յանդիման, այժմ խելամուտ եմ  
փոքր 'ի շատէ, այլ յայնժամ զխտացից՝ որպէս և նայն ծանեալ  
զիս» : ա. Կորնթ. ԺԳ. 12 : այսինքն. Եղբարք՝ այժմ յընթացս  
մահականացու կենաց մերոց, յորում գնամք առաջնորդու-  
թեամբ անստուեր լուսոյ ճշմարտութեան ուղղափառ հա-  
ւատոյ, իբրև յամբիծ հայելոյ յԱստուածաշունչ սուրբ  
Գիրս տեսանեմք և ծանաչեմք զԱրարիչն մեր զԱստուած ճշ-  
մարիտ, և զանչափ զերազանց զօրութիւնս, և զամբաւ մե-  
ծութիւնս փառաց և զինքնարուն բարութիւնս նորա, բայց  
այսոքիկ ամենայն անկատար տեսութիւնք համարին, իսկ  
եթէ յորժամ երանութեան հանդերձեալ կենացն՝ արքայու-  
թեան երկնից արժանացուք, յայնժամ տեսցուք կատարե-  
լապէս ամենայնտակ տեսութեամբ զամենացանկալի փառս  
Աստուածութեանն՝ մշտնջենաւորապէս վայելելով 'ի յաւիտե-  
նական կեանս : Զայս ամենայն երանական վայելչութիւնս Աստ-  
ուածային փառաց 'ի յայտ յանդիման տեսութիւն մեր՝ յաւէտ  
ճշմարտագոյնս աւետարանէ մեզ սրբազան Աւետարանիչն Յով-  
հաննէս՝ հոգեշունչ բանիւ իւրով այսպէս. «Սիրելիք՝ այժմ որ-

դիք Աստուծոյ եմք, և չեւ ևս է յայտ՝ եթէ զի՞նչ լինելոց եմք, զիտեմք՝ զի յորժամ նա յայանեցի՛ նման նմա լինելոց եմք զի տեսանելոց եմք զնա՛ որպէս և էն, և ամենայն՝ որ ունի զայս յոյս յանձին՝ սրբէ զանձն իւր, որպէս և նայն սուրբ է : Եւ Յովհան. գ. 2. 5. —

Զի՞նչ քան զայս առաւել անդուգական երանութիւն և անեղբական բերկրութիւն՝ տեսանել զփառս Աստուծոյ գէմ յանդիման յարքայութեան երկնից՝ յաւիտենական զմայլմամբ : Եւ ընդ հակառակն՝ զի՞նչ քան զայն տւելի թշուառութիւն և սոսկալի վիշտ, տանջանք և ողբ մշտաչարչար և արհաւիրք դժոխային՝ ըստ ամենայնի մերժիլ, զբիլլ յաստուածային փառացն՝ յերանաւէտ տեսութենէ անտի : Յայս միտ բաղդատական ձևով ուսուցանէ սուրբ վարդապետն մեր Սարգիս Շնորհաչալի յասելն : Զի՛ք ինչ բարձրագոյն փառք և մեծագոյն երանութիւն կամիլ ումեք, քան զնա իւրական փառօքն լի բովանդակ տեսանել, քանզի այն է արքայութիւնն, այն է վերին քաղաքին և առադաստին հանգիստն, այն է իսկ անճառ բարիքն և անպատում երանութիւնն : Եւ Արդարեւ բիւրապատիկ երանութեան և անեղբական խնդութեան արժանաւորք են, ոյք աչարջութեամբ զտեսիլն զայն տեսանեն և տռանց ամօթոյ և պատկառանաց հային յերանելի երեսն Աստուծոյ : Եւ բիւրապատիկ ողբոց և արտասուաց արժանաւորք են այնքիկ՝ որք յայնմ տեսլենէ զբիլն, քանզի այն է ահազին և անտանելի տանջանք քան զտանջանս զեհնին, և քան զամենայն զառնագոյն տեսակ տանջանաց՝ յերանելի տեսութենէն Քրիստոսի զբիլլ, և յերեսայն Աստուծոյ անկանիլ : ձառ հինգերորդ Յով. ա. թղթոյն :

Արդ մտադիր արթնութեամբ հոգւոյ ունկնդիր լիցուք Աստուածաշունչ սուրբ Գրոց՝ հին և նոր կտակարանաց, հոգեկեցոյց և շնորհապարգե. բանից ըստ հոգեշահ լուսաշաւիղ վարդապետութեան բազմերախտ Հայրապետին մերոյ սրբոյ Հօրն



Գրիգորի լուսաւորչին, որ յերանութիւն Աստուածային փառայ ժառանգութեան յորդորէ զմեզ յասնին. Եփաղարեսցուք 'ի դատարկ և 'ի վայրագար քննութենէ, և զհետ երթիցուք զխրատուց Գրոց սրբոց հնոյս և նորոյս, զի ես եմ՝ ասէ Աստուած, և չիք այլ որ՝ որ պատմէ զիրաւունս, զինովաւ կեամք, շարժիմք և եմք, նմա լուիցուք՝ որ փրկէ զմեզ յամենայն վըսանդից, և փոխէ յարքայութիւն երկնից : Արդ եկայք որդեակք իմ, լուարնք ինձ, և զերկիւղ Տեառն ուսուցանեմ ձեզ, ասէ 'ի Սաղմոսերգութիւնսն, որ կուէ զամենեսան 'ի հնազանդութիւն հոգևոր օրինաց, և զի որ պահէ զպատուիրանս իմ՝ ասէ Տէր, նա է՝ որ սիրէ զիս, և որ սիրէն զիս՝ սիրեսցի 'ի Հօշ : խմէ, և առ նա կկեսցուք, և օթեմանս առ նմա արտացուք : Ո՞րպիսի անձնա սիրով պատուեալ եղաք, արդ՝ մի՛ խոտան դացուք Աստուծոյ, զի մի՛ անկցուք յերանելի կենացն, զոր խոտացաւ սրբոցն. զի արդարքն ժառանգեսցեն զարխն, և մեղաւորքն կրեսցեն զպատիժսն : Որք Հողուով Աստուծոյ վարին՝ ասէ, նոքա են որդիք Աստուծոյ, իսկ որ ըստ մարմնոյն կեան, հաճոյ Աստուծոյ լինիլ ոչ կարեն : Զի հոգևոր վարուք այսու կենօքս՝ վայելացուք յամենայն երկնաւոր բարութիւնսն. որ է ըստ մեծութեան անհամեատ և անկշեա այնր անվաստան կենաց : Յաճախ պատուեմ. ճառ Բ :

Ապաքէն՝ օրչափ և քանի՛ երանելիք են այնօքիկ, որք զգուշանան չանկանիլ յորդայթս մեղաց և չլինիլ որս չարութեան բանսարկուին, և մանաւանդ ազատ կամօք և սրտի մտօք հասին յԱստուածային օրէնս, և 'ի խորհուրդս մտաց իւրեանց զանձնն զնոյնս յաճախ ընթերցմամբ սուրբ Գրոց, և ուսմամբ օրինաց և պատուիրանոցն Աստուծոյ, որով դործս Աստուածահաճոյս առաքինութեան միշտ առնել յօժարին համեմատ օրինացն Աստուծոյ, և կարի զգուշանալ փութասիրեն հեռանալ 'ի մալրեցուցիչ ճանապարհաց անտի ամբարշտուկան գործոց անզեղ և անդարձ մեղաւորաց, ահա՛ քեզ կրկին կատա

րելու թիւն երանութեան, առաջինն՝ մարտը խորհրդոց մտաց  
և վարուց բարոյականութեան, երկրորդ՝ ճանաչելոյ զհրաման  
Աստուածային օրինաց՝ զորս ուսուցանեն սուրբ Գիրքայօսինքն  
է մշտայօժար կամօք ծառայել նոցին, յարդեւ զառաքինու  
թիւնն արդեամբք և ատել զմեղանշական կիրս :

Ահա՛ զայս երանութիւն զովարանէ հոգևնուաք մարդա  
րէն Գաւթի յառաջին երգս Սաղմոսարանին, «Նրանեալ է այր,  
որ ոչ գնաց ՚ի խորհուրդս ամբարշտաց, ՚ի ճանապարհի մե  
ղաւորաց նա ոչ եկաց, և յաթոռս ժանտից ոչ նստաւ : Այլ  
յօրէնս Տեառն են կամք նորա, և յօրէնս նորա խորհեացի նա  
՚ի տուէ և ՚ի գիշերի, և եղեցի նա որպէս ծառ՝ որ տնկեալ է  
՚ի գնացս ջուրոց : Սաղմ. Ա. 1. 2 : Զսոյն համառօտ իմն բովան  
դակէ այլուր : «Երանեալ են ամբիժք ՚ի ճանապարհի, և ոչք զը  
նան յօրէնս Տեառն : Սաղմ. ձԺԹ. 1 :


Տեսաննս օրինապահ և առաքինասէր ընթերցող՝ զի երա  
նութիւնս այս կրկին ունի զլայելութիւնս, մին պահի հա  
տուցանելի ՚ի հանդերձեալ կեանս՝ յայտ յանդիման տեսու  
թեամբ Աստուածային փառաց, և այս իսկ է անժխտելի վճիռ  
կենարարին մերոյ Յիսուսի Քրիստոսի : «Երանի որ քաղցեալ և  
ծարաւի իցեն արչարութեան, զի նոքա յաղեսցին : Երանի  
ողորմածաց, զի նոքա ողորմութիւն գտցեն : Երանի ա՛նու  
ցիկ՝ որք սուրբ են սրտիւք, զի նոքա զԱստուած տեսցեն :  
Մատթ. Ե. 6.—8 : Իսկ միւս երանութիւնն է ստանալ յան  
ձինս մեր զհոգեպարար և զարիացողիչ Հնորհառատ օրհնու  
թիւնս Աստուածայինս, և ահա՛ այտու օրհնութեամբ երեւե  
ցան յաշխարհի աստղասք նահապետաց և Մարգարէից, եր  
ջանիկ սրբոց ընտրելոց, և սրբազան Առաքիւնոց : Առ այս Աստ  
ուածային օրհնութիւնս իրաւամբք պանծայ երանելի առա  
քեալն Պօղոս : «Սրհնեալ է Աստուած և Հայր տեառն մերոյ  
Յիսուսի Քրիստոսի, որ օրհնեաց զմեզ ամենայն հոգևոր օրհ  
նութեամբ յերկնաւորս ՚ի Քրիստոս, որպէս ընտրեաց զմեզ նա՛

վաւ յառաջ քան զլինելն աշխարհիւ լինիլ մեզ սուրբս և ան-  
արատս առաջի նորա սիրով: Եփեսայց. Ա. 5:

Զարդասալիւր բեղմնաւորութիւն այսր երանական և Աստ-  
ուածային օրհնութեան՝ աչօք մարդարէական հոգւոյ տեսեալ  
երջանիկ սուրբ մարդարէն Երեմիա՝ յայանի քարոզէ. «Յրհնեալ  
լիցի մարդն այն՝ որ յուսացաւ ՚ի Տէր, և եղիցի Տէր յոյս նորա,  
և եղիցի որպէս զճառ զուարճացեալ ՚ի զնացս ջուրց, ձղտե-  
ցուցէ զարմատս իւր, և մի՛ երկիցէ, յորժամ հասանիցէ տօթ,  
և եղիցի ստեղն նորա անտառացեալ շուրջ զնովաւ, յամի ե-  
րաշառութեան մի՛ երկիցէ, և մի՛ կասեցի ՚ի տալոյ զպտուղ:»  
Երեմ. Ժ. 7, 8:

Զի՞ է ինչ յուզել հետազօտել և որոնել աստի և անտի ա-  
պացոյցս հաստատութեան բանիցս: Ո՞չ ապաքէն սուրբ վար-  
դապետն մեր Սարգիս շնորհալի՝ աստուածիմաստ մտօք խոր-  
հրդածելով զշնորհարոյս բանից Աստուածաշունչ սուրբ Գրոց՝  
հոգեշարժ և իմաստալից յորդորակն ուղղեալ իսկ է առ մեզ  
զրևով այսօրինակ. «Եւ արդ մեր ստորերկրեայքս փառաւո-  
րեսցուք զՔրիստոս, զի և մեք յաւէտ վայելեմք ՚ի շնորհս նո-  
րա, և զիտութեամբ նորա անճառիցն հաղորդ եղաք, և յար-  
քայութիւն նորա կոչեցաք: Արդ փառաւորեսցուք զնա՝ մի՛  
միայն բանիւք, այլ և զործովք, և մի՛ գրծովք միայն, այլ և  
հաւատովք, և մի՛ հաւատովք միայն՝ այլ և յուսով, և սի-  
րով, և խոնարհութեամբ և հեղութեամբ: Եւ զիս՞ոք այ-  
սու ամենայնիւ փառաւորեմք զնա՝ ասիցէ որ արդիօք, եթէ  
բնթերցուածոց Գրոց միտ զնեմք, և գտաւ ՚ի նոցանէն զշահն  
մեզ ամբարեմք. վասն զի չէ և չէ հնար յօգտակարացն և  
յԱստուածայնոյն և զոր ՚ի փառս Աստուծոյ վեր ելաննն, ըս-  
տանալ առանց Գրոց վարդապետութեան: Սորին վասն և Տէրն  
մեր յորդորէ զմեզ քննել զԳիրս, և զՍաղուկեցիսն կշտամ-  
բեալ յանդիմանէ, որ մոլորեալքն էին, և ոչ զիտէին զԳիրս  
և ոչ զզօրութիւն Աստուծոյ:

Handwritten notes in blue ink on the left margin, including the word "Գրոց" and other illegible characters.



Տեսանենս, զի զօրութիւն Աստուծոյ՝ Գրոց գիտութեամբն ծանուցեալ լինի : Եւ զնոյն ինչն զԱստուած չխարէ որ դիտեալ կամ պաշտել որպէս պարան է՝ առանց Գրոց գիտութեան : Լուր Պօղոսի . « Եթիս դիր՝ ասէ, ընթերցուածոց Գրոց մխիթարութեան . մի՛ անտրոյթ առներ զՇնորհացդ՝ որ ՚ի քեզ են : Եւ դարձեալ թէ . « Համբերութեամբ և մխիթարութեամբ Գրոցն զյայն ընկալցուք, և դարձեալ, Ամենայն Գիրք Աստուածաշունչք և օգտակարք՝ ՚ի խրատ և ՚ի վարդապետութիւն մեզ գրեցան : Եւ Մովսէս հրամայէ խոյալ ՚ի նոսա, ՚ի նատիլ ՚ի տան և ՚ի զնալ ՚ի Ճանապարհի, ՚ի ննջիլ և ՚ի յառնել և գրեալ բզնոսա՝ ասէ, ՚ի վերայ սեմոց տանց քոց և ՚ի դրունս քո, և և՛ զիցի անշարժ առաջի աչոց քոց : Եւ Գաւիթ ՚ի Սաղմոսարանի անդ ասէ, խորհել յօրէնս Տեսան ՚ի տուէ և ՚ի զիշերի, և այնու լինիլ որպէս ծառ՝ որ անկեալէ ՚ի զնոցս ջուրց, վասն զի ո՞ր ջուր գլտէ այնպէս զռունկս աճեցուցանել և պողաւէտ և տերեւաշատ առնել՝ որպէս ընթերցուածք Աստուածային Գրոց՝ զմիտս : Եւ կամ ո՞ր անձրև գլտէ՝ այնպէս սնուցանել զբոյսս և քաջուղէշ առնել, որպէս գլտութիւն Գրոց՝ զհոգիս աստուածատէրս :

Տեսանենս, եթէ ո՞րքան վոյթ եղև Քրիստոսի և ինքեամբ և Առաքելովք և Մարգարէիւք յորդորել զմեզ յընթերցուածս Գրոց սրբոց՝ կրթասէր և խնամակալու լինել, ցանկ յայնմ պարտալի ՚ի զիշերի և ՚ի տունջեան, ՚ի նոյն տքնիլ, զնոյն հոգալ միշտ ՚ի նոյն խոյալ և ինքեան կերակուր և ըմպելի հոգևոր՝ զնոյն վարկանել, և ասել ընդ Մարգարէին . « Քաղցր են ՚ի քիմս իմ բանք քո՝ քան զմեզո բերանոց իմոց : Եւ դարձեալ՝ Սիրեցի զօրհնս քո քան զամենայն սակի և զապալիսն : Եւ դարձեալ Կանխեցի յառաւօտու խօսիլ ինձ զբանս քո, և որք ՚ի սոյն միտս բերին : Զ. Յորդորակ . Բ. Պատր :

Ապաքէն՝ սիրելի ընթերցող՝ ներքին նուրբ նկատմամբ աչաց հոգւոյ նշմարեցեր զնմանատիպ տեսութիւնս Աստուա-



Ճային պէտքէս շնորհաց յայտ յանդիման երեւալս Պատուածաշունչ Գիրս հին և նոր Կրօնարանաց իբրև 'ի պարզ և յամենամբօր հայելոջ: Ապա մի' երբէք դանդաղեցուք, մի' նիրհեցուք կափուցեալ զաչս հոգւոյ մերոց 'ի նինջ մոլութեան կամ մոլորութեան, անձնասիրութեան և փառամալութեան, աշխարհասիրութեան և մարդահաճութեան, այլ արթուն և զգաստ հոգւով հայեցուք, նկատեցուք, ուշադիր լիցուք Աստուածային բանից սուրբ Գրոյ՝ առ 'ի ճանաչել զբարերար կամս Աստուծոյ արորչին մերոց, և զամենամանամ մարդասիրութեան զանազան շնորհաց նորին, որով ուղղեցուք զվարս դնայելոյ մերոց յաշխարհի աստ, և 'ի հանազերձեղումն երանաւէտ տեսութեան փառայ աշխանասցուք: Ահա այս է անժխտելի հրաման Աստուածային՝ ոչ բանիւ երջանիկ Մարգարէին Գաւթի պարտաւորէ զմեզ արթուն մտք և անզբաղ խորհրդով միշտ հայել 'ի սուրբ Գիրս օրինայ Աստուածաշունչ մատենից, «Նայեցարնէք՝ ժողովուրդք յօրէնս իմ, խնարհեցուցէք զունկն ձեր 'ի բանս բերանոյ իմոյ»: Սալմոս. 21: :

Ապա երանի՛ արժանապէս նկատողաց զօրինս Աստուծոյ լուսով Աստուածային շնորհաց, յորս Աստուածային բարութեանք բացայայտ երևին: Ահա՛ զայս շնորհ զարթուցիլ խղճի մասց հայցէր Մարգարէն՝ աղալակելով. «Զարթն՛ զաչս իմ, և նայեցայց 'ի սքանչելիս օրինաց քոց»: Որով կամի ասել Տէր իմ, Արարիչ իմ, Աստուած իմ ազգեան յիս զշնորհս գարթուցիլս մասց իմոց, զի փարատեցին նովա խաւարային խորհուրդք չարաչար կրից իմոց, զարթն՛ զաչս իմ, Տէր, երկնային իմաստութեանդ ազգեցութեամբ, զի կարողացայց ճշմարտապէս ճանաչել զօրինաց քոց բազմազիմի զօրութիւնս, և զահաւէտութիւնս, զի մի' ծածկեցեն զաչս հոգւոյ իմոյ զանազան պղտորմունք զիւսկան խաւարային խորհրդոց: Ապա՛ Տէր, զարթն՛ զաչս իմ զի համարձակ հայեցայց 'ի ըս-

քանչև ին օրինաց քոց, և ուղղեցից զընթացս վարուց և կենաց իմոց՝ ի լուսաշաւիղ ճանապարհս օրինաց քոց :

Այո՛, խնդի՛ր որեշահ, հայցուած համեմատ Աստուածային բարերար կամաց, զի Հասարկն մարդկային հողևոր և մարմնաւոր բարեաց հաստատեաց զսուրբ Գիրս հին և նոր կտակարանաց, և կացոյց առաջի աչաց հողւոց մերոց իբրև սքանչելի իմն հայելի՝ տեսանել և ճանաչել ՚ի նոսին զսքանչելի տեսութիւնս մարդասիրական շնորհաց և ամենայնակալի փառաց իւրոց, առ որ ունիմք զքրիստոսազդեցիկ քարուղծութիւնս սրբազան Առաքելոյն Պօղոսի. բայց մեր ամենեցուն բացաւ երեսօք զփառան Տեառն իբրև ընդ հայելի տեսեալ՝ ՚ի նոյն պատկեր նորոյիմք փառաց ՚ի փառս որպէս և ՚ի Տեառն հողւոյ : Բ. Կորնթ. Գ. 18 :

Ապա թշուառ և ողբալի է վիճակ այնպիսեաց՝ որ չարստատլատ կամապաշտութեամբ և զանցառութեամբ զազդեցութեամբ Աստուածային բարեխնամ շնորհաց՝ կախուցանեն զտին տեսութեան մասց իւրեանց : Յաղազս այսպիսեաց է այն սոսկալի վճիռ տէրունական. «Տեսանեն, և ոչ տեսանեն, և լսեն, և ոչ լսեն, և ոչ աւանուին ՚ի միտ : Եւ կատարի առ նոսս մարդարէութիւնն Եսայեայ»՝ որ ասէ. «Լսելով լուիջիք՝ և մի՛ իմասջիք, և տեսանելով տեսջիք, և մի՛ տեսջիք : Զի թանձրացաւ սիրտ ժողովրդեանս այսորի՛, և ականջօք իւրեանց ծանունս լուան, և զաչս իւրեանց կախուցին զի մի՛ երբէք տեսցեն աչօք, և ականջօք լուիցեն, և սրտիւք իմասցին, և զարձցին և բժշկեցից զնոսս» : Մատ. ԺԳ. 13—15 :—

Աստանօր արժան է ուշի ուշով և ամենայն խելամտութեամբ ընթեռնուել զճիշտ բացատրութիւնս վերոյգրեալ մարդարէական բանիցն՝ զոր երանելի սուրբ վարդապետն մեր Յովհանն Ծործորեցի հոգեզգօն վարդապետութեամբ գրէ. «Եւ զի հաւաստութեամբ ամբաստանէ զնոցանէ Մարգարէն՝ առ է. քանզի չսաց թէ չտեսանէք, այլ թէ տեսանէք և ոչ

տեսանէք. այսինքն մարմնով միայն և ոչ հոգւով, կամ տեսեալ չտեսանիցէք, քանզի անձամբ իսկ զանձանց իսկ իցին զականջս և կախուցին զաչս, թանձրացուցին զսիրտս իւրեանց, որպէս վահան կամ սալ դարբնի, և ոչ միայն չսել կամէին, այլ և ծանունս լէին, այսինքն դժուարանային ՚ի լուրն, և զայս էր վասն, զի մի՛ երբէք տեսցին աչօք, և ականջօքն լըուելցեն, և սրտիւքն իմացցին, և զարձցին, և բժշկեցից զնոսաւ այսինքն՝ զի մի՛ դարձցին, և թողցի յաճախութիւն չսբեաց նոցա, որով յայտ է, թէ կամաւ և յօժարութեամբ սրտի խուսափեցին, քանզի թէ կամեցեալ էին մաշթ էր դառնալ և բժշկութիւն ընդունիլ ՚ի ձեռն ապաշխարութեան : ՚ի Մեկն. Մատթ. Ժ. 9 :

Արդ՝ մի՛ ապախտ արացուք աստանօր զսրտառուչ բանիւք սրբոյ Հօրն մերոյ Գրիշորի նարեկացւոյ՝ որ ամենախոնարհ ջերմեռանդութեամբ անձին իւրում սողտանս դնելով վարդապետէ՝ մեզ զարթնուլ ՚ի միտս յասնն, «Քանզի զի՞նչ վայելումն իցէ՝ կերակրոցն, եթէ անզգայեալ ցաւովք ուտիցեմ, և կամ զօր շահ Սաղմոսն ունիցի, եթէ ոչ ՚ի միտ առնուցում» : Նարեկ. ՚ի բանն ԿԲ :

Ապաքէն արթուն մտօք, անզրօս խորհրդով, և ամբիժ հաւատով ջերմեռանդութեան մտաղիր լիցուք Աստուծաշունչ սուրբ Գրոց հին և նոր Կտակարանաց, և գործալիր լիցուք հոգեկեցոյց ազդեցութեանցն, զի և մեք արժանացուք երանութեան շնորհաց և փառաց փրկչն մերոյ Յիսուսի Քրիստոսի, որպէս ընկալան յԱստուածային շնորհարուղի բերանոյն անտի աւետարանեալ սրբազան դասք Առաքելոց, և ընդ նոսին ճշմարիտ հաւատացելոցն ժողովք, ըստ այնմ. «Բայց ձեր երանի՛է աչայ՝ զի տեսանեն, և ականջաց ձերոց զի լսեն» Մատթ. Ե. 9. 16 : Ղուկ. Ժ. 25 :

Արդ եթէ կամիցիմք սրտի մտօք փոքր ՚ի շատէ ծանօթանալ խորհրոց այսր ամենացանկալի երանութեան, ուշա-

դիր եղիցուք մեկնարանութեան բանից երանելոյն Յովհաննա  
նու Ծործորեցւոյն. «Ո՛չ զմարմնաւոր սեասնելացս և լե-  
լեացս ասէ՛ այլ զհոգւոյ աչաց և զտրին լեկեացն, քանզի  
երեւելի աչօք Փարիւեցիքն և Հրէայքն տեսին զՔրիստոս. և  
զձայն նորա լուան, բայց ո՛չ հաւատացին, ապա ուրեմն երա-  
նէ զաչս և զականջս, զի այնպէս տեսանէին զՔրիստոս իբրև  
զՈրդի Աստուծոյ, և որպէս պատշաճ էր լսել որպէս Որդւոյն  
Աստուծոյ, այնպէս լսէին» : 'ի Մեկն. Մատ. ԺԳ. :—

Արդ՝ եթէ փոյժ է մեզ, և կամիմք ուսանել, եթէ զի՞նչ  
է արթնութիւն մտաց՝ ահա՛ Տէր Յիսուս հրամայէ. «Արթնն  
կացէք» : Մատթ. ԻԳ. 42 : ԻԵ. 15. : Եւս և Մրբաղան  
Առաքեալք ուսնաք զայս արթնութիւն հոգևոր 'ի ճշմա-  
րիտ վարդապետէն իւրեանց քարոզելոյն, որպէս Պօղոս. «Եղ-  
բարք՝ մի գընով անկանիցիմք որպէս այլքն, այլ արթունք և  
զուարթունք եղիցուք» : Ա. Թեաղ. Ե. 6 : Սոյնպէս և Պետ-  
րոս. «Արթնն լերուք և հսկեցէք, զի ոսոխն ձեր ստանայ  
իբրև զառիժ գոչէ, շրջի և խնդրէ, թէ զո՞ կլանիցէ» : Ա.  
Պետր. Ե. 8. :—

Սոյնպէս ուսուցանէ մեզ զայս մտաւերական արթնու-  
թիւն երանելին Խօսքով Անձևացեաց հոգեգրօն Եպիսկոպոսն  
մեր իբրև դաստիան վարդապետութիւն. «Զի՞նչէ մտաց արթ-  
նութիւն և անդրօտութիւն խորհրդոց՝ զբաղնուլ 'ի հոգս և  
'ի ցանկութիւնս երկրաւորս, այլ յերկնս թառու և զվերինն  
խորհել՝ զոր ինչ Աստուծոյ և Աստուածայնայն, զի որպէս որք  
ննջեն՝ չհարեն լուսոյ տեսողք լինել և ո՛չ այլ իրայ, թէ և  
մերձաւոր իսկ իրքն կայեն, սոյնպէս և միտք մարմնաւոր  
ցնորբէք թմբեալք ո՛չ կարեն տեսանել զլոյսն անշիջանելի փա-  
ռայն Աստուծոյ, որ զողիս լուսաւորէ, և ո՛չ որ ինչ այնու-  
լուսովն յերկնայնոցն տեսանի մաքուր ոգեացն» : 'ի Մեկն.  
Ժամադր. երես. 272 :

Առ այս սուրբն Յովհանն Ոսկերեբան ասէ. «Արթնութիւն



խղճի մտաց է զգոյշ լինել յաւէտ չընդունել 'ի ներքս յիշո-  
ղութեան խորհրդոց վարդելիչս բարեխոհ ուշադրութեանց  
խաւարային խորհրդոց մոլութեանց և մոլորութեանց : Ի  
Մեկնութեան բանիցն Պօղոսի : ՎՄի տայք տեղն սատանայի :  
Նիկեսայ . Դ . 27 :

Այժ արդարև չարաչար փնասեն աչաց հոգւոյն խոր-  
հուրդք չարք, և կուրացուցանեն զտեսութիւն մտաց, որպէս  
զրէ սուրբ Կիւրեղ հայրապետն Երուսաղէմայ . «Այրել այրեն  
մեղք զՂիլս հոգւոց, և փշրեն խորտակեն զմասաւոր ոսկերս  
խորհրդոց, և շիջուցանեն զլուսաւորութիւն մտաց : Կո-  
չու մն ինձայ . ձառ երրորդ :

Ապա ո՞ր երանութեան չիցէ արժանի ըստ Գրիգորի Աստ-  
ուածարանի՝ որ աչալուրջ մտօք և բարեխոհ զգօնութեամբ  
մտաչի յընթեռնուէլ զՎիրս սուրբս, յորմէ ուսանի և ծանօ-  
թանայ՝ ոչ միայն պահանջմանց բարերար կամացն Աստուծոյ,  
այլ և ստանայ զիւր հոգւոյն փրկութիւն : Ահա՛ սորին ա-  
պացոյց յայտնի տեսանի 'ի սուրբ Գիրս Գործոց Առաքելոց,  
թէ «Այր մի Նթովպացի ներքինի հզօր պաշտօնեայ Կանդա-  
կայ տիկնօջ, զանձապետ ամենայն արքունի զանձուց նորա, ե-  
կեալ էր յերուսաղէմ երկրպագանել Աստուծոյ ճշմարտի՛ի սուրբ  
Տաճարի անդ, և մինչ գառնայր անդրէն յարքունիս՝ նըս-  
տեալ ի կառս իւր ընթեռնոյր սրտի մտօք զմարգարէութիւն  
Եսայեայ, և ընդ այն կողմանս անցանէր մի ոմն յեօթանա-  
սուն և երկու աշակերտացն Քրիստոսի Փիլիպպոս անուն, ո-  
րում ըստ ազգեցութեան հրեշտակի Աստուծոյ հրամայեցաւ  
երթալ մերձենալ 'ի կառս ներքինւոյն, և առ իժ կալեալ զըն-  
թ երցու մն նորա, եհարց, զիտե՞ս արդեօք զոր ընթեռնուցուսդ :  
Նտ պատասխանի ներքինին . Զիտ՞դ կարիցեմ զիտել, թէ ոք  
ոչ առաջնորդեսցէ ինձ : Եւ ապա ակնունելով ներքինւոյն  
թէ Փիլիպպոս կարիցէ վարդապետել նմա, աղաչեաց զնա ե-  
լանել նստիլ ընդ նմա 'ի կառսն, և գլուխ գրոյն՝ զոր ընթեռ-

նոր: էր այս. շիրքը զոչխար 'ի սպանդ վարեցաւ, և իրքը զորջ առաջի կարչի իւրոյ անմուռնչ, այնպէս ոչ բանոյ զբերան իւր, 'ի խոնարհութեան նորա գատաստան նորա բարձաւ, և զազդատահմն նորա ո՞ պատմեցոյէ, զի բառնին յերկէ կեանք նորա: Եսայի. ԿԳ. 7: Ապա ներքինին ասէ ցփիլիպպոս. շարաչեմ գբեղ. վասն ո՞յր ասէ Մարգարէն զայս, վասն իւր, եթէ վասն այլոյ ուրուք: Եւ սկսաւ փիլիպպոս զհրահանգս քրիստոնէական հաւատոց տալ նմա կատարեալ ծանօթութեամբ վասն Տեառն մերոյ Յիսուսի Քրիստոսի: Փիլիպպոս խօսէր, և ներքինին ջերմեռանդն հողուով ունկնդիր լինէր, փիլիպպոս աւետարանէր, և Աստուած իսկ զներքինւոյն միտս լուսաւորէր, փիլիպպոս բացայտէր զմարգարէութիւն Եսայեայ, և 'ի սիրտս ներքինւոյն ճշմարտութիւն հաւատոց հաստատեալ լինէր այնչափ՝ մինչ զի զճանապարհայն հասեալ 'ի ջուր ինչ՝ ասէ ներքինին. «Ահա ասիկ ջուր, զի՞նչ արգելաւ զիս 'ի մկրտելոյ. և ասէ փիլիպպոս, եթէ հաւատաս բուրով սրտիւ՝ մտրթ է. պատասխանի եա և ասէ ներքինին. հաւատամ, եթէ Յիսուս Քրիստոս որդի է Աստուծոյ: Եւ հրատայեաց կացուցանել զկառան, և իջին երկրեան 'ի ջուրն՝ փիլիպպոս և ներքինին, և մկրտեաց զնա, և իրքը ելին 'ի ջրոյ անախ, Հոգին սուրբ եկն 'ի վերայ ներքինւոյն, և հրեշտակ Տեառն յափշտակեաց զփիլիպպոս, և ոչ ևս ետես զնա ներքինին. և զնայր զճանապարհ իւր ուրախութեամբ»: Գործք Առաք. Ը. 34-39:

Աստանօր զիսայ առցէ զբիւլ մեր ընդլայնել ևս զճառս զովեախից Աստուածաշունչ սուրբ Գրոց, այլ մտադիր լիցուք յաւէա հողեշունչ բանից երանելեաց՝ մարգարէին Գաւթի և առաքելոյն Պօղոսի, որք պարզաբանեն զպէսպէս հողեշահ զօրութիւնս սուրբ Գրոց՝ գրելով զայս ամենայն. «Օրէնք Տեառն անրիժ են, և դարձուցանեն զհողիս, վկայութիւն Տեառն հաւատարիմ է, և իմաստուն առնէ զտղայս: Սաղմ. ԺԸ. 8.

ձժՁ. 130 : «Մարդք չարք և կախարդք յառաջ եկեսցեն 'ի չար անդր մոլորեալք և մոլորեցուցանեն, այլ զու հաստատուն կայ՝ յոր ուսարդ և հաւատարիմ՝ եղեր, զիտես ուստի ուսար, զի 'ի մանկութենէ զԳիրս սուրբս զիտես, որ կարող են իմաստուն առնել զքեզ 'ի փրկութիւն, 'ի ձեռն հաւատոցն՝ որ 'ի Քրիստոս Յիսուս : Ամենայն Գիրք Աստուածաշունչք և օգտակարք, 'ի վարդապետութիւն են, և 'ի յանդիմանութիւն և յուղղութիւն և 'ի խրատ արդարութեան, զի կատարեալ իցէ մարդն Աստուծոյ յամենայն գործս բարութեան հաստատեալ : Բ. Տիմ. Գ. 15—17 :

ԳԼՈՒԽ. Դ.

Լոյս շնորհաց է յատկապէս քրիստոնէիցս հաւատալ 'ի մարդեղութիւն Քրիստոսի՝ որ եկն 'ի փրկութիւն բնութեանս մերոյ :

Աստանօր 'ի սուրբ Գիրս բացայայտ երևեալ առաջի մըստաւորական տեսութեան մերոյ սքանչելի զօրութիւնք և բազմատեսակ ներգործութիւնք Աստուածային պէսպէս շքնորհաց, արդարեւ տան մեզ համարձակութիւն պարծիլ իրաւամբ. զի ոչ միայն յայտնեցաւ մեզ 'ի սուրբ Գրոց նորին շքեղագոյն տեսութիւն, և ոչ միայն ճանաչեմք աներկմիտ հաւատով զերկնապարզ և զերապանծ վայելութիւնս փառազարթիւնս հոգւոց, այլ և 'ի սիրտս և 'ի հոյիս մեր ընկալեալ ունիմք զանեղձանելի ներգործութիւնս ձրիական և անլատիելի պարզեացն անտի Յիսուսի Քրիստոսի փրկչին մերոյ, ապա և մեք անկեղծ Քրիստոսապարզ և հաւատով մերով կարեմք համարձակ ձայնակից լինել ընդ Աստուածարան Աւետարանչին Յովհաննու զոհաբանութեամբ պարծել, եթէ էր լքութենէ անտի նորա մեք ամենեքեան առաք շնորհս փոխանակ շնորհաց, զի օրէնքն 'ի ձեռն Մովսիսի տուան՝ շնորհք և ճմարտութիւնք 'ի ձեռն Յիսուսի Քրիստոսի եղեն : Յովհ. Ա. 16 :

Չի՛նչ քան զայս անբաւ և անչափ Աստուածային մարդասիրութեանն շնորհք. զորս բազում մասամբք և բազում օրինակօք զուշակէին կանխաւ Մարգարէք, որպէս և այժմ յայտնի առնեն մեզ ճշմարտապատում բանք սրբազան Աւետարանչացն և հոգեբուզիս քարոզութիւնք երջանիկ Առաքելոցն. որպէս զի անասհման և սքանչելի Աստուածային մեծութիւնն անբաւելին երկնի և երկրի անձն Որդւոյն Աստուծոյ մարդասիրական ամենառատ գլծութեամբ յանձն էառ ըստ ամենայնի խոնարհիլ 'ի մեր մարդկային բնութիւն և ընդ Աստուածային անձին միաւորեալ անշփոթ անխառն ծնանից յամենամաքուր 'ի սուրբ կուսէն Մարիամայ, և հաճեցաւ ճըշմարիտ Որդին Աստուծոյ որդի մարդոյ անուանիլ իսկապէս. ո՛չ միայն զմարդկային մեղապարտ բնութիւնս փրկել 'ի մեղաց, և ո՛չ միայն սրբարար և արդարացուցիչ ձրխական շնորհիւն զարդարել զնա, այլ և իւրում Աստուածային մեծութեանն և անեղական փառացն հազորդս կացուցանել. ապա զո՞ր զոհութիւնս և զո՞ր երկրպագութեան սրտեռանդն փառարանութիւնս վերառաքել պարտաւորիմք մեք 'ի սուրբ սրտէ և յանկեղծաւոր հաւատոյ Աստուածահաճոյ արգեամբք զործոյ բարութեան :

Ահա՛ զայս գերագոյն մեծութիւնս շնորհաց Յիսուսի Քրիստոսի Փրկչին մերոյ հոգեբուզիս վարդապետութեամբն քարոզեաց Ղուսաւորիչն մեր սուրբն Դրիգոր. « Զգուշակու մն Մարգարէիցն, զքարոզութիւն Առաքելոցն, զվկայութիւն Վըկայիցն, որ նա ինքն է յեութեան, որպէս և էն իսկ : Սակայն յորժամ կամեցաւ՝ էառ զմարդոյ կերպարանս, և զգեցաւ մարմին, և էջ 'ի մեր նմանութիւն, այն՝ որ բնաւն էր և անհաս յամենայն լրութեան յԱստուածութեան, և վասն մեր էջ 'ի չափաւորութիւն, և ամփոփեցաւ 'ի մարմին, բովանդակեցաւ ճշմարտութեամբ 'ի մարմնի, և ճշմարիտ իսկ մարդ եղև, և էջ յանարգութիւն՝ զի զմեզ բարձրացուցէ, սակայն իւրով



Աստուածութեամբն յերկինս էր և յերկրի՝ առ Հօր և ընդ Հօր. և ամենայն արարածք հրամանաւ նորա շարժին ըստ իւրաքանչիւր կարգի կաղմելոյ, սակայն թէպէտ վասն մեր էջ յանարգութիւնս, այլ կայ յիւրում բնութեանն՝ որպէս և ինքն իսկ ասէ թէ. Ես նոյն եմ և ս'չ փոփոխեցայ, զի թէպէտ ըզկերպարանս էառ և զմարմին մարդկան, այլ խառնեաց միաւորեաց ընկղմեաց զմարմինն յԱստուածութեան իւրում : յԱզաթանգեղոս :

Սմին նման հրեշտակակրօն սուրբ վարդապետն մեր Նաբեկայի զայսմ պաշտելի մարդասիրութենէ և զերկրպագելի շնորհացն առատութենէ՝ ՚ի խորոց սրտի զոհարանելով զրէ. ըրեսոյ և էիր միայն բովանդակ ամենն ին անպակասելի, սուրբ զմերս իսկապէս համայն, զի ՚ի լրութենէ քունմէ լցուցես օրհնեալ և բարերանեալ՝ ծանուցեալ յաւէտ միշտ անքնն նութեամբ ողորմութեամբ մեզ ՚ի փրկութիւնս, ՚ի փառս և ՚ի զովեստ անձառ բարձրութեան ահաւարիչ բարէրարութեանն : Նարեկ. ՚ի Բանն Գ. Ե :

Տեսէք, մեծահաւատ և բարեպաշտ հարազատ որդիք մեր առաքելական, կաթողիկէ, սուրբ Եկեղեցւոյ, որպիսի Չերմեռանդն և ողջամիտ հաւատով ծանաշեմք զմարդասիրական պէտպէս շնորհացն Յիսուսի Քրիստոսի Տեառն մերոյ զգօրութիւնս և զներդործութիւնս, վասն որոյ զոհարան լինիմք միարան ուխտիւք, հոգւով և ճշմարտութեամբ երկրպագանելով մաղթեմք յաղօթս մեր այսպէս. « Աստուած մշտնջենաւոր, Աստուած յաւիտենական, որ ՚ի ստորին աշխարհս լոյս ծագեցար՝ և լուսաւորեցեր զմեզ ՚ի խաւարային մեղաց մերոց : Որ վասն մեր ՚ի չափաւորութիւն եկիր անչսփիչ Աստուած, և հեղեալ ծաւալեցեր զշնորհս Հոգւոյդ սրբոյ յարարածս քո, Այժմ և յաւիտեանս ժամանակաց բարեբանեալ ես ամենամեծդ Աստուած ընդ Հօր և ամենասուրբ Հոգւոյդ, այժմ և միշտ և յաւիտեանս յաւիտենիցս. ՚ի ճամագիրս :

Ապա զայս հողեւոր իմաստութիւն սրտի մտօք միշտ խնդրել պարտաւոր իմք 'ի վերուստ անտի յԱստուծոյ, ըստ իմաստնայելոյն Սողոմօնի. «նա և այն իմաստութիւն է, ճանաչել թէ յուսմէ՞ է շնորհն անխայ առաջի Տեառն, աղաչելոյի զնա յամենայն սրտէ իմմէ: Իմաստ. Ը. 20:

Եւ երանելի Առաքեալն Պօղոս զրէր առ ժողովուրդս: Եւ կեղեցւոյն Կորնթացւոց ողջամիտ և կենդանի հաւատով ճանաչել և քաջածանօթ լինել անբաւ շնորհաց և առատաձեռն մարդասիրութեան Յիսուսի, որ պարզեցաւ բնութեան մերոյ զրկելոյս 'ի հողեւորական փառաց և բարեաց, և այս ոչ իւրիք բարերարեցաւ մեզ, այլ նոյն ինքն անբաւելին երկնի և երկրի անդարապիր և անվայրափակ մեծութիւնն այնչափ մարդասիրութեամբ խոնարհեցաւ յԱստուածային փառաց մեծ վայելութենէն, խկապէս մարմնացաւ՝ մարդացաւ ծընաւ յամենեւեալ 'ի սուրբ կուսէն, խանձարբօք պատեցաւ և յանրանից մտեր եղաւ՝ զխոնարհական յաւալի և վըշտակիր կեանս աղքատին ընտրեաց, որպէս զի զմեզ ազատեցէ 'ի հողեւոր աղքատութեան տառապանաց, և պարզեցէ իրաւամբք և արդարութեամբ զպէսպէս շնորհս քաւութեան մեղաց, անմահ կենդանութեան՝ երկնային յաւիտեական փառաց ժառանգութեան: Յայս միտ քարոզէ և անօթն ընտրութեան, «Քանզի գիտէք զշնորհսն Տեառն մերոյ Յիսուսի Քրիստոսի, զի վասն ձեր աղքատացաւ՝ որ մեծատունն էր, զի զուքնորա աղքատութեամբն մեծասջիք. » Բ. Կորնթ. Ը. 9:

Ապաքէն պարտաւոր իմք և ևս ոչ միայն խոստովանել շնորհաց և անչափելի յաւէտ բարեմասնութեան և երանաւէտ փառաւորութեան հողւոց մերոց զայն անսահման սիրոյ և հաճոյական ճանաչումն Յիսուսի Քրիստոսի, որով ճանաչէ զմեզ և արժանի կացուցանէ ժառանգութեան բարեաց և փառաց իւրոց՝ այլ և հարկ 'ի վերայ կայ մեր կենդանի հաւատով ուղիղ մտօք աւետարանական երջանկարուցիչ պատ-

ու իրանաց և խրատուց Յիսուսի Քրիստոսի հետևիլ և սրտի մտօք դաւանել զԱստուած՝ տէր և կենարար փրկիչ, և ամէն իմաստ երկնաւոր վարդապետ. նա մանաւանդ իրբև ճշմարիտ և քաջ հովիւ խնդրող մողորեալ ոչխարի բնութեանս և վերստին դարձուցիչ յերկնային փարախն իւր երկնից արքայուութեան սքանչելի խնամածութեամբ և Աստուածային սիրալիր հոգողութեամբ, որպէս և ինքն իսկ աւետարանեաց. յես եմ հովիւն քաջ, և ճանաչեմ զիմնն և ճանաչեմ յիմոցն՝ Յովհան. Ե. 14:

ԳՆՈՒԻ. Ե.

Հաւատք ճշմարիտ աստուածածանօթութեան՝ է շնորհ քրիստոնէիցս ՚ի նախասահմանութենէն Աստուծոյ :

Յետ խորհրդածութեանց զաստուածահրաշ տնօրէնութեանց մարդեղութեան սիրիչէն մերոյ հարկ ՚ի վերայ կայ մեր աստէն ծանօթութիւն ստանալ հայեցեալ ՚ի հայելի Աստուածային Գրոց և ՚ի բացատրութիւնս Աստուածարան Հարց սրբոց. նախ՝ թէ զի՞նչ իցէ Աստուածային անվրէպ ճանաչումն. և երկրորդ՝ որպիսի ճանաչումն ունիլ հսրի է ճշմարիտ հաւատացելոցս առ Աստուած և առ Աստուածայինս, զորմէ վըճաարար բացայայտեաց երկնաւոր փրկիչն, եթէ ՝ ճանաչեմ զիմնն և ճանաչեմ յիմոցն ՝ : Աւրդ Աստուածային ճանաչումն է նախասահմանեալ ընտրութիւն ժառանգաւորաց շնորհաց և փառաց իւրոց ըստ ամենայնի հնազանդելոց աստուածային բարեբար և մարդասիրական կամաց համեմատ նախասահմանեալ ընտրութեան և սրբգեւեալ ճրիտկան շնորհոցն, որք զարդիւնս Աստուածահաճոյ դործոց և վարուց յայտնելով յանձինս իւրեանց՝ ճանաչին յԱստուծոյ նախասահման ընտրութեամբն. ապա ուրեմն ճանաչումն Աստուծոյ զնի բազում անգամ փոխանակ հաւանելոյ, հաճելոյ, սիրելոյ, և ընտրելոյ, որպէս

ցուցանեն վկայութիւնքս : Մինչև ստեղծեալ էիր յորովայնէ  
զիտեմ՝ զքեզ, և մինչև ելեալ էիր յարդանդէ, որբեցի ըզ-  
քեզ, մարգարէ՛ի հեթանոսս եղի զքեզ, ևրեմ՝ : Ա. 5 : Նաև  
• իրբև ետես Յիսուս զՆաթանայէլ, զի զայր առ նա՛ ասէ  
վասն նորա • : Ահա այր խորայէլայի՛ յորում ննդութիւն  
նչ զոյ • : Այսու բանիւ Յիսուս յայտ առնէ զՆաթանայէլի  
զիւր Ատուածային ընտրութիւնն, զհաճութիւնն և զսիրե-  
լութիւնն, վասն որոյ մինչ ասաց Նաթանայէլ • ուսալի՛ ճա-  
նաչես զիս • պատասխանի ետ Յիսուս և ասէ ցնա, մինչև էր  
Փիլիպպոսի կոչեալ զքեզ, զի էիր ՚ի ներքոյ թզնուոյն, ասի  
զքեզ : Պատասխանի ետ նմա Նաթանայէլ և ասէ • Ի՛նչքի  
զնկես Որդի Աստուծոյ, զնկես Թագաւոր Իսրայէլի • :

Չայս նախասահմանեալ ընտրութիւն, զհրաւիրումն և  
զհաճութիւնն Աստուծոյ հրանելին Պողոս ՚ի բազում անդիս  
գրէ • Դիտեմք՝ եթէ որոց սիրենն զԱտուած յամենայնի գոր-  
ծա՛լից լինի ՚ի բարիս, որք հրաւիրանաւն կոչեցան : Զի զորս  
յառաջն ճանաչէր, յառաջագոյն և հրաւիրեաց կերպարանա-  
կից լինել պատկերի որդւոյն իւրոյ՝ զի եղիցի նա անդրանիկ  
ի մէջ եղբարց բազմաց : Եւ զորս յառաջագոյնն հրաւիրեաց,  
զնոսին և կոչեաց, և զորս կոչեացն՝ զնոսին և արդարացոյց,  
և զորս արդարացոյցն, զնոսին և փառաւորս արար • Ըսովմ •  
Ը. 28. — 50 :— Որով և վիճակեցաք յառաջագոյն հր-  
աւիրեալք ըստ յառաջագրութեան Աստուծոյ, որ զամենայն  
յաջողէ ըստ խորհրդոց կամաց իւրոց՝ լինել մեզ ՚ի գովեստ  
փառաց նորա յառաջագոյն յուսացելոցս ՚ի Քրիստոս • : Ե-  
փեսաց, Ա. 11. 12 :— • Որ փրկեաց զմեզ և կոչեաց ՚ի կոչումն  
սուրբն ըստ գործոց մերոց՝ այլ ըստ իւրում յառաջադրու-  
թեան և շնորհաց, որ տուաւ ՚ի Քրիստոս Յիսուս յառաջ  
քան զժամանակն յաւիտենից • Բ. Տիմ. Ա. 9 : • Այլ հաս-  
տատուն հիմն Աստուծոյ կայ և ունի զկնիքս զայս, եթէ  
ճանեաւ Տէր զայնոսիկ՝ որք իւրն են, և ՚ի բաց լիցի յանի-



բաւութենէ ամենայն՝ որ անուանէ զամուսն Տեառն: Բ. Տիմ. Բ. 19:

Սուրբ Գրիգոր Նարեկացի հրեշտակակրօն վարդապետն մեր ՚ի ներբողն դասուց Առաքելոց գրէ: «Եւ եթէ ոչ հրաշայլի գրեացի լսողաց, մերկացի, բաց ՚ի բաց երևեսցի ծածուկ ծոցոյ բանիս անեղծականս ճառել զստեղծեալսդ ժամանակաւ, և գրեալս շնորհօք որդիք էութեանն, և թէպէտ և ոչ ժամանակք ըստ անսահմանին՝ այլ սկիզբն գոյլոց յաւիտեանց, իբր հիմն ժամանակաց սկսեալք, ընտրեալք նախքան զեզանիլ էից աշխարհի:» Եւս ՚ի բանս Շարակնաց տես: «Որ հրաւիրեցեր զյառաջագոյն ընտրեալսն ՚ի սկզբանէ աշխարհի ՚ի հարսանիան անսպական, կռելով յուրախութիւն ընդ բազմելոցն յառազատի:» «Չորս ընտրեցեր յառաջ զիտութեամբ զարժանացելոց անձինս տպաւորեալ ՚ի նոսազհողի շնորհաց քոց, որով վանեալ հերքեցին զապստամբ զթշնամին:» «Հրաշափան Աստուած և միշտ բարեխնամօղ, որ յառաջ զիտութեամբ ըզփրկութիւն Հայաստանեաց սկզբնաւորեալ ՚ի Պարթեական մեղապարտ ազգէն լուսաւորիչ մեզ շնորհեցեր:»

Ապաքէն երանելիք են, որ Աստուածային մարդասիրական կամաց ընտրութեանն և ճրիստուր շնորհաց կոչման հետեւելով և համեմատնորին առաքիւնանան Աստուածահաճոյ գործովք բարութեան, որով Աստուծոյ և Աստուածայնոցն արժանաւոր ճանաչող դտանին, և ճշմարիտ և կենդանի հաւատով առաջնորդեալք ժամանեն յերկնային յաւիտենական վառաց ժառանգութիւնս, ըստ աւետարանական խոստման կենարարին մերոյ Յիսուսի Քրիստոսի՝ եթէ, «Ոչխարք իմ ձայնի իմուսմըս են, և ես ճանաչեմ զնոսս, և զկնի իմ գան, և ես տամ նոցա զկեանս յաւիտենականս, և մի՛ կորիցեն ՚ի յաւիտեան, և մի՛ ոք յափշտակեցէ զնոսս ՚ի ձեռաց իմոց:» Յովհան. Ժ. 27:

Բայց դու տես՝ աստանօր ընդ հակառակն սորին և ուսիլը զողբուի վիճակ յաւիտենական դատապարտութեան՝ ընդդէմ

Աստուածային զանաւան՝ շնորհաց ասկերախախց՝ որք քրիստոս  
նէտական անուամբ և եթ սպանծան՝ և ՚ի քրիստոնէավայել առա-  
քինի գործոց ՚ի սպառ հեռացեալ՝ ՚ի զանազան անօրէնութիւնս  
մոլութեան և մոլորութեան զակատեալ, անզեղջ, անապաշխար  
զկեանս իւրեանց վճարեն, որոց սոսկալի վճիռն տուեալ է յար-  
գարաքննին երկնաւոր դատաւորէն ՚ի Յիսուսէ Քրիստոսէ, եթէ՝  
«Ո՛չ ամենայն՝ որ ասէ ցիս, տէր տէր, մտցէ յարքայութիւն  
երկնից, այլ որ առնէ զկամս Հօր իմոյ՝ որ յերկինս է: Բազումք  
ասից՝ն ցիս յաւուրն յայնմիկ, տէր տէր, ո՞չ յանուն քո մար-  
դարեացաք, և յանուն քո դէս հանաք, և յանուն քո զօ-  
րութիւնս բազումս արարաք: Եւ յայնմամ ասացից ցնոսս՝  
եթէ ո՞չ երբէք զիտէի զձեզ: ՚ի բաց կայէք յինէն ամենեքեան՝  
ոչք գործէիք զանօրէնութիւն:» Մատթ. Է. 21. 22. 23:

Ապա փոյթ կայցուք առաջի սբտաղիտին Աստուծոյ հա-  
ճելիկացոյ ցանել զանձինս մեր առաքինապարչ հաւատով՝ հաս-  
տատան և աներկբայ յուսով, և կտտարեալ սիրով, ունկնդիր  
լիցուք հողերուդիս յորդորանայ Արքազան Առաքելոյն Պօղոսի,  
որ առ Տիմոթէոս սիրելի աշակերտն իւր գրէր.՝ փութասջիր  
զանձն քո ընտիր կայուցանել առաջի Աստուծոյ, մշակ առանց  
ամօթոյ, ուզիլ համառօտել զբանն ճշմարտութեան: Այլ ՚ի  
սղծոց և ՚ի սնտօի խօսից մերժեօջիր, զի առաւել յառաջ  
զայցեն յամբարշտութիւնս. և բանք նոցա իբրև զքաղցիկզ  
ճարակ դատնեն, որոց սակի են Հիմենոս և Ֆիլետոս, որք վրի-  
պեցան ՚ի ճշմարտութենէ: » Բ. Տիմ. Բ. 15. — 18: Ա. Տիմոթ. Բ.  
Ա. 13. 19. 20:

Ուրեմն սրտի մտօք ըստ մարդարէին զաւթի խնդրես-  
ցուք յԱստուծոյ, զի լուսով շնորհաց իմաստնացուսցէ զմիտս  
մեր. և ընդարձակեցցէ զխոսն մեր հանապաղ ճանաչել զըս-  
րերար կամս իւր. և զհաճոցս նորա գործով կտտարել արխա-  
ցուք՝ ըստ այնմ: և Աւսօ ինձ առնել զխոսն քո, զի դու ես

Աստուած իմ: Եւ թէ: Էոզի քո բարի առաջնորդեցէ ինձ  
'ի յերկիր ուղիղ: Եւ Սղմ. ձեթ. 11.12: Եւ ջերմեռանդն հոգ-  
ւով միշտ աղերսակից լիցուք սրբոյն Ներսիսի Ծնորհալոյ մե-  
ծի Հայրապետին մերոյ վերակրկնելով զայս խնդրուածս առ  
Աստուած. Երմաստու թիւն Հօր Յիսուս. տուր ինձ իմաստու-  
թիւն զբարիս խորհիլ՝ խօսիլ և գործել առաջի քո յա-  
մենայն ժամ 'ի չար խորհրոցոց՝ 'ի բանից և 'ի գործոց փշկեա՛  
ղիս: Եւ թէ՛: Երկուցո՞ղ բարեաց Տէր կամ. սրբար. մի թողուր  
զիս 'ի կամսս սնձին իմոյ գնալ. այլ առաջնորդեա՛ ինձ լինիլ  
միշտ ըստ կամաց քոց բարեսիրացս:

Սուրբ Յովհանն Արկեթերան 'ի բնարանի աստ սրբազան  
Առաքելոյն Պողոսի. Եւրջ՝ մարդկան հաճոյ լինիցիմ. թէ Աս-  
տու ծոյ. կամ խնդրիցեմ՝ մարդկան հաճոյ լինել՝ և թէ տակա-  
ւին մարդկան հաճոյ լինէի. ապաքէն Քրիստոսի ծառայ սչ էի. Եւ  
Գաղատա Ա. 10: յորդորանս գրէ. Եթի՛նչ շահ հոգւոց մերոյ  
անտէի վայելչութեամբ աշխարհի փառաւորիլ 'ի մարդկանէ,  
և անարդիլ յԱստուծոյ. յաշխարհի աստ արդեամբ մարդահա-  
ճութեան զհանդիսան վայելել զանցաւորիս կենաց, և զժա-  
ւիտենականն 'ի սպառ կրուսանել զերանաւէտ կենաց զվայել-  
չութիւնս: Եւ Գրիգոր Նարեկացի սուրբ վարդապետն մեր  
կարի խոնարհամիտ սրտիւ ստշտանէ զհրեշտակակրօն և զսր-  
բախայլ անձն իւր յասելն. Եւ շրեշտականամ՝ յերեսս՝ և 'ի  
խորհուրդս զիւսնամ. 'ի յոտս հաստատիմ. և 'ի միտս տատա-  
նիմ. սուտ ձեւանամ և իրօք խոտորիմ. կեղծաւորիմ սրդար.  
և արդեամբք ամբարշտիմ՝ 'ի մարդկանէ զովիմ. և 'ի տնտ-  
ղէց պարտաւիմ. 'ի հոգածնելոցս երանիմ. և յորդուցն լու-  
սոյ աւաղիմ. հաճոյանամ յետին ռամկին՝ և թագաւորից  
մեծի յաջաց ելանեմ. Նարեկ. ՀԱ:

Իսկական Նշան հաստատելոյ է շնորհ անկեղծ եղբայրսիրութեան  
հանդերձ արդասիրութեամբ :

**Արդ** ճշմարտութեամբ ճանաչելն մեր զԱստուծոյ բազմապարզ և շնորհսն իւ կարեմք ապացուցանել և յատուկ նըշանաւ յայտնել, եթէ ոչ զի պարտաւոր ծանխոք զանձինս մեր մտադիւր սրտիւ և ամենայն յօժարութեամբ ծառայել բարերար կամաց նորա, զամենայն հրամանս՝ զորս յայտնեն մեզ սուրբ Գիրք ամբիւծ հաւատով և ջերմեռանդութեամբ կատարեսցուք, որով հաւատով լինի ճանաչելն մեր զԱստուծոյ անսահման արարչագործ մեծութիւնն, և զմարդասիրական բազմաշնորհ խնամածութիւնն, ապա թէ ոչ ստեղծել յանուծութիւնս տայէ մեզ Յիսուս Քրիստոս և մերժեսցէ յամենայանկալի շնորհաց և ՚ի յաւիտենական փառաց իւրոց, ասելով՝ Զի՛ կոչէք զիս տէր, տէր, և զոր ասեմն ոչ առնէք: Մատ Է. 21. Դուկաս. Զ. 46: Մի երբէք կուտեսցի ՚ի մեր վերայ այն Աստուածային բարկութեան բան մեղադրանաց, որպէս երբեմն գանդատէր ամենախնամ բարերար Աստուածային արդարութիւնն զապերախտ և զապստամբ ազգէն Իսրայէլի այսու բանիւ Մաղաքեայ մարդարէի՝ «Որդի փառաւոր առնէ զհայր, և ծառայ երկնչի ՚ի տեառնէ իւրմէ. իսկ արդ՝ եթէ Հայր եմ ես, ո՞ւր են փառքն իմ, և եթէ տէր եմ ես՝ ո՞ւր է պատիւն իմ, ասէ Տէր ամենակալ.» Ա. 6:

**Ահա**, այս Աստուածային հայրախնամ շնորհաց և զթութեան և ամենակալ ամենակարող Տէրութեանն ճշմարտապէս ծանօթանալոյն մեր կարևորագոյն պարտաւորութիւնն բացայայտ երևի ՚ի հոգեշարժ և ՚ի յորդորական գիրս Աստուածաբան Աւետարանչին Յովհաննու. «Եւ յայսմիկ զիտեմք՝ եթէ ծանեաք զնա, եթէ զպատուիրանս նորա պահիցեմք: Որ ա-



սիցէ՛ եթէ ծանեայ զնա, և զգատուիրանս նորա ոչ պահիցէ՛ սուտ է՛ և ճշմարտութիւն ՚ի նմա ոչ գոյ։ Ո՛րդեակք՛ մի՛ բանիւք և լեզուօք սիրեցուք՛ այլ արդեամբք և ճշմարտութեամբ։ Եւ այսուիկ լիցուք ծանուցեալք՛ եթէ ՚ի ճշմարտութենէ անտի իցեմք, և առաջի նորա արացուք հանդէս սրտից մերոյ։ Ա. Յովհան. Բ. 5. 4: Գ. 18. 19:

Ուշադիր լիցուք աստանօր հոգեշունչ բանից Սարգսի շնորհալուոյ սուրբ վարդապետին մերոյ՝ որ ասէ.՝ Վասն զի այս է արդարև ճշմարիտ ծանօթութիւն Աստուծոյ կամայն նորա լուսն, և պատուիրանացն կատարումն։ Իսկ որ յայսմիկ կատարեալ ոչ է, անկատար է և ծանօթութեան Աստուծոյ և ոչ զիտ՛։ Եթէ որդիսի տէր ունի. և կամ զխորշ պարտական է պահել զգատուիրանս նորա, և կամ զխորշ ոչ պահելովն անծանօթ է ՚ի նմանէ և բիւրասպատիլ պատժասպարտութեան արժանաւոր.՝ Բ. ձառ. Ա. Յովհան:

Առ բացայայտագոյն ևս առնել զբան մեր ասեմք, եթէ նշան ճշմարիտ ճանաչման մեր Աստուծոյ և Աստուածայնոցն՝ եղբայրսիրութիւն և ազգասիրութիւննէ, զոր ամենազգու և սրտառուչ Աստուածային բանիւ իւրով նոր իմն սքանչելի շնորհիւ պատուիրան աւանդեաց մեզ Աստուած Փրկիչ մեր Յիսուս Քրիստոս, զի նովաւ լիցուք հաղորդ և կցորդ իւրեան իսկ անճառելի Աստուածային և ամբաւ մարդասիրութեանն. վասն որոյ և հրամայեաց. ՝ Պատուիրաննոր տամ ձեզ. զի սիրեաջիք զմիմեանս, որպէս սիրեցի ևս զձեզ. զի և դուք սիրեաջիք զմիմեանս։ Յայսմ զիտասցեն ամենքեան, եթէ իմ աշտկերտք էք, եթէ սիրիցէք զմիմեանս։ Այսէ պատուէր իմ. զի սիրեաջիք զմիմեանս, որպէս և ես զձեզ սիրեցի։ Գուք բարեկամք էք իմ, եթէ անիցէք՛ զոր եսն պատուիրեմ ձեզ։ Չայս պատուիրեմ, զի սիրեաջիք զմիմեանս.՝ Յովհաննու.՝ Ժ. Գ. 54. 55: ԺԵ. 12. 14. 17:

Տեսէք եղբարք, ո՞վ արդեօք իցէ հիմնադիր պատուիրա-

նոցս. եթէ էչ ինքն սէր Աստուած մեր և Փրկիչն աշխարհի, ապա ո՞վ կարէ ժխտել և մերժել զայս պատուէր. և ո՞ կարիցէ առաւել քան զայս՝ ազդու վարդապետել մեզ զեղբայրսիրութենէն. զոր շնորհարուզն աստուածային բերանովն պատուիրեաց մեզ: Ուրեմն իրաւամբ զրեաց երանելի սրբազան Առաքեալն Պօղոս ՎՅԼ վասն եղբայրսիրութեան՝ չ'է ինչ պիտոյ գրել առ ձեզ. զի դուք ինքնին իսկ աստուածուայցք էք առմիմեանս սիրելոյ. Ա. Թեսաղ. Գ. 9 :

Տէն. յո՞ր գերազանցութիւն փառաց և շնորհաց բարձրացուցանէ զմեզ կատարեալ սէրն. եթէ արդեամբք ցուցանիցիմք առ եղբարս, առ տօհմակիցս և առ հաւատակիցս մեր: Այո՛ այս աստուածասահման պատուէր առաքինութեանս սքանչելի մարդասիրութեանն անեզրական փառաց և պէսպէս շնորհաց հաղորդակիցս առնէ զհոգիս մեր: Կ'ուր սրբազան Ա. ետարանչին Յովհաննու.՝ Սիրելիք՝ սիրեսցուք զմիմեանս, զի սէր յԱստուծոյ է, և ամենայն որ սիրէ՝ յԱստուծոյ է ծնեալ. և ճանաչէ զԱստուած, և որ ոչն սիրէ, ոչ ճանաչէ զԱստուած. զի Աստուած սէր է, և զի յայսմ երևեցաւ սէր նորա՛ի մեզ. զի զօրդին իւր միածին առաքեաց յաշխարհ, զի եղիցուք նովաւ կենդանիք: Եթէ ոք ասիցէ՝ եթէ սիրեմ զԱստուած, և զեղբայր իւր ատիցէ՝ սուտ է: Որ ոչ սիրէ զեղբայր իւր՝ զոր տեսանէ, զԱստուած՝ զոր ոչն ետես, զիմարդ կարիցէ սիրել.՝ Ա. Յովհ. Գ. 7. 8. 9. 20: Բստ այսմ յօժարութեամբ հոգւոյ՝ և արթնութեամբ մտաց ընթերցասիրել վրութասցուք զհօդերուդն վարդապետութիւնս Սարգսի շնորհաւոյ սուրբ վարդապետին. Վանեզրական բարիք և անձառ խնդութիւն և անպայման ուրախութիւն. եթէ զայն ինչ՝ զոր Աստուած սեպհահանեմք մահկանացու բնութեամբս մերով՝ ՚ի ձեռն սիրելոյ զմիմեանս՝ և փոխարէն արեւուր զպատիւ Որդիութեանն Աստուծոյ Ժառանգել վասն զի միտծնի Որդւոյն Աստուծոյ այս

գործ եղև սիրել զտարակացեայքս և զօտարացեայքս յԱստուծոյ: Ո՛չ զի ինքն փառաւորեացի, որ անկարօտն է փառաց, այլ զի զմեզ փառաւորեացի և ՚ի ծանօթութիւն Աստուծոյ ՚ի վեր հանիցէ: Նմին իրի և սա առէ, որ սիրէ՝ յԱստուծոյ ծնեալ է և ճանաչէ զԱստուած, և իւ ճանաչէ զԱստուած՝ յորժամ սիրիցէ զեղբայրն որպէս պարտն է սիրել: յորժամ բարիս համատահմիցն առնիցէ, վասն զի այս են անբարպէս կերպարանք Աստուծոյ, և զայսոսի՛ խոյ ունելով որ ՚ի յինքեան՝ ճանաչէ զԱստուած:» ճառ. է. Ա. Յով:

Կամի՞ս նկարագրել ՚ի բարեխոհ միտս քո զամենաչքնաղ և զզանազան վայելչութիւնս եղբայսիրութեան, տես ՚ի յետագայ նկարագրութիւնս երջանիկ Առաքելոյն Պօղոսի, զոր ամենայն հանգամանօքն զճաղրէ, յորում բայցայայտ երևին կարևոր յատկութիւնք ճշմարիտ եղբայրսիրութեան: Ա. Երկայնատութեամբ զսովել զբարկութիւնն և զզայրացումն սրտի: Բ. Քաղցրաշարդ և բարեացակամ հանդիսանալ ՚ի բարեվիճակ բերմունս եղբօրց: Գ. Ընդ բարեզէպ յաջողութիւնս և ընդ բարիս եղբօրն ո՛չ երբէք նախանձիլ: Գ. Զյօժարիլ և չսպասել ՚ի վայելչութիւնս և յառաքինական գործս, գովութիւնս և պարծանս յեղբարց ընդունիլ և ամբարհաւածիլ մտօք: Ե. Ո՛չ երբէք գոռօղանալ և բարձրամտիլ ՚ի դերագանց և պերճաշուք երևիլն յամենեսին, և ո՛չ զհետ լինիլ փառասիրութեան և մեծանուն լինելոյ: Զ. Ո՛չ համարձակել զանպարկեշտ և զանպատկառելիս խօսիլ և գործել հսկառակ սրտիկշտութեան և պատխաանաց, որով լինի զայլձակութիւն եղբարց: Է. Ո՛չ անձին առանձին զօրութն և զբարին խնդրել անձնասիրութեամբ, և ոչ պաշտպանել միայն զանձնական իրաւունս և վայելչութիւնս, այլ նախադասել զեղբօրն քան զիւրն:

Բ. Համբերատար հողւով ՚ի վնասիլն յեղբարց՝ ո՛չ գրդով

ի վեճժխնդրութիւն, այլ ջանալ և իշխել չարաօրթ կրից և սանձահարել գնոյն:

Թ. Ոչ զիւրահաւան զտանիլ զբարսն ամբատանողոց զեղբարց՝ ոչ ունել թիւր կարծիս գնոցանէ, և չտալ բնաւ ՚ի սրտին տեղի առնել զխորհուրդ չար վասն եղբարց:

Ժ. Ոչ բերկրամիտս լինիլ յանիրաւի դատապարտիլն եղբարց և ՚ի հարստահարիլն ՚ի բռնաւորաց, այլ կարեկցարար մխրթարել, և զազատութենէ նոցա հոգալ:

ԺԱ. Հողեղուարձ բերկրութեամբ խնդամտիլ յաւէտ ընդ հաստատութիւն և ընդ անկեղծութիւն ճշմարիտ և Աստուածահաճոյ կրօնից ուղղափառութեան համազգի հաւատակից եղբարց:

ԺԲ. Համբերել՝ և տանիլ առանձին սխալմանց և պակասութեանց եղբարց և տկարութեանց նոցին ըստ կարի օղնական լինելով նոցա բարոյական խրատաբանութեամբ:

ԺԳ. Չունիլ կասկածանս ինչ ստութեան և կամ խաբէութեան, այլ զոր ինչ բարիս վկային զեղբարցն արժանազատ անձանց զիւրաւ ընծայել հաւատս բարեմտութեամբ:

ԺԴ. Ոչ լինիլ յուսահատ ՚ի դարձ և ՚ի զղձումն չարախտակիր և մոլորեալ եղբօրն, այլ յուսալիր սրտիւ խնդրել յԱստուծոյ զչնորհ դարձի նորա:

ԺԵ. Կատարեալ եղբայրսիրութիւնն չունի խոյս տալ ՚ի նեղսակրութեանց վասն եղբարց բարեխաւութեան և ազատութեան վշտացելոց, այլ մտադիւր համբերել ձախորդութեանց ՚ի փրկութիւն և յազատութիւն նոցա:

Ահա՛ զայս ամենայն առ ՚ի ազգել ՚ի միտս զէ սրբազան Առաքեալն Պօղոս. « Սէր երկայնամիտ է՝ քաղցրանայ. սէր ոչ նոխանձի, ոչ ամբարհաւաճի, ոչ հպարտանայ, ոչ յանդգնի, ոչ խնդրէ զիւր, ոչ զրդուի, ոչ խորհի զչար, ոչ խնդայ ընդ անիրաւութիւն, այլ խնդայ ընդ ստուգութիւն, ամենայնի տեւ:



ամենայնի հաւատայ, ամենևին յուսայ, ամենայնի համբերէ՝  
Ա. Կորնթ. ԺԳ. 4. 5. 6:

Աւրիեօք կամիս զիտել ո՞վ եղբայրասէր և ազգասէր, ողջամիտ և բարեօիրտ հաւատացեալ, եթէ զորդիտի և զորքան երջանկացուցիւ հոգւոց զերկինաձիր բարութիւնս և զնորքին զօրութիւնս յԱստուծոյ բնդունին ողջամիտքն և եղբայրասէրքն, որով ո՞չ միայն կարողանան յաղթել և սանձել զանձնական չարաչար կրկն բռնադատութիւնս, այլ առաւել և սարդիւնաւորին յառաքինական գործս, և յաւէտ հաճելի Աստուածային բարերար կամաց լեալ՝ հանդիսանան ճշմարիտ ճանաչող Աստուծոյ, որով և ճանաչին ՚ի նմանէ, մանաւանդ սրտիւ և հոգւով մերձաւոր լինելով միշտ խնամասիրին և պաշտպանին ՚ի նմանէ, վասն որոյ արժանապէս բնդունին զանստուեր լոյս շնորհացն՝ որ ըստ ամենայնի մերժէ զխաւար և զմոլոր ճանաչմունս, և յաւիտենական կենաց հաղորդ լինին, ՚ի սպառազատեալ ՚ի հոգեկորոյս մահառիթ մեղաց: Իսկ հակառակ ամին ազգատեացք և եղբայրատեացք զբլին յերանաւէտ Աստուածային բարեաց և փառաց, որպէս զբէ սրբազան Աւետարանին Յովհաննէս,՝ Որ սիրէ զեղբայր իւր ՚ի լոյս բնակի՝ և գայթակղութիւն ՚ի նմա չիք. իսկ որ ատեայ զեղբայր իւր՝ ՚ի խաւարի է, և բնդ խաւար շըջի, և ո՞չ զիտէ յո՞ երթայ. զի խաւարնկ ուրացոյց զաչս նորա,՝ և թէ՛ Մեք զիտեմք, զի փոխեցաք ՚ի մահուանէ ՚ի կեանս, քանզի սիրեմք զեղբարս, իսկ որ ոչն սիրէ, անդէն ՚ի մահուն մնայ: Ամենայն որ ատեայ զեղբայր իւր, մարդասպան է. և զիտէք՝ զի ամենայն մարդասպան ո՞չ ունի կեանս յաւիտենականս յանձին հաստատեալ. Ա. Յովհանն. Բ. 10. 11. Գ. 14. 15:

Տես, զիտող, համոզէ զմիտս մեր հոգեկորոզոր բանիւք վարդապետելով ՚ի վերայ բնաբանիցս սրբազան Աւետարանչի՝ շնորհալի սուրբ վարդապետն մեր Սարգիս՝ զբնելով այսպէս.՝ Տեսե՞ր զսիրոյն փոխարէն, ՚ի լոյս բնակի՝ ասէ, և այս ո՞չ փոքր

ինչ, վասն զի լոյս իմանամք զՏէրն՝ որ ասաց . « Ես եմ լոյս աշխարհի »: Ապա յայտ է թէ որ զսէրն ունի՝ յԱստուած բնակի: Եւ զի՞նչ ինչ այլ մեծադոյն արխուռա պարզեաց ինդրեցէ, որ քան զլուսոյն բնակութիւնն, և զԱստուծոյ մերձաւորութիւնն: « Եւ գայթակղութիւն. ասէ 'ի նմա չի՞ք » — թուի թէ այս այն է՝ զոր Տէրն ասաց, « Որ զնայ 'ի տունջեանն ո՛չ գայթակղի »: Արդ՝ որ սիրով ընկերին 'ի լոյս բնակի, ազատեալ է 'ի գայթակղութենէ, մեզաց: Մեծաւ առաւելութեամբ զդատաւ պարտութիւն ատեցողի եղբօրն 'ի կիր արկանէ. վասն զի վերագոյնն ասաց, որ ատէ զեղբայր իւր 'ի խաւարի է տակաւին, իսկ աստ ևս առաւելութեամբ դնէ, զքանն. ընդ խաւար շրջի ասէ, և ո՛չ զիտէ յո՞ երթայ, էր վասն, զի խաւարն կուրացոյց զչաչ նորա: Եւ այս սահման չարի՝ քան զամենայն չարիս է չարագոյն, ասելն՝ մոլորեալ 'ի ճանապարհէն՝ ո՛չ զիտէ յո՞ երթայ. վասն զի զառաջնորդն զսէր ո՛չ ունի, որպէս զի դարձեալ յարքունական ճանապարհն զնա վերածիցէ, այլ մոլորական շրջի թափառական 'ի պէսպէս զառածեալ և կորստեամբ դատապարտեալ: Եւ զայս Տէր մեր ասաց, կոյր կուրի յորժամ առաջնորդէ, սխալի՝ և երկոքեանն 'ի խորխորատ անկանին: Կոյր է ատելութիւնն, կոյր է և զաչացու մարդն առանց սիրոյ ընկերին: Արդ՝ որ զատելութիւնն առաջնորդ ստանայ, երկոքեանն 'ի խաւարն յղարկին: Զի խաւարն ասէ, կուրացոյց զչաչ նորա, կրկին և երեքկին չարիք, մի՛ զի 'ի խաւարի շրջի, և միւս ևս՝ զի ո՛չ զիտէ յո՞ երթայ, և դարձեալ, զի խաւարն կուրացոյց զչաչ նորա, այսինքն ատելութիւնն, զի զնա խաւար անուանէ: Իսկ աչս՝ ո՛չ զմարմնականն անուանէ, այլ զհոգեկանն, « Գ. ճառ. Ա. Յովհաննու »: Եւ այլուր թէ՛ » Մեք զիտեմք, սսէ, այսինքն, հաւատացաք և ծանեաք և 'ի նոյն հաստատեցաք եթէ չեմք 'ի խաւարի՛ չեմք 'ի ստուեր մահու, էր վասն, վասն զի փոխեցաք 'ի մահուանէ՝ 'ի կեանս: Զխորդ և որո՞վ եղանակաւ, զի սիրեմք. ասէ՛

զեղըարս, և այս գիտութիւնն ո՛չ է ամենեցուն յայտնի, այլ միայն մեզ քրիստոսի աշակերտացս՝ որք 'ի նմանէ ընկալաք զզօրութիւն գիտութեանս այսորիկ. և լուսաւոր արար մեզ զկեանս և զանեղծութիւն 'ի ձեռն սիրոյն՝ որով սիրեաց զմեզ որչափ չափ, և զնոյն չափ սիրոյ հրամայեաց մեզ ունիլ առ եղըարս, մեք գիտեմք, ասէ, զի փոխեցաք 'ի մահուանէ 'ի կեանս: Եւ արդ տեսցուք, եթէ զո՞ր ասէ մահ, և զո՞ր կեանս, վասն զի է մահ մեզաց՝ և է մահ ատելութեան. և է մահ մարմնոյ, նոյնգունակ է կեանք հոգւոյ, և կեանք սիրոյ, և է կեանք մարմնոյ: Եւ սոցունց ամենեցուն վկայութիւնք յայանի են 'ի Վիրս սուրբս, որ որ կամիցի ուսանիլ, մեզ այն է ասելի առ այժմ, եթէ յո՞ր մահուանէ, յո՞րպիսի կենդանութիւն փոխեցաք սիրելով զեղըարս, յայտ է թէ յատելութեան մահուանէ և նախանձու, վասն զի է մահ ատելութեան և նախանձու, նախանձու բանսարկուին եմուտ մահ յաշխարհ՝ ասաց իմաստունն, և ատելութեամբ և նախանձու սպան Վայէն զեղըար իւրս. Զ. ճառ. Ա. ԅովհաննու: Ապա եղըարասէր քրիստոնեայն իսկապէս ունի զքրիստոնեական վայելութիւնս և արժանաւորութիւնս Աստուածային շնորհաց և փառաց, վասն զի սրտի մտօք ծառայէ Աստուծոյ բարերար կամացն՝ իսկ եղըարատեացն՝ անուամբ և եթ կոչի քրիստոնեայ՝ բայց կամապաշտութեամբն՝ նախանձու և ատելութեամբն զկռպաշտութեանն բերէ յանձին զպիղծ նմանութիւնս, վասն որոյ սուրբն Վրիդոր Նարեկացի հրեշտակակրօն վարդապետն մեք յորդորական բանիւ վարդապետէ: Մի պարծեսցի որ 'ի մարդկանէ բամբասաւորօք զինուորեալ նետիւք զանձն և զընկերն խոցոտելով, քանզի կռպապարիշտ է քողով ծածկեալն, որ զկերպարանսն միայն ունի և զոչ ախորժելիս զՍտեղծչին կատարէ: Նարեկ. 'ի բանն ԽԸ:

Այնքեսցին այս ամենայն խորհորդածութիւնք 'ի վերայ բանից հողեկորոյս եղըարատեցութեան վճռական բանիւ կենարարին

մերոյ Յիսուսի Քրիստոսի, որ հրամայէ այսպէս՝ «Այլ ես  
ասեմ ձեզ, եթէ ամենայն որ բարկանայ եղջօր իրում տա-  
րապարտուց, պարտաւոր լիցի զատաստանի, և որ ասիցէ ցեղ-  
բայր իւր յիմար, պարտաւոր լիցի՛ ատենի, և որ ասիցէ ցեղ-  
բայր իւր մորոս՝ պարտաւոր լիցի՛ ՚ի զեհնն հրոյն »։ Մատ.  
Ե. 22:

ԳՒՌԻԻ. Է՛:

Բազմապիսի եղևն շնորհք սքանչելի Աստուածային մարդասիրութեան,  
որով լոյս յայտնեցաւ մեզ Քրիստոս Յիսուս :

Ի սուրբ Գիրս յայտնի երևի բազմատեսակ լինելն Աստ-  
ուածային շնորհաց, որք թէպէտ ՚ի միոյ աղբերէ Աստուա-  
ծային շնորհաց յառաջադայինս, բայց իւրաքանչիւրն արժա-  
նապէս ընդունողաց զանազան զօրութիւնս և ազգութիւնս  
ներգործէ, ըստ այնմ. » Զի եթէ միոյն յանցանօք բազումք  
մեռան, որչափ ևս առաւել շնորհքն Աստուծոյ և պարզեքն  
շնորհաց միոյն մարդոյ Յիսուսի Քրիստոսի ՚ի բազումս ա-  
ռաւելաւ: Թէպէտ և բաժինք շնորհաց են, այլ հողի նոյն է:  
Եթէ բաժինք պաշտամանց են, այլ Տէր՛նոյն է: Եթէ բաժինք  
յաջողութեանց են, այլ Աստուած նոյն է, որ յաջողէ զամե-  
նայն յամենայնի. Հռովմ. Ե. 15. Ա. Կորնթ. ԺԲ. 4. Ծ. 6:  
Իւրաքանչիւր որ որպէս և ընկալաւ շնորհս ինչ ՚ի միմեանս  
զնոյն մատակարարել իրրև զբարւոք հազարապետս պէսպէս  
շնորհացն Աստուծոյ. » Ա. Պետր. Գ. 10: Եւս և Մար-  
գարէն Գաւիթ յիշելով զշնորհ Աստուածային հայրազուժ  
խնամոյն՝ երգէր զայս խնդրելով մասնակցիլ զթութեանն  
շնորհաց. » Գթութիւնք քո բազում են Տէր, ըստ իրաւանց  
քոց կեցո՛ զիս. » Սաղմոս. ճԺԲ. 156:

Ապաքէն հարկ խկէ մեզ աստանօր յԱստուածային բազ-  
մազան շնորհս ճանաչել եթէ՛ որն եղև մեր մարդկային



բնութեանս պարզեցալ յԱստուածային բարերար կամաց: Ահա Աստուածարան վարդապետք ճշմարտութեան վկայութեամբ հին և նոր կտակարանաց առաջին շնորհ անուանեն զվարդասիրութիւնն Աստուծոյ:

Լուր վկայութեանցս, ՚ի սէր յաւիտենական սիրեցի զքեզ, ով մարդ, վասն այնորիկ ձգեցի զքեզ ՚ի գթութիւն. երևմ. ԼԱ. 5: Սուրբն Կիւրեղ երուսաղէմայ Հայրապետն ՚ի վերայ մարդարեւական բանիցս զրէ. ՝ Արդարև սէրն Աստուծոյ առ մարդկութիւնս յաւիտենական է և այնքան հնազոյն՝ զոր ունի առ ինքնս:

Ահա այսու մարդասիրական շնորհիւ ամենակարող Տէր Աստուած մեր երկայնամիտ, գթած, ներող և ողորմած լինի ՚ի վերայ մեր, սպասէ զզջման և ասպաշխարութեան մեր: ՝ Ողորմիս ամենեցուն՝ զի յամենայնի կարող ևս, և անտես առնես զմեզս մարդկան ասպաշխարութեամբ, զի սիրես զամենայն ինչ որ է, և ոչ զարչիս յումեքէ՝ զորս արարեր. . . . ինայես յամենեօտան, զի քո ևն Տէր ոգեսէր. ՚ Իմաստ. ԺԱ. 24. 26. 27:

Ով սքանչելի շնորհք Աստուածային սիրոյն առ մարդկային բնութիւնս, զորմէ զօհացեալ ՚ի խորոց սրտէ՝ և զնոյն բարեբանելով հոգեբուղիս բանիւ զրէ սուրբն Գրիգոր Նարեկացի: Ով ոք զօրեցէ տօնել հանդիսիւ պարեղութեամբ ՚ի միոյ կաթուածոյ ցօղոյ քումի բարութեան, որ ցանդ զեզերևս պատրաստել պատճառս հնարից իմս փրկութեան: Եւ զոր մեծն է զրեցից պատմել յասպանիսն՝ քանզի ոչ անուանեցար հրեշտակասէր, որ և զպետութիւնս նոցունց հաստատեցեր, այլ և զերկինս զամբարօք նոցին զմատանց քոց զործ, ոչ զրեցեր երբէք սիրել զնոսա, այլ առեր ՚ի պատիւ մեծաց զովնստից առաջին դասեալ զմարդասիրութիւնն. վասն որոյ կրկին մեծացուցեր քեզ անուն անձառ. ՚ի խորհուրդս սոսկալի զերկնայինսն լուսակերպիցն կոչեցեր զնոսա սպասաւորս և զլիսաւորս յատուկ մատակարարութեանց, իսկ զսօրնային

Տնունդս մահկանացուաց տիրական և Աստուածական պաշտելի անուամբդ սիրճացուցեր : Նարեկ, 'ի Բանն ԼԵ :

Տես բարեխաճ մտաց աչօք զԱստուծոյ մարդասիրութեանն շնորհ, որ է անսահման և յաւխտենական, ծանիր զնորին զսքանչելի և զզերադոյն նշան հիանալի հրեշտակաց և մարդկան, որ է մարդասէր Հօր Աստուծոյ էակից և փառակից Որդին Աստուծոյ Յիսուս Քրիստոս : Յայս միտ բացայայտ աւետարանէ սրբազան Աւետարանիչն Յովհաննէս, « Յայսմ է սէրն, ոչ զի մէք սիրեցաք զԱստուած՝ այլ զի նախ նա սիրեաց զմեզ և առաքեաց զորդին իւր 'ի քառութիւն մեզաց մերոց » Ա. Յովհան. Գ. 10 :

Նկատել արժան է աստէն, զի զոր ինչ լուաւ և ուսաւ 'ի ճշմարիտ երկնաւոր վարդապետէն իւրմէ սիրելի Աշակերտն, զնոյն իսկապէս աւետարանէ, վասն զի Ուսուցիչն ճշմարտութեան Յիսուս Քրիստոս զինի բազում հոգեկեցոյց և շնորհապարզեա բանից իւրոց աւետարանեաց և զայս Նիկողիմոս տնուն Իշխանին, « Այնպէս սիրեաց Աստուած զաշխարհ, մինչև զՈրդին իւր միածին ետ, զի ամենայն որ հաւատայ 'ի նա, մի՛ կրիցէ՝ այլ ընկալցի զկեանս յաւխտենականս » Յովհանն. տու Գ. 16 :

Ի վերայ այսոցիկ սքանչելաճրաշ աւետարանական բանից Աստուածիմաստ մտօք խորհրդածելով զարմանալի իմն վարդապետէ Սարգիս շնորհալի, եթէ՛ « Յայսմ երեւցաւ սէրն Աստուծոյ 'ի մեզ, յայսմ ասէ, յոր, զի զՈրդին միածին առաքեաց յաշխարհ » : Արդարեւ ահաղին նշանակ սիրոյ, և քան զամենայն միտս առաւելեալ քան զմարդկան և զհրեշտակաց, վասն զի ո՞վ ետես կամ ո՞վ լուաւ, եթէ մարդ ոք 'ի մարդկանէ, զմիածին որդի և զսիրելի վասն ծառայիցն պարտ բաշխի առնիցէ՛ և 'ի չարաբանս տացէ զնա և 'ի մահ, և մահաւանդ՝ ո՞չ վասն սիրելի ծառայից, այլ վասն ասկերախութից, ապստամբաց և տեարս անարգողաց : Որպէս Հայրն երկնաւոր

անարեանց զՈրդի իւր յաշխարհ զմիածին և զսիրելի, ոչ 'ի փառս և պատիւ կամ 'ի թագ արքայութեան, այլ 'ի նախատինս և 'ի թշնամանս՝ և 'ի մահ իսկ զլիտովին : Ե՞ր վասնկամ յաղաղս ո՞ր պատճառի : Զի մեք ասէ, որ մեռեալ էաք և դատասպարեալ, եղիցուք նովաւ կենդանիք : Զի եթէ կենանքն սակս մեռելոցն մեռաւ, մեռեալքն զիւրդ վասն կենացն ոչ լինիցին կենդանիք : Ե. ճառ. Ա. Յովհաննու :

Ապա պարտ իսկ է մեզ ճշմարիտ հաւատոյ ամբիժ աչք ճանաչել զԱստուածային անճառ և յաւերժական մարդասիրութեանն բաղմամբսի դերադոյն բարութիւնս և զառատաբաշխ պարզեաց լիութիւնս շնորհեալս մեզ : Ապա արթուն և զգաստ լիցուք չհետեւիլ դիւրախար բնութեանս մերոյ զգայական բաղձանաց, որով յԱստուածային շնորհացն բարութենէ մնասցուք զրիեալս, մի՛ զանցաւորիս մարմնական շքեղութիւնս փառաց և պատուոյ, և զհեշտութիւնս մոլութեանց սիրեցուք, այլ յաւէտ ողջամիտ հաւատոյ լուսով և առաքինական Աստուածահաճոյ դործովք փութացուք զանձեւ 'ի հողիս մեր զպէսպէս զանձս մեծամեծս Աստուածային պարզեաց : Յամենայնի զզուշացուք՝ և զըսիւք, արթնութեամբ խղճի մտաց և պահպանութեամբ Աստուածային օրինաց և պատուիրանաց, զի մի՛ որսացեալ լիցուք 'ի կորստական խաբէութիւն մոլորեցուցիչ պատրանաց աներևոյթ թրշնամւոյն հողոց մերոյ չարահնար բանասրկուին : Այլ ջերմեռանդն հաւատով սուրբ սրտիւ և լիակատար յուսով ուղղացուք զխորհուրդս մտաց և զյոժարութիւն կամաց մերոց 'ի վերնախնամ մարդասիրութիւնն և 'ի բազմազութ տեսչութիւնն 'ի պարզելն անստուեր լուսոյ շնորհաց յամենակալ Հայրն Աստուած, յորմէ զմարդասիրականն երկնապարզ և շնորհս բնկալեալ եմք : Ահա՛ զայս ամենայն զեկուցանէ մեզ սրբազան Առաքեալն Յակոբոս յորդորական բանիւս՝ շ' ի խաբիք եղբարք իմ սիրելիք, զի ամենայն տուրք բարիք և ամե-

նայն պարզեք կատարեալք 'ի վերուստ են իջեալք առ 'ի Հօ-  
րէն լուսոյ, յորում չիք փոփոխումն և շրջելոյ ստուերս. Յա-  
կոր՝ Ա. 16 :

Աստանօր սրբազան Առաքեալն ո՛չ կամի միայն զարթու-  
ցանել զմիտս մեր չհետեիլ խարէպպատիր ունայնութեան  
փառաց և վայելչութեանց անցաւոր կենաց աշխարհիս, այլ  
ընդ նմին աւետարանէ մեզ հոգւոյ աչօք ամբիժ հաւատոյ  
աչալուրջ նկատմամբ ճշմարտապէս ճանաչել և խոստովանիլ  
սրաի մտօք զմիասնական սուրբ Երրորդութեանն զերեքանձ-  
նեայ Աստուածութիւն անեղական և իմանալի լոյս ճշմարիտ,  
որ ձրի պարզելն է սքանչելի լուսոյ պէսպէս շնորհաց և  
փառաց ըստ վիպութեան սուրբ Գրոց՝ «Ո՛չ ևս եղիցի քեզ  
արեգակն 'ի լոյս տունջեան, և ո՛չ ծագումն լուսնի տացէ քեզ  
զլոյս զիշերի, այլ եղիցի քեզ Տէր լոյս յաւիտենական, և  
փառք քո Աստուած»։ Եսայեայ, Կ. 19 : «Եթէ նստայց 'ի  
խաւարի, Տէր է իմ լոյս» Մկրիսայ, Լ. 8 : «Տէր լոյս իմ և կեանք  
իմ» Սաղմ. ԻԶ. 1 : Գարձեալ խօսեցաւ ընդ նոսա և ասէ, «Ես եմ  
լոյս աշխարհի, որ զայ զինի իմ, ընդ խաւար մի՛ զնսացէ, այլ ըն-  
կալցի զլոյսն կենաց, «Յովհան. Բ. 12 : Եւ ոյս են աւետիքն՝ զոր  
լուաք առ 'ի նմանէ և պատմեմք ձեզ. զի Աստուած լոյս է և  
խաւար 'ի նմա չիք և ո՛չ մի.» Ա. Յովհան. Ա. 5 :

Արդ 'ի վերայ այսոցիկ բանից հրաշալի իմն վարդապետէ  
մեզ Սարգիս Ծնորհալի: «Արդարեւ ստուգապէս աւետիք և բիւ-  
րապատիկ խնդութեան պատճառք, որ այնպիսի Աստուած  
ունիմք, որ ճառ նորա բարձր է քան զամենայն միտս, և լոյս  
նորա զերազանց է քան զամենայն բան : Եւ զի ինքն լոյս է  
բնութեամբ և 'ի լուսոյ անտի սկիզբն արարչագործութեան  
արար : Եւ զի զոր օրինակ չդոյ 'ի նմա մասն խաւարի, նմա-  
նապէս և ոչ յարարածս իւր ըստ բնութեան, այլ եկամուտ  
'ի մեղաց անտի ունիմք զխաւարն. զի եկն լոյսն ճշմարիտ  
և լուսաւորեաց զմեզ, և հաղորդս արար լուսաւորութեան



իւրոյ և Աստուածութեանն: Արդ եթէ ասեմք, ասէ՛ եթէ  
հաղորդութիւն ունիմք ընդ նմա՛ և ՚ի խաւարի շրջիմք, ստեմք  
և ոչ առնեմք զճշմարտութիւն: Եթէ բանիւք միայն, ասէ՛  
խոստովանիմք զայսոսիկ, եթէ բարեմասնութեանս այսմիկ ար-  
ժանաւորք եղաք, և ՚ի բարձրագոյն պատիւս յայս կոչեցաք,  
և անեզրական Աստուծոյ բարութեանցն հաղորդս գտաք, և  
նորոգութեամբ աւաղանին զհնութիւն մեղացն մերկացաք,  
և զՔրիստոս վերստին զգեցաք, և նորամիտուր զարդարեցաք  
լուսաւոր պատմութեանն և կնքով պատկերին Աստուծոյ: Եւ  
զկնի այսպիսի և այսքան դաւանութեան՝ գործովք ՚ի խաւարի  
շրջիմք, ստեմք և ոչ առնեմք զճշմարտութիւնն: Վասն զի  
այլ են ասացուածք բանից՝ և այլարդիւնք գործոցն ճշմարտու-  
թեանն: Բ. Ճառ. Ա. Յովհանն:

Տես աստանօր զպատշաճաւորն բաղդատութիւն, զոր  
առնէ սուրբ Գրիգոր Նարեկացին՝ համեմատելով ընդ Աստ-  
ուածային անստուեր լուսոյն՝ զմարդկային տղխութեան խա-  
ւարային խորհուրդս ընդ Աստուածային անեզրական բա-  
րութիւնն զհակամիտելն ՚ի չարիս մարդկայինս տկարութեան.  
զորպիսի տկարութիւն ՚ի վերայ անձին իւրոց բերելով զար-  
մանալի խոնարհութեամբ նկարագրէ. «Գու լոյս ես և յոյս, և ես  
խաւար և յիմար, դու իսկութեամբ բարի գովելի, և ես հա-  
մոյնիւն չար ապիկար» Բան. ԶԳ:

Մտի մտօք ուշադիր լիցուք նաև հողենուազ բանից մեծի  
Հայրապետին մերոյ սրբոյն Ներսիսի Շնորհաւոյն, որ վասն  
ճշմարիտ և ուղղափառ խոստովանութեան առ միասնական  
երկրպագելի սուրբ Երրորդութիւնն՝ երդաբանեաց, «Լոյս արա-  
րիւ լուսոյ, առաջին լոյս, բնակեալ ՚ի լոյս անմատոյց. Հայր երկ-  
նաւոր ՚ի դասուց լուսեզինաց օրհնեալ. ՚ի ծագել լուսոյ առա-  
ւօտուս ծագեալ՝ ՚ի հողիս մեր զլոյս քո իմանալի: Լոյս ՚ի  
լուսոյ ծագումն արեգակն արդար, անձառ ծնունդ Հօր Որ-  
դի, յառաջ քան զարև անուն քո գովեալ ընդ Հօր, ՚ի ծագել

լուսոյ առաւօտուս ծագեան՝ ՚ի հոգիս մեր զլոյս քո խմանալիս  
Լոյս ՚ի Հօրէ բղիււմն ազրիւր բարութեան Հոգիդ  
ս ուրբ Աստուծոյ, մանկունք Եկեղեցւոյ ընդ հրեշտակս զքեզ  
բարերաննն, ՚ի ծագել լուսոյ առաւօտուս՝ ծագեան՝ ՚ի հոգիս  
մեր զլոյս քո խմանալի: Լոյս երբեակ և մի անբաժանելի սուրբ  
Երրորդութիւն, զքեզ ընդ երկնայնոց երկրածինքս միշտ փա-  
ռաւ որեմք: ՚ի ծագել լուսոյ առաւօտուս՝ ծագեան՝ ՚ի հոգիս  
մեր զլոյս քո խմանալի:

Յայտոցիկ Ճշմարտութեանց բացայայտ երևի ուղղափառ  
խոստովանութիւնն մեր յամենասուրբ Երրորդութիւն և յե-  
րեքանձնեայ մի տէրութիւնն, որոյ առաջին լոյս հաւատով  
խոստովանիմք զառաջին անձն զՀայրն Աստուած, որէ ազ-  
րիւր ամենայն բարութեանց և պարգեւաց, որպէս Առա-  
քեսէն Յակորոս աւետարանէ մեզ. «Մի խաբիք եղբարք իմ սի-  
րելիք. զի ամենայն տուրք բարիք և ամենայն պարգեւք կա-  
տարեալք ՚ի վերուստ են իջեալ առ ՚ի Հօրէն լուսոյ, յորում  
չիք փոփոխումն և շրջելոյ ստուեր: Յակ. Ա. 17: — ՚ի վերայ  
հրաշալի բանիցս բարոյական տեսութեամբ զխորհրդական բա-  
ցատրութիւնս Ճշմարտաբանէ Սարգիս Շնորհալի յասելն՝ «Եւ  
զարձեալ ըստ ուղիղ տեսութեան բանից՝ տուրս բարիս ՚ի Հօրէ՝  
խմանալի է մեզ զՈրդին, և պարգեւս կատարեալս զՀօգին սուրբ.  
և զայս ՚ի գրոց վկայութենէ ունիմք հաւատարիմ առնել, որ  
՚ի բազում տեղիս բազում անգամ ցուցանեն տուրք Աստու-  
ծոյ՝ զՈրդին լինել, և պարգեւք՝ զՀօգին սուրբ: Եւ մանա-  
ւանդ ՚ի տէրունական բանիցն, ըստ այնմ «Այնպէս սիրեաց  
Աստուած զաշխարհ, մինչև զՈրդին իւր միածին ետ: Եւ  
յայտիկ երևեցաւ սէրն նորա ՚ի մեզ՝ զի զանձն ետ վասն մեր:  
Եւ այսպիսի սէր երբէք ոք ոչ կայցի, զի զանձն իւր դիցէ ՚ի  
վերայ բարեկամաց իւրոց. որպէս ես ասէ անձամբ իմով զնեմ՝

զանձն իմ: Եւս ևս «Հայր սիրէ զՈրդի, և զամենայն ինչ ետ մեզ ՚ի ձեռն նորա»: Եւ ըստ Եսայեայ՝ «Տէր մատնեաց զնա առ մեզս մեր»: Եւ դարձեալ թէ, «Հայր առաքեաց զՈրդի իւր փրկիչ աշխարհի»: Արդ առաքեաց զնա ոչ մերկ Աստուածու թեամբն, զի անհնար էր տեսանել զնա արարածական բնութեամբ: զի մահկանացուն զմահկանացու ՚ի մահուանէ փրկել ոչ կարէ, և դատապարտեալ զդատապարտեալ ազատել, և մեղաւոր՝ զմեղաւոր արդարացուցանել, այլ եկն զգեցաւ զմերս և մերովս սրբեաց զմեզ և արդարացոյց և փառաւոր արար:

Տեսնը՝ զի տուրքն բարի, ո՞ւր տարաւ կացոյց զմեզ, կամ ի՞մ իմիք զմեզ արժանի արար, ազատութեան, որդեգրութեան, արքայութեան, ընդ Աստուծոյ միաւորութեան: Վասն զի իւր մարմնակիցս և հաղորդս և ժառանգակիցս զմեզ կացոյց, նորին աղագաւ ասէր առ Հայր, զորս ետուրն յաշխարհէ՝ քո էին և ինձ ետուր զնոսա: Իսկ պարզեք կատարեալք՝ է շողին սուրբ, որպէս և կանխաւն ասացի և ոչ միայն պարզեք՝ այլ և ուսուցիչ և մտիթարիչ և կեցուցիչ, և զայսոսիկ խկապէս Տէրն մեր ինքնին ուսուցանէ: Աղաչեցից ասէ, զՀայր, և այլ մտիթարիչ պարզեցեցէ ձեզ, զի ընդ ձեզ բնակեցի, զշողին ճշմարտութեան: Եւ դարձեալ՝ «Բազում ինչ ունիմ ասել ձեզ, ասէ, այլ ոչ կարէք ուսանիլ այժմիկ, իսկ յորժամ եկեցէ շողին ճշմարտութեան, ուսուցէ ձեզ զամենայն, զի յիմմէ անտի առնուցու և պատմեցէ ձեզ: Եւ պարզապէս զանձառից կենաց օրինակս կամելով մեզ ՚ի դէմս ածել, զորս ոչ երբէք ետես ակն կամ լուաւ ունկն, կամ ՚ի սիրտ մարդոյ ոչ անկաւ խոստմունք սիրելեացն, մեզ Աստուած յայտնեաց շողովն իւրով, զի շողին զամենայն քննէ և զխորս Աստուծոյ: Եւ այսու ամենայնիւ մեծացուցանէ զկերպարանս պարզեացն:

Տէս զսոյն փառաւորացոյն յայտնութիւն որոյ Երրորդութեան 'ի լեառն Թափօր, յորում առաւել և արտաքս փայլեցաւ և յայանեցաւ յԱստուածային զիմաց Յիսուսի փրկչին մերոյ սքանչելի լոյս փառաց Աստուածութեանն և 'ի Հօրէն ամենակալէն վկայութիւնն սակս փառակցութեան և էական համագոյ որդիութեան մարմնացելոյն վասն մեր փրկութեան յայանարարառ հռչակեցաւ ըստ զրութեանց սրբազան Աւետարանչացն: — Եւ յետ վեց աւուր առնու ընդ իւր Յիսուս զՊետրոս և զՅակոբոս և զՅովհաննէս զեղբայր նորա, և հանէ զնոսա 'ի լեառն մի բարձր առանձինն, և այլակերպեցաւ առաջի նոցա, և լուսաւորեցան երեսք նորա իբրև զարեգակն, և հանդերձք նորա եղն սպիտակ իբրև զլոյս . . . : Ահա ամպ լուսուոր հովանի եղև 'ի վերայ նոցա. ձայն եղև յամպոյն՝ և ասէ, զա՛ է որդի իմ սիրելի՛, ընդ որ հաճեցայ, դմա լուարո՛ւք: Մատ. Ժ. 1. Մարկ. Թ. 1. Ղուկաս. Թ. 28:

Տեսեր զգերագոյն զօրութիւնն և զԱստուածային մեծութիւնն և զփառաց լուսափայլութիւնն Յիսուսի փրկչին մերոյ, որով և յԱստուծոյ Հօրէ վկայեալ ծաւալեցաւ յԱռաքեալս, յորոց երանելին Պետրոս պանծանօք վերահռչակէ. «Ո՛չ եթէ պաճուճեալ ինչ առասպելաց զհետ երթեալ ցուցաք ձեզ Տեսառն մերոյ Յիսուսի Քրիստոսի զօրութիւնն և զզալուստն, այլ մեզէն եղեալ ականատեսք նորա մեծութեանն: Քան զի առեալ յԱստուծոյ Հօրէ զփառս և զպատիւ եկեալ յայնպիսի բարբառոյ՝ 'ի մեծ վայելչութեան փառաց անտի, եթէ դա է Որդի իմ սիրելի, ընդ որ ես հաճեցայ: Եւ զայս բարբառ մեք իսկ լուաք եկեալ յերկնից, որ ընդ նմա իսկ էաք 'ի սուրբ լերինէ. Բ. Պետր. Ա. 16. 17: Ահա այս ամենայն բանից տեսութիւն բացայայտ երեւի յայս բան սուրբ Աւետարանին. եթէ, և Եւ Յիսուս զարգանայր իմաստութեամբ, հասակաւ շնորհօք յԱստուծոյ և 'ի մարդկանէ: 'Իմարդկանէ ասէ քանզի, ողջամիտ զիտողութեամբ զհամբաւելն 'ի մարդկանէ նորին՝



քանչեղի իմաստու թեանն և ամենակարող զօրու թեանն և շնորհաց լիութեանն պարտխմք իմանալ, որով փառաւորեալ իսկ լինէր յամենեցունց, ըստ անժխտելի վկայութեանց սրբոյն Ղուկասու, «Եւ դարձաւ Յիսուս զօրութեամբ Հողւոյն ՚ի Գալիլեայ, և ել համբաւս զնմանէ ընդ ամենայն կողմանս գաւառին: Եւ նա ուսուցանէր ՚ի ժողովուրդս նոցա փառաւորեալ յամենեցունց, և թէ ամենեքին վկայէին նմա, և զարմանային ընդ բանս շնորհացն՝ որ ելանէին ՚ի բերանոյ նորա» Ղուկ. Գ. 14. 15: — 22: «Եւ եղև ՚ի շարաթուն՝ սկսաւ ուսուցանել ՚ի ժողովրդեանն, և բազումք իրբև լսէին զարմանային ընդ վարդապետութիւն նորա, և ասէին. ուստի է սմա այս, և զի՞նչ է իմաստութիւն, որ տուեալ է սմա, զի զօրութիւնք այսպիսիք ՚ի ձեռաց սորա լինին: Մարկ. 2. 2: — «Եւ շրջէր Յիսուս ընդ ամենայն քաղաքս, և ընդ գիւղս ուսուցանէր ՚ի ժողովուրդս նոցա, և քարոզէր զԱւետարանն արքայսութեան և բժշկէր զամենայն աստս և զամենայն հիւանդութիւնս ՚ի ժողովրդեան: Մատթ. Թ. 35: : «Յետ այսորիկ զնաց Յիսուս յայնկոյս ծովուն Գալիլեացւոց Տիրերեայ, և զհետ երթայր նորա ժողովուրդ բազում. զի տեսանէին ըզնշանսն՝ զոր տռնէր ՚ի վերայ հիւանդաց: Յովհ. 2. 1. 2: Առ այս բազմապատիկ շնորհս սքանչելի զօրութեանց Քրիստոսի Աստուծոյ մերոյ վայելուչ հանդիսասցի ՚ի վերջ զլսոյս հոգեբուղիս փառաբանութիւն սրբոյն Գրիգորի Նարեկացւոյ. «Աստուած անսահման, ծնունդ Աստուծոյ հարազատ, անթարգմանելի, արարիչ բնաւին եղելոց. Քրիստոս թագաւոր. լոյս ՚ի խաւարի սրտից մթացելոց, ընդ մեզ լումամբ և ընդ առաքչիդ խկուլութեամբ, մերովս զքոյինսդ ծանուցանող հրաշապէս և :



Բացատրութիւն սահմանի Շնորհացն Աստուծոյ :

Աստուածարանք համառօտիւ զշնորհն Աստուծոյ սահմաննն շնորհնականն պարզեալ Աստուծոյ, ձրիսպէս տուեալ բանական արարածոց իւրոց յազադս արդեանց փրկադործ տնօրէնութեանն Քրիստոսի ։ :

Արդ՝ ասի Էրեմիայի, որով զանազանի ՚ի բնական պարզեալացն Աստուծոյ առ մարդկութիւնս, որնախ՝ ՚ի խնամառատ արարչագործութեան յատուկ շնորհօք փառազարդեաց զնոյն. զի յայնժամ ճոխացոյց անմահութեամբ, իմացականութեամբ մտաց, և անձնիշխանութեամբ կամաց, որով անուանեցաւ մարդն պատկեր բնութեամբ բարւոյն Աստուծոյ, ըստ այնմ՝ Եւ արար Աստուած զմարդն ՚ի պատկեր իւր. ըստ պատկերի Աստուծոյ արար զնա. Կենդ. Ա. 27: «Աստուած հաստատեաց զմարդն յաննղծութիւն, և ՚ի պատկեր իւրոյ բարեբարութեան արար զնա. Իմաստ. Բ. 23: Զսոյն զայս ձիրս պարզեաց առ մարդկութիւնս ճշգրիտ վարդապետեաց մեզ սուրբն Գրիգոր Լուսաւորիչ մեր. «Արդ՝ Հօրն Արարչի խորհուրդ ՚ի մեջ եղեալ ընդ Արարչակից Որդւոյ և Հոգւոյ, իբրև զխորհուրդն առաջին ՚ի նախաստեղծ մարդոյն, զի որպէս անդր ասաց թէ՛ Արասցուք մարդ ՚ի նմանութիւն պատկերի կերպարանաց մերոց. և անդէն ստեղծեալ զԱզամ ՚ի կենդանութիւն, ՚ի չգոյէն հաստատեցաւ. » յԱզաթ. երես 117: Եւս և ՚ի Շարականի. «Որ զկերպարանն Աստուածային ստեղծեալ երրորդութեանդ խորհրդակցութեամբ, զարդարեցեր փշմամբ շնորհաց քոց կենդանարար: Երկրորդ՝ մարդս գտաւ ընդունակ Աստուածային պէսպէս պարզեաց, և ժառանգութեան Աստուածային յաւիտենական կենաց: Ահա զայս ամենայն նշկատեալ հոգեւոս իմաստութեամբ և երախտապարտ Աստուա-

Ճային ձրիատուր պարզեւացն զանձն իւր խոստովանեալ  
երջանիկ Մարգարէն Գաւթի և միանգամայն 'ի վեր քան ըզ-  
հասողութիւն մտաց երգեաց դոհարանութեամբ այսպէս.  
«Ահա դու Տէր ծանեար զյետին իմ, և զառաջին իմ, դու  
ստեղծեր զիս, և եղեր զձեռն քո 'ի վերայ իմ: Աքանչեւի  
եղև գիտութիւն քոյինէն, զօրացաւ և ոչ հանդարտեմ սմա՞.  
Սաղմոս. ձԼԸ. Ծ. 4: Եւ երանելի Առաքեալն Պօղոս յա-  
ղագս հողւոյն մերոյ ընդունակ լինելոյ Աստուածային շնոր-  
հաց և փառաց պանծանօք զրէ. «Բայց մեր ամենեցուն  
բացաւ երեսօք զփառան Տեառն իրբև ընդ հայելի տեսալ՝  
'ի նոյն պատկեր նորոզիմք փառաց 'ի փառս, որպէս և  
Տեառն հոգւոյ՝ Բ. Կորնթ. Գ. 18:

Երրորդ՝ պատուեաց Աստուած զմարդն, զի նախ քան  
զստեղծանելն զնա՝ զյատուկ շնորհ մարդասիրութեան իւրոյ  
եցոյց նմա, ստեղծանելով 'ի վայելս նորա զամենայն կարեւոր  
պիտոյս կենցաղավարութեան՝ յաշխարհի աստ. ըստ այնմ՝  
«Երկինք երկնից Տեառն են՝ և զերկիրս ետ որդւոց մարդկան».  
(այս է, Տեառն Աստուծոյ բարձրագոյն փառաց վայելչութիւնն  
'ի վեր է քան զերեւելիսս, և զերեւելի վայելչութիւնս և բա-  
րութիւնս երկրի նախահոգութեամբ արարչագործեալ շնոր-  
հաց ազգի մարդկան). Սաղմոս. ձԺԳ. 24: Յաղագս այսո-  
րիկ զրէ սուրբ Գրիգոր լուսաւորիչն մեր. «Արար Աստուած  
զերեւելի արարածս զգայական, առ դարմանս մարդկան  
կենաց, որպէս երկինք ամրով և ցօղով և լուսաւորօք իննամէ  
և հասուցանէ զպտուղս բուսոց և անկոց: Որոյ բուսոց պիտոյա-  
նան ըստ ժամանակին հովուց և ջերմութեան, որ սնուցա-  
նէ և անվնաս պահէ: Զրովն ոռոգանէ զերկիր, և արբուցանէ  
զմարդիկ և զանասունս և զգաղանս և զթռչունս, և զամե-  
նայն զեռունս և զսողունս, որ ունին շունչ կենդանի.՝ Յա-  
ճախ. ձառ. Է:

Ահա այս ամենայն բնութեան պարզևք Աստուծոյ՝ որք են

իսկապէս շնորհք ձրի պարզեւեալ յԱստուծոյ մարդկան. զորս  
հասարակաբար վայելեն մարդիկ չարք և բարիք: Ըստ այնմ: Զա-  
րեզակն իւր ծագէ՛ ՚ի վերայ չարաց և բարեաց և ածէ անձրև  
ի վերայ արդարոց և մեղաւորաց. Մատթ . Ե . 45 : Ուս-  
տի երգեաց երջանիկ Մարգարէն Դաւիթ՝: Գթած, ողորմած  
է Տէր, երկայնամիտ և բազումօղորմ : Քաղցր է Տէր առ ա-  
մենեսեան, և գթութիւն նորա ՚ի վերայ ամենայն արարա-  
ծոց իւրոց. Սաղմ . ձե՛ր . 8 . 9 : Զորորդ՝ ասի շնորհքն՝  
: : : : : յոր նկատեալ՝ յայտնի երեւի թէ բնութեան  
մարդկային պարզեւեցաւ յԱստուծոյ՝ առ իւրաքանչիւրս  
ձրիապէս առանց նախընթաց արդեանց. սակայն որպէս վը-  
կայէ Առաքեալն Պողոս. « Իսկ եթէ շնորհք ոչ ևս ՚ի գործոյ  
ապա թէ ոչ, շնորհք ոչ ևս շնորհք լինին. » Հռովմ . ԺԱ . 6 :  
Զի այլ է շնորհն ձրիապարզև, և այլ է վարձուց հատու-  
ցու մն յԱստուծոյ ըստ վաստակոց առաքինութեանց Աստուա-  
ծահաճոյ արանց երանական վառօք և լուսեղէն պսակօք  
յարքայութեան երկնից: Յաղագս որոյ գրէ դարձեալ երանելի  
Առաքեալն, « Բայց այնմ՝ որ գործիցեն, ոչ համարին վարձքն  
ըստ շնորհաց, այլ ըստ պարտեաց: » Հռովմ . Գ . 4 :

Տեսնը. զի այլ է հատուցումն վարձուց ըստ գործոց և  
արդեանց առաքինացելոյն առաջի Աստուծոյ. ըստ այնմ: Երա-  
նի՛ է ձեզ, յորժամ նախատիցեն զձեզ, և հալածեսցեն, և  
ասիցեն զամենայն բան չար զձէնջ սուտ վասն իմ: Յնծացէք  
և ուրախ լըրուք, զի վարձք ձեր բազում են յերկինս. » .  
Մատթ . Ե . 11 . 12 : Մարկոս . Թ . 40 : Դուկ . 2 . 22 .  
25 : « Իւրաքանչիւր ոք զիւր վարձս առնուցու ըստ իւ-  
րում վաստակոց: Ա . Կորթ . Գ . 8 : « Արդ մի՛ մերժէք ՚իձէնջ  
զհամարձակութիւնն ձեր, յորում կայ մեծաց վարձուց հատու-  
ցումն : Պիտոյ է ձեզ համբերութիւն, զի զկամս Աստուծոյ  
արարեալ՝ հասջիք աւետեացն. » Երբայ . Ժ . 35 . 36 :

Ապա գերբնական պարզևն Աստուծային անկախ յար-



գեանց մերոց է ձիրք ձրի շնորհակ մեզ քայց հարկ է մեզ չք-  
 մերժել զնոյն չարաչար վարուք և հակառակ ձրիատուր շնոր-  
 հացն Աստուծոյ ունիլ գործս մոլութեան, որք հեռացուցա-  
 նեն զԱստուածային շնորհն: Արդարև ցաւակցարտր 'ի վերայ  
 այնպիսեաց արտասուել և լալ արժան է, զոր յայտնի եցոյց  
 մեզ աղբիւրն շնորհաց Յիսուս Փրկիչն մեր. որպէս գրէ Ա-  
 ւետարանիչն Ղուկաս. «Եւ իբրեւ մերձեցաւ, տեսեալ զքա-  
 ղաքն ելաց 'ի վերայ նորա. և ասէ, եթէ գիտէիր դու զոնէ  
 յաւուր յայտնի զխաղաղութիւն քո, բայց այժմ ծածկեցաւ  
 յերեսաց քոց: Ղուկաս. ԺԹ. 41. 42:

Ետես սրբազան Առաքեալն Պողոս, զի բազումք 'ինոր հա-  
 ւատացելոց անտի ունայնացուցանել կամէին զզօրութիւն թաչին  
 Քրիստոսի կամապաշտութեամբ իւրեանց և մոլի վարուք մշ-  
 տայօժար լինելով յանձնասիրութիւնս, նա մանաւանդ հա-  
 կառակէին յայտնի անժխտելի վարդապետութեան քրիստոսա-  
 կան կրօնի սրբութեան՝ և եկեղեցոյ կարգաց և աւանդու-  
 թեանց, վասն որոյ ըստ ճշմարիտ երկնաւոր վարդապետին Յի-  
 սուսի Քրիստոսի՝ արտասուելով 'ի վերայ հոգևոր թշուառու-  
 թեան նոցա զրեաց այսպէս. «Լալով իսկ ասեմ զթշնամեաց  
 թաչին Քրիստոսի, որոց կատարածն կորուստ է, որոց աստուած  
 որովայնն իւրեանց է, և փառք ամօթն իւրեանց, որք զերկրա-  
 ւորս և եթ խորհին: Փիլիպ. Գ. 18. 19:

Ասացաք թէ՛ յիշտեալս զորս զսրբազան Առաքեալն Պողոս քաղցրու-  
 թիւն և մարդասիրութիւն Աստուծոյ անուանէ, որ Յիսու-  
 սի Քրիստոսի փրկարար մարդեղութեան խորհրդովն յայտ-  
 նեալ երեցաւ. յիսկ յորժամ քաղցրութիւն և մարդասիրու-  
 թիւն Փրկիչն մերոյ Աստուծոյ յայտնեցաւ: Ոչ 'ի գործոց  
 արդարութեան զոր արարաք մեք, այլ ըստ իւրում ողորմու-  
 թեան ապրեցոյց զմեզ 'ի ձեռն աւազանին միւսանգամ ծնն-  
 դեան և նորոգութեան Հոգւոյն սրբոյ: Տիտ. Գ. 4. 5:

Ծանօթ ընթացող: զի այս շնորհ փրկագործութեանն Յիսուսի Քրիստոսի Աստուծոյ մերոյ յայնժամ յայտնեցաւ մեզ: մինչ մեք 'ի վիճակի դատապարտութեան էսք իրաւամբ արժանացեալ: բայց յորժամ կամեցաւ վերնախնամ մարդասէր բարերարութիւնն իրրեւ Հայր զՅիսուս և ամենողորմ, զճրիստուր շնորհն պարզեւեաց մեզ զՅիսուս Քրիստոս զէակից զԱրդին իւր, որով բազմապիսի շնորհաց նորին արժանաւորեցաք: Այս անեղական պարզեւ Աստուածային լոյս է սքանչելի, և ուր ուրեք հրաշափառ փայլի և տարածի, մերժէ անտի զխաւար հեթանոսական հոգեկորոյս ցանկութեան, և փառամոլութեան, և լուսաւորէ զտեսութիւն մտաց ճանաչել բարեղք և ստանալ սիրով զարդիւնս զգաստութեան, ժուժկալութեան, մաքուր վարուց և Աստուածապաշտութեան, որով յաջողեցցի ամբիժ հաւատով և կատարեալ յուսով զարդարեալ հոգւոյն հասանել յաւէժական փառաց երկնից արքայութեան: Ահա 'ի վարդապետել մեզ զայս ամենայն՝ զրէ սրբազան Առաքեալն Պօղոս, շնորհիւ երեւցաւ շնորհն Աստուծոյ փրկիչ ամենայն մարդկան, որ խրատէ զմեզ՝ զի ուրացուք զամբարշտութիւն և զաշխարհական ցանկութիւն, զգաստութեամբ և սրգարութեամբ և Աստուածապաշտութեամբ կեցցուք յաշխարհի, և ակնկալցուք երանելի յուսոյն և յայտնութեան փառաց մեծին Աստուծոյ և Փրկչին Տերոյ Յիսուսի Քրիստոսի: Տիտու. բ. 11. 12: Յայս ամենայն ձրիական պարզեւ Աստուածային մարդասիրութեանն հոգեկիր մտք նկատեալ և բարբառեալ զնոյն ինքն զազգիս ըն շնորհաց՝ ուրն Գրիգոր Նարեկացի զրէ. «Եւ արդ զու միայն Աստուած երկնաւոր՝ բարձրեալ, բարեղործքն է զօրութիւն, քն ներողութիւն, քն բժշկութիւն, քն առատութիւն, քն են պարզեւք, քն միայնոյ են ձիրքք. Նար. ժ. 2: Եւ Սարգիս Շնորհալի 'ի նոյն միտս ճառէ. «Այն շնորհք որ Աստուածութենէ անտի մեզ պարգևի, ձիր է և ոչ առաքինութեան յալթանակ, պարզեւք է: այլ ոչ արդարութեան հա-

տուցուին, մարդասիրութիւն է, այլ ոչ փոխարինաց տուրք, որպէս զի այնու արտաքոյ արժանեաց զմեզ երանելիս արասցէ : »  
Ա. ճառ. Ա. Պետր :

Ի սահմանի ասացաւ զհետեւս, որով յայտնի լինի թէ՛ ոչ ամենայն էակ է արժանացեալ և ընդունակ ձրիական շնորհացս, այլ միայն մարդիկ՝ որք են բանականք զարդարեալ անմահական հոգւով և ճոխացեալ մտօք և կամօք անձնիշխանութեան. ապա որդիք մարդկան արժանացան զերտզոյն շնորհաց մարդասիրին Աստուծոյ. և կարողացան ճանաչել և գանձել ՚ի օրտի զբազմաստեօակ բարութիւնս երկնաձիր պարգևացն, և վայելցին զփրկարար արդիւնս շնորհաց և զերանաւէտ վայելչութիւնս փառաց և կենաց. վասն որոյ մարդիկ միայն կարեն պարծանօք խոստովանիլ ձայնակցեալ ընդ Աստուածարան սրբոյ Աւետարանչին Յովհաննու. եթէ՛ ըջի ՚ի լըրութենէ անտի նորա մեք ամենեքին առաք շնորհս փոխանակ շնորհաց, զի օրէնքն ՚ի ձեռն Մովսիսի տուան, շնորհք և ճշմարտութիւն ՚ի ձեռն Յիսուսի Քրիստոսի եղեն. » Յովհան. Ա. 16, 17 : Տես, հրեշտակն քարոզեաց մարդկան ծագեալ ՚ի նոսա զանեղական շնորհացն զոյս աւետարանելով յերկնից զփրկարար սքանչելի յայտնութիւնն. քանզի դասուց երկնային զուարթնոց ևս յայտնեցաւ, եթէ՛ յաւիտենական թագաւորն և Տէրն տէրանց հաճեալէ շնորհել ազգի մարդկան զիւր երկնից արքայութեան փառաց վայելչութիւնս : Վասն որոյ ոչ միայն աւետարանեցաւ երջանիկ հովուացն ՚ի հրեշտակէն փրկութեան շնորհ, եթէ՛ Վետարանեմ ձեզ ուրախութիւն մեծ. որ եղիցի ամենայն ժողովրդեան, զի ծնաւ ձեզ այսօր փրկիչ : » Այլ և տես զի՛նչ գրէ Աւետարանիչն. « Եւ յանկարծակի եղև ընդ հրեշտակին ընդ այնմիկ՝ բազմութիւն զօրաց երկնաւորաց՝ որք օրհնէին զԱստուած և ասէին՝ փառք ՚ի բարձունս Աստուծոյ և յերկիր խաղաղութիւն, ՚ի մարդիկ հաճութիւնս. Ղուկաս. Բ. 10, 13, 14 :

Տեսանենս. բարեմիտ ընթերցող, զի ամենայն ձրիատուր պարգևք փրկագործ տնօրէնութեան Յիսուսի Քրիստոսի շնորհեցաւ միայն ազգի մարդկան, ուստի 'ի Հանգանակի անդ հաւատոյ խոստովանիմք և զայս, յՈր յաղագս մեր մարդկան իջեալ յերկնից մարմնացաւ, մարդացաւ, ծնաւ կատարելապէս 'ի Մարիամայ սրբոյ կուսէն Հոգւոջն սրբով ։

Երանելի Առաքեալն Պօղոս յաղագս այսր Աստուածային մարդասիրական շնորհաց փրկագործութեան գրէ, շքանզն ոչ երբէք զՏրեշտակաց բուռն հարկանէ, այլ զզաւակէն Աբրահամու բուռն հարկանէ ։ Եբրայ. Բ. 16 ։ Եւ երջանիկ սուրբ վարդապետն մեր Ներսէս Լամբրոնացի 'ի մեկնութեան Սաղմոսի յայս բան՝ յՈ՞վէ մարդ՝ զի յիշես դու զնա, կամ որդի մարդոյ՝ թէ այց ինչ արասցես դու նմա՝, գրէ զարմացմամբ, ճէր զԸ՞նչ տեսեր 'ի մարդն, զի այդչափ սիրեցեր զնա. այդչափ աշխատեցար 'ի վերայ նորա, զՏրեշտակս 'ի ներքոյ պատժոց թողեր, և զամանէ բուռն հարեալ կանգնեցեր. երկնից և երկրի սիրող զքեզ շասացեր, և մարդասէր անուամբ պարծէիր ։

Աստանօր նկատեսցուք զվերջին բան սահմանի շնորհացն յԵՒՆՈՒՆՆԻՍՏՈՒՆԻՆԻՍ ԳԵՒՈՐԴՈՍ վասն զի ազատեալ և փրկեալ եմք 'ի սոսկալի դատապարտութենէ սկզբնական մեղաց և արդարացեալ ժառանգորդ երկնային փառաց արքայութեան լինիլ յուսամք՝ ոչ մերովք ինչ արդարութեամբք Աստուածահաճոյ գործոց, այլ միայն Յիսուսի Քրիստոսի փրկագործ տնօրէնութեան արդեամբք և արդարացուցիչ ձրիատուր շնորհօք նորին մարդասիրութեան, վասն այսորիկ սրբազան Առաքեալն Պօղոս բաղդատական ձեռնարկու թեամբ ցուցանէ զանչափ զօրութիւնն և զամենառատ ծաւալումն շնորհաց Յիսուսի Քրիստոսի և զառաւելութիւն ամենաբաւական արդեանց նորին փրկագործութեան. և ս յայտնէ ըզբարձումն դատապարտութեան սկզբնական մեղաց՝ որով ապականեալ էր բովանդակ բնութիւնս. և թէ յաղթեաց արգա-



բացուցիչ լիութիւնն շնորհաց Յիսուսի փրկչին մերոյ հոգեւորոյս զօրութեան մեղաց. վասն որոյ համեմատելով զյանցանս բովանդակ մարդկային տկարութեան ընդ Քրիստոսի փրկչին մերոյ առատաձիր շնորհացն լիութեան և փրկարար արդեանցն զօրութեան, գրէ. « Այլ ոչ որպէս յանցանքն՝ նոյնպէս և շնորհքն, զի եթէ միոյն յանցանօք բազումք մեռան, ո՞րչափ ևս առաւել շնորհքն Աստուծոյ և պարգևքն՝ շնորհօք միոյն մարդոյ Յիսուսի Քրիստոսի՝ ՚ի բազումս առաւելու : Զի եթէ ՚ի միոյն յանցանաց մահ թագաւորեաց միոյն, ո՞րչափ ևս առաւել որք զառաւելութիւն շնորհաց և զպարգևաց արդարութեանն աւնուցուն, կենօք թագաւորեսցեն ՚ի ձեռն միոյն Յիսուսի Քրիստոսի : Զի որպէս անհնազանդութեամբ միոյն մարդոյ՝ մեղաւորք բազումք եղեն, նոյնպէս և հնազանդութեամբ միոյն արդարք բազումք եղեցին : Զի որպէս թագաւորեսցին մեղքն ՚ի մահու անդ, նոյնպէս և շնորհքն թագաւորեսցեն արդարութեամբ ՚ի կեանսն յաւիտենից ՚ի ձեռն Յիսուսի Քրիստոսի Տեառն մերոյ » . Ըսովմ. Ե. 13, 17, 19, 21՝

Այսու ամենայնիւ զօրացուցանել և քաջալերել փութացաւ երանելի Առաքեալս զհաւատս և զյոյս հաւատայիւրց աւետելով այսպէս. « Ունիմք այսուհետեւ եղբարք համարձակութիւն ՚ի մուտս սրբութեան արեամբն Յիսուսի, որ նորոգեաց մեզ ճանապարհ նորոգ և կենդանի ՚ի ձեռն վարագորին այսինքն մարմնոյն իւրոյ » Երբ. Ժ. 19, 20 :

Արդ՝ երանելի Առաքեալն Պետրոս ջանայ առաւել իմն հաւատառել զմիտս քրիստոնէից ՚ի հաւատս և ՚ի յոյս, մանաւանդ ձգնի յորդորել զամենեւեան ՚ի սէր նեղութեան և չարչարանաց վասն անչափ սիրոյն Յիսուսի Քրիստոսի, արդարեւ մեծազոյն պատիւ և անեղբական փառք վասն երկրպագելի անուան նորա վիշտս և չարչարանս կրել. որպիսիք էին երանեալ սուրբ վկայքն Յիսուսի, վասն որոյ գրէ. « Եւ Աստուած ամենայն շնորհաց, որ կոչեաց զձեզ յիւր ՚ի յաւիտենական ՚ի

փառան Քրիստոսիւ Յիսուսիւ, որում փոքր մի եղերուք չար-  
չարակիցք, նա կազդուրեցուցէ, կարողացուցէ, հաստահիմն  
արտացէ : Նմա իշխանութիւն և փառք յաւիտեանս՝ ամէն :  
Ա. Պետր. Ե. 10, 11 :

Տես և յայս միտ զխորդ վայելահաճիւս ճառագրէ Սար-  
գիս Ենորհալի սուրբ վարդապետն մեր. «Տեսանէս զառաւե-  
լութիւն շնորհին, եթէ ո՞ւր կոչեաց զմեզ, կամ որո՞ւմ փա-  
ռաց հաղորդս արար. ո՞չ հրեշտակի փառաց և ո՞չ հրեշտա-  
կապետի, այլ իւրում գերագոյն և մշտնջենաւոր փառացն.  
զայս ասելով միտիթարէ զնոս և սիովիէ մի՛ զանդիտեղ՝ ի  
նեղութեանցն, և մի՛ երկնչիլ ՚ի չարչարանաց, որ այնպիսի փա-  
ռաց և այնքան երանութեան ձեզ առիթ լինին : Զի եթէ  
Տէրն ձեր և արարիչն սակս ձեր այնչափ չարչարեցաւ և զա-  
նեցաւ և բամբասեցաւ՝ և զձեզ կոչեաց ՚ի փառան հայրենիս,  
ասպա և դուք մի՛ զլանայք զպարդէս չարչարանաց : ԺԲ. Ճառ.  
Ա. Պետ :

Ապաքէն ՚ի վերջն սահմանի Աստուածային շնորհաց ըզ-  
գոհարանական մտղթանս մեր սրտի մտօք և ջերմեռանդու-  
թեամբ առ մշտարուղիս աղբիւրն բարութեանց վերառաքես-  
ցուք ընդ սրբոյն Գրիգորի Նարեկացւոյ ազօթակից լինելով.  
«Աստած և տէր, կեանք և արարիչ, ողորմած, զթած, լոյս,  
երկայնամիտ, անխակալ, մարդասէր, ամենադուրթ, պարգեա-  
տու, փրկիչ, օրհնեալ, դովեալ, բարերանեալ : Գարան ամրու-  
թեան, սպաստարան վստահութեան, առանցնենդութեան բա-  
րի, առանց խաւարի ճառագայթ, քաւիչ մեղաց, ողջացուցիչ  
վիրաց, անհասանելեաց հնարք, անմատչելեաց հպաւոր, անյու-  
սութեան ելք, անու՛ն խոստովանեալ՝ Որդի Աստուծոյ, և Հօր  
քօ ընդ քեզ հզօրի և ահաւորի և Հօգւոյդ ամենակալի և  
ընդ քեզ երկրպագելոյ փառք և պաշտօն զոհարանութեան  
յաւիտեանս՝ ամէն : Նարեկ. ԶԹ :

Եւ արդ յետ ճառելոյ զրազմապիսի շնորհաց ամբաւ բա-

րերարութեանց բարձրելոյն ընդհանրապէս առ ազգո մարդ-  
կան՝ կայ մնայ մեզ յառաջիկայս մասնաւորապէս տողել զեօթն  
խորհրդոց հաստատելոց 'ի Փրկչէն, որք առ ի թ և միջոցք են  
Աստուածային շնորհաց ազնեւացելոց 'ի մեզ փրկարար ներ-  
գործութեամբք:

ԳԼՈՒԽ Ա,

Մկրտութիւնն հոգեւոր ծննդեամբ որդեգրէ զհաստացեալն Հօր Աստու-  
ծոյ, որով եւ զերբնապէս նմանակից անէ Յիսուսի Քրիստոսի եւ հա-  
զորչակից շնորհաց նորա:

Բազմատեսակ Աստուածային ճրիատուր շնորհաց գերբը-  
նական զօրութիւնքն բացատրին և ծանուցանին զանազան  
անուամբք. յորոց մին անուանի յԱստուծաբանից՝ Ունակա-  
կան շնորհ հեղեալ 'ի հոգիս հաւատացելոց և միանգամայն  
արդարացուցիչ սրբարար և որդեգրական շնորհ. զոր ընդու-  
նին մկրտեալք յանուն ամենասուրբ Երրորդութեան. ըստ ան-  
ժըխտելի հրամանի կենարար փրկչին մերոյ Յիսուսի Քրիս-  
տոսի. «Գնացէ՛ք այսուհետեւ աշակերտեցէ՛ք զամենայն հեթա-  
նոսս. մկրտեցէ՛ք զնոսա յանուն Հօր և Որդւոյ և Հոգւոյն սբր-  
բոյ. » Մատ. ԻԸ. 19. Մարկ. ԺԶ. 15 :

Արդարեւ մկրտութեան սրբարար և արդարացուցիչ շնոր-  
հաց ներգործութիւնն նորահրաշ հոգեւոր ծնունդս պարգևէ  
ապականեալ բնութեանս, որով մկրտեալք 'ի ջուր աւազանին  
խորհրդոյ մկրտութեան՝ ըստ ամենայնի ազատեալ 'ի մեռելու-  
թենէ մեղաց և 'ի նորին դատապարտութենէ՝ վերանորոգին  
'ի յաւիտենական կեանս հրաշափառագոյն նոր հոգեւոր ծննդ-  
դեամբ. և այս խկ է շնորհաձիր արդիւնք փրկագործութեան  
կենարարին մերոյ Յիսուսի Քրիստոսի 'ի մահուանէ վերափո-  
խիլ 'ի կեանս, յապականութենէ յանապականութիւն, յան-  
գիտութենէ 'ի գիտութիւն ճշմարտութեան, ևս և վերակո-  
չիլ սրբարար շնորհիւ : Զայս վերստին հոգեւոր ծնունդ ա-

ւետարանեաց Յիսուս Նիկողիմոս անուն իշխանին չրէից, որ եկեալ էր առ նա 'ի դիշերի, և յետ բազում բանից տեսեալ սրտագիտին, զի այս այր եկեալ է առ ինքն ստանալ ըստ Ոսկերերանին զյոյս ժառանգութեան երկնից, վասն որոյ բացածանոյց նմա ասելով. «Ամէն ասեմ քեզ, եթէ որ ոչ ծնցի վերըստին, ոչ կարէ տեսանել զարքայութիւնն Աստուծոյ : Առ այս բան կարի տարակուսեալ ափշեալ և հիացեալ խոստովանեղև Նիկողիմոս, եթէ ոչ ինչ իմացաւ 'ի գերբնական զօրութենէ բանիցն Յիսուսի, վասն որոյ ասաց. «Զիարդ կարէ մարդ ծնանիլ՝ որ ծնեալ իցէ. (սխալ է յօրինակս ինչ Աւետարանի, յորս զրեալ է, որ ծերն իցէ), մի՛ թէ մարթ ինչ իցէ անդրէն յորովայն մօր իւրոյ մտանել կրկին և ծնանիլ, Պատասխանի ետ Յիսուս և ասէ ամէն ամէն ասեմ քեզ, եթէ ոչ որ ծնցի 'ի ջրոյ և 'ի հոգւոյ, ոչ կարէ մտանել յարքայութիւնն Աստուծոյ, զի ծնեալն 'ի մարմնոյ մարմին է, և ծնեալն 'ի հոգւոյ հոգի է : Այսու բանիւ կամեցաւ Յիսուս ուսուցանել Նիկողիմոսի, զի 'ի յայտնել լուսոյ շնորհաց նոր փրկարար օրինացս, պարտի յայտնի աւետարանել, եթէ ոչ որ կարէ մտանել յարքայութիւն երկնից, որ ոչ է ծնեալ վերստին 'ի ջրոյ և 'ի հոգւոյ, վասն զի արքայութիւնն երկնից հոգւոր է, և Աստուած իսկ անեղական հոգի է, ծանիր ո՞վ Նիկողիմոս 'ի մարմնաւոր ծրնրնգենէ մարմին ծնանի, այսինքն մարդ մտաւոր և բանական մարմնեղէն և մեղանչական, ապա ինքնին ոչ կարէ մտանել յարքայութիւն երկնից, իսկ յորժամ վերստին ծնանի 'ի սուրբ Հոգւոյն 'ի մկրտութեան՝ ընդունիլ ընդունի զսրբարար և զարդիւնացուցիչ շնորհս և առնու զհոգւոր պարզևս որդեգրութեանն Աստուծոյ, և լինի ժառանգ երկնից արքայութեան : Ապա մի՛ զարմանար դու ո՞վ իշխանդ չրէից ընդ այս իմ բան շնորհաց, թէ ասացի քեզ, «Պարտ է ձեզ վերստին ծնանիլ,» զի ես ոչ խօսիմ զմամբերեղէն բնական ծննդենէ, այլ զգերբնականէն : Ապա պարտ է քեզ որջամիտ հոգւով հաւատալ Աւե-



տարանական բանից խնաց. զի չէ՛ քեզ հնար մարդկային ակար  
մտօք վերահասու լինել՝. ահաքեզ յարացոյց, և շողմն ուր կա-  
մի շնչէ՛ և զձայն նորա լսես, այլ ո՛չ գիտես ուստի՞ զայ, կամ յո՞  
երթայ, սոյնպէս և ամենայն ծնեալն՝ ՚ի Հոգւոյնն: Այս ամե-  
նայն քաղուած են յԱսկերբանէն՝ ՚ի բան Աւետարանին Յով-  
հաննու. Գ. ՚ի 1-ոյ մինչ ցՅ համարն:

Լուր սրբազան Առաքելոյն Պօղոսի, որ զրէ՛ յաղագս հրա-  
շաղործ ներդրծութեանց սրբարար շնորհաց մկրտութեան  
վերստին ծննդեան սուրբ Հոգւոյն ՚ի մարդասիրական փրկա-  
գործութեան շնորհագարգև արչեանց Յիսուսի Քրիստոսի  
Տեսան մերոյ առ հաւատացեալս բարերտրեալ. Իսկ յորժամ  
քաղցրութիւն և մարդասիրութիւն փրկչին մերոյ յայտնե-  
ցաւ ո՛չ ՚ի գործոց արդարութեան՝ զոր արարաք մեք, այլ ըստ  
խրուժ ողորմութեանն ապրեցոյց զմեզ ՚ի ձեռն աւազանին  
միւսանդամ ծննդեանն, և նորոգութեամբ Հոգւոյն սրբոյ, զոր  
եհեղ ՚ի մեղառատութեամբ ՚ի ձեռն Յիսուսի Քրիստոսի փրկ-  
չին մերոյ, զի արգարացեալք շնորհօքն՝ եղիցուք ժառանգորդ  
յուսով կենացն յաւիտենականաց. Տիտոս. Գ. 4-7:

Ի մկրտութեան սրբարար և արգարացուցիչ խորհրդոց անտի  
ևս և սարդեին զանազան գերբնական ներքին շնորհք ըս-  
քանչև լահրաշ ներդրծեալք ՚ի հոգիս մկրանլոց:

Նախ առաջին է որդէզրութեան շնորհն, որով անուանիմք  
ճմարտապէս շնորհական որդիք Հօրն ամենակալի. ըստ այ-  
նլմ՝ «Յիւրսն եկն, և իւրքն զնա ո՛չ ընկալան: Իսկ որք ըն-  
կալանն զնա, ետնոցա իշխանութիւն որդիս Աստուծոյ լի-  
նել՝ որոց հաւատասցին յանուն նորա. ոյք ո՛չ յարենէ և ՚ի  
կամաց մարմնոյ և ո՛չ ՚ի կամաց առն՝ այլ յԱստուծոյ ծնան».  
Յով՛ջ. Ա. 12. 15: «Տեսէք՝ զորպիսի սէր շնորհեաց մեզ Հայր.  
զի՛ որդիք Աստուծոյ կոչեսցուք և մեք»: Ա. Յով՛ջ. Գ. 1:

Զի որ Հոգւոյն Աստուծոյ վարին, նորա են որդիք Աստուծոյ:

Ջի ոչ առիք զհոգին ծառայութեան միւսանկամ յերկիւղ-  
այլ առիք զհոգին որդէգրութեան՝ որով աղաղակեմք Աբբայ  
Հայր : Նոյն ինքն Հոգին վկայէ հոգւոյս մերում, եթէ եմք  
որդիք Աստուծոյս. Հռովմ. Բ. 14-16 :

Աւրեմն անջնջելի տպաւորեցին 'ի միտս մեր հոգեշահ բանք  
յորդորանաց Ասորդսի շնորհալոյ, «Եւ արդ՝ ասէ, եթէ զայսպիսի  
Հայր ունիմք, և Հայր հոգեւոր և խնամակալու, և վայելեցաք  
և միշտ վայելեմք 'ի խնամանորա և 'ի սէր, ապա մի՛ երեւս-  
ցուք յաշխարհի, և մի՛ ապաշնորհ առ երախտաւորն զացուք,  
և մի՛ զամենայն ինչ 'ի նմանէ ունիլ կամեսցուք. այլ մեք  
նպաստ լիցուք 'ի շնորհս նորա մերով բարեգործութեամբս,  
իրբև զհայր գթած սրտաւեսցուք զնա և իրբև 'ի Տեառնէ  
երկիցուք 'ի նմանէ: 'Ի միտս ցուք զսէրն՝ զոր շնորհեաց մեզ,  
և մի՛ թ շնամանեսցուք զառեալ շնորհսն 'ի նմանէ: Եւ զիսորդ  
բնակիցին 'ի մեզ շնորհքն, եթէ չծուլանայցիմք 'ի պահել ըզ-  
պատուիրանս նորա, եթէ չանպատուիցեմք զերախտաւորն: Եւ  
զի՞նչ իցեն շնորհքն, մեզաց թողութիւն, աղատութիւն, և  
որդեղութիւն: Եւ արդ՝ ո՞վ իցէ, որ թ շնամանիցէ զշնորհն և  
կարիցէ պահել զնա և ո՞չ կորուսանել: Այսպիսի սէր շնորհեաց  
մեզ, զիսորդ լինիցի բնդ մեզ շնորհքն և հաճութիւնն Հորս.  
Գ. 3 որդոր. Ա. 3 ովհ: :

Եւ երկրորդն է հրաշալի իմն նմանակցութիւն Յիսուսի  
Քրիստոսի էական Արդւոյն Աստուծոյ, և հաղորդակցութիւն  
շնորհաց և փառաց նորին գերբնազէս, որ ունակաբար տպա-  
ւորի և կնքի 'ի հոգիս մեր, որով յարդարեալ և կալմեալ լինիմք  
խորհրդական և շնորհբնկալ մարմին յօգեալ և շողկապեալ  
շնորհիւն 'ի նոյն ինքն 'ի գերամբարձ գլուխն մեր 'ի Յիսուս Քր-  
իստոս, յորմէ հեղեալ ծաւալին առ խորհրդական մարմինս  
իւր՝ առ հաւատացեալս ամենայն պարգևք սրբութեանց և  
Աստուածախնամ բարութեանցն, ու շողիր կացցուք վկայու-  
թեանցս. «Եւ զամենայն ինչ հնազանդ տրար 'ի ներքոյ ոտից

նորա, և զնս եղ զլուխ 'ի վերայ ամենայն իրիք եկեղեցւոյ. և այլ ճշմարտեալք սիրով աճեսցուք 'ի նս զամենայն, որ է զլուխ ֆրիստոս: և ֆրիստոս զլուխ է եկեղեցւոյ, և ինքն է փրկիչ մարմնոյ. Եփես. Ա. 22. Գ. 15. Ե. 23 :

Աստանօր եթէ համարձակեալ հարցցուք 'ի սրբազան Առաքելոյն 'ի Պօղոսէ, եթէ ծանեաք և հաւատացաք՝ զի մի միայն ընդհանրական շնորհալեղ զլուխ խորհրդական մարմնոյ իւրոյ եկեղեցւոյ է Յիսուս ֆրիստոս, ապա Առաքելոյ նորին և օրինաւոր յաջորդք ձեր չունին զնորին ընդհանուր զլիաւորութեանն զիշխանութիւն վարել 'ի մէջ հաւատացելոց: Ա՛չ բնաւ, պատասխանեսցէ, նախ՝ զի մեք աշակերտեալքս ճշմարիտ վարդապետին մերոյ Յիսուսի ֆրիստոսի ծառայք և պաշտօնեայք եմք՝ նորա առ 'ի կատարել սիրով զբարերար կամս և զմարդասիրական հրամանս նորա, և փութամք երևիլ առաջին նորա իբրև անտես բարի և մատակարար հաւատարիմ սեղանաւորել արժանաւորաց զաւետարանական հոգեկեցոյց վարդապետութիւնս փրկագործութեանն և պէսպէս շնորհաց նորին: Վասն որոյ համարձակ զճշմարիտն զխեմք: և յսպէս համարեսցեն զմեզ մարդիկ իբրև զպաշտօնեայս ֆրիստոսի և հազարապետս խորհրդոյն Աստուծոյ: Ա. Կորնթ. Գ. 1: Եւ արդ՝ ուրախ եմ 'ի չարչարանս իմ վասն ձեր, և ընում զպակասութիւն նեղութեանցն ֆրիստոսի 'ի մարմնի իմում, վասն մարմնոյ նորա՝ որ է եկեղեցի, որոյ եղէ ես Պօղոս պաշտօնեայ՝ ըստ տրնտեսութեանն Աստուծոյ, որ տուեալ է ինձ 'ի ձեզ կատարել զբանն Աստուծոյ: Կողոս. Ա. 24 :

Աւրեմն որպէս սրբազան Առաքելոյն՝ նոյնպէս և ամենայն օրինաւոր յաջորդք նոյնն անուանին պաշտօնեայք Յիսուսի ֆրիստոսի :

Աստի այն ամենայն իմաստք բանից ո՛չ ումեք յԱռաքելոց և 'ի յաջորդաց նոցին պատշաճին. այլ միայն ինքնիշխան, ամենիշխան և ընդհանրական տէրութեանն ֆրիստոսի

սեպհականի ամենայն կիրպիւ. ապա նա միայն է զլուխ ընդհանուր եկեղեցւոյ իւրոյ անտխալ. անտիոքիս և յաւիտենական իշխօզ և նախասինամօղ՝ որով փառաւորէ զեկեղեցի իւր զհաւատացեալս պաշտելի անուան իւրոյ : Լ'որ վկայութեան բանից խորհրդոց ընդհանուր գլխաւորութեանն Յիսուսի : Եւ վերայ ամենայն իշխանութեան և պատութեան և զօրութեան և տէրութեան և ամենայն անուանելոց՝ ոչ միայն յաշխարհիս յայսմիկ, այլ և 'ի հանդերձելումն : Եւ զամենայն ինչ հնազանգ արար 'ի ներքոյ ոսից նորա. և զնա եզ գլուխ 'ի վերայ ամենայն իրիք եկեղեցւոյ, որ է մարմին նորա, լըումն՝ որ զամենայն յամենայնի ընու» : Եփես. Ա. 21-25 :

Տեսանեն զԱստուածային մարդասիրական պարզեան Աստուծոյ Հօր, որ սահմանեաց զմարդացեալն վասն մերոյ փրկուիւթեան զՅիսուս Քրիստոս ընդհանրական ամենագօր զլուխ ընդհանուր հաւատացեալ քրիստոնէիցս՝ զորս զիտէ խնամել և պաշտպանել, բարգաւաճել և փառազարդել ներհնչական շնորհիւ իւրով :

Աստանօր արժան է նկարագրել զԱստուած իմաստ խորհրդածութիւն բանից սրբոյն՝ Յովհաննու Ոսկերեքանի. Եւ վերայ ամենայն բարութեանց՝ ասէ. յաւել Աստուած զգերագոյնն՝ տալով եկեղեցւոյ զլուխ զՔրիստոս զիւր Որդի. ոչ ըզհրեշտակ որ կամ զհրեշտակապետ և ոչ զառաւելեալ քան դնոսա. ոչ այնու միայն մեծարեաց զմեզ, զի զառ 'ի մենջ ըզմարդն այնքան բարձրացոյց, այլ և ետ յարիւ 'ի նա իբրև մարմին 'ի զլուխ» : Մեկն, Քզ. Եփ : Եւ Գրիգոր Աստուածարանն զրէ բացայայտ. «Ամենքեան մի մարմին եմք 'ի Քրիստոս, այլ մի ըստ միջէ Քրիստոսի և իրերաց անդամք : . . . Ապա ընդէր զբեղ աւնես հովիւ, որ ոչխարդ ես, ընդէր լինիս զլուխ՝ ասնոց հանդիպեալ, հիմ զօրավարել ձեռնսրկես կարգեալդ ընդ զինուորս» : յԱռ որս :

Եւ սուրբ վարդապետն մեր Ներսէս Լամբրոնացի երգա-



բանեաց. «Ընդ քեզ յարուցեր յանմահութիւն զմահացու բընութիւնս, որով նստար ընդ աջմէ Հօր գլուխդ եկեղեցւոյ, հրաւիրելով զանդամքս քո 'ի նոյն միութիւնս: Յայսմ անխուսափելի ճշմարտութենէս յաւէտ ստիպեալ՝ Աւետիքեան Հ. Գարրիէլ վարդապետ Մխիթարեան բացայայտ զրէ. «Կարգեաց Աստուած եկեղեցւոյ գլուխ զՔրիստոս 'ի վերայ ամենայնի, որք անկ են և սէտք եկեղեցւոյ, առ 'ի նախախնամել էկեղեցւոյ զամենայն բարիս, առ 'ի կատարել 'ի նմա զամենայն մատակարարութիւնս, որ ճշմարիտ գլխոյ վայելէ ոչ պակասելով իւրք 'ի մի ինչ իրս, այսինքն լուսաւորել զեկեղեցի, պաշտպանել զօրացուցանել, զարդարել շնորհօք և փառօք, ուղղել և դասել. կամ այսպէս. կարգեաց զնա գլուխ ընդ հանրական և ինքնիշխան ըստ ամենայն զործոց և տեղւոյ և ժամանակի, ծայրագոյն կառավար և հրամանատար միահեծան, որում այլք ամենեքին են փոխանորդք և պաշտօնեայք» (որ ճշմարիտ գլխոյ վայելէ, ոչ պակասելով իւրք 'ի մի ինչ իրս): Մեկն. Պօղոսի. Բ. Հատ. երես 307 :

Ապտեհն յաշաքս այսոցիկ ճշմարտութեանց ունկնդիր լինուք վկայութեանցս սրբազան Առաքելոցն Պետրոսի և Պօղոսի: «Քանզի կայ իսկ 'ի գրի, թէ ահաւասիկ զնեմ 'ի Սիօն վեմ ընտիր՝ գլուխ անկեան պատուական, և որ 'ի նա հաւատասցէ մի՛ ամաչեսցէ: Ձեզ այսուհետեւ հաւատացելոց է վեմ պատուական, իսկ անհաւատիցն վեմ՝ զորանարդեցին շինողքն, նա եղև գլուխ անկեան». Ա. Պետ. Բ. 6. 7 : «Այսուհետև ոչ էք օտարք և պանդուխտք, այլ քաղաքակիցք սրբոց և ընտանիք Աստուծոյ. շինեալք 'ի վերայ հիման Առաքելոց և Մարգարէից, որոյ է գլուխ անկեանն Քրիստոս Յիսուս, յորում ամենայն շինուածն յօդեալ և պատշաճեալ աճէ 'ի տաճար սուրբ Տէրամբ, յորում և դուք ընդ նմին շինիք 'ի բնակութիւն Աստուծոյ հոգւով: Եփ. Բ. 19—22:

Ուրեմն անխտիր ամենայն միղտեալք յանուն ամենասուրբ

Երբորդու թեանն՝ իբրև խորհրդական անդամք են Քրիստոսի  
Փրկչին մերոյ, որոյ շնորհուն յօրին 'ի նա իբրև 'ի ճշմարիտ  
զլուին իւրեանց, և հաղորդակցին շնորհաց և փառաց 'ի նո-  
րին փրկադր ծուծենն, որպէս ուսուցանեն մեզ առաքելա-  
կան բանից զօրութիւնք. «Որպէս 'ի միում մարմնի անդամս  
բազումս ունիմք, և անդամք ամենայն ս'չ զնոյն զօրծ զօր-  
ծեն, կամ ունին, նոյնպէս և բազումքս մի մարմին եմք 'ի Քր-  
իստոս : Այլ իւրաբանչիւր միմեանց անդամք եմք» : Հռովմ .  
ԺԲ . 4 . 3 : «Որք միանդամ 'ի Քրիստոս մկրտեցարուք, զՔր-  
իստոս զգեցեալ էք . չիք խաիր, ս'չ շրէի, և ս'չ հեթանոսի,  
ս'չ ծառայի և ս'չ աղաթի, ս'չ արուի և ս'չ իդի, զի ամենե-  
քեան զուք մի էք 'ի Քրիստոս Յիսուս» : Գաղատ . Գ . 27 . 28 :  
« Հաւատարիմ է Աստուած՝ որով կօչեցարուք 'ի հաղորդութիւն  
Որդւոյ նորա Յիսուսի Քրիստոսի ճեռան մերոյ» : Ա . Կորնթ .  
Ա . 9 : Եւս և առնէ զմեզ մկրտութեան շնորհն հաղորդա-  
կից Յիսուսի մահուան և թաղման, վասն որոյ 'ի նշանակել  
և 'ի նկարագրել զերեքօրեայ կենդանարար մահն և զթաղումն  
Յիսուսի՝ յարարողութեան մկրտութեան երիցս ընկզմեմք  
զերեխայն 'ի ջուր աւազանին, որով նկարագրի հաղորդակցու-  
թիւն մեր ընդ Յիսուսի Քրիստոսի անմահական կենդանու-  
թեան Աստուածային փառաւորութեան և շնորհաց լիու-  
թեանն, որով եղաք մեք հաղորդ անձառելի արդեամբք երե-  
քօրեայ մահուան և թաղման կենարարին մերոյ . ըստ այնմ՝  
«Ս'չ զիտէք, զի որ միանգամ մկրտեցաք 'ի Քրիստոս Յիսուս,  
'ի մահ անդր նորա մկրտեցաք, թաղեցաք ընդ նմին մկրտու-  
թեամբն 'ի մահ . զի որպէս յարեալ Քրիստոս 'ի մեռելոց փա-  
ռօքն չօր, նոյնպէս և մեք 'ի նորոգումն կենաց շրջեցուք» :  
Հռովմ . 2 . 3 . 4 : Յալոցս որոյ գրէ Ոսկերերանն, «Խաչ է մը-  
կրտութիւնն, որ ինչ էր Քրիստոսի խաչն և գերեզմանն, այն  
է մեզ մկրտութիւնն, նա մարմնօքն մեռաւ և թաղեցաւ . մեք  
մեռանի՞ք և թաղիմք մեզաց» : Ճառ Ժ : Եւ արլ եթէ սրբ-

բարար և արդարացուցիչ խորհուրդն մկրտութեան է կերպարան խաչի և մահուան Յիսուսի Քրիստոսի, և որպէս անհրաժեշտ է Տեառն մերոյ Յիսուսի վերստին մահու անարգութեամբ խաչիլ և թաղիլ, նոյնպէս անհնար է միանգամ մկրտելոցն դարձնել վերստին դալ 'ի մկրտութիւն : Իսկ որք անդգամութեամբ յանդդնին կամ ինքնին դալ վերստին 'ի մկրտութիւն և կամ զմկրտեալս վերակոչել 'ի կրկին մկրտութիւն՝ ընդ Աստուածուբաց և անօրէն խաչահանուաց՝ ընդ դպրաց և փարիսեցւոց կեղծաւորաց 'ի դատաստան յաւիտեական պատժոց ունին մասնիլ : Տող յանդդնեալքն լուիցեն երջանիկ Աստուծոյն Պողոսի՝ որ գրէ բացայայտ : Էֆանդի անհնար է միանգամ մկրտելոցն՝ որք ճաշակեցին յերկնաւոր պարզեացն և հաղորդ եղեն Հօգւոյն սրբոյ, և զգեղեցիկ բանին Աստուծոյ ճաշական ճաշակեցին. և զգօրութիւնս հանդերձելոյ աշխարհին. և կործանեացին միւսանգամ նորոգիլ յապաշխարութիւն և վերստին 'ի խաչ հանել անձանց զԱրդին Աստուծոյ և դարձնել խայտառակիլ : Երբ. 2. 4-6 : Ահա՛ 'ի վերայ սոյն բանիցս խօսի Թիմոթէոսայս սուրբ վարդապետն Յովհանն Ռոմեոսեան. Քորպէս անհնար է Քրիստոսի խաչիլ մահու խայտառակութեամբ, նոյնպէս անհնար է միանգամ մկրտելոցն երկրորդ անգամ դալ 'ի մկրտութիւն. և զհնութիւն մեզաց նովա սպանանել. և որ յուսայ կրկին մկրտութեամբ սրբիլ, համարի թէ կամ վերստին խաչելի է Քրիստոս, և կամ առջին խաչըն և մահն զուր է, կեղտկարծ և անբաւական. Արդ՝ չէ՞ հարկ մեզ դատաւոր նստիլ, դատաստանս առնել անխիղճ գործոց յանդդնեցելոց հակառակ Աստուածային շնորհաց. վասն զի ունիմք դատաւոր երկնաւոր զԱստուած արդար և ճշմարիտ, որ նա միայն զխտէ ամենեցուն հատուցումն առնել որպէս և զրեալ է. Եւմեն վրէժխնդրութիւնք, և ես հատուցից՝ ստէ Տէր, Հռովմ. ԺԲ. 19 : Եւս և խորհրդով մկրտութեան հաղորդիմք Յիսուսի Քրիստոսի անկրական լուսոյն. վասն զի հրաժարիմք

ի խաւարային խորհրդոց սատանայի, և դառնամբ 'ի լոյս Աստուածային ճշմարտութեան ներքին ունակութեամբ մկրտութեան շնորհաց Յիսուսի Քրիստոսի. որով և յաջողի մեզ բացամերժել զխաւար տղիտութեան և մեղաց, և սեպհականել զլոյս հաւատոյ ճշմարտութեան և անմահ կեդանութեան: «Ես եմ լոյս աշխարհի. որ զայ գիշի իմ, ընդ խաւար մի՛ դրնացէ, այլ լնկալցի զլոյսն կենաց»։ Յովհ. Ը. 12 : «Զի թէ պէտ և երբեմն էիք 'ի խաւար, արդ լոյս էք 'ի Տէր, իբրև զորդիա լուսոյ գնացէ՛ք : Զի պտուղ լուսոյ ամենայն բարութեամբ է և արդարութեամբ և ճշմարտութեամբ»։ Եփես. Ե. 3, 9 : Այլ դուք եղբարք՝ ո՛չ էք 'ի խաւարի՝ . . . զի ամենեքեան դուք որդիք լուսոյ էք, և որդիք տունջեան, չեմք զիշերոյ, չեմք խաւարի : Ապա մի՛ զքնով անկանխցիմք որպէս և այլքն. այլ արթունք և զուարթունք եղիցուք»։ Թես. Ե. 4-6 : «Որպէս զն զձեր առաքինութիւնս նուիրեցէք այնմ՝ որ զձեզ 'ի խաւարէն կոչեաց յիւր սքանչելի լոյսն»։ Ա. Պետ. Բ. 10 :

Լուր յորդորական վարդապետութեան Սարգսի Շնորհալուոյ «Տեսեր՝ ասէ, զարիտուր երախտեանցն Աստուծոյ : Նա ասէ 'ի խաւարէ յիւր սքանչելի լոյսն կոչեաց զձեզ, և դուք զլուսատեսակ ձեր առաքինութիւնս նուիրեցէ՛ք նմա»։ Երես. 517 : Ապա մկրտեալք դաշնադիր եզնալնն ընդ Աստուծոյ ունիլ անհաշտ թշնամութիւն ընդ խաւարաշաւիղ գնացից և զործոց սատանայի, և հետեիլ Աստուածային անստուեր լուսոյ ճշմարտութեան գիտութեամբ և փառաց վայելչութեան : Վասն որոյ 'ի մկրտութեան նախ՝ պարտաւորին քահանայք խորհրդաւոր արարողութեամբ հրաժարեցուցանել զերկխայն ասելով՝ «Հրաժարի երկխայս 'ի սատանայէ և յամենայն խարէութենէ, նորա, 'ի պատրանաց նորա, 'ի խորհրդոց նորա, 'ի գնացից նորա, 'ի չար կամաց նորա, 'ի չար հրեշտակաց նորա, 'ի չար պաշտօնէից նորա, 'ի չար կամարարաց նորա, և յամենայն չար զօրութենէ, նորա հրաժարելով հրաժարի և



դառնայ 'ի լոյս Աստուածգիտութեան: Իսկ եթէ երեսայացեալ մօնկունք քան զմին առաւել իցեն, հարկ է ասել երեսայքս և այլն. և եթէ երեսայացեալքն իցեն չափահաս անձինք՝ որպէս պատանիք, երիտասարդք և ծերք յանհաւատութենէ եկեալք, և ըստ կարի ուսեալք զքրիստոնէական ուղղափառ կրօնից վարդապետութիւնս, պարտ է նոցա նախ տալ սերտել զբանն հրաժարման և իմաստից բանին վերահասու առնել զնոսա, մինչև կարողանալ բանիւ բերանոյ արտասանել զհրաժարիւքն 'ի սատանայէ: այլովք հանդերձ: Իսկ եթէ որ 'ի քրիստոնէական լուսաշաւիղ կրօնից ուրացմամբ իւրով յանհաւատութիւն մոլորեցի, և դարձեալ կատարեալ զզջմամբ և խոստովանութեամբ յանձն առնուցու ապաշխարել, պարտ է զնա վերադին հրաժարեցուցանել այսպէս. «Վերստին հրաժարիս 'ի սատանայէ» և այլն զկնի: Եւ կամ դարձեալ՝ վերըստին դառնաս 'ի լոյս Աստուածգիտութեան: Եւ եթէ կամիս ո՞վ ընթերցող այսր ամենայնի քաջ վերահասու լինիլ, ընթերցի՞ր զկոնդակ սրբոյն Ներսիսի Շնորհալուոյ գրեալ առ քահանայս և առ բարեպաշտ ժողովուրդս եկեղեցւոյն 'ի Սամսայ քաղաքին: «Գիտելի է ձեզ՝ ասէ, զի վաղ ուրեմն եհաս 'ի ձէնջ զիր առ մեզ յաղադս Արևորդեացի՝ որք 'ի քաղաքի ձերում բնակին, եթէ կամին և աղաչեն 'ի հօսն Քրիստոսի խառնել զնոսա, զի նոքա ազգաւ և լեզուաւ 'ի տոհմէն Հայոց են, յօժարին՝ զի և հաւատով և հոգւով 'ի նոյն միաբանութիւն հաւասարեցին ընդ նոսա: Եկին և առաջի մեր 'ի նոցանէ՝ և զնոյն բանս աղաչանաց խօսեցան ընդ մեզ. և մեք ծանուցոյք նոցա՝ զոր ընթերցեալ էաք 'ի Քրոց վասն դիւապաշտ աղանդոյ նոցին. և զոր լուեալ էաք 'ի համբաւէ յընդելակցաց նոցին զզանազան չարիս բանիւ և զործով ըզնոցանէ, զի որպէս յազգն Հռոմոց Պօղոսեւոսքն անուանեալք մնացին խաւարեալք 'ի լուսոյ Աւետարանի փառացն Քրիստոսի և թագնարար ունելով 'ի սիրտս զաղանդն սատանայի՝ ո՛չ հը-

նազանդեցան Առաքելոյն քարոզութեանց, այսպէս և Արևորս  
դիրդ յազգս մեր ՚ի մասին սատանայական խաւարին մնա-  
ցեալք ոչ կամեցան լուսու որիլ Աստուածային լուսովն ՚ի ձե-  
ռին Ղուսաւորչին մերոյ սրբոյն Գրիգորի, այլ սիրեցին զխա-  
ւար և ոչ զոյս մինչև ցոյսօր ժամանակի: Եւ եթէ ՚ի նուա-  
զեալ բարեաց ժամանակս մեր՝ ողորմեցաւ Աստուած նոցա, և  
երաց զխաւարեալ աչս հողւոցնոցին հրաժարիլ ՚ի սատանայէ  
և զիմել առ Աստուած ոչ խարէութեամբ, այլ ճշմարտու-  
թեամբ, զոհութիւն գթութեանն Աստուծոյ մատուցուք,  
որպէս և զոքա որ առ մեզս եկին, յուրաստ եղին երդմամբ  
մեծաւ ՚ի չար ազանդոց անտի, և նպովեցին բերանօք իւրեանց  
որ զայնպիսի ծածուկ անաստուածութիւն ունիցի յինքեան,  
և զոր ինչ սահման եղաք նոցունց յանձն առին կատարել  
զամենայն: Ասան որոյ և մեք զաէրունականն կատարեմք հը-  
րաման առ նոսա՝ թէ, Որ դայ առ իս՝ ոչ հանից արտաքս,  
քանզի կամի Աստուած զամենայն մարդիկ՝ զի կեցցեն և ի  
գիտութիւն ճշմարտութեան եկեացեն ըստ Առաքելոյն: Ե-  
թէ ճշմարիտ լիցի դառնալ նոցա առ Աստուած, ուրախու-  
թիւն է Աստուծոյ և հրեշտակաց ՚ի յերկինս, և մեզ ՚ի յերկրի  
ընդ փրկութիւն այնքան հողւոց մարդկան, խկեթէ ստու-  
թեամբ լինիցի դարձ նոցա, որպէս և կարծեն բազումք ըզ-  
նոցանէ, և դարձեալ անդէն ՚ի փոխածն իւրեանց դառնան՝ մեզ  
և ոչ մի ինչ է մնաս, զի վասն հրամանին քրիստոսի մեք կա-  
միմք, արկանել ջանամք զնոսա՝ թէ հնար էր և զամենայն ազգս  
՚ի յուսկան Աւետարանի նորա, այլ ընտրելն և ժողովելն զճարի  
բարին յամանս ըստ առակաւոր բանի Աւետարանին և զսո-  
տանան ՚ի բոց ընկենուլ՝ արդար գատաւորին է, յորժամ նստցի  
յաթառ փառաց իւրոց և հատուցանէ իւրաքանչիւր ըստ  
հաւատոց և ըստ գործոց:

«Արդ՝ Աստուածային հրամանաւն զսյս ինչ պատշաճ՝ հա-  
մարեցաք առնել առ դոսա՝ զալ ամենայն քահանայիցդ հան-

գերձ պատուական աշակերտօք մերովք ՚ի մեծ եկեղեցւոյ որ  
՚ի քաղաքիդ, և ժողովեալ զԱրեօրդիան անուանեալ զամենն-  
սին զարս և զկանայս և զմանկունս ՚ի դրունս եկեղեցւոյն, և  
նախ՝ հարցանել ցնոսա, եթէ կամի՞ք ՚ի բողոք սրտէ և յամե-  
նայն մտաց և ՚ի զօրութենէ ձերմէ թողուլ զառաջին մար-  
տութիւն հարցն ձերոց և գալ ՚ի ճշմարիտ Աստուածդիտու-  
թիւն քրիստոնէութեանս, և յորժամ զայս յանձն առ-  
նուն և ասեն, եթէ կամաւ և յօժարութեամբ որտից ՚ի բաց  
կամք ՚ի սատանայական խաբէութեանց հարցն մերոց և զի-  
մեմք առ քրիստոս, յայնժամ զարձեալ երկիցս անդամ հար-  
ցանկիցէք ցնոսա՝ որպէս ընդ երեխայսն ՚ի ժամ մկրտութեան,  
եթէ հրաժարի՞ք ՚ի սատանայէ և յամենայն խորհրդոց նորա,  
և ՚ի բանից և ՚ի զործոցն, և իբրև յանձն առնուն և ասեն  
թէ, հրաժարիմք, ապա յարեմուտս զարձուցէ՛ք զդէմս երե-  
սացնոցա՝ և ասացէ՛ք թէ թքէ՛ք յերեսն սատանայի երկիցս ան-  
գամ և անարկեցէ՛ք զնա որպէս զպիղծ, զաւու և զանխրաւ :  
Ընդհան. երևս 137 և 138 : Աւրեմն զայս արարողութիւն  
հրաժարման ՚ի սատանայական խորհրդոց և կամաց, և զառ-  
նայոյ ՚ի լոյս Աստուածգիտութեան հաստատեալ միայն իբրև  
Աստուծահաճոյ զաշնաւորութիւն, նախ քան զմկրտութեան  
խորհուրդն պարտիմք պահանջել ՚ի բերանոյ երախային. և զայս  
իշխանութիւն հրաժարեցուցման երախայից ունին չորս աս-  
տիճանաւոր զպիրք. ըստ որում մինչ ձեռնադրող եպիսկոպոսն  
տայ զՄաշտոց զիրբն յերորդում աստիճանի, հրամայէ ա-  
սելով՝ «Ա՛ռ քեզ ՚ի շողոյն սրբոյ և ամփոփեա՛ զգրեալս աստ  
՚ի միտս քո, հրաման է քեզ զնել զձեռս քո ՚ի վերայ հիւան-  
դաց, և որք զան ՚ի մկրտութիւն, հրաժարեցուցանել ՚ի սատա-  
նայէ և ՚ի նորայնոց» : մեծ Մաշտ. երևս 259 :

Ահա՛ այս ամենայն ծանօթութիւնք թոյլ չտան մեզ ի  
մէջ եկեղեցւոյ՝ եթէ նախ քան զժամերգութիւն, և եթէ ի  
մէջ կամ ՚ի վերջն ժամերգութեան յարեմուտս զարձուցեալ

զգէմն ժողովըդոց ասել զ՛րաժարիմքն, քանզի Ճշմարիտ հաւատացեալ ժողովուրդք են որդիք լուսոյ և խորհրդական անդամք Քրիստոսի. և մանաւանդ շնորհիւ մկրտութեան սրբաբար խորհրդոյն հրաժարեալ և ազատեալ են ՚ի սատանայական բռնութենէն և ՚ի խաւարային խորհրդոց նորին. որով յիւր որոգայթս կորստեան սկզբնական մեղաց որսացեալ բժրունեալ էր զընութիւնս մեր մարդկային : Իսկ այժմ հազորդեալ շնորհաց և փառաց և ՚ի լոյս Տեառն մերոյ Յիսուսի Քրիստոսի աներկբայ հաւատով գնան ՚ի շաւիղս Աստուածզիտութեան և Աստուածպաշտութեան :

Յաղագս այսոցիկ շնորհաց զրէ սրբազան Առաքեալն Պօղոս առ ժողովուրդս եփեսացւոյն Եփեսացւոց. « Զի թէպէտ և երբեմն էիք խուար՝ արդ լոյս էք ՚ի Տէր. իբրև զորդիս լուսոյ զնացէ՛ք » . Եփ. Ե. Ծ : Իսկ եթէ որ տղիտարար ասասցէ՝ ո՞չ ապաքէն ներգործական մեղօք մեղանշելով մեր՝ վերսաին հազորդեալ գտանիմք սատանայի խորհրդոց և կամաց, որպէս զրէ սրբազան Աւետարանիչն Յովհաննէս. « Որ առնէ զմեզս, ՚ի սատանայէ է » . Ա. Յով. Գ. Ծ : Պատասխանեմ այ՞. բայց ներգործական մեղաց հիւանդութեան հոգւոյ առողջացուցիչ ամենազոռ գարման բժշկութեան, և ՚ի սատանայական կապից մեղաց փրկելոյ և արձակելոյ սահմանեաց զխորհուրդ ապաշխարութեան և զզջման փրկիչն մեր Յիսուս Քրիստոս իւր կամաւոր չարչարանաց, թաղման և ինքնազօր յարութեան չընորհիւ : Ըստ այնմ՝ « Այսպէս պարտ էր չարչարիլ Քրիստոսի և յառնել ՚ի մեռելոց յաւուր երրորդի, և քարոզել յանուն նորա ապաշխարութիւն և թողութիւն մեղաց յամենայն ազգըս սկսեալ յԵրուսաղէմէ » . Ղուկ. Ի. Գ. 46 47 : Զայսմ սրբաբար շնորհաց ունիմք զրեւ Տերամբ ուրոյն բացատրութեամբ. քանզի մնայ մեզ տակաւին զրեւ զարդարացուցիչ շնորհաց խորհրդոց մկրտութեան. որով հոգի մեր սրբեալ և յարգարեալ նաւիրի հոգևոր տաճար բնակութեան ամեն



նասուրբ Հոգւոյն Աստուծոյ: Եւ Լոգի Աստուծոյ բնակեալ է 'ի ձեզ: Կամ թէ: Ե՞նչ գիտէք, զի մարմինք ձեր տաճար են Հոգւոյն: որ է 'ի ձեզ՝ զոր ունիք յԱստուծոյ. և չէք անձանց տէր: Ա. Կորն. Գ. 16. 2. 19 :

Տեսե՛ք զի հաւատացեալք 'ի Քրիստոս Յիսուս շնորհիւ մկրտու թեան կազմեն յարդարեն զանձինս իւրեանց և նուիրադործին սքանչելի տաճար Հոգւոյն Աստուծոյ. ապա չեմք անձանց մերոց տէր ինքնիշխան: այլ ամենակալ տէրութիւն սուրբ Հոգւոյն Աստուծոյ իշխէ մեզ, ուրեմն մի՛ ըստ հաճութեան չարայտար կամաց մերոց ազատարար վարեսցուք զանձինս մեր 'ի պէսպէս մոլութիւնս ապականիչս հոգւոց մերոց: զի գրեալ է. Եւթէ որ զտաճար Աստուծոյ ապականէ. ապականեսցէ զնա Աստուած. զի տաճար Աստուծոյ սուրբ է որ էք դուք: Ա. Կորնթ. Գ. 17 : Իսկ թէ ապականութիւնս հոգւոյն քանի՞ կերպիւ լինի. խօսեսցուք 'ի յաջորդ զլուստ

ԳԼՈՒԽ Բ.

Ո՛րք հեռացուցանեն զշորհս Աստուծոյ բնակեալս 'ի մկրտութեան:

Ապականիչն է 'ի լաւութենէ 'ի յոռութիւն գալ. և կամ վայելուչ կերտուածոյ իրիք խանգարիլ և եղծանիլ. ըստ այսմ ապականի հոգին, յորժամ 'ի ներքս ընդունի զմոլորեցուցիչ և զստապատիր վարդապետութիւնս, զորս Զանան սերմանել 'ի միտքս պարզամտաց 'ի մոլորեցուցանել:

Ուստի երանելի Առաքեալն Պողոս լսելով եթէ 'ի ժողովուրդս եկեղեցւոյն Կորնթացւոց խորամանկութեամբ սպրդեալ են սուտ առաքեալք մոլորեցուցիչք խանգարել զմիտս նոցին և մոլորեցուցանել 'ի ճշմարիտ յանկեղծ հաւատոյն և 'ի քրիստոնէական վարդապետութենէն և 'ի բարոյական վարուց առաքինութեան, համոզիչ յորդորանօք գրէ առ նոսա. Ե՛նախանձեցուցանեմ զձեզ 'ի նախանձ Աստուծոյ. զի խօսեցայց զձեզ

առն միում իրբև զկոյս մի սուրբ յանդիման կացուցանել  
Քրիստոսի բայց երկնչիմ՝ զուցէ որպէս օձն խարհաց զՆւայ  
խորամանկութեամբ իւրով ապականեցին միոք ձեր՛ի միա-  
մըտութենէն՝ որ՛ի Քրիստոս : Աի եթէ որ գալոցն իցէ՝ այլ  
Քրիստոս քարոզիցէ՝ զոր մեքն ո՛չ քարոզեցաք, կամ սկի օ-  
տար առնուցուք, զոր ո՛չ առիք, կամ աւետարան օտար, զոր ո՛չ  
ընկալարուք, բարեոք անսայիք նոցա : Բ. Կորնթ. ԺԱ. 2-4 :

Երրորդ՝ խանգարել և ապականել շնորհաձիր ունակու-  
թեան Հոգւոյն է գոռոզութիւն, յանձնապատասանութիւն,  
անձնապաշտութիւն և փառասիրութիւն, որք հակառակին  
Աստուածային ճշմարտութեան : Ուստի սրբազան Առաքեալն  
Պօղոս զրէ՛ առ Տիմոթէոս սիրելի աշակերան իւր զգուշա-  
նալ յայսպիսեաց : Չայս գիտասջիր եթէ յաւուրս յեփնս ե-  
կեացեն ժամանակք չարք, զի եղիցին մարդիկ անձնասէրք,  
արծաթասէրք, հպարտք, ամբարտաւանք, հայհոյիչք, անհա-  
ւանք ծնողաց, անշնորհք, անսուրբք, աննուէրք, անզու-  
թք, բանասրկուք, անժոյժք, վէպք, անբարեասէրք, մասնիչք, յանդը-  
զունք, ամբարհաւաճք, ցանկասէրք մանաւանդ քան Աստուա-  
ծասէրք, որք ունիցին զկերպարանս Աստուածապաշտութեան,  
և ՚ի զօրութենէ՛ անտի նորա ուրացեալք իցեն, և խորշեւջեր  
ի նոցանէ : Այլ որպէս Յանէսն և Յամբէսն հակառակ կացին  
Մովսէսի, նոյնպէս և սոքա հակառակ կան ճշմարտութեանն,  
մարդք ապականեալք մտօք անպիտանք ՚ի հաւատս : Այլ ո՛չ  
երբէք գացեն յառաջ ՚ի լաւ անդր, քանզի անմտութիւնն ու-  
յա յայանի լինիցի ամենեցուն, որպէս և նոցայն իսկ եղև :  
Բ. Տիմ. Գ. 1-9 :

Երրորդ՝ ըստ ամենայնի խանգարեն և ապականեն զբա-  
րեմաութիւն և զուրջ զգացմանս հոգւոյն և զբարեբարո-  
յութիւնն Աստուածահաճոյ վարուց առաքինեաց չարայոյզ  
և գայթակիղեցուցիչ բանք և պիղծ խօսակցութիւնք : Վասն  
որոյ պարտիմք զգուշանալ յայսպիսեաց և չլինիլ մտադիր

չարախօսութեանց նոցին, խրատեալ ՚ի սրբազան Առաքելոյն Պօղոսէ . «Մի՛ խարիք, ապականեն զբարս քաղցունս բանք չարք, սթափեցարուք արդարութեամբ, և մի՛ մեղանչէք, զի զդիտութիւնն Աստուծոյ ոչ ունին ոմանք, առամօթոյ ձերոյ ասեմք . Ա. Կորնթ . Ժն . 55, 54 :

Չորրորդ՝ մշական գործք և խորհուրդք անօրէնութեան ընդդէմ բնական և գրական օրինաց գործեալք յաւէտ սղծենեաւսպականն զհոգւոյ սրբութիւն և զբարեշուք սլայծաութիւն նորա . ըստ այնմ՝ «Ապականեցան և սղծեցան յանօրէնութեան իւրեանց և ոչ ոքէ՛ որ առնէ զքաղցրութիւնն» . Սաղմոս . ԺԳ . 2 :

Այսպիսի անօրինեալք ոչ միայն զսրբութիւն հոգւոյն ապականեն և զչնորհն Աստուածային մերժեն անարժանութեամբ, այլ և զատապարեալք յԱստուածային արդարութենէն՝ զըկին յերանաւէտ փառաց և ՚ի յաւիտենական կենաց երկնից արքայութեան, եթէ ոչ սրտի մտօք զղջացեալք՝ փոյթ ընդ փոյթ ապաշխարեսցեն կամակար սիրով : Դուք վճռական բանից սրբազան Առաքելոյն Պօղոսի՛ որ գրէ . «Եթէ ոչ զիտէք զի անիրաւք զարքայութիւնն Աստուծոյ ոչ ժառանգեն . մի՛ խարիք, ոչ սլոռնիկք, ոչ կռապարիշտք, ոչ շունք, ոչ իղացեալք, ոչ արուադէտք, ոչ գողք, ոչ ադահք, ոչ արբեցողք, ոչ բամբասողք և ոչ յափշտակողք զարքայութիւնն Աստուծոյ ոչ ժառանգեն» : Եւ դուք այսպիսիք ոմանք էիք, այլ լուացարուք, այլ սրբեցարուք, այլ արդարացարուք յանուն Տեառն մերոյ Յիսուսի Քրիստոսի և ՚ի Հոգին Աստուծոյ մերոյ» . Ա. Կորն . 2 . 9 — 11 :

Արժանի իսկ է աստ զձեւ զզարթուցիչ խղճի մտաց մերոց զյորդորական բանս երջանիկ վարդասկտին մերոյ Սարգսի Շնորհալուոյն, «Եւ արդ՝ եթէ մարմինք եմք ՚ի մարմնոյ նորա՝ որպէս խոստմունքն են, և տիրասպէս հաւատացաք նմա, մի՛ ապա աղտեղեսցուք զանգամս Քրիստոսի ՚ի շարաւս մեզաց և ՚ի ձենս՝ ձերս անօրէնութեան, և մի՛ ապականեսցուք զմարմինս նորա

ի կաւ և ՚ի տիղմն զազրու թեան մեղաց : Եւ մի՛ փշեցուք խտուր ինչ անկարգութեամբ զոսկերս նորա . վասն զի տաճար եմք Աստուծոյ կենդանւոյ : և հոգի նորա սուրբ բնակեալ է ՚ի մեզ ՚ի ձեռն շնորհացն Քրիստոսի : Արդ՝ որ զտաճար Աստուծոյ ապականէ՝ ապականեցէ զնա Աստուած . զի տաճար Աստուծոյ սուրբ է, որ էք դուք : Տեսաննա զաւետիսն մեծ՝ և առ նմին զահագին սպառնալիսն և զառանց ողորմութեան վճիռն : Արդ՝ երկիցո՛ւք ՚ի սպառնալեացն աղաչեմ . զարհուրեցո՛ւք ՚ի դատապարտութենէ դատաստանացն :

Եւ եթէ զթագաւորի ուրուք շինեալ ոսկեղէն տաճար՝ և ումեք ՚ի ծառայիցն յանձն արարեալ խնամով պահել, սրբել ՚ի փոշոյ . մաքրել յաղտեղութենէն . և անփոյթ առն՝ ցէ և աղբով, և ժահահոտութեամբ և ս ընուցու . զնրպիսի մեղագրութիւնս և զնրպիսի պատիժս ոչ ընդունի ՚ի թագաւորէն, և մահ իսկ գլխովին : Եւ եթէ առ մահկանացու թագաւորի և առ անշունչ տաճարս այսպիսի դատաստանք են, նրպիսի ահագին դատաստանաց և անճառելի տանջանաց ակն ոչ ունիցի, որ զանմահ թագաւորին և զերկնաւոր արքային զտաճարն մեղօք ընուցու, որ առաւել ժահահոտ է մեղքն՝ քան զամենայն աղտեղութիւնս աղբոյ . զի ո՞ր զաղբահոտութիւն այնպիսի նողկալի է որպէս շարաւահոտութիւն մեղաց : Եւ զի զնորա զաղբահոտութիւն ծանուցեալ մեծն ՚ի մարգարէս Դաւիթ՝ ասէր ողբալով՝ Էնկեցան և փոեցան վէրք իմ յերեսաց անդամութեան իմոյ : Վասն զի արգարե անգլամ է՝ որ պաղշտութեամբ և այլով աղտեղութեամբ պղծէ զտաճարն Աստուծոյ : Եւ վասն զի իսկապէս տաճար եմք Աստուծոյ՝ որպէս և ինքն իսկ ասաց . « Բնակեցայց ՚ի նոսա և զնացից ՚ի նոսա և եղէց նոցա Աստուած, և նոքա եղիցին իմ ժողովուրդք : Արդ՝ նրպիսի պատժոց, նրպիսի տանջանաց չիցեմք արժանի, որ Աստուած բնակիչ ունիցիմք, և զարշահոտութեամբ մեղաց փախուցանեմք



և զբանսարկուն փոխանակ նորա 'ի մեզ բնակեցուցանեմք.  
Ը. ճառ. Ա. Պետ:

Ահա ռուսականապէս բացատրեցաւ, թէ է՞նք էին ապականիչք  
Հոգւոյն շնորհաց, մնայ մեզ աստ կորզել զխօսս դարձեալ ըզ-  
ներդործութեանց սրբարար խորհրդոյն մկրտութեան:

Պ. Ուրի Գ.

Մատակարար շնորհաց խորհրդոյ մկրտութեան ընտրեցան Առաքեալք  
'ի ձեան Յիսուսի Քրիստոսի յորդեգրութիւն Հօր Աստուծոյ:

Գերագոյն եղև արդարև նուիրիլն մեր յորդեգրութիւն  
Հօր Աստուծոյ ամենակալին, և լինելն ժառանգակից շնորհաց  
և փառաց Յիսուսի Քրիստոսի Որդւոյն Աստուծոյ և Հոգւեոր  
տաճար բնակութեան սուրբ Հոգւոյն: Վասն որոյ 'ի վերայ մկր-  
տեալ երախայից ասի այսպէս. «Այս անուն ծառայս Աստու-  
ծոյ՝ եկեալ յերախայութենէ 'ի մկրտութիւն, մկրտի յանուն  
Հօր և Որդւոյ և Հոգւոյն սրբոյ, գնեալ արեամբն Քրիստոսի 'ի  
ծառայութենէ մեղաց, ընդունի զորդեգրութիւն Հօրն երկ-  
նաւորի լինել ժառանգակից Քրիստոսի և տաճար Հոգւոյն սրբ-  
ոյ»։ 'ի մայր Մաշտոցի: Ասէ Սարգիս Շնորհալի. «Ո՞վ խորք մե-  
ծութեան և իմաստութեան և զիտութեանն Աստուծոյ, ա-  
ռանց քննելոյ են դատաստանք նորա և առանց զննելոյ ճա-  
նապարհք նորա: Եւ ըստ մարգարէին դարձեալ՝ «Աքանչացաւ  
զիտութիւնք յիս, զօրացաւ և ո՛չ բաւեմք բերել զառաւելու-  
թիւնն շնորհաց քոց և պարզեաց: Իսկ զպարգևսն կատարեալս  
ասել այն է, որ ամենայն Աստուածատուր շնորհացն և տնօրէ-  
նութեանցն Քրիստոսի կատարումն՝ գալուստ սուրբ Հոգւոյն  
եղև, որով մաքրեաց զմեզ յաղտոյ մեղաց, և մկրտութեամբն  
լուաց և քան զձիւն սպիտակացոյց, և որդեգրութեան արժանա-  
ցոյց: Որով Համարձակութեամբ ասեմք Աբբա Հայր: Վասն  
զի Հոգին վկայէ Հոգւոյս մերում, եթէ եմք որդիք Աստուծոյ,

եթէ որդիք, ապա և ժառանգք Աստուծոյ, և ժառանգակիցք  
Քրիստոսի: Տեսն՞ր զառաւելութիւն պարգևացն, եթէ ո՞ւր  
տարաւ կացոյց զմեզ: Դ. Ճառ. 3ակ:

Ի մի՞տ առեր սիրելիք իմ զմարդասիրական տուրս Հօր  
Աստուծոյ. ծանիր ևս, զի զայս շնորհաց լուսաձիր տուրս և  
երկնապարզ և բարութիւնս, ո՞չ միայն ճանաչէ ուղղափառ եւ  
կեղեցի մեր հանգերձ ուխտաւքն, այլ և միշտ խնդրէ յաւեր-  
ժանալ ՚ի զօրութիւնս նոցին, և արիանալնոքօք և պատուա-  
բիլ: Ասան որոյ աղօթէ. «Շնորհատու բարեաց ամենայնի ա-  
ռատ անմահ Տէր, փարատեա՛ յանձանց մերոց զաղջամղջին և  
զխաւարային խորհուրդս ՚ի պատրանաց բանսարկուին պահեա՛  
զմեզ և շնորհեա՛ մեզ հաւատով ապաւինիլ յամենասուրբ Եր-  
րորդութիւնդ այժմ և միշտ և յաւիտեանս: ՚ի յամաղիրս:

Ա՛յլ ամենացանկալի բարութեանն Աստուծոյ շնորհաճա-  
ճանչ լոյս, որ փարատին է խաւարի պատրանաց բանսարկուին  
չարահար թելադրութեանց նորա. զայսմանէ կանուխ մար-  
դարէացաւ Նսայի, և զնոյն աւետարանեաց ինքնին լոյսն ճըշ-  
մարիտ Յիսուս Քրիստոս Աստուած փրկիչ մեր: «Ժողովուրդ՝ որ  
նստէր ՚ի խաւարի, ետես զլոյս մեծ. և որոց նստէին յաշխար-  
հի և ՚ի ստուերս մահու՝ լոյս ծագեաց նոցա: Նսայի. Թ. 2.  
Մատ. Դ. 16 :

Ա՛յլ բաւէ տկար գրիչ զպարտուպատշաճն սողել աստա-  
նօր զբազմատեսակ բարութեանցն, զորս շնորհեաց մեզ ան-  
ստուեր և աննշանկան լոյսն ճշմարիտ բանն Աստուած սքան-  
չելի խորհրդով փրկարար մարդկութեանն. ապա թո՞ղ աստ  
կրկնեցից զքանի միտողս բանից հոգեկից և սրտաշարժ ևրդա-  
բանութեան երանաշնորհ թարգմանիչ վարդապետին մերոյ սր-  
բոյն Մեսրոպայ. զորս երգէ աղերսաւիր զոհաբանութեամբ և  
սղջամիտ վարդապետութեամբ: «Գովեմք զքեզ բան և լոյս,  
որ զսիրական քո պատկեր լուսով ճրագի քո գտեալ վերականգ-  
նեցեր, կանգնեա՛ զանկեալքս մեզօք քոյին սուրբ չարչարանօք:»

Լոյս 'ի լուսոյ ծնունդ և ծագումն. որ եկիր 'ի խնդիր մոլորեալ  
ոչխարի բնութեանս, զոր ընդ խաչին բարձեր 'ի վերայ ուսոյդ  
մաքրիս զմեզ 'ի մեղաց մերոց: Որ զլոյս Ատուածային քո բանի  
ծագեցեր յաշխարհամած խաւարն անդիտութեան՝ լուսա-  
ւորեան և զմեզ չօր իմաստութիւնս: 'ի Կանոն երբորդ կիւրակէի  
մեծի պահոց: Մի՛ զանց արասցուք աստանօր յիշատակէլ զՅեր-  
մեռանդ խոստովանութիւն և զպաղատախառն բարերանութեան  
զհոգեգրուարձ երդս քերթողահոյ սուրբ վարդապետին մե-  
րոյ Մովսէսի Խորենացոյ, զոր երգեաց յաւուր Տեառն ընդ  
առաջն. « Լոյս 'ի լուսոյ 'ի չօրէ առաքեցար և մարմնացար 'ի  
սուրբ կուսէն, զի վերստին նորոշեսցես զապականեալն Ազամ:  
Գու Ատուած 'ի յերկրի երեւցար և ընդ մարդկան շրջեցար  
և փրկեցեր գտիկներս յանիծիցն Ազամայ: Որ ունին իշխա-  
նութիւն մահու և կենաց Քրիստոս թագաւոր փառայ, ո-  
ղորմեան մեզ Աստուած: Այս շնորհ որդեգրութեան և հօ-  
գեւոր վեաճնելութեան նորոգութիւն յաւազանի մկրտութեան  
տրամադրի և կատարի սուրբ Հոգւոյն Աստուծոյ յատուկ ներ-  
գործութեամբն. վասն որոյ փրկիչն մեր Յիսուս աւետարանեաց  
Նիկոյ իմոս անուն իշխանին չրէից զայս հոգեւոր սքանչելի  
վեաճնելութիւն այսու անժխտելի բանիւ, « Ծնեալն ի մարմնոյ  
մարմինէ, և ծնեալն 'ի հոգւոյ հոգիէ: » Յովհաննու. Գ. Թ. 1  
Զայս հրաշալի շնորհ ներգործեալ 'ի հոգիս վեաճնելոց սրբա-  
բար խորհրդով աւազանին մկրտութեան. նախասահմանեալ  
նկարէր և ձեւակերպէր սուրբ Հոգին Աստուած 'ի ստեղծման  
աշխարհի շրջելով 'ի վերայ ջրոցն անգնդոց, որպէս գրեալ է  
յԱտուածաշնչի: « Եւ երկիր էր աներևոյթ և անպատրաստ և  
խաւար 'ի վերայ անգնդոց և Հոգի Աստուծոյ շրջէր 'ի վերայ ջուրց  
» Ծնն. Ա. 2: Ուստի զրէ սուրբ Գրիգոր Նարեկացի. « Յրհնա-  
բանեմք ընդ չօր և Ողբոյ և զանրութանելի բղխու մննոցին փա-  
ռակից Հոգւոյն տէրութեան, որ ստեղծ զքնաւս և կենդա-  
նածնէ զամենայն, որ անդասին իսկ 'ի բնէ համապարփակ մը-

Թուժեան աշխարհական միզի շրջէր նկարէր և կերպարան  
նէր ամենունակ ջուրքքն անբաւութեան երկրատարած ծովու  
ի կատարումն արդեան խորհրդոյս զսուրբ աւազանն լուսոյս  
Նարեկ. ՀԵ. 8:

Ի սոյն վարդապետութեան միտս գրէ Ներսէս Շնորհալի ՚ի  
Շարահնոցի. «Որ ՚ի վերայ ջուրցն գոլով՝ ստեղծանէիր զա-  
րարածս. իջեալ ՚ի ջուրս աւազանին ծնանիս որդիս Աստու-  
ծոյ: Եւից ստեղծող արարածոց, որ շրջէիր ՚ի վերայ ջրոց, նոյն  
և ՚ի ջուրս աւազանին ՚ի շնորհել մեզ քում՝ էակցին, զգուես  
սիրով աղանակերպ, զմարդիկ ծնանիս Աստուածակերպ: Ահա՛  
զայս հրաշալի նեղործութիւն սուրբ Հոգւոյն Աստուծոյ ՚ի  
ջուրն սուրբ աւազանին՝ նկարագրէ ուղղափառ Եկեղեցի մեր  
ըստ սահմանադրութեան սրբոյ Հօրն մերոյ Գրիգորի լուսա-  
ւորչին ՚ի ջուրն աւազանին զարբալոյս միւռոն կաթեցուցանելով  
նախ քան զմկրտիլ երկխային, և անդանօր խորհրդաւոր արա-  
րողութեամբ հանդիսացուցանէ երգելով զՇարահանի զերիս  
տունս Հոգեգալստեան. «Առաքելոյ աղանւոյս և այլն. անս ՚ի  
մայր Մաշտոցն՝ յերես. III :

Ի գերազանց շնորհս կենարարին մերոյ Յիսուսի Քրիստոսի  
և զայս ևս խոստովանելի է սրտի մտօք շնորհք շնորհաց. քան-  
զի զկնի կատարելոյ յաշխարհի աստ զփրկարար և զկենդանա-  
գործ խորհուրդ սքանչելի մարդեղութեան, վերստին տնօրի-  
նեաց մարդասիրութեամբն անպակաս մշանջենաւորել ՚ի մար-  
դիկ ՚ի հաղորդակցութիւն Աստուածային շնորհացն զհոգւոյ  
փրկութեան անընդհատ զօրութիւն, և զաւետարանական  
լուսաւոր քարոզութիւն, զժառանգութենէ յաւիտեանական  
կենաց: Վասն որոյ նոյն ինքն Յիսուս յետ յարութեանն պար-  
զակելով կատարեալ և համահաւասար ամենեցուն երջանիկ  
դասուց սրբազան Առաքելոցն և զերընտիր աշակերտաց իւրոց  
զիւր Աստուածային անհամեմատ իշխանութեանն շնորհս՝  
հրամայեաց այսպէս: «Մատուցեալ Յիսուս խօսեցու ընդ նոսա



և ասէ՛ տուաւ ինձ ամենայն իշխանութիւն յերկինս և յերկրի, որպէս առաքեաց զիս Հայր, և ես առաքեմ զձեզ, զնացէք այսուհետեւ, աշակերտեցէք զամենայն հեթանոսս, մկրտեցէք զնոսս յանուն Հօր և Որդւոյ և սրբոյ Հօգւոյն: Ուսուցէք նոցա պահել զամենայն՝ զոր ինչ պատու իրեցի ձեզ: Եւ ահաւասիկ ես ընդ ձեզ եմ զամենայն աւուրս մինչ՝ ի կատարած աշխարհիս: Մատթ. ԻԸ. 18 - 20:

Զօրանելլահրաշ ներդործութիւնս այս Քրիստոսական իշխանութեան՝ առաքելական դասուց զովասանական երգօք բարեբանեալ երգէ սուրբ Մովսէս խորենացի քերթողասայրն մեր. «Որք ՚ի սկզբանէ պատուեալ եղին ՚ի սէր բոլորից Հօր, առաքելական կոչմամբ զտիեզերս հրաւիրեցին յուսով հասանել մասին. վարդապետութեամբ սոցա ամենքեան օրհնեսցուք բզճէր: Որք ականատեսք և սպասուորք եղին մարմնացելոյ բանին զեր ՚ի վերոյ անմարմնոցն դասուց հանդիպելով շնորհի, վարդապետութեամբ սոցա ամենքեան օրհնեսցուք զճէր: Քարեկամք Քրիստոսի և հազարապետք Աստուածային խորհրդոց. ընդունողք զբանն կենաց և լուսաւորիչք տիեզերաց, բարեխօսեցէք շնորհել մեզ զխաղաղութիւն ամենայն աշխարհիս:

Եւ դասք սրբազան Առաքելոց և երանելի Աշակերտացն Յիսուսի փրկչին մերոյ ըստ օրինակի ճշմարիտ երկնաւոր վարդապետին իւրեանց զաւետարանական լոյս շնորհաց տարածեցին ընդ ամենայն աշխարհ, որպէս հրաշալի նկարագրութեամբ քարոզեաց Վուսաւորին հողւոց մերոց սուրբն Գրիգոր: «Զի ճէրն զնոյն ուսոյց նոցա զհամբերութիւն. թէ երանի է ձեզ, յորժամ հալածեսցեն զձեզ վասն իմ, ցնծացէք և ուրան լերուք, զի վարձք ձեր բազում են յերկինս: Կաղապար արկանէր, թէ այսպէս հալածեցին զմարդարէան՝ որ յառաջ քան զձեզ էին. և թէ դուք էք աղերկրի և լոյս աշխարհիս: Եւ զինքն օրինակ առեալ նոցա, որ ինքեամբն կատարեաց զամենայն, որպէս և նոքա այլոց ցոյցանէին, թէ ըլլա-

Տէրն ինքնին զլսողին տեսաք: Եւ ապա սփռեալ ընդ ամենայն ազգս տալ զգիտութիւն Աստուածածանօթութեան, և ընկեցուցանել զամենեսեան, որպէս մարդարէն յառաջագոյն երգեաց իբրև 'ի նոցանէ յառաջգիտութեամբ՝ գուշակութեամբ Հոգւոյն սրբոյ թէ՛ շուարնօք զայս ամենայն ազգք ունկնդիր լերնօք ամենեքեան, ոյք բնակեալ էք յաշխարհիս: Ծընունդք երկրի և որդիք մարդկան 'ի միասին մեծամեծք և տրնանկք: Եւ ոչ ոք կարէ թուել բաւել Հասու լինել այլ ընդ ամենայն երկիր ել բարբառ նոցա՝ և մինչև 'ի ծագս տիեզերացնն խօսք նոցա: Այնպէս քարոզեցին ընդ տիեզերս առ 'ի լուսաւոր առնել զամենայն մարդ՝ որ գալոցէ յաշխարհ, տալ զապաշխարութիւն փրկութեան ամենեցուն լուսնալ, զամենեսեան արձակել ի կապանաց խաւարի՝ մկրտութեամբն 'ի Քրիստոսագունչն զրոշմել զամենայն ազգս, տալ զՈրդին Աստուծոյ բրնակիլ 'ի սիրտս մարդկան, միաբանել խառնել 'ի սէր Աստուածորդւոյն, զի 'ի սրաից ամենեցուն երբ և աղաղակիցէ և զամենայն աշխատ միաբանեալ ասել Աբբա՛ չայր, զի բարձցի անուն ծառայութեան, և զիցի անուն որդեգրութեան շնորհելովն Քրիստոսի, ուտել զմարմին Աստուածորդւոյն և ըմպել զարիւն կենդանարար, զի այնու մտցեն ամենայն աշխարհ՝ 'ի ժառանգութիւն Քրիստոսի, լինիլ ժառանգ Աստուծոյ և ժառանգակից Քրիստոսի: յԱզաթ:

Սոյնպէս և սուրբ Նարեկացին զկնի հրաշալի գովեստից համօրէն երանեալ զասուց սրբազան Առաքելոց՝ վերջաբանութիւնս առնէ թէպէտ համառօտ՝ բայց բովանդակիչ բազմատեսակ բարեմասնութեանց նոցին շնորհաց: Ետքա մեր նախնիք, սոքա մեր ծնողք ըստ աւագանին, սոքա զաստիարակք մերս իմաստից, սոքա վարդապետք աշակերտելոցս, սոքա զաւանութեան բարեաց ուսուցիչք, սոքա Եկեղեցւոյ սրբոյ Հիմնադիրք, սոքա կցորդակիցք արդարութեան պաշտամանս, սոքա խրախոյսք ընտրական կրօնիցս, սոքա ձեռնա-

դրողք քահանայութեանս 'ի Քրիստոսէ ընկալեալք և մեզ մասնաւորեալք, հաւատարիմ ուխտի դաշնաւորք, վկայք վեհագոյնք Աստուածատունկս կարգիւ 'ի ձեռն սոցա ընդունահան և հաճոյական մաղթանաց հայցման աղօթից՝ ընկալցուք և մեք մասն փրկութեան 'ի բարերար գթութեանց խնամոյն Աստուծոյ՝ զօրանալ ձեռին մեր 'ի շնորհս, 'ի բժշկութիւնս, 'ի բաշխումն կենաց պարգեաց: 'ի ձառն Առաք: Արդ՝ այսչափ բաւ համարեցուք յազագս խորհրդածութեանց մերոց զանչափ մարդասիրական բարերարութեանց և զամբաւ շքնորհաց փրկարար մարդեղութեան Տեառն մերոյ Յիսուսի Քրիստոսի, որ յէակեցէն և 'ի փառակեցէն իւրմէ 'ի Հօրէն լուսոյ առաքեցաւ փրկիչ և կեցուցիչ մեր մարդկային զատապարտեալ բնութեան, զոր սրբազան Առաքեալն Յակովբոս Գործքարդեաց համառօտակի յասելն՝ զի ամենայն տուրք բարիք և ամենայն պարգևք կատարեալք 'ի վերուստ են իջեալք առ 'ի Հօրէն լուսոյ: Ահա՛ աստանօր իրբև 'ի հայեւջմ պարզ և մեկին բանից սուրբ Գրոց և հոգեբուղիս վարդապետութեանց երանեալ հարց բացայայտ երևեցաւ մտաւոր տեսութեան մերում բազմատեսակ շնորհք խորհրդոյ մարդեղութեան: Ուրեմն մատիցուք 'ի տեսութիւն կատարեալ պարգեաց Հօր Աստուծոյ մարդասիրին, որ է սուրբ Հոգին Աստուած:

ԳՆՈՒՆ Դ.

Զինչ նշանակեն տուրք բարիք եւ պարգևք կատարեալք:

Պարգևատու է Հայր Աստուած, ուստի և նորին մարդասիրական տուրք բարութեան է Որդին միածին, և պարգևն լիակատար շնորհաց սուրբ Հոգին Աստուած. վասն որոյ և երեքանձեայ մի Տէրութիւնն ունի զնոյն բովանդակ կատարելութիւնս, ըստ ողջամիտ և հրաշալի վարդապետութեան սրբոյ Հօրն մերոյ Գրիգորի Լուսաւորչի՝ Վատարեալ է Հայր անձամբ

և զօրութեամբ, գիտութեամբ և իմաստութեամբ, արարչութեամբ և բարերարութեամբ և զամենայն իւր անձին իսկութեամբ ունի: Կատարեալ է Որդի անձամբ, զօրութեամբ, գիտութեամբ և իմաստութեամբ, արարչութեամբ և բարերարութեամբ, և զամենայն հայրածին իսկութեամբ ունի: Կատարեալ է սուրբ Հոգին անձամբ և զօրութեամբ, գիտութեամբ և իմաստութեամբ, արարչութեամբ և բարերարութեամբ, զամենայն իւր անսկիզբն էութեամբ ունի: Ճառ Բ. Յաճախ:

**Ա.** այս Աստուածաբանական խորհուրդ քարոզեաց սբրբազան Առաքեալն Յակովբոս յասին՝ «Ամենայն տուրք բարիք և ամենայն պարզեք կատարեալք ՚ի վերուստ են իջեալք առ ՚ի Հօրէն լուսոյ, յորում չիք փոփոխուիմն և կամ շրջելոյ ըստ ուեր» Ա. 17:

**Ա.**րդ՝ զպարզեատուն ամենայն բարեաց զՀայրն երկնաւոր աղաչէ սուրբ Եկեղեցի մեր հանգերձ ուխտիւքն, զի շրնորհեացէ զկատարեալ պարզեան բարեաց և շնորհաց, զի նա վաւ աղատ լիցուք ՚ի խաւարային և ՚ի խռովայոյզ խորհրդոց սատանայի և ՚ի նենգապատիր գաղտնորդայթ թեւադրութեանց նորին բանսարկութեան, որով ամբիժ հաւատով և հաստատուն յուսով և կատարեալ սիրով հաղորդ լիցուք յաւիտենական փառաց երկնից արքայութեան: Վասն որոյ յաղօթս երեկոցեան հանգստեան ժամուն խնդրեմք ՚ի Հօրէն լուսոյ. «Պարզեատուն բարեաց և աղբիւր խաղաղութեան Տէր Աստուած մեր, յամենայն սատանայական խռովութեանց խաղաղացն՝ զմիտս մեր և զխորհուրդս ՚ի գիշերիս յայսմիկ և յամենայն ժամանակի, որպէս զի առաջնորդեալք յանցաւոր կենցաղոյս ժամանեցուք յաւիտենական երկնից արքայութեան քո, զոր պատրաստեցեր ՚ի սկզբանէ աշխարհի սբրոց քոց»:

**Ը**ստ սմին և սուրբ Լուսաւորիչն մեր ասէ. «Աղբիւր է Հայր Աստուած ամենայն բարեաց՝ և ՚ի նմանէ բաշխին պար-



զէք յարարածս : Արդ՝ գոհայեալ զպարզեողէն զգարիս և զխաղաղութիւն բոլորէն աղբերաբար՝ մաղթէ զխաղաղութեան բարին, որ լաւագոյնն է քան զամենայն բարիս, առանց որոյ և ոչ այլ բարիքն հաստատին : Պարտիւք ևս գոհարանական երգօք բարեբանել զկատարեալն յամենայնի պարզեատուն զՀայրն Աստուած, և զկատարեալ պարզէն շնորհաց և զանազան բարեաց, զէակից և զփառակից Արդւոյ զսուրբ Հոգին Աստուած, որպէս երդէ սուրբն Ներսէս Շնորհալի : «Որ կատարեալ անձնուորութեամբ յերկից կատարելոց մի և նոյն բնութիւն, որով ընդ Հօր և ընդ Արդւոյ միշտ երկրպագիս յարարածոց Հոգի Աստուծոյ, օրհնեմք զքեզ Աստուած հարցն մերոց : Որ համապատիւ Հօր և Արդւոյ քարոզիցին զքեզ Աստուածաբանք եկեղեցւոյ, յոր մկրտիւք և դաւանիւք համազոյ երրորդութեան անբաժանելի : Յօրհ :

Զինչ քան զայս զերագոյն և անչափ շնորհաց պարզե, որ շնորհեցաւ գալստեամբ սուրբ Հոգւոյն Աստուծոյ, և զեղեալ առատացաւ 'ի մեզ, լուր սրբոյն Ներսիսի Լամբրոնացւոյ, որ 'ի Ճառի գալստեան սուրբ Հոգւոյն զնոյն բարեբանելով զրէ «Ահա՛ ձիր՝ որ ոչ չափի, և պարզե՛ որոյ ոչ կշիռ գործոց զուգակցի, ահա՛ տուր՝ որոյ խկութիւն բնութեան ոչ պարիակի, և շնորհ՝ որոյ ոչ զեղումն զերագանց մտաց սահմանի, ահա՛ ողորմութիւն առատ, որ ամենայն թագաւորութեան աշխարհիս հաւատարեալ՝ փոքր գտանի, և մխիթարութիւն՝ որոյ ոչ ուրախութիւն մարմնաւոր լծորդի :

Յիշատակաց արժանի է արդարեւ կրկնել աստանօր զբանս ուղղափառ դաւանութեան և զսքանչելի բարեբանութիւնս Գրիգորի Նարեկացւոյ զպարզեաց սուրբ Հոգւոյն թէ՛ «Բարեբանեմք միշտ և օրհնեմք ընդ Հօր և ընդ Արդւոյ և զՀոգի Եութեան նոցին, ամենազօր, ճշմարիտ կատարեալ և սուրբ, որ յանէից գոյացոյց զըտոր եղեալքս ամենայն ինքնագօր հօմիշխան երկուցն ևս ընդ նմին անեղծ և անսահման թագաւ

ւորութեան, որ ինչ պատճառն առաջին և բանն ահա որ նորին ինքնութեան, նոյն ինքն և Հոյին բարձրացեալ: Բարի ինքնակալ ամենից բաշխիչ զձօրն պարզևս 'ի գովեստ անուան փառաց միածնին, որ ազդեաց յօրէնսն, շնչեաց 'ի մարգարէս, փշմամբ ազգակցին տպաւորեցաւ յԱռաքեալն, կերպիւ ազաւնեոյ ցուցաւ 'ի Յորդանան 'ի մեծութիւն փառաց եկելոյն, փայլեաց 'ի գիրս աւանդականաց, արար հանձարեզս, զօրացոյց իմաստունս, լըոյց վարդապետս, օժարքայութիւնս, օժանդակեաց թագաւորս, ետ վերականգուս, հրամանատրեաց փրկութիւնս, շնորհեաց ձիրս, հանդերձաւորեաց քաւութիւնս, զմկրտեալսս 'ի մահն Քրիստոսի 'ի բնակութիւն իւր մաքրազարդեաց, զօր Հայր և Որդի, զնոյն և Հոգին ներգործեաց, և ինքն է Աստուած ինկեալ տիրապէս ամենայն յամենայնի»: Նարեկ. ԼԴ:

ՊՈՒՅԵ

Բնական շնորհ մարդկան 'ի ստեղծագործութեանն և գերբնական պարգեւաբութիւնք առ նա 'ի ձեռն մարգեղութեանն Քրիստոսի:

Աստանօր նախ քան զպէսպէս գերբնական զառատաբաշխ շնորհաց զԱստուածային ձրիատուր պարդեաց տալ իմ զճանօթութիւնս արժան համարիմ յիշել և 'ի միտ առնուել զԱստուածային ինքնաբուն բարութեանն զբնական պարզեաց և շնորհաց զօրութիւնս 'ի մարդկային հողեղէն բնութիւնս կանխաւ ներգործեալս, որով բանական և անմահական հողեով պերճացեալ անուանեցաք պատկեր Աստուծոյ անսահման մեծութեանն՝ լինելով բանաւոր և անձնիշխան բնուանակ Աստուածային երանութեան և փառաց զարդարեալ սկզբնական արդարութեամբ և փառաւորեալ 'ի վիճակի անմահութեան, ըստ վրայութեան սուրբ Գրոց և հոգեշունչ վարդապետաց:

Եւ ասաց Աստուած արացուք մարդ ըստ պատկերի մերում և ըստ նմանութեան . . . և արար Աստուած զմարդն

ի պատկեր իւր ըստ պատկերի Աստուծոյ արար ընառ. Մնդ. Ա. 26. Բ. 7. Ե. 1. Թ. 6 : Էջի Աստուած հաստատեաց ըզմարդն յանկողնութիւն և ՚ի պատկեր իւրոյ բարերարութեան արար զնա. և որք ՚ի նորա վիճակի սակի են. Իմաստ. Ա. 15. Ե. 15-15. Սաղմ. Բ. 6 :

Սուրբ Ներսէս Շնորհալի Հայրապետն մեր յերգս Արարչականին գրէ : Էջանդուրժեալ բնութեամբ բարւոյն ունիլ միայն զանձառ բարին այլ ստեղծեալ զմարդ յիւր պատկերին ՚ի վեցերորդ առաւօտին և ՚ի յերրորդ ժամ զկողածինն ՚ի յողնութիւն ետ հողածնին, զորս ՚ի զբախտին եզ վայելել, բայց ՚ի պողոյն մահու արդել. ՚ի ժամագիրս :

Եւ սուրբ Գրիգոր Նարեկացի յաւէտ երախտապարտ խոստովանեալ զանձն իւր այսմ Աստուածային շնորհաց գրէ. «Որ արարեր զնս ՚ի քո պատկեր պանծալի ՚ի ձեռն վեհալ տրւաւորութեան զտկարս օժանդակելով, զարդարեցեր բանիւ, փայլեցուցեր փլմամբ, մտօք ձոխացուցեր, իմաստիւք անեցուցեր, հանձարով հաստատեցեր, ՚ի շնչականաց որոշեցեր, հողւով իմանալեա խառնեցեր. ի շխանականին դոյլւ պծնեցեր» Նարեկ. Ե :

Սուրբ Հայրապետն մեր Ներսէս Շնորհալի լսելով թէ ՚ի Միջագետս ծագեալ է չարաչար մոլորութիւն ինչ համարելոյ զանմարմին անեղական բնութիւնն Աստուծոյ ունել մարմնաւոր կերպարանս մարդոյ, հերքէ զմոլորութիւնն նոցին վկայութեամբ սուրբ Գրոց ըմբերանելով զնոսա յասելն՝ «Վասն զի մարդն անուն՝ որ է արթուն\* այսինքն է իմաստուն, ո՛չ մարմնոյս է, այլ հողւոյս. և Մովսէս զմարդն առէ՝ թէ արար Աստուած ՚ի պատկեր իւր, որ է հողին, և ո՛չ մարմինս. և Տէրն զմարմնոյն առէ, թէ ոչինչ օգնէ, հողին է՝ որ կենդանի առնէ, վասն որոյ և հաղորդ Աստուծոյ հողիս մեր է անուամբ և պատկերաւ՝ և ո՛չ մարմինն անուամբ. ըստ այնմ թէ՛ Էջգի

\*) Յայլում ձեռագրի եղեալ կայ արթուն :

է Աստուած և պատկերացաւ յաղագս անձնի շխտանական բըշ  
նութեանն, զի սրբէս Աստուած իշխան է ամենայն եղևըց,  
և զոր ինչ կամի առնէ իշխանաբար յաբարածս իւր, և ոչ որ  
ընդդիմանայ եղևըցն ՚ի նմանէ, նոյնպէս և մարզս իշխան է  
ըստ հոգւոյ անձին իւրոյ կամաց, զի զոր ինչ կամի առնէ և  
թէ բարի և եթէ չար, և ոչ բարին բռնադատի յԱստուծոյ,  
և ոչ ՚ի չարէ ակամայ ձգի ՚ի չարիս, այլ յոր կողմն հակա-  
միակ յօժարու թիւն կամաց իւրոյ և սիրէ՝ զայն զործէ, և  
թէ զբարին և եթէ զչարն, վասն որոյ և վարձս ըստ բարեաց  
և տանջանս ըստ չարեացն ընդունելոց է»։ յՆոյհան երես 275:

Եւ Սարգիս Շնորհալի վարդապետն մեր համառօտիւ զը-  
րեաց, «Որ զմարդն՝ զպատկեր Աստուծոյ փառաւորէ, ընդ նը-  
մին և զսկզբնատիցն փառաւորէ, և որ զմարդ անարգէ, ընդ  
նմին և զԱստուած անարգէ, որ զձեզ անարգեաց ասաց Տէր  
մեր, զիս անարգէ»։ ՚ի Մեկնութեան Աստուծոյ իկեայց, լեր. 145.

Արդ՝ այսչափ եղին Աստուածային բարերարութիւնք շը-  
նորհաց սոս ՚ի սկզբան ՚ի ստեղծագործութեան անդ նմին պատ-  
կերակից լինելով, բայց այժմ առաւելուն ՚ի մեզ առատութիւնք  
շնորհաց ՚ի փրկագործ անօրէնութեան արգեանց և ՚ի լրու-  
թենէ պարգևաց անտի փրկչին մերոյ Յեսուսի Քրիստոսի.  
ըստ այնմ՝ «Զի ՚ի լրութենէ անտի նորա մեք ամենեքին  
առաք զշնորհս փոխանակ շնորհաց, զի օրէնք ՚ի ձեռն Մով-  
սիսի տուան, շնորհք և ճշմարտութիւն ՚ի ձեռն Յիսուսի  
Քրիստոսի եղին»։ Յովհ. Ա. 16. 17 :

Զայս շնորհաց առատապագև զեղուքն և զարբարար ներ-  
գործութեանց զըրութիւնն մարդարէտեան հոգւով նկատեալ  
երանելին Վաւիթ փոխարեութեամբ իմն յաղագս վերանու-  
րողման զատապարտեալ բնութեանս ՚ի խորոց սրահ աղաղա-  
կելով երգէր «Քէն է Տէր աղբիւր կենաց, և լուսով երեսաց  
քոյ տեսանեմք զլոյս»։ Սաղմ. Լկ. 10 :

Խոստովանիմք կատարեալ հաւատով ըստ Գրիգորի Աստ-



ուածարանին, եթէ Աստուած է կենդանարար և սրբարար շո-  
նորհաց աղբիւր, ևս և է անեղական իմանալի լոյս, որ յիւրմէ  
ղերամաքութիւնը դուրս բերէ մարդասիրարար շնորհէ հոգ-  
ւոյ մերոց զլոյս զարթոնցիչ մտաց և փառաւորիչ հոգւոց :

Ահա զայս ամենայն ճշմարտարանելով քարոզեաց մեզ  
լուսաւորիչն մեր սուրբն Գրիգոր յասելն՝ «Աղբիւր է Աս-  
տուած ամենայն բարեաց, և արբուցանէ զհաւատացեալս ըստ  
իւրաքանչիւր բարւոյ ցանկութեան սուրբ շնորհօք : Եւ կեանք  
է կենդանարար և մշտնջենաւոր, սր կենդանութիւնն սոց ա-  
մենայն արարածոց իւրոց, և բարեբարէ առ ամենեւեան, որ  
սղարգեօք իւրովք շնորհէ զքառութիւն, որք դառնան առնա  
'ի չարեաց, և լոյս է՝ որ լուսաւոր առնէ զամենայն մարդ, որ  
կամի 'ի խաւարային մեղացն զալ 'ի սուրբ լոյսն» . Յաճախ-  
ձառ. Ժ :

Ահա՛ յայս Աստուածային աղբիւրն իւր Յիսուս Քրիս-  
տոս փրկիչ մեր մարդասիրական խնամօք կոչէր, հրաւիրէր զա-  
մենեւեան մերձիլ և ըմպել 'ի կենդանարար և յանմահա-  
կան ջրոյն շնորհաց, որպէս զրէ սրբազան Աւետարանիչն Յով-  
հաննէս շիւրջնում առւեր մեծի տօնին կայր Յիսուս աղա-  
զակէր և ասէր, եթէ ոք ծարաւի իցէ, եկեացէ առ իս և  
արբցէ» . Յովհան. Է. 37 :

Ո՛վ ամենաքաղցր և սքանչելի մարդասիրական հրաւեր,  
եթէ ոք՝ ասէ, զզոյս զիւր հոգւոյն ծարաւութիւն, 'ի ջուրն  
անմահութեան կենաց ջերմեանդ հաւատով և անձնիշխան  
կամօք եկեացէ առ իս, և արբցէ, զի ես եմ մարգարեական  
հոգւոյն Գաւթի կանխաւ յայտնեալ Աղբիւրն շնորհաց և ան-  
մահութեան կենաց ջուրն՝ այսինքն շնորհք, զոր ես սոց  
նմա՝ եղեցի նմա Աղբիւր ջրոյ բղխեցելոյ 'ի կեանն յաւի-  
տենականս» . Յովհան. Գ. 14 :

Ապա ըստ Ոսկերերանին «Վայ է վայ սոսկալի մերժելոց  
հեռացելոց յանմահական կենաց յառատահոս շնորհաց յԱստ-

ուածային աղբերէ աստի. կամ չարաչար մոլորութեամբ հաւատոյ և կամ պղծալիբ մոլութեամբ բարուց և վարուց. 'ի ճառն Զղջման. մասն. Բ :

Եւ իմաստասէրն Յովհաննէս 'ի կարգս պաշտաման եկեղեցւոյ յերես 208 'ի վերայ բանին՝ Կուսով երեսաց քոց տեսանեմք զլոյս՝ ասէ, Վերեսօք պարտիմք իմանալ զմարդեղութիւն Որդւոյն Աստուծոյ Փրկչին մերոյ Յիսուսի, յորմէ րնկալաք զլոյս շնորհաց և կենաց, զոր բացայայտ աւետարանեաց մեզ սրբազան Աւետարանիչն Յովհաննէս յասիլն. Վեւ լոյսն 'ի խաւարի անդ լուսաւորէ, և խաւար նմա ոչ եղև հասու: Եւ թէ՛ Բանն մարմին եղև և բնակեցաւ 'ի մեզ, և տեսաք զփառքս նորա իրրև զմիածնի առ 'ի Հօրէ լի շնորհօք և ճշմարտութեամբ: :

Ուրեմն ջերմեռանդն հաւատով արժանաւորապէս խընդրօղք հաղորդեցան սքանչելի զօրութեան և պէսպէս շնորհաց և լուսոյ իմաստութեան Յիսուսի Քրիստոսի Տեառն մերոյ. առ այս վարդապետէ երանաշնորհ վարդապետն մեր ճոն Բարսեղ 'ի մեկնութեան Մարկոսի, Ժ. Վրպէս որ զհետ երթայ լուսոյ և անուշահոտութեան ինչ իրաց, լցեալ լինի լուսով և անուշահոտութեամբ, այսպէս և որ զհետ երթայ Քրիստոսի լցեալ լինի Աստուածային լուսով և անուշահոտութեամբ առ 'ի նմանէ: :

Ապաքէն Յիսուս Քրիստոս 'ի բնէ անասմանարար ունէր յինքեան զամենայն կատարելութիւնս Աստուածային զօրութեան, իմաստութեան և լիսպատար շնորհաց, և ոչ թէ օր քան զօր և կամ ամ յամէ ընդ աճել և ընդ զարգանալ հասակի մարմնոյն յօրէ ծննդեան աճէր և զարգանայր Աստուածային զօրութեամբ, իմաստութեամբ և շնորհօք 'ի ներքս յանձին իւրում: :

Ապա զինչ պարտ իցէ մեզ իմանալ զգրեալն 'ի սուրբ Աւետարանի անդ եթէ, Վեւ Յիսուս զարդանայր իմաստութեամբ

և հաստիաւ, և շնորհօք յԱստուծոյ և 'ի մարդկանէ, Վուկ.  
Բ. 40. 52 :

Այս զարգացումն տայ մեզ խմանալ առ արտաքս  
յայտնեալ ծաւալումն և տարածումն զօրութեան և խմաս-  
տութեան և շնորհաց Տեառն մերոյ Յիսուսի Քրիստոսի :

Ասան զի Աստուածորդւոյն մարդեղութեանն շնորհ փրկարար  
նախ յայտնեցաւ տարածեցաւ 'ի Հօրէն Աստուծոյ ամենակալէն  
'ի գիշերի հրաշափառ սուրբ Տննդեան յարթուն և 'ի զգաստ  
յերջանիկ հովիւն, 'ի յերկնից յատկապէս առաքելով աւե-  
տարեր հրեշտակն առ նոսա և հետեւարար ընդ հրեշտակին  
ընդ այնմիկ եղև անդանօր բազմութիւն զօրաց երկնաւորաց  
երևեալ, որք ոչ միայն աւետարանեցին հովուացն զհրաշա-  
փառ մարդեղութեան փրկարար շնորհաց լիութիւննս, այլև  
հրեշտակային երգօք փառաբանութեան յայտ արարին ե-  
թէ՛ Տնեալն 'ի սուրբ Կուսէն է Աստուած փառաց և Տէր զօ-  
րութեանց, վասն որոյ զրէ՛ սուրբ վարդապետն մեր Իդնատիոս  
մեկնիչն : ՔԱյլ և սքանչելիս ծածկեաց 'ի բազմաց և յայտ-  
նեաց հովուացն : Զնոսա միայն հաճեցաւ մերձակայ և տե-  
սօղ լինել սքանչելեացն, թերևս զի պարզամտք էին և սուանց  
նենդութեան : Ուստի և հրեշտակ Տեառն երևեալ տայր նո-  
ցա աւետիս, և փառք Տեառն ծագեաց առ նոսա : Եւ զի՛նչ  
իցնն փառք Տեառն, փայլումն լուսոյն, որ յայտնեաց զփառս  
Աստուածութեան այնմիկ, որ խանձարրօք պատեալ դնիր 'ի  
մտուր, և թէ՛ հրեշտակք յերկինս վերացան յանդիման նոցա,  
զի՛ 'ի միտ առցին հովիւքն, թէ՛ անտի իջին, անտի էր և Մա-  
նուկն 'ի մտուր եղեալ՝ որում զփառսն երգէին : 'ի Մեկն, Վուկ.  
Երես 69. 74 :

Զայս ամենայն ուսուցանէ սրբազան Աւետարանիչն Ղու-  
կաս : Եւ հովիւք էին 'ի տեղւոջն յայնմիկ բացօթեազք, որք  
պահէին զպահպանութիւնս զիշերոյ Տօայից իւրեանց : Եւ հրեշ-  
տակ Տեառն երևեցաւ նոցա և փառքն Տեառն ծագեցաւ առ

նոսա և երկեան յերկիր զ մեծ, և ասէ ցնոսա հրեշտակն, մի՛ երկնչիք, զի ահաւասիկ աւետարանեմ ձեզ ուրախութիւն մեծ, որ եղիցի ամենայն ժողովրդեանն, զի ծնաւ ձեզ այսօր փրկիչ, որ է օծեալ Տէր 'ի քաղաքի Դաւթի: Եւ այս նշանակ ձեզ, զըստանիցէք մանուկ պատեալ 'ի խանձարուրս, և եղեալ 'ի մտուրս Եւ յանկարծակի եղև ընդ հրեշտակին ընդ այնմիկ բազմութիւն զօրաց երկնաւորաց, որք օրհնէին զԱստուած և ասէին. փառք 'ի բարձունս Աստուծոյ և յերկիր խաղաղութիւն 'ի մարդիկ հաճութիւն և օրհնութիւն: Եւ եղև իբրև վերացան 'ի նոցանէ հրեշտակքն յերկնս, ասնն ցմամեանս հօվիւքն, եկայք երթիցուք մինչև ցօթթղեհէմ, և տեսցուք զԼեւնչէ բանըս այս՝ որ եղև, զոր Տէր եջոյց մեզ. Ղուկ. Բ. 8-15:

**Ա**հա ճիշդ ապացոյց առ տրտաքս 'ի մեջ մարդկան տարածանելոյն և քարոզելոյն Աստուածային զօրութեանց և շնորհաց Յիսուսի փրկչին, նոյնպէս անժխտելի վկայութիւնք Հօր Աստուծոյ՝ որ 'ի Յորդանան հռչակեցաւ՝ ըստ զրելոյ սրբազան Աւետարանչաց՝ «Եւ իբրև մկրտեցաւ Յիսուս, ել վաղվազակի 'ի ջրոյ անտի, և ահա բացան նմա երկինք, և ետես զՀոգին Աստուծոյ, զի իջանէր իբրև զաղաւնի և զայր 'ի վերայ նորա, և ահա ձայն յերկնից, որ ասէր, գա՛ է որդի իմ սիրելի, ընդ որ հաճեցայս. Մարկ. Ա. 9. Ղուկ. Գ. 21: Յազազս այսր սքանչելահրաշ և Աստուածայայանութեան աստուածիմաստ վարդապետութեամբ զրէ սուրբ Հայրապետն մեր Ներսէս Շնորհալի 'ի մեկնութեան անդ. «Ի վեր քան զյոյս և զյօժարութիւն մարդկային բնութեան տեսեալ լինէին յայնժամ բարութիւնք, քանզի խորհուրդ երբորդութեանն ծածկեալ յաւիտեանց և յազգաց յայտնէ 'ի Յորդանան . . . Հայր 'ի վերուստ վկայելով, և Որդին մկրտութեամբն, և Հոգին աղուճակերպ իջմամբն: Եւ զԼեւնչ այլ այս, եթէ ոչ նորոյ արտաճոյ զարձեալ սկիզբն առնելոյ՝ ոչ երևելոյ՝ այլ աներևոյթ փրկողործութեան ոգւոց մարդկանս:



Ապա զայսչափս բառ համարեալ յաղագս պէսպէս շը-  
նորհազեղ պարզեաց և շնորհաց, որք հետևորդ արդիւնք են  
սրբարար խոհրդոյ մկրտութեան, փութամ խորհրդածել  
զսքանչելի խորհրդոյ գրոշմին համառօտիւ, քանզի ընդարձակ  
գրեալեմ գայնմանէ՝ ՚ի Հանդիսարանին Ուղղափառութեան Հա-  
յոց յօրինելոյ յինէն»։ Երևս 307—318 :

ԳԼՈՒԽ Զ.

Շնորհք սրբարար խորհրդոյ գրոշմին անջնջելի ՚ի հոգիս հաւատացելոց,  
որով և անկրկնելի :

Սրբարար խորհուրդ գրոշմին անջնջելի տպաւորէ ՚ի հո-  
գիս մկրտելոյ դախիականն կնիք առատազեղ շնորհաց սուրբ  
Հոգւոյն Աստուծոյ. սովաւ արիանան և զօրանան հոգիք մկր-  
տելոյ յաղթել հոգեկորոյս մոլութեանց և յառաջադէմ լիւ  
նիլ յԱստուածահաճոց առաքինութիւնս և անվհէր խոս-  
տովանիլ զճշմարիտ հաւատս ուղղափառ սուրբ կրօնից քը-  
րիստոնէութեան. և սովաւ կնքիմք հոգեւոր զինուոր Քը-  
րիստոսի առ ՚ի միշտ յաղթօղ հանդիսանալ ընդդէմ կորս-  
տական որոգայթից չարահնար սատանայի և պէսպէս մոլո-  
րութեանց արբանեկաց նորին : Յաղագս այսր ներքին շնորհաց  
սուրբ Հոգւոյն Աստուծոյ՝ զոր ներգործեալ ունիմք ՚ի հոգիս  
մեր խոհրդով գրոշմին սրբայոյս միւսոնի, գրէ Յովհաննէս Աստ-  
ուածարան աւետարանիչն. «Եւ դուք օծութիւն ունիք առ  
՚ի սրբոյն, և գիտէք ամենեքին :—Ձայս գրեցի ձեզ . . . Եւ  
դուք օծութիւնն՝ զոր ընկալարուք ՚ի նմանէ՝ բնակեցցէ ՚ի  
ձեզ . Ա. Յովհ. Բ. 20—27 : Վասն այսր բանի բացատրութեան  
գրէ Սարգիս Շնորհալի յասելն. «Օծութիւն՝ թուի ինձ եթէ  
զաւազանին ասէ, որով յորդեգրութիւն Աստուծոյ ժամանե-  
ցին, որով և յեղբայրութիւն Քրիստոսի ՚ի վեր ելին, որով  
զամենայն մեզս մերկացան, և զամենայն սրբութիւն զգեցան

և իմաստանտցան Հոգւոյն իմաստութեամբ, և շնորհոս զանազանս և պէսպէս ընկալան: Նմին իրի ասէ, (Եւ զիտէք ամենեքին) այսինքն 'ի պարզեաց Հոգւոյն առեալք, որ 'ի յօծմանէ անտի, մարգարէաբար գիտէք զամենայն ինչ, և ճանաչէք զյապա լինելոցսն: Գ. ձառ. Ա Յովհ:՝

**Եւ սուրբն Ներսէս Լամբրոնացի սոյնօրինակ գրէ. »**Սա (Հոգին սուրբ) օծանէ զմիտս մեր ըստ Յովհաննու, և առնէ քրիստոնեայս և Քրիստոսընկալս, և յայսմ օծութեան զօրանամք գիտել զամենայն, և լուսաւոր առնէ զաչս սրտից մերոց գիտել զոյս կոչման մերոյ, և զմեծութիւն փառաց ժառանգութեան և զլայնութիւն և զերկայնութիւն սիրոյն Քրիստոսի: 'ի ձառն Հոգւոյն սրբոյ:

**Եւ սրբազան առաքեալն Պօղոս վարդապետելով Կորնթացւոց եկեղեցւոյն զհոգւոր դրոշմի զօրացուցիչ խորհրդոյն գրէ:** «Այլ որ հաստատեացն զմեզ ձեօք հանդերձ 'ի Քրիստոս, և որ օծ զմեզ, Աստուածէ, որ կնքեաց զմեզ, և ետ զառհաւատչեայ Հոգւոյն 'ի սիրտս մեր: Բ. Կորնթ. Ա. 21, 22:

**Տես** աստանօր բարեմիտ ընթերցասէր, զիւրք մեկին և բացայայտ զուղղափառ խոստովանութենէս զայսմանէ գրէ Քրիզօր Նարեկացի, «Զի որպէս յիջումն լուսարանի սուրբ աւազանին լուացմամբ մարմնոյն զանձինն հաւատամք առնուլ սրբութիւն, սոյնպէս 'ի յօծումն խղոյն պարարեալ յուսով զՀոգւոյն զօրութիւն սովիմք և 'ի սոյն համարիմք ունիլ ամենայնիւ աներկմանի: Նար. ՂԵ. 'ի ձառն Միւռ.:

**Ահա** զայս խորհրդաւոր և շնորհազարդ արարողութեան սրբարար դրոշմն սրբալոյս միւռոնի հրաշալի իմն սքանչելագործութեամբն Աստուծոյ հաստատեաց և աւանդեաց ուղղափառ սուրբ եկեղեցւոյն մեր լուսաւորին սուրբ Քրիզօր, զորմէ գրէ ստուգապատումն Ազաթանգեղոս: «Եւ իբրև ելանէին մարդեկն ամենայն և թագաւորն 'ի մկրտութիւն անդր 'ի ջուրսն Եփրատ գետոյն, նշան սքանչելի երևեալ յԱ-

տուճոյ, զի զտեղի առեալ ջուր գետոյն, անդրէն դարձաւ ընդ կրունկն . . . Եւ իւզն օծութեան՝ զոր արկանէր Գրիգոր 'ի վերայ մարդկանն, շրջան առեալ 'ի մէջ գետոյն շուրջ զմարդկամբն խաղայր . . . սոյնօրինակ զորձեաց և բազմացոյց զեկեղեցիս, և կացոյց քահանայս և քրիստոսեան դրոշման առ հասարակ ընծայեցուցանէր զամենեսեան լինել ամենեցուն Հոգւոյն սրբով: Ազաթան:

Ապաքէն և զայս կարևորագոյն է ջերմեռանդն հաւատոյ աչօք ճանաչել, խոստովանիլ, եթէ այս սրբալոյս միւռոնի դրոշմն և շնորհազեղ խորհուրդն է անջնջելի կնիք հաստատութեան Աստուածային խոստման, ժառանգելոյ ճշմարիտ հաւատացելոց զլաւիտեանական երանաւէտ փառս երկնից արքայութեան, ուրեմն սքանչելի զօրութիւն խորհրդոյ դրոշմն սրբալոյս միւռոնի է օծումն ներքին շնորհաց ձրիատուր պարզեաց, կնիք անխախտելի եղեալ 'ի վերայ իւրաքանչիւր ուղղափառ հաւատով մկրտելոց իրբև գրաւական հաստատութեան երկնային երանաւէտ ժառանգութեան խոստացելոց: Առ վերողբեալ բանն սրբազան Առաքելոյն Պօղոսի՝ որ առ կորնթացիս, թոյ զթ Բ. Գլուխ Ա. Համար 21, 22, բացայայտ մեկնութիւն տան սուրբ վարդապետն Ռսկերբան, և այլ սրբազան մեկնիչք Աստուածային Գրոց համաձայն այսօրինակ զրեն, եթէ միտք բանին է այս: Աստուած մարդասէր օծ և կնքեաց զմեզ ձեօք հանդերձ, հրաշալի խորհրդով դրոշմն 'ի սիրտս ձեր անեղձանելի և անայլայելի շնորհաց սուրբ Հոգւոյն, որով իրբև առհաւատչեայ խոստացելոցն իւրոց յաւիտեանական տմենացանկալի երանաւէտ փառաց ժառանգութեան կնքեալ եմք: Առ այս բացատրութիւն համաձայն զրտանին և սրբազան վարդապետք ուղղափառ սրբոյ եկեղեցոյն մերոյ Ներսէս Լամբրոնացի և Գրիգոր Նարեկացի գրելով այսպէս Վնիք է ամուր 'ի վերայ իւրաքանչիւր անդամոց եկեղեցւոյ սրբոյ Քրիստոսի, որ պարսպեալ պահին սովաւ յիւրաքանա

չիւր պատիւս շնորհի: Քանզի որ հաստատեաց զմեզ ձեօք հան-  
դերձ 'ի Քրիստոս՝ Աստուած է: որ եւ զառհաւատչեայ Հոգւոյն  
'ի սիրտս մեր և կնքեաց զմեզ: 'ի Ներքող գալս. Հոգւոյն սրբ-  
բոյ: և Ահա արդարև յաւէտ իսկապէ՛ս իւզս այս լուսապա-  
տար խնկալիք վերնականիդ սիրոյ տեսութեան, վասն որոյ և  
Պօղոս իսկ պատշաճ վարկաւ 'ի ճառ գոհարանութեանն ասե-  
լով յայանի, որ օժ զմեզ ձեօք հանդերձ 'ի Քրիստոս Յիսուս,  
Աստուած է. որ և կնքեաց զմեզ և ետ զառհաւատչեայ Հոգ-  
ւոյն 'ի սիրտս մեր: Բան ԱՆ. 'ի ճառն Միւռոնի:

Տեսեր ո՞վ բարեմիտ ուղղափառ ընթերցող՝ զի այս Աստ-  
ուածային կնիք դրոշմին հաստատուն և անփոփոխելի է, ա-  
սր և յաւէտ անկրկնելի և անջնջելի, վասն որոյ գրէ սրբազան  
Առաքեալն Պօղոս: Ե՛քան զի անզեղջ են շնորհք և կոչումն Աս-  
տուծոյ: Հռովմ. ԺԱ. 29: Իսկ որ հակառակի այսմ, և վե-  
րակրկնէ զղրոշմն, ո՞չ միայն արհամարհող շնորհաց սուրբ Հոգ-  
ւոյն գաանի, այլև մարդասիրական տնօրէնութեանն և խոր-  
հրդոյն պարտաւոր:

ԳՆՈՒԽ Է:

Զինչ շնորհաներգործէ արժանաւորաց խորհուրդն սրբոյ Հաղորդութեան,  
եւ զինչ կարեւոր իցէ յարժանաւորութիւն այնմ:

Արդ՝ սկիզբն արասցուք ողջամիտ հաւատով խորհրդածել  
'ի վերայ սքանչելի խորհրդոյ կենդանարար հաղորդութեան,  
քանզի աներկրայ հաւատով և կատարեալ զղջմամբ և ապաշ-  
խարութեամբ մերձեցելոյն 'ի նոյն՝ բաշխի և պարգևի փրկա-  
րար և կենսադործ մարմին և արիւն Որդւոյն Աստուծոյ, յոր-  
մէ զանազան պարգևք շնորհաց ներգործի 'ի մեզ, ապա շնորհք  
շնորհաց անուանել զայս կենդանարար խորհուրդ Տեսառն մե-  
րոյ Յիսուսի Քրիստոսի սրբազան Հաղորդութեանն պարտ և  
արժան է մեզ. քանզի բազմապատիկ շնորհս պարգևեալ ներ-



գործէ 'ի հոգիս մեր, զորս բարեբանելով զոհարանական շնորհապարտ խոստովանութեամբ գրէ Գրիգոր Նարեկացի: «Որ յամենայն վայրի կառուցեր զխորանն վկայութեան արեան քո ուխտի, որք մեծարարբառ միշտ աղաղակեն՝ նոքա զգատակնիք մահունն Հարելի զյաղթանակ բարեաց քումդ հանդիսի, կեանս կրկինս և անմահականս շնորհաց մկրտութեան, յաբութեան նորոգութեան, առ քեզ ընտանութեան ընդ Հոգւոյդ սրբոյ միութեան քառութեան, ազատութեան, լուսաւորութեան մշանջենաւոր մաքրութեան, իսկապէս երանութեան, ընդ վերնայնոցն կցորդութեան անկապուտ փառաց: Ի շրթունս մեր ձայնիւ բարձրելոյն՝ հաշտեցուցիչ բանից աղաչանք: «Եւ զոր ահաւորն է ասել, կարգեմ աստանոր, յիշատակ եղեալ մեծիդ երախտեաց, Աստուած իսկ լինիլ ընտրութեամբ շնորհին և ընդ հաստողիդ միանալ տէրունի մարմնոյդ Ճաշակմամբ, և ընդ լուսոյդ կենաց խառնութեամբ, զոր կատարումն երջանիկ խոստմանն, ըստ Պօղոսի բանին, ոչ ունէր օրէն»։ Նարեկ ԾԲ: Աւշի ուշով արժան է նկատել զամենայն պարբերութիւնս հոգեւոր բանից սուրբ վարդապետիս, յորս յայտնի ցուցանէ զկենդանարար խորհրդոյն վրկագործ հաղորդութեանն զպէսպէս շնորհաց ըստ քանչելի ներգործութիւնս:

Արդ՝ նախ արժանապէս մերձեցողք առ խորհրդական սուրբ սեղանն նորոյ ուխտիս՝ իսկապէս հաղորդին կենդանարար մարմնոյ և արեան փրկչին, զորմէ վկայէր սրբազան Առաքեալն Պօղոս յասելն՝ «Բաժակն օրհնութեան՝ զոր օրհնեմք, ոչ ապաքէն հաղորդութիւն է արեանն քրիստոսի, հացն՝ զոր բեկանեմք, ոչ ապաքէն հաղորդութիւն է մարմնոյն քրիստոսի»։ Ա. Կորնթ. Ժ. 16 :

Յայս միտս զոհարանելով երգեաց Սահակ պարթև սուրբ և երանեալ Հայրապետ մեր, «Բանն Հօր և քահանայապետ ճշմարիտ, որ զաշխարհակեցոյց զմարմին և զարիւնդ քորաշ-

խեցեր յԱռաքեալն : այսօր հաղորդիմք հողեղէնքս Աստուածային խոհրդոյդ : 'ի Շարկ. Աւագ Հինգշարաթի :

Երկրորդ՝ շնորհն հաղորդութեան է անընդմիջելի մերձաւորութիւն և սիրալիր ընտանեկցութիւն ընդ Տեառն մերոյ Յիսուսի Քրիստոսի. ըստ այնմ՝ «Որ ուտէ զմարմին իմ և ըմպէ զարիւն իմ, նա յիս բնակեացէ և ես 'ի նմա» . Յով. Զ. 57 : Վասն որոյ գրէ հրեշտակաւորն վարդապետն մեր Գրիգոր Նարեկացի. «Բնդ հաստողեդ միանալ տէրունի մարմնոյդ ճաշակմամբ» . Նարեկ. ԾԲ :

Երրորդ՝ փրկագործ մարմնոյ և արեան Յիսուսի Քրիստոսի փրկչին մերոյ շնորհիւն խոստովանեալ : զգջացեալ և ապաշխարեալ հաղորդելոց կատարելապէս պարզելի մեղաց . թողութիւն ըստ այնմ՝ «Էւ առեալ բաժակ զոհացաւ, ետնոցա և ասէ՝ արբէք 'ի զմանէ ամենեքեան. այդ է արիւն իմ նորոյ ուխտի, որ 'ի վերայ բազմաց հեղանի 'ի քաւութիւն մեղաց» . Մատթ. Ի Զ. 27. 28 :

Եւ սուրբն Գրիգոր Նարեկացի զոհաբանելով զշնորհաց կենդանարար սուրբ Հաղորդութեան գրէ. «Որ մարմնակից և պատակերակից մեր եղեալ և քահանայապետապէս անօրինակդ զօրինակին խորտակեալ զլուծ ընդ զենման մահու անանոցն, բարեբանեալ մարմնոյդ նուիրմամբ անմահապէս միշտ մատուցանիս և աննուազարար քաւութիւն շնորհես, ոչ սակաւամեղեցն միայն, այլ և որոց հատեալ է ակնկալութիւն առելս կենաց» . Նարեկ. ԾԳ :

Չորրորդ՝ շնորհիւ սրբարար խորհրդոյն լուսաւորեալ ներքին յիշողութեան մտաց մերոց, ջերմեռանդն հաւատով կարողանամք յիշատակել զկամաւոր չարչարանս և զխաչելութիւն Տեառն մերոյ Յիսուսի Քրիստոսի վասն մերոյ փրկութեան, և սրաւ մտօք յիշատակելով լիցուք հաղորդ և կցորդ չարչարանաց և խաչելութեան նորին, որով և արժանացուք փառաց Աստուածութեան նորին հաղորդս գտանիլ : Վասն

որոյ զայս պատուէր անժխտելի աւանդեաց Տէրն մեր Յիսուս Քրիստոս, «Զայս արարէք առ իմոյ յիշատակին»։ Ղուկ. ԻԲ. 19: Ուստի սուրբ Հայրապետն մեր Իսահակ մեծն յերգս շարականի Աւագ Հինգշաբաթու գրեաց: «Բաշխէ զմարմին և զարիւն իւր նոր ուխտ անուանեալ և յիշատակ կամաւոր մահուանն մերձեցելոցս ՚ի նա սրբութեամբ»։ ՚ի Շարակ: Զայս պատուէր Փրկչին մերոյ Յիսուսի սրբազան Առաքեալն Պողոս բացայայտ քարոզէ հաւատացելոց յասելն՝ «Քանիցս անգամ լծէ ուտիցէք զհացս զայս և ըմպիցէք զբաժակս, զմահ Տեառն պատմեցէ՛ք, մինչև եկեսցէ նա»։ Ա. Կորնթ. ԺԱ. 26: Յայանի իսկ երևի միտք բանիս ուղղափառ ողջամիտ հաւատացելոց ըստ Ոսկերերանի ճշգրիտ բացատրութեան. «Քանիցս անգամ արժանասցիք ուտել զկենդանարար մարմին Յիսուսի Քրիստոսի Փրկչին մերոյ ընդ տեսակօք խորհրդական հացին, և ըմպել զփրկարար արիւն նորա ընդ տեսակօք զինչոյս՝ պարտաւորեալ էք յիշել սրտի մտօք զմահ Տեառն մերոյ Յիսուսի Քրիստոսի, և այս այնչափ մտադիւր խորհրդածութեամբ լինի մինչև մարթասցի սիրտ ձեր և հոգի գտանիլ կցորդ փրկարար և կենդանարար չարչարանաց խաչելութեան և մահուան Յիսուսի Քրիստոսի Փրկչին մերոյ, զի ըստ Առաքելոյն՝ «Եթէ չարչարանայն կցորդ լինիմք, և փառացն հաղորդ լինելոց եմք»։ Հռովմ. Բ. 17: Յաղագս որոյ պատարագամատոյց քահանայն ըստ սրբոյ Ոսկերերանի և Բարդի և այլոց հարց՝ համեմատ պատուիրանադրութեան Տեառն մերոյ Յիսուսի Քրիստոսի, և ըստ սրբազան Առաքելոյն Պողոսի ՚ի սրբագործելն խորհրդական հացին և բաժակին՝ յիշատակէ զփրկագործ խորհուրդս կամաւոր չարչարանաց կենարարին մերոյ, ջերմեռանդ հոգևով բարեբանելով այսպէս: «Եւ արդ՝ մեք Տէր ըստ այսմ հրամանատրութեան յառաջ բերեալ զայս խորհուրդ փրկական մարմնոյ և արեան միածնի քո՝ յիշեմք զգորա որ վասն մեր զփրկագործ չարչարանն, զկենսատու խաչելութիւնն. զե-

րեքօրեայ թաղումն, զերանելի յարութիւնն զԱստուածա-  
պէս համբարձումն. զնստին ընդ աջմէ քո Հայր, զահաւոր  
և փառաւորեալ զմիւսանգամ զալուսան խոստովանիմք և  
օրհնեմք. Խորհր. Պատա : Առ այս զօհարանական մաղթա-  
նրս պատարագիչ քահանային զմեծ արգիւնաւորութիւնս ու-  
նիլ ուսուցանէ մեծ քահանայապետն մեր սուրբն Գրիգոր լու-  
սաւորիչ յասելն. «Եւ ՚ի մատուցանել զահաւոր և զսարսա-  
փելի զփրկական խորհուրդն, յիշէ անդ զմարդասիրութեան  
նորա զերսխտինն, և խնդրէ ջերմեռանդն արօտասուօք զքա-  
ւութիւն կենդանեաց և մեռելոց, և առնու զինդրելին», Յա-  
ճախ. ձառ. Ե. Գ :

Եւ ներսէս Ենորհալին զրէ յԱյսօր անձառն. «Քաղաւորն ա-  
րարածոց զհացն կենաց եւ քաղցեւոց, և զքաժակն ուրա-  
խարար՝ որք յԱղամայ արտեղեւոց, այս նոր ուխտ է իմոյ  
արեան, փոխան հնոյ ուխտին արեանց, զոր յիշատակ իմ  
առնիցէք, մինչև եկից ես միւսանգամ». Եարական :

Հինգերորդ՝ Հաղորդութեան անմահարար մարմնոյ և  
տրեան փրկչին զանմահ կենդանութեան յաւիտենական փա-  
ռաց երանութեան զգրաւական շնորհէ արժանաւորապէս մեր-  
ձեցելոց՝ ըստ անժխտելի աւանդութեան կենարարին Յիսու-  
սի՝ «Ամէն ամէն ասեմ ձեզ, զի որ հաւատոյ յիս, ընդունի  
զկեանս յաւիտենականս : Ես եմ հացն կենաց : Հարբն ձեր  
կերին զմանանայն յանապատին և մեռան : Այս է հացն, որ  
յերինկց իջեալ է՝ զի որ ուտիցէ որ ՚ի նմանէ, մի՛ մեռցի : Ես  
եմ հացն կենդանի՝ որ յերկնից իջեալ : Եթէ որ ուտիցէ ի  
հացէս յայսմանէ կեցցէ յաւիտեան, և հացն՝ զոր ես տաց՝  
մարմին իմ է, զոր ես տաց վասն կենաց աշխարհիւ. Յովհ. Զ.  
47 — 52 :

Զսոյն ճշմարիտ վարդապետութիւն երկնաւոր փրկչին յայս  
միտ մեկնարանեալ քարօղեաց խուսաւորին մեր ասելով՝ «Որք ՚ի  
Քրիստոս մկրտեցան, ճշմարիտ հաւատով և սուրբ սիրով հա-



ղորդին մարմնոյ և արեան փրկչին, որ գրաւական է փառաց  
 յուսոյ յարութեանն : Ըստ բանի Տեառն՝ թէ շահնիցս ան-  
 գամ եթէ ուտիցէք 'ի մարմնոյ իմէ և ըմպիցէք յարենէ  
 իմէ, զՅիշատակ մահուան իմոյ պատմեալիք մինչև 'ի գարձ  
 գալստեան իմոյ յերկիր : Զի նա է ազատիչ և արդարացու-  
 ցիչ, որով լուծանին մեզք հին մարդոյն, և սկիզբն առնուն  
 նորքս՝ որ ըստ Աստուծոյ հաւատովք սուրբ և ճշմարիտ 'ի  
 Քրիստոս Յիսուս : Մեկնիլ յամենայն չարեաց և յարդարիլ  
 ամենայն բարի գործովք աւետեօք յուսոյն կենաց : Զի մահ-  
 ուամբն իւրով ելոյձ Քրիստոս զգորութիւն սատանայի, որ  
 զիշխանութիւն մահուն 'ի ձեռն մեղաց ունէր, և կեանքն թա-  
 գաւորեցին արդարութեամբ և յոյս յարութեան հաստա-  
 տեալ կայ 'ի Քրիստոս : 'ի Յաճախ ձառ ժԳ : Եւ մեծ Հայ-  
 րապետանմեր սուրբն իսա չակ գրէ յերգս Շ սրականի մեծի Հինգ-  
 շարածու : Որ բաշխամբ կենդանարար խորհրդոյ՝ անապական  
 ճաշակմամբն հրաւիրեաց զմեզ յերկնից արքայութիւնս :

Ա եցերորդ՝ խորհուրդ անմահական սուրբ փրկարար պա-  
 տարագին ըզտ սուրբ Գրոց՝ անուանի Աստուածային խոր-  
 հրդական սեղան սրբութեան, յորում ճշմարտագէտ միշտ պա-  
 տարադի մարդասիրական շնորհիւն Յիսուս Քրիստոս զառն Աս-  
 տուծոյ և նուիրագործի յայսմ խորհրդական սեղանի մարմին  
 և արիւն Յիսուսի Քրիստոսի ընդ տեսակաւ սրբադործեալ  
 հացի և զինւոյն :

Եւ արդ՝ քանզի աներկմիտ սրտիւ հաւատամք թէ 'ի  
 վերայ սուրբ և խորհրդական սեղանոյս մատչի ամենասուրբ  
 պատարազն և կատարի սրբազան խորհուրդ կենդանարար մարմ-  
 նոյ և արեան Յիսուսի Քրիստոսի, ապա արժան իսկ է խոս-  
 տովանիլ և հաւատոյ աչօք ճանաչել զնա սեղան սրբութեան,  
 սեղան փրկութեան, սեղան հաղորդութեան մարմնոյ և ար-  
 եան կենարարին մերոյ : Զայս Աստուածային սեղան փրկու-  
 թեան հալածիչ բռնութեան թշնամւոյն հոգւոյ մերոյ բն-

լիարայ՝ ՚ի հեռուստ մարդարէական աշօք տեսեալ երջանիկն  
Դաւիթ զոհանալով ասէր. «Պատրաստ արարեր առաջի իմ  
զսեղան ակնյանդ իման նեղչաց իմոց»։ Սաղմ. ԻԲ. 6: Սոյն  
այս խորհրդական սեղանոյս նուիրագործութեան օրինակն  
յայտնեցաւ ՚ի ձեռն Մեղքիսեղեկ քահանայի, քանզի մինչ Ար-  
րահամ Աստուածային զօրութեամբ յաղթեաց բռնաւոր թըշ-  
նամեաց ազգայնոց իւրոց և եկն ՚ի յաղթութենէն առ Մեղ-  
քիսեղեկ քահանայն, նա եհան ընդ առաջ նորա պատարագ  
հաց և զինի, և ընդ նուիրելն օրհնեաց զԱրրահամ և ասէ.  
«Օրհնեալ Արրահամ յԱստուծոյ բարձրելոյ, որ արար զերկինս  
և զերկիր, օրհնեալ է Աստուած բարձրեալ, որ մատնեաց ՚ի  
ձեռս զթշնամիս քո»։ Մննդ. ԺԴ. 18-20 :

Տեսնը բարնմիտ ընթերցող զօրինակն խորհրդական սըր-  
բագործեալ հացին և զինւոյն, այսինքն փրկարար մարմնոյ և  
արեան ՚ի ձեռն Մեղքիսեղեկ քահանայի յայտնեցաւ ազգեցու-  
թեամբ նախախնամ Աստուածային անտի տեսչութեան. եթէ  
օրինակն խորհրդական սեղանոյ սքանչելի և փափագելի հան-  
դիսացաւ յետ յաղթութեանն Արրահամու, ապա իսկականն  
որչափ առաւել սքանչելի և փափագելի պարտ է լինիլ ջերմ-  
եռանդից, որով անշուշտ յաղթել կարողացցին հողւոր թըշ-  
նամեաց Բելիարայ և արբանեկաց նորա. և ՚ի սպառ վանել մեր-  
ժեւ զհոգեկորոյս թելադրութիւնս նորին և զչարախորհուրդ  
հնարս, մանաւանդ բազմատեսակ ախտից մեղաց մերոց զգար-  
շութիւնս սրբել և չքացուցանել, որպէս Յովհանն Ասկերերան  
վկայէ զայսմանէ ՚ի ձառի Հաղորդութեան. «Այս մարմին և  
արիւն խորհրդական հալածէ զդէս, և հեռագոյն լինիլ առնէ,  
և կոչէ զհրեշտակս առ մեզ և զՏէրն ամենեցուն, զի ուր  
երևեսցի մարմին և արիւնս տէրունական, փախչին դեք,  
ընթանան հրեշտակք ։ :

Ապա իրաւամբ պանծայ անօթն ընտրութեան սուրբն  
Պօղոս, արհամարհելով զհեաւոյս մոլոխական հին օրինաց զը-

լինելով առ Երրայեցիս : «Ունիմք մեք սեղան՝ ուստի ոչ ունին իշխանութիւն ճաշակել, որք պաշտեն զպաշտօն խորանին» : Երբ. Ժ. Գ. 10 : Նկատէր ևս ՚ի մէջ եկեղեցւոյն Կորնթացւոց զայնպիսի հաւատացեալ անձինս, որք անխիղճ մերձեցեալ ՚ի սեղանս կռոց ուտէին զզոհեալս առ նոսա հակառակ քրիստոնէական կրօնից և սրբութեան սեղանոյ Տեառն հաղորդութեան. վասն որոյ մերժելով մերժէ զնոսա ՚ի փրկարար սեղանոյ Տեառն գրելով այսպէս. «Այլ զոր զոհենն հեթանոսք՝ զիււաց և ոչ Աստուծոյ զոհենն, ոչ կամիմ զձեզ հաղորդս զիււաց լինել. քանզի ոչ կարէք զբաժակն Տեառն ըմպել և զբաժակն զիււաց. և ոչ կարէք ՚ի սեղանոյ Տեառն վայելել և ՚ի սեղանոյ զիււաց» : Ա. Կորնթ. Ժ. 20 : Սակայն զայս խորհրդական Աստուածային սեղանոյ զանազան շնորհաց ներգործութիւնս կենդանարար մարմնոյ և արեան փրկչին մերոյ զգալի աչօք անհրնար է տեսանել : Որպէս սուրբն Յովհանն Ռեկեքերան ՚ի յորդորակի Իթ. ձառին Հաղորդութեան գրէ այսպէս. «Անասացուք այսուհետեւ ամենայն ուրեք Աստուծոյ, և մի՛ լիցուք բանրնդդէմ. թէպէտ և հակառակ ինչ մերոց մտացս բանն կարծիցի, եղիցի քան զմիտս մեր և զերեսս բան նորա հաստատուն : Այսպէս և ՚ի խորհուրդն առնեմք, զի ոչ յայն առաջիկայն միայն հայիմք, այլ զբան նորա ունիմք ՚ի մտի, զի նորա բանն առանց խարէութեան է, և մեր տեսիլս զիւրապատիր, նա ոչ երբէք վրիպէ, և սա բազում ինչ սխալէ : Եւ քանզի զբանն ասէ. «Այս է մարմին իմ» : հաւանիմք և հաւատամք, զի իմանալի աչօք տեսանեմք զայն, քանզի ոչինչ տեսանելի աւանդեաց մեզ ֆրիստոս, այլ տեսանելի իրօք զիմանալիսն զամենայն : Նոյնպէս և ՚ի մկրտութիւնն ՚ի տեսանելի ջուրն գործի պարգևն, և իմանալիք են՝ որք կատարին, ծնունդն և նորոգութիւնն, զի եթէ անմարմին էիր, թերևս և մերկ իսկ զիմանալիսն պարգևեալ էր, բայց քանզի մարմնով պատեալ են ոգիքն, տեսանելիօք զիւ-

մանալիսն աւանդեաց քեզ : Քանիք իցեն, որ ստիցեն այժմ, եթէ կամէի զերեսս նորա տեսանել, զկերպարանսն, զհանդերձն-զոտիցն օդ. ահաւաստիկ զնա իսկ տեսանես. 'ի նա մերձենաս, և ուտես և սու դու զհանդերձսն ցանկաս տեսանել, և նա զանձն իսկ տայ քեզ, ոչ միայն տեսանել, այլև շօշափել և ուտել 'ի ներքս առնուլ :

Զայս ճշմարտութիւն սուրբ Գրիգոր նախահայրապետն մեր թէպէտ համառօտ, բայց ազգու բանիւ քարոզեաց մեզ այսպէս. « Զի Քրիստոսի սուրբ սիրովն խրատուսեալք սրբոցն ցնծան յուսովն 'ի ձեռն հաշտարար պատարագին, որով փրկեցան արարածք, որ զաներեւոյթսն երեւելեօքս եցոյց կամաւոր խաչելութեամբն հաշտեցուցանել զարարիչն ընդ արարածսն : Յաճախ. ձառ. ԺԳ :

Արդ արժան իսկէ մեզ ջերմեռանդ հոգւով և արժանաւոր պատրաստութեամբ մերձիլ 'ի սեղանն սրբութեան և հաղորդիլ փրկագործ մարմնոյ և արեան փրկչին մերոյ. փորձեցուք ուրևմն զանձինս մեր. քննեցուք խղճիւ մտաց ըզսիրտս մեր մաքրիլ յապականութենէ մեղաց, և ըստ ամենայնի հրժժարիլ յունասկութենէ չար գործոց ճշմարիտ զղջմամբ և անկեղծ խոստովանութեամբ, յանձն առցուք ամենայն յօժարութեամբ զկատարեալն ապաշխարութիւն, որով արդարացեալ արժանապէս հաղորդ լիցուք բազմատեսակ շնորհաց և փառաց փրկարար խորհրդոյն : Յաղագս որոյ սրբազան Առաքեալն Պօղոս զրէ առ հաստացեալս այսպէս. « Փորձեցէ մարդ զանձն իւր, և ապա 'ի հացէ անտի կերիցէ, և 'ի բաժակէն արբցէ : Որպէս թէ կամի ասել ընդ Ոսկերբերանին. նախ քան զմատչիլ 'ի սուրբ և 'ի փրկարար խորհուրդն, ինքնին 'ի հարցուփորձ մտցէ ընդ անձն իւր, 'ի դատ լիցի անձին՝ վկայ և դատախազ, քննեցէ զսիրտ իւր, և ապա կատարեալ խոստովանութեամբ և Աստուածահաճոյ զղջմամբ ապաշխարութեամբ մարթացի գտանել զկորուսեալ արդարութիւն



իւր. որով արժանաւոր լինիցի ընդունելութեան սրբարար խոր-  
հրդոյն շնորհաց և փառաց : Արդ՝ զարթի՛ք ուրեմն խղճի  
մտօք ՚ի բանից աստի յորդորանաց. տեսէ՛ք՝ զճրպիսի սոսկալի  
վճիռ և զահագնալուր սպառնալիս յիշեցուցանէ սրբազան Ա-  
ռաքեալն Պօղոս. «Այսուհետեւ՝ որ ուտիցէ զհացս և ըմպիցէ  
զբաժակս Տեառն անարժանութեամբ, պարտական եղիցի մարմ-  
նոյ և արեան Տեառն : Եւս և վերստին զեկուցանէ ամենեցուն  
զառաւելագոյն ծանրութիւն յանցանաց անարժան հազորդե-  
լոյն յասելն . «Զի որ ուտէ և ըմպէ անարժանութեամբ՝ դա-  
տաստան անձին իւրում ուտէ և ըմպէ, զի ո՛չ խտրէ զմար-  
մին Տեառն» . Ա. Կորնթ. ԺԱ. 27-29 :

Ո՛վ սարսափելի վճռոյս անհրաժեշտ դատապարտութեան,  
որ ՚ի ներքս յանձն և ՚ի հոգի իւր ընդունի անարժանութեամբ  
հազորդեալն մարմնոյ և արեան Տեառն, յաղագս այսոցիկ կա-  
րեպագոյն պարտաւորութեանց մերձեցելոց ՚ի խորհրդական  
սեղանն սրբութեան, բան ազգու և յորդորական զրէ Յով-  
հան Ոսկերբերան սուրբ Հայրսպետն այսպէս : «Ամենեւին ար-  
թուն պարտիս լինիլ քանզի և ո՛չ սոկաւ տանջանք պա-  
հեցին այնոցիկ՝ որք անարժանութեամբն հազորդեացին, ըզ-  
մտան ած, ո՞րպիսի ցատումն մատնչին և խաչահանուացն ե-  
ղև, զգո՛յշ լեր այժմ՝ զուցէ և դու պարտական մարմնոյ և ար-  
եանն դտանիցիս : Նոքա զմարմինն սպանանեն, և դու յաղ-  
տեղեալ հոգիդ ընդունիս յետ այնչափ երախտեաց : Քանզի  
չչատացաւ մարդ լինիլ և ապտակիլ և մեռանել : այլ և տա-  
կաւին զանձն իւր խառնէ ընդ մեզ, ո՛չ միայն հաւատովք,  
այլ և արդեամբք իսկ մարմին իւր յորինէ զմեզ : Քանզի զինչ  
չէ պարտ սրբագոյն լինիլ այնմ, որ յայնմ զենման վայելիցէ,  
քան զճրպիսի ճառագայթս պոյծառագոյն ձեռինն՝ որ զայն  
մարմինն հասանիցէ, և բերանոյն՝ որ հոգևոր հրովն խու-  
ցու. և լեզուին՝ որ յահագին արենէն ներկանիցի : Զմտաւ  
ած, ո՞րպիսի պատուով պատուեցեր, կամ յորմէ՞ սեղանոյ վա-

յեւս. գոր հրեշտակք տեսանեն և զարհուրին, և շիշխենն համարձակ ընդդէմ հայիլ փայլատականցն՝ որ անտի հասա նիցին, և մեք նովաւ կերակրիմք, և նովաւ զանդանիմք և լինիմք մի մարմին և մի հոգի: Յորդոր. Ոսկեր. Ճառ. ԻԹ :

ԳՆՈՒԻ Ը.

Խորհուրդն ապաշխարութեան հաստատեալ 'ի Քրիստոսէ, որ զործագրի 'ի ձեռն քահանայից պաշտօնէիցն Աստուծոյ խոստովանութեամբ զղջացելոց, ներդրծէ նոցա զքաղմապատիկ արդարացուցիչ շնորհս Հոգւոյն սրբոյ :

Խորհուրդն ապաշխարութեան կատարելագործի փրկաբար շնորհիւ կամաւոր չարչարանաց և խաչելութեան կենարարին մերոյ Յիսուսի Քրիստոսի ըստ իւրումն մարդասիրական սահմանադրութեան՝ թէ «Ա՛յսպէս պարտ էր չարչարիլ Քրիստոսի, և յառնել 'ի մեռելոց յաւուր երրորդի, և քարոզել յանուն նորա ապաշխարութիւն և թողութիւն մեղաց յամենայն ազգս սկսեալ յերուսաղէմէ: Ղուկ. ԻԳ. 46 :

Ո՞վ, ճրչափ և ճրքան երանութեան է արժանի, որ կատարեալ զղջմամբ և ճշմարիտ խոստովանութեամբ խղճի մրտաց 'ի սուգ վարակի և յապաշխարանս յաղազս մեղացն գործեցելոց, հոգիք նոցին զներողութեանն շնորհ ընկալեալ 'ի Տեառնէ՝ ուրախ լինին Աստուածային անզուգական մխիթարութեամբ. քանզի «Երանի՛ սգաւորաց՝ զի նոքա մխիթարեսցին»: ասէ Յիսուս. Մատ. Ե. 4 : Զայս աւետարանական երանութիւն ըստ ամենայնի մեկնաբանելով 'ի վերայ սգալիբ զղջմամբ ապաշխարողաց քարոզեաց Լուսաւորիչն մեր սուրբ Քրիզոր. «Որոց (սգաւորաց) ընկալեալ են զշնորհս Հոգւոյն առ Աստուած սէր բաղձալի, խնդիրս արտասուօք անմեկնելի լինի յԱստուծոյ սգաւորն, որ անձկայ շնորհօք տեսանել զանճառելիսն, որ սրբոցն տուաւ : Այլ և զղջացեալսն է իմանալ զսգաւորսն, որք դառնան 'ի չարաչար վարուց ստոյգ խոստովանութեամբ,

և հանապազ արտասուօք խնդրեն զԹողութիւն յանցանաց  
յամենեցուն Տեառնէն, զի կարասցեն հասանել յօթեանս կե-  
նաց՝ որ լին է և անզիղջ 'ի մխիթարել: Եւ զուարթածալիկ  
ուրախութեամբ ընդ ճշմարիտ սգաւորսն ժառանգէ զերանու-  
թիւնն, որ է յաւիտենից մխիթարութիւն»։ Յաճախ. Ճառ. Ժ:

Չայսմ երանութենէ գրէ Սարգիս Շնորհալի ընդարձակա-  
գոյն մեկնարանեալ զյետագայ խրատս սրբազան Առաքելոյն  
Յակովբայ վասն ապաշխարութեան. «Սրբեցէ՛ք մեղաւորք և  
ուղեղ արարէ՛ք զսիրտս երկմիտք, տառապեցարու՛ք, սղացա-  
րու՛ք, և լացէ՛ք, խոնարհեցարու՛ք առաջի Տեառն և բարձրա-  
ցուսցէ զձեզ. օվ անտանելի քաղցրութեանն՝ ասէ, եթէ ընդ  
որոյ՞ զօրս շնորհէ. վասն զի ո՛չ կարէ զիւրն պատկեր յայն-  
պիսի խոնարհութեան տեսանել և անտես առնել, այլ վաղ-  
վաղակի բարձրացուցանէ. միայն զայն կամի՝ զհակառակն զը-  
նալ ճանապարհ, ամբարտաւանութեանն հակառակ զխոնար-  
հութեանն, և հակառակ մեղաց զսգոյն և զապաշխարութեան  
Ձի թէ հայր զորդի տեսանելով 'ի սուգ և յարտասուս՝ ո՛չ  
առնէ անտես, այլ կարեկից լինի և սգակից վասն գթոյն,  
ջանայ և հնարի մխիթարել և զպատճառս արտասուացն հա-  
տանել. 'ի վեր առնու 'ի գեանոյն, բիւր բանս աղերսանաց խօ-  
սի խանդաղատական սիրով, մինչև տեսանիցէ զնա դադարեալ  
յարտասուացն: Եւ այն՝ զի մարդ է, իրչափ ևս առաւել Աստ-  
ուած Հայրն գթութեանց և Աստուածն ամենայն մխիթա-  
րութեանց՝ տեսանելով զմարդ խոնարհեալ սակս երկիւղին,  
'ի սուգ և յարտասուս վասն մեղաց քուրճ զգեցեալ, և 'ի  
վերայ մոխրոյ նստեալ, ո՛չ առնէ անտես. այլ վշտակից լինի  
նմա և սգակից: Մխիթարէ ասելովն, եկայ՛ք առ իս ամենայն  
աշխատեալք և ծանրաբեռինք և ես հանգուցից զձեզ: Եւ  
միւսովն՝ թէ ո՛չ կամիմ զմահ մեղաւորին, այլ զդառնալն և  
զկեալն: Եւ դարձեալ՝ թէ անօրէնն եթէ դարձցի և արաս-  
ցէ արդարութիւն, կելով կեցցէ և մի՛ մեռցի: Եւ դարձեալ՝

Թէ իցեն մեղք ձեր իրրև զձանձախարիթ, իրրև զձիւն ըս-  
պիտակ արարից : Եւ այսպիսի բիւր բանս ողորջանաց խօսի  
առ այնպիսի սղաւորն և երանէ զսուգ նորա, և արժանի  
միտիթարութեան վարկանի զնա : Երանելիք են՝ ասէ սղաւորքն,  
զի նոքա միտիթարեցին : Մինչև յայսպիսի բանից համարձա-  
կութիւն առեալ ասիցէ ընդ մարգարէին, զարձոյց զսուգ իմ  
յուրախութիւնն, էղերժ յինէն զքուրձ իմ և զգեցոյց ինձ  
ուրախութիւն : Եւ թէ յերեկոյս մեղաց եկին ինձ լալիք,  
իսկ յառաւօտու գթութեանն Աստուծոյ՝ եղև ինձ ուրախու-  
թիւն : Զի եհատ Աստուած յաչաց իմոց զամենայն արտօսը՝  
որ ՚ի մեղաց : Արդ զայս ամենայն տեսեալ ասաց, խոնարհե-  
ցարուք առաջի Տեառն, և բարձրացուցէ զձեզ : Դու ասէ,  
խոնարհիս իրրու զմարդ վասն մեղաց քոց և անխարզութեան,  
և նա բարձրացուցէ զքեզ որպէս զԱստուած վասն ողոր-  
մութեան իւրոյ և մարդասիրութեան. ձառ թ. Յակ. Թղթոյն :

**Արդ՝** հիմն հաստատութեան օրինաւոր և Աստուածա-  
հաճոյ ապաշխարութեան է խորհրդական խոստովանութիւնն  
առաջի քահանայի, որ ունի զպաշտօնական իշխանութիւն ՚ի  
Փրկչէն մերմէ : Որպէս ՚ի հին օրէնս կարգեաց Աստուած ըզ-  
Սամուէլ մարդարէ իրրև խոստովանահայր ՚ի վերայ Սաւու-  
ղայ, որպէս զի կատարեալ զղջմամբ ընկալցի ներողութիւն յան-  
ցանացն գործելոց ընդդէմ Աստուածային կամաց. բայց նա  
փոխանակ խոնարհական զղջման, ամբարտաւանութիւն խառ-  
նեաց ընդ մեղայական բանի իւրոյ յասելն՝ «Մեղայ, այլ մե-  
ծարեա՞ զիս առաջի Տեւրոց Ժողովոյեան իմոյ և առաջի իս-  
րայէլի, և զարձիր ընդ իս և երկրպագից Տեառն Աստուծոյ  
քում. Ա. Թագ. ԺԵ. 50 :

**Մոյսէս** և զՆաթան մարգարէ իրրև խոստովանահայր  
առաքեաց Աստուած առ Դաւիթ՝ յանդիմանել զնա յաղա-  
զըս մեղաց նորա. որպէս և զրեալէ յԱստուածաշունչ սուրբ  
Դիրս «Եղև բան Տեառն առ Նաթան և ասէ, Երթ և ասա՛



ցծառայն իմ Դաւիթ, և այլն. Բ. Թագ. է. 4. 3 : ԺԲ. 1-15 :  
Իսկ յորժամ խոստովան եղև Դաւիթ զմեղս իւր կատարեալ  
զղջմամբ առաջն Նաթանայ մարգարէի յասելն իւր՝ Մեղսյ  
Տեառն, յայնժամ լուաւ զարձակումն մեղաց ՚ի նմանէ, եթէ էլ  
Տէր անցոյց զքեզ մեղսքո, և մի՛ մեռցիս :

Իսկ ՚ի շնորհական օրէնս սքանչելի անօրէնութեամբ Յիսուսի  
Փրկչին մերոյ՝ առաջին պաշտօն խոստովանահայրութեան  
ընկալաւ սուրբ Յովհաննէս մկրտիչ, որդէս զրէ սրբազան  
Աւետարանիչն Մատթէոս. «Յայնժամ ելանէին առ նա  
ամենայն Կրուսաղէմացիք, և ամենայն Հրէաստան, և ամենայն  
կողմն Յորդանանու, և մկրտէին ՚ի նմանէ ՚ի Յորդանան, և խոստովան  
լինէին զմեղս իւրեանց». Գլուխ Գ. 3. 6 :

Եւ զայս խոստովանահայրութեան պաշտօնն և զբարձրագոյն  
իշխանութիւնն արձակելոյ ՚ի մեղայն կազանաց ինքնին  
Աստուած Փրկիչ մեր շնորհեաց սրբազան դասուց Առաքելոց  
յետ յարութեանն երևելով նոցա ՚ի վերնատան անդ՝  
յերեկոյի առուրն միաշարժու, յորժամ փչեաց ՚ի նոսա աւերով՝  
«Առէ՛ք Հոգի սուրբ». այսու Աստուածային խորհրդական  
փշմամբն ոչ զլիութիւն պարզեաց սուրբ Հոգւոյն նշանակէր,  
զոր ընդունելոց էին յառուր Պենտէկոստէի, այլ զիշխանութիւն  
կապելոյ և արձակելոյ. վասն որոյ անմիջապէս Հրամայեաց  
յասելն՝ եթէ «Ումեք թողուցուք զմեղս, թողեալ լիցի  
նոցա, եթէ զուրուք ունիցիք, կալեալ լիցի». Յովհ. Ի. 25 :

Գերագոյն իշխանութիւնս այս ոչ միայն ներդրծեալ տարածեցու  
յԱռաքեալս, այլ և յօրինաւոր յաջորդս նոցա: Ուստի եթէ  
սրբազան Առաքեալք և եթէ օրինաւոր երկրունք եկեղեցւոյն  
զխորհրդական խոստովանութիւնս պաշտօնական յանձնեցեալ  
իշխանութեանս կատարէին և կատարեն յաջորդարար :  
Իսկ Յիսուս Քրիստոս փրկիչ մեր Աստուածային իշխանութեամբն  
և բացարձակ հեղինակութեամբն իրով քառութիւն և ներողութիւն  
մեղաց շնորհէ, և ըստ

Աստուածային անուտ խոտումանն՝ «Այլ զի գիտասջիք՝ եթէ իշխանութիւն ունի որդի մարդոյ յերկրի թողուլ զմեզս»։ Մատ. Թ. 6 : Վասն այնորիկ սուրբ Գրիգոր Նարեկացի յիրաւի բարեբանեաց զոհարանութեամբ զՏէր մեր Յիսուս Քրիստոս անուանելով սկզբնահայր խոստովանութեան յասելն. «Գու հղորմած սկզբնահայրդ խոստովանութեան անյայտ ծածկութից՝ Որդի Աստուծոյ կենդանեոյ Տէր Յիսուս Քրիստոս քաղցրութեամբ նայեսցիս քաւելը. Նարեկ. ԼԱ : Տես բարեմիտ ընթերցօղ, զի բանն Աստուած Յիսուս Քրիստոս բացարձակ հեղինակ և սկզբնահայր խոստովանութեան դուրով՝ ՚ի ձեռն մարգարէին Նսայեայ ՚ի խոստովանութիւն մեղաց կոչէ զլանցաւորսն օրինաց իւրոց սքանչելի մարդասիրութեամբ. որպէս երբևմն ՚ի զբախալին կոչեաց զնախահայրն մեր ՚ի խոստովանութիւն մեղացն. ըստ այնմ «Եւ կոչեաց Տէր Աստուած զԱզաֆ, և ասէ ցնա ո՛ւր ես». Մնն. Գ. 9 : «Ո՛չ գնեցեր ինձ խաւիկ արծաթոյ, և ո՛չ ցանկացայ ճարպոյ զոհից քոց, այլ ՚ի մեզս քո և յանօրէնութիւնս քո վերահացու եղէ քեզ. ես եմ. ես եմ նոյն, որ ջնջեմ զանօրէնութիւնս քո, և զմեզս քո այլ ևս ո՛չ յիշեցից»։ ԽԳ. 24. 25 : Ահա այսպէս և ՚ի ձեռն սոյն մարգարէիս զայս կարեւոր պաշտօն աւանդէ քահանայից հին օրինաց վասն յանցաւորաց յերուսաղէմ բնակելոց ապաշխարութիւն յանձն առողաց յասելն՝ «Քահանայքդ խօսեցար ուր ՚ի սիրտ Նրուսաղէմի, և մխիթարեցէ՛ք զզա, զի լի եղև տառապանօք. թողեալ լիցին դմա մեղք իւր, զի ընկալաւ ՚ի ձեռանէ՛ Տեառն կրկին զհատուցումն մեղաց իւրոց»։ Նսայ. Խ. 2 :

Եւ ՚ի ձեռն Երեմիայ մարգարէի յանցաւորաց Յուդայեանց յինն զպատիժս մեղաց ցուցանելով՝ կոչէ ՚ի խոստովանութիւն և յապաշխարութիւն հրամայելով այսպէս. «Քերևս լուսեցն տունն Յուդայ զամենայն չարիս, զոր խորհեալ եմ ես առնել նոցա, զի դարձցին իւրաքանչիւր ՚ի ճանապարհէ իւրմէ չարէ, և քաւիչ եղէց անիրաւութեանց և մեղաց նոցա»։ ԼԶ. 5 :

Ապրիլին կնքեցի աստանօր խորհրդածութեանս բանից վերջաւորութիւն ամենազղու յորդորական զրութեամբ սըրբազան Աւետարանչին Յովհաննուօր ասէ. «Եթէ ասիցեմք եթէ մեզ ինչ մեք ոչ ունինք, զանձինս խաբեմք և ճշմարտութիւն ՚ի մեզ ոչ գոյ : Ապա եթէ խոստովան լինիցիմք զմեզս մեր, հաւատարիմ է նա և արդար առ ՚ի թողուլ զմեզս մեր, և սրբել զմեզ յամենայն անիրաւութենէ : Եւ թէ ասիցեմք եթէ ոչինչ մեզաք, սուտ առնեմք զնա, և բան նորա ոչ է ՚ի մեզ : Ա. Յովհան. Յ—10 :

ԳԼՈՒԽ Թ.

Նորէք ձեռնադրութեան ընդ հրայի պարտականութեամբ արկանն զհոգեւոր հովիւս :

Խորհուրդ ձեռնադրութեան քահանայական բարձր պաշտամանն է շնորհ պարգևեաց ՚ի ճշմարիտ քահանայապետէ և ՚ի հեղինակէ անախ Յիսուսէ Քրիստոսէ, զոր պարգևեաց սըրբազան դասուց Առաքելոց, որով և անուանեցան բարձրատիճան պաշտօնեաց և անտես Աստուածային սրբաշործ և ժրտկարար խորհրդոց, ևս և հոգեւոր հովիւ արթուն հսկողութեամբ և ճշմարիտ վարդապետութեամբ առաջնորդել և խնամել զբանաւոր հօտս ճշմարիտ Հոյուսպետին, և այս շնորհ երկնաբերձ աստիճանի քահանայութեան ՚ի ձեռն սրբազան Առաքելոց և առաքելապատիւ Հարց սրբոց պարգևեցաւ և պարգևի միշտ ներդործելով յարժանաւոր մշակս ՚ի հոգեւոր պաշտօնեացս սուրբ Եկեղեցւոյն Քրիստոսի, յազգս այսց բարձրագոյն շնորհաց լուր սրբազան Առաքելոյն Պօղոսի, որ զրէ առ Տիմոթէոս աշակերտն իւր. «Մի՛ անփոյթ առներ զշնորհացդ՝ որ ՚ի քեզնն, որ տուաւ քեզ մարդարեւութեամբ ՚ի ձեռնադրութենէ Երիցութեան : Յայլ խորհանց և ՚ի դոյն կանխես ջեր, զի քո յառաջադիմութիւնդ ամենեցուն յայանիւ զիցի : Եւ թէ «Յիշեցուցանեմ քեզ արժարծել զշնորհս Աս»

տուծոյ: որ են 'ի քեզ 'ի ձեռնադրութենէ իմմէ: Ա. Տիմ.  
Գ. 14 :

Տեսաննս սիրելի ընթերցող՝ «Մի' անփոյթ առներ, ասէ, զշնորհացդ՝ որ 'ի քեզ են» ըստ Ասկերերանի և այլոց սրբոց հարց մեկնչաց՝ կամի ասել. ո՞վ ձեռնադր'ալդ և օծեալդ 'ի Քրիստոսապարզե պաշտօն քահանայութեան և յեպիսկոպոսութեան հոգեւոր հովուութեան սեւգհական հօտին Քրիստոսի, մի' լիցի քեզ բնաւ անհոգ կալ մնալ և անդործ թողուլ զպարտուպատշաճ՝ բարսօք մատակարարութիւն և զործադրութիւն հոգեւոր պաշտամանդ, թէպէտ այս շնորհ ձրի պարզեցաւ քեզ 'ի զերամբարձ քահանայապետէ անտի Աստուծոյ Քրիստոս մերմէ: Բայց պ'սրտէ քեզ արթուն մտօք և անձնադիր ջանիւք արծարծել 'ի քեզ զշնորհ բարձր պաշտօնիդ երիցութեան, վարդապետութեան, Եպիսկոպոսութեան, որով զերազոյն շնորհաց և փառաց արժանանցիս աճեցուցանելով զտաղանդն քեզ աւանդեալ շնորհաց հոգեւոր պաշտօնիդ զործադրութեամբ, որով արժանի լիցիս 'ի ժամու ընդհանրական հարցաքննութեան շնորհաց արդարաքննի զատուորին լսել զայս երանաւէտ բարբառ, եթէ՝ «Ա'ղնիւ ծառայ՝ բարի և հաւատարիմ, որովհետեւ 'ի սահաւուզ հաւատարիմես, 'ի վերայ բազմաց կացուցից զքեզ, մ՞ուտ յուրախութիւն Տեառն քո»: Մատ. ԻԵ. 23: Ապա թէ ընդ հակառակն զործեսցես Աստուածային ձրիատուր շնորհաց, զոր ընկալեալես յերիցութեան, 'ի վարդապետութեան, և յեպիսկոպոսութեան, յայնժամ ունիս զսոսկալին զայն յանդիմանութիւն լսել 'ի նոյն իսկ Տեառնէ, որ զքանքարն շնորհաց հոգեւոր պաշտօնիդ, եթէ ընտանայ չար և վատ՝ զիտէիր, թէ հնձեմ՝ ուստի ո՞չ սերմանեցի, և ժողովեմ՝ ուստի ո՞չ սփռեցի. . . Արդ առէ՛ք 'ի դմանէ զքանքարդ, և տո՛ւք այնմ՝ որ ունիցի զտասն քոնքար, . . . Եւ զժառայդ անպիտան հանէ՛ք 'ի



խաւարն արտաքին, անդ եղիցի լալ և կրճեւ ատամանք»  
Մատ. ԳԼ. ԻԵ. 26. 28. 30 :

Տես զի՞նչ վատ այն ծառայն չոր, սողտանելի և անպիտան անուն ժառանգեաց, որպէս Յովհան Կործորեցի սուրբ վարդապետն մեր զրէ՛ ՚ի վերայ բնաբանիս Յիրաւի անպիտան, զի ո՛չ ինքեան՝ և ո՛չ այլոց օգուտ արար: Նրիցութեան հոգևոր պաշտօնն, զոր ունին քահանայք, վարդապետք և եպիսկոպոսք, պահանջէ ըստ Աստուածային օրինաց քարոզել զբանն կենաց, զստահիսն խրատել և զբանաւոր հօտան քրիստոսի պաշտպանել, և չտալ ՚ի ժանիտ զայլոց թշնամեաց հաւատոյ ճշմարտութեան. եթէ զայս ամենայն թողուցու կռնեցեալն յերիցութիւն անձնապաշտութեամբ կամ մարդահաճութեամբ, ծուլութեամբ և անհողութեամբ, ո՛չ թէ միայն տպիրատ անուանի, այլև զսոսկալի վայն տերունական անիծից յանձն իւր սեպհականէ, զոր յիշելով երանելին Պօղոս զրէ. «Զի եթէ աւետարանեմ, ոչինչ են պարծանք, քանզի հարկ ՚ի վերայ կայ. բայց վնյ է ինձ, եթէ ո՛չ աւետարանեմ: Եթէ կամաւ զայն առնեմ, վարձք են ինձ, և եթէ ակամայ, անտեսութիւն յանձն է ինձ» Ա. Կորնթ. Թ. 16. 17 : Սոյն սրբազան Առաքեալս Պօղոս զանժխտելի պարտաւորութիւն հոգևոր պաշտաման սիրելի աշակերտին իւրոյ յիշեցուցանէ զրիւով առ նա սցալէս, «Զգոյշ լինի՞ջիր անձին և վարդապետութեանդ և ՚ի զմին յամեօջիր, զայդ եթէ առնիցես, և զանձն ազրեցուցես և զայնոսիկ՝ որք քեզն լսիցեն» Ա. Տիմ. Գ. 16 : «Եւ զու քարոզեա՞ զբանն, հաս ՚ի վերայ ժամու և տարածամու, յանդիմանեա՞, սաստեա՞, մխիթարեա՞ ամենայն երկայնատուութեամբ և վարդապետութեամբ» Բ. Տիմ. Գ. 2 : Եւ երանելի Առաքեալն Պետրոս ընդհանուր ամենայն երիցանց զրէ ՚ի զգու շութիւն հոգևոր պաշտօնոտարութեան իւրեանց և ցուցանէ նոցա եթէ զնոյն ունին բարձրագոյն աստիճան երիցութեան, որպէս և ինքեանք ունին, ըստ այնմ՝ «Զերի-

ցունս այսուհետև աղաչեմ իբրև զերկրակից և վկայ չարչարանացն Գրիստոսի, որ և հանդերձեալ փառացն յայտնելոց հաղորդս. արածեցէ՛ք՝ որ ՚ի ձեզ հօտ է Աստուծոյ, վերակացու լինիլ, մի՛ իբրև ակամայ՝ այլ կամաւ ըստ Աստուծոյ, մի՛ զօշարդաղութեամբ, այլ յօժարութեամբ, մի՛ իբրև տիրելով վիճակացն, այլ լինել օրինակ հօտին. զի յերևիլ հօտապետին ընդունիջիք զանժառամ փառացն պսակս. Ա. Պետ. Ե. 1—4:

Այս ամենայն առաքելական սահմանադրութիւնք հոգեշահ խրատուց են յորդորք առ եկեղեցական պաշտօննայս, արթնութեամբ խղճի մտաց վարել զպարտուպատշաճ պաշտօնս բարձր աստիճանին, զի մի՛ ոք յերկցանց Եկեղեցւոյ ըզչարն այն և վատ ծառային զանդիտան անունն ժառանգեցէ յանձին, հախառակեալ Աստուածային բարեխնամ կամաց և սրբոյ կոչմանն՝ աստիճանի երկցութեան, որով ոչ միայն զիջուցանէ զլոյս Աստուածային խնայութեան ՚ի միտս իւր, և ապարդիւն առնէ զտաղանդ շնորհաց՝ զոր ընկալեալ է ՚ի կոչման իւրում քահանայութեան և հոյեոր հովուութեան, այլ և անդիտանութեամբն իւրով յաւիտենական դատապարտութեան լինի պատժակից ընդ այնտակ՝ որք հեռացեալ մերժեցան յԱստուածային ճշմարտութենէն, որպիսիք եղեն հեթանոսք ՚ի կռապաշտութիւնս, և շրէայք յամառեալք ՚ի կամապաշտութիւնս. յաղազս որոց վշտալի սրտիւ զրէ երջանիկ մարդարէն Գաւիթ, և ՚ի վերջոյ յայտնէ զճայրադոյն ամբարշտութեան գործոց նոցին զպատապարտութիւնս ասելով թէ. Վանկեբեան խոտորեցան ՚ի միասին և անդիտանացանս. Սաղմ. ԺԳ. 5. 4:

Ձի՛նչ օղուտ է ՚ի ձեռնադրութեան խոստանալ և թէ բանիւ և եթէ զբով, առաջի Աստուծոյ և մարդկան ՚ի միջ սրբոյ Եկեղեցւոյ՝ առ ՚ի ծառայել Աստուածային կամաց սահմանադրութեան օրինաց և առաքելական հայրապետական կանոնադրութեանց և անխոյթ լինիլ ՚ի գործադրութիւն. ոչ ապաքէն

յայնժամ այնպիսին 'ի վերայ իւր բերէ զայն քստմնելի ա-  
նուն անպիտանութեան, որով լինի անուանակից և պատժա-  
կից ընդ այնպիսեաց՝ զորոց զրէ սրբազան Առաքեալն Պօղոս·  
Եթոստանան զիտեւ զԱստուած, և զործով իւրեանց ուրանան·  
պիղծք և անհաւանք և յամենայն զործս բարեաց անպիտանք·  
Տիտ· Ա· 16 : Ապաքէն 'ի քահանայական, վարդապետական և  
յեսպիսկոպոսական կոչմունս հրաւիրելոց և զպաշտամունս հո-  
գեոր բարձր աստիճանաց ստանձնելոց՝ հարկաւորագոյն է նախ  
ուշիլ զուսուսմն մտաւորական, և զդիտութիւն սուրբ Գրոց և  
ուղղափառ վարդապետութեանց աւանդելոց յառաքելա-  
պատիւ նախնի հարց սրբոց, ապա թէ ո՛չ հարկաւ Աստուա-  
ծային վճիւռ սոսկալի դատապարտութեան ունի հասանել 'ի  
վերայ այնոցիկ հոգեւոր հովուաց Եկեղեցւոյ, որք միայն զա-  
նուն երկցական ունին, և ո՛չ զԱստուածահաճոյ արդիւնս գոր-  
ծոց՝ վայելուչս բարձրագոյն պաշտօնի իւրեանց, որպէս 'ի հին  
օրէնս բանիւ մարգարէից սպառնայ Աստուած հին օրինաց  
քահանայից, որք հովիւ անուանէին ժողովրդոցն Խորայէլի, և  
ո՛չ հսկողութիւնս և խնամակալութիւնս պաշտպանութեան  
առնէին 'ի վերայ նոցա, այլ միայն զանձինս իւրեանց սնուցա-  
նէին փափկակեցութեամբ, և փառս և պատիւս 'ի մարդկանէ  
ընդունիլ յօժարասիրէին. վասն որոյ ահա Աստուածային վը-  
րէժխնդրութիւնն տայ խօսել Եզեկիէլ մարգարէին ահագին  
իմն սպառնալեօք այսպէս· Էւ և իւր բան Տեառն առ իս՝ և  
ասէ, Որդի՛ մարդոյ մարգարէաց 'ի վերայ հովուացդ Խորայէ-  
լի, մարգարէաց և ասացես ցհովիւսն: Այսպէս ասէ Տէր  
Տէր, ո՛ հովիւք Խորայէլի. մի՛ թէ հովիւք զանձինս արածեն, ո՛չ  
հովիւք զխաշինս արածեն : Արդ ահաւաղիկ զկաթնդ ուտէք,  
և զասրդ ազանիք, զպարարտսն զենուք, զխաշինս իմ ո՛չ ա-  
րածէք : Զտկարացեալն ո՛չ զօրացուցանէք, և զհիւանդացեալն  
ո՛չ բժշկեցիք, զչարչարեալսն ո՛չ յանձանձեցիք, և զընկեալն ո՛չ  
պատեցիք, զմոլորեալն ո՛չ դարձուցիք, և զկորուսեալն ո՛չ խընդ-

բնցիք՝ զՏաստահարուստն աշխատ արարիք, և ցրուեցան խաշինք իմ, քանզի ո՛չ գոյին նոցա հովիք, և եղևն կերակուր դազանաց անապատի, և ցրուեցան . . . Այսպէս ասէ Տէր Տէր, ասաւ ասիկ ես 'ի վերայ հովուացդ՝ և պահանջեցից զխաշինս իմ 'ի ձեռաց նոցա, և դադարեցուցից զգոսս յարածեւոյ ըզխաշինս իմ, և ո՛չ ևս արածեացեն զնոսա, և վրկեցից զխաշինս իմ 'ի ձեռաց նոցա, և ո՛չ եղիցին գոցա կերակուրս: Եղևկ. ԼԿ. 1—10: Եւս և Մարգարէիւ Երեմեաւ արդարութիւնն Աստուածային դատապարտ առնէ զհովուսն իարայէլեան ազգին, որք միայն զանձինս իւրեանց զիտէին պարարել և փառազարդել, և ո՛չ յանձանձել և խնամել զժողովուրդս ըստ Աստուածային հրամանաց և օրինաց. ըստ այնմ՝ թէ «Ո՛հ հովիւք, որք կորուսին և ցրուեցին զխաշինս արօտի քո, ասէ Տէր վասն այսորիկ այսպէս ասէ Տէր Աստուած Իարայէլի 'ի վերայ հովուացդ, որք հովուեն զժողովուրդ իմ, զուք ցրուեցիք զխաշինս իմ, և մերժեցիք զնոսա, և ո՛չ յանձանձեցիք զնոսա, արդ աւաղիկ ես ինդրեցից վրէժս 'ի ձէնջ ըստ չարութեան զնացից ձերոց ասէ Տէր»: Երեմ. ԻԳ. 12: Ապա հարկ 'ի վերայ կայ երիցանց, այսինքն քահանայից, վարչապետաց, եպիսկոպոսաց՝ որք կարգեալ են յԱստուածային ամենակալ տեսչութենէն իբրև հրեշտակ ազգարարօղ զհրամանս Աստուծոյ թագաւորին երկնաւորի, վասն որոյ մարգարէիւն Մաղաքեաւ հրամայէ այսպէս. «Եւ արդ այս պատուէր է իմ առ ձեզ քահանայքդ, եթէ ո՛չ լսիցէք և ո՛չ դնիցէք 'ի սրտի ձերում տալ փառս անուան իմաւմ ասէ Տէր ամենակալ, առաքեցից 'ի վերայ ձեր անէծս, և անիծից զօրհնութիւնս ձեր, և նզովեցից զնա, և ցրուեցից զօրհնութիւնս ձեր, և մի՛ եղիցի 'ի միջի ձերում, զի դուք ո՛չ եղիք 'ի սրտի ձերում»: Եւ յես այսորիկ սքանչելի մարդասիրական շնորհիւն բարձրացուցանէ զպաշտօն քահանայից զպարտաւորութիւնս նոցին յայտնելով յասեն՝ «Երթուիք քահանայից զգուշացին զիտու թեան. օրէնս



խնդրեսցեն 'ի բերանոյ նորա, զի հրեշտակ Տեառն ամենակալի է: Մատ. Բ. 1. 2. 7 :

Տեսնը զպարտաւորութիւն հոգեոր հովուաց, լուր ըզյորդարական և զլրատական բանս հոգեկիր առնն երանելոյն խոսրովու Անձեացեաց եպիսկոպոսի. շուարնոք հովիւք, լուարնոք և երկերնոք, և առաւել զարհուրեցարնոք և ողբացէ՛ք աշխու գողութեամբ, զի ոչ թէ վասն այն կոչեցայք հովիւք, զի զանձինս արածիցէք, և իշակիսօք և երևելի երկարօք շրջիցիք յաշխարհի, և 'ի փառս մարմնականս յօրանայք, և ըզգեստօք խննշանայք իրբև զանխմաստս, այլ զի զժողովուրդս Տեառն հովուիցէք, զի զըանաւոր խաշինս արածիցէք, զի զայծիսն յօղիս փոխարկիցէք, զի միշտ բանիւ վարդապետիցէք, և գործով զնոյն յաւէտ առնիցէք: Յամենայն բարեաց յանձնէ տալ օրինակ հօտին մաքրութեան, և 'ի նախանձ բարի յորդորել զամենեւին, զի որում շատ տուաւ գիտութեան իմաստ, շատ խնդրեսցի 'ի նմանէ առաքինութեան տեսակ, և որում բազում աւանդեցաւ վերակացութիւն բանաւոր հօտից, առաւել ևս պահանջեսցեն 'ի նմանէ ուղղութիւն վարուց և հոգաբարձութիւն ժողովրդոց: Եւ դուք թողեալ զայս բարձրագոյն շնորհ՝ ումպէտ գործոց հետեւիք և մարմնական հոգոց պարապիք, և անբան կենդանեաց տածօղք լինիք և զըզալի երկիր կսկղէք, և զո՞ր ներումն թողութեան ունիցիք: Կամ որո՞ւմ պատասխանեոյ արժանի զանձինս համարիք, միշտ զփառաց և զհեշտութեանց հոգայով: Երկուս դահեկանս աւանդեաց ձեզ Տէրն մեր Քրիստոս զհին և զնոր Կտակարանս, զի նորօք զըանաւոր ոչխարն դարմանէք՝ զանկեալն 'ի ձեռս աւաղակաց և եղեալ կիսամահ: • • Եւ ձեր թողեալ զայս Աստուածային առաջարկութիւնս, զկնի ոչնչի ընթանայք, զկաթրն ուտելով և զասրն զգենելով և զքեկեալն ո՛չ համարիք արժանի բժշկութեան, այլ կեղեքէք, կրկին ևս կսկծեցուցանելով: Եւ որոյ օրինակ բարեաց լինիլ պարտ էր, գայթակղութեան

լինելով պատճառ, զանձինս և զընդ ձեռամբ անկեալսն կու  
րուսանէք, և որ զանձին կորուստ անսոյթ առնիցէ. վասն  
այլոց զեմրդ հոգ փրկութեան վարիցէ. ՚ի Մեկն. Ժամ. :  
Յայս միտ երանելին Ներսէս Լամբրոնացի ՚ի վերայ վերողբեալ  
Աստուածային բանից՝ որ ՚ի ձեռն մարգարէին Եզեկիէլի քա-  
րողեցաւ զրէ. « Հարկ կայ ՚ի վերայ քահանային զգուշանալ առ  
՚ի յամբարել և դնել ՚ի սիրտս իւր ՚ի ներքոյ սեմոց շրթանց  
իւրոց զգիտութիւն օրինացն Աստուծոյ, էր վասն, քանզի օ-  
րէնս խնդրեցէ ՚ի բերանոյ նորա ամենայն մարդ, և նորա բար-  
բառն սահմանէ ՚ի մէջ նոցա զխտութիւն բարւոյ և չարի,  
ըստ որում զինս միայն է ՚ի մէջ նոցա հրեշտակ յԱստուծոյ :  
Արդ՝ որպէս հրեշտակ արքայի ՚ի մէջ քաղաքի կարէ զամե-  
նայն ինչ օրինադրել բանիւ թագաւորին, զոր կրէ ՚ի սիրտս  
իւր, այսպէս և քահանայն հրեշտակ է յԱստուծոյ առ ժո-  
ղովուրդ իւր : Վասն այսորիկ օրէնս խնդրն ամենեքեան ՚ի բե-  
րանոյ նորա, իսկնա կարէ զամենայն ինչ ուղղել ըստ կամացն  
Աստուծոյ՝ հնազանդութեամբ խնդրողաց, յաղագս այսր հարկ  
կայ ՚ի վերայ նորա զգուշութեամբ պահել ՚ի ներքոյ շրթանց  
զամենայն զիտութիւն, զի յորժամ խնդրեցն, բացեալ ըզ-  
բերան իւր պարզեցէ նոցա զօրէնս թագաւորին իւրոյ Աս-  
տուծոյ որպէս հաւատարիմ հրեշտակ : Իսկ ապա թէ ոչ ու-  
նի զգիտութիւն, յորժամ խնդրէին ՚ի նմանէ զօրէնս Աստու-  
ծոյ, տայ զայն ինչ՝ որ հեռի է ՚ի կամացն Աստուծոյ, և զըս-  
տանի ամենեցուն, զորս մոլորեցոյց պարտապան արեան, որպէս  
ասացաւ. « Չարիւն նորա ՚ի ձեռաց քոց խնդրեցից » :

Տես երանելին Պօղոս ոչ խնդրէր զփառս անձին իւրոյ, և  
ոչ զիտաց երբէք հաճոյանալ մարդկան՝ « Արդ մարդկան հա-  
ճոյ լի իցիմ թէ Աստուծոյ, կամ խնդրիցեմ մարդկան հաճոյ  
լինիլ. եթէ տակաւին մարդկան հաճոյ լինէի, ապա Քրիստոսի  
ծառայ ոչ էի ». Գաղ. Ա. 10 : Կամիտսել, ոչ երբէք յօժարեցայ  
զվարդապետութիւնս իմ աւետարանական ճշմարտութեան

նչ 'ի շնորհուկս մարդկան առնելով՝ խօսեցայ և ուսուցի առ  
'ի հաճոյանալ մարդկան, այլ զոր ինչ պահանջէր հոգևոր պաշ-  
տօնն իմ, զնոյն արարի և արարից, զի հաճոյ գտայց Աստու-  
ծոյ, և փառաւոր արարից զպաշտօնն իմ, վասն որոյ հա-  
մարձակ ունի տեղի պարճանաց երանելի Առաքեալս զրելով առ  
Հռովմայեցիս. «Այլ ձեզ ասեմ հեթանոսաց ցորքան ժամանակս  
իցեմ հեթանոսաց առաքեալ՝ զպաշտօն իմ փառաւոր առնեմ»  
ԺԱ. 13: Եւ զայս արթնութիւն պարտաւորութեան հոգևոր  
պաշտօնի փայլեցուցեալ յորդորէր 'ի նոյն և զսիրելի աշակերտն  
իւր զՏիմոթէոս. «Որինակ լինջիւր, ասէր՝ հաւատացելոց բանիւք՝  
զնացիւք, սիրով հաւատովք սրբութեամբ: Զգոյշ լինիջիւր ան-  
ձինդ և 'ի դմին յամեջիւր, զայդ եթէ առնիցես և զանձն ապրե-  
ցուցես, և զայնոսիկ՝ որք քեզն լսիցեն»: Եւ թէ՛ «Փութասջիւր  
զանձն քո ընտիր կացուցանել առաջի Աստուծոյ, մշակ առանց  
ամօթոյ, ուղիղ համառօտել զբանն ճշմարտութեան»: Ա. Տիմ.  
Գ. 12. 16: Բ. Տիմ. Բ. 15: Ի կնքել ապաքէն զխորհրդածու-  
թիւն մեր՝ որ յաղագս ձեռնադրութեան խորհրդոյ, յառաջ  
բերցուք զյորդորական բանս մեծի Քահանայապետին մերոյ Գը-  
րիզորի Լուսաւորչի. «Գրել ձեզ և ուսուցանել կամիմ ասէ,  
եղբարք իմ և որդիք, զորս 'ի Քրիստոս ծնայ, զի որք յար-  
զեն զանձինս 'ի զործս բարութեան և յուսումն ճշմարտու-  
թեան, ինքեանք իսկ պատրաստեցին 'ի ֆեսասկարացն, և պէս-  
պէս հնարիւք առնել բարիս խորհնացին. որպէս զի օրինակ  
ճշմարտութեան եղիցին յառնելն և յուսուցանելն միշտ, ան-  
խիղճ և անպատճառ իցեն առ հեռաւորս և առ մերձաւո-  
րս, ըստ բանի Տեառն, լուսաւոր եղիցի՝ ասէ, լոյս ձեր ար-  
դարութեան առաջի մարդկան, որպէ զի տեսցնն զզործս ձեր  
բարիս, և փառաւորեացնն զՀայրն ձեր երկնաւոր: Եւ զար-  
ձեալ երանէ զճառայս, յորոց անուն օրհնի ինքն Տէր և փա-  
ռաւորի. և վայ և եղուկ զայնոսիկ վարկանի՝ յորոց անուն  
Տեառն հայհոյեցի. զի որք լինիցին քարոզք ճշմարտութեան».

Ճշմարտութիւնն ինքնին յարդարէ զնոսա անմոլար գիտութեամբն և Աստուած փառաւորէ զնոսա. յորժամ տեսանէ՛ ՚ի նոսա զբարեգործութեան ջանս. զի զոր նորայն տնկեն և սրնուցանեն, Աստուած ամեցուցանէ և հաստատէ աւետօք կենացն ՚ի փառս և ՚ի պարծանս նոցա ՚ի օրհնութեանն ատենին ՚ի յարութեանն՝ որ ՚ի մեռելոց : Եւ կարասցեն ասել՝ ահա մեք և մանկունք մեր ճշմարտեալ, զորս ետուր մեզ Աստուած : Եւ պսակեալ առաքինութեամբք առնուն զգրաւականն խոստացեալ աւետեացն Քրիստոսի. զի որ արասցէ՛ ասէ, և ուսուցէ, նա մեծ կոչեսցի յարքայութեան երկնից». Յաճախ ձԱ. ձէ :

ՔԼՈՒԻ Ժ.

Խորհուրդ սուրբ Պատկին օրինակ է Քրիստոսի ընդ Եկեղեցոյ շնորհօք միութեան. ուստի անբաժանելի են ջմա՛հ ամուսնացեալքն ՚ի միմեանց :

Խորհուրդ քրիստոնէական սուրբ Պատկին պարունակէ յինքեան սքանչելի իմն զօրութիւն շնորհաց անմահ սուրբ փեսային Յիսուսի Քրիստոսի, որ յինքն միայն սեփհականեալ զհարսնացեալ եկեղեցին միշտ ներգործէ ՚ի նոսա սիրալիր խնամաշատ և շնորհապարգև բարերարութեամբն, և Եկեղեցին՝ այս է ուղղափառ և ողջամիտ բարեգործ հաւատացելոց խումբ, ջերմեռանդն հողուով կատարեալ երկիւղածութեամբ, միշտ պատկառ և յամենայնի հնազանդ է իբրև իսկական հարսն անարատ և զեղազարդ երկնաւոր փեսային իւրոյ : Ահա՛ այս սուրբ Պատկի խորհրդով անարատ հարսին սուրբ Եկեղեցոյ ուղղափառ քրիստոնէից զվայելուչ յարաբերութիւնն առ երկնաւոր փեսայն Յիսուս Քրիստոս՝ նկատեալ երանելի սուրբ Առաքեալն Պօղոս զրէ. «Խորհուրդս այս մեծ է՝ բայց ես ասեմ ՚ի Քրիստոս և յԵկեղեցի». Եփես. Ե. 32 :

Ընդ այս բան յարկեցէ զեկուցանելով զօրինաւոր լծակ-



ցելոց և ամուսնացելոց սուրբ խորհրդով Եկեղեցւոյ Պատկին, զառն և զկնոջ զօրինակսն և զանժխտելի սրբաուորութիւնս յասելն՝ : Այլ դուք նոյնպէս մի ըստ միոջէ. զի իւրաքանչիւր ոք զիւր կին այնպէս սիրեսցէ իբրև զիւր անձն. և կին երկրն շիցի յառնէ իւրմէ : Ըստ Ոսկեբերանին կամի ասել երանելի Առաքեալս. «Վ դուք օրինաւոր լծակիցք. ամուսնական յօդու Քրիստոսական օրինօք ծաներո՛ւք զպարտիս ձեր Աստուածաստճման օրինադրութեամբ. ապա այր դու պարտիս խնամարկել կարդաւորեալ սիրով զկին քո իբրև զանձն և զմարմին քո. տես Ծննդ. Բ. 25 : Մատ. ԺԹ. 6 : Եւ դու կին պարտիս զօրինաւոր այր քո յարգել մեծարել ամենայն կարևոր հնազանդութեամբ և ազատական երկիւղիւ քով ճանաչել զնա իբրև խնամածու տէր քո, որով բարգաւաճիք բարեճնունոյ որդւովք և վայելէք զԱստուծոյ շնորհազեղուն օրհնութիւնն. և արժանաւոր լինիք տեսանել զորդիս որդւոյ ձերոյ՝ ըստ օրինակի Աստուածահաճոյ նահապետաց : Եփես. Ե. 25 : Ծննդ. ԻԲ. 16 :

Արդ՝ զտիրաստճման օրինադրութիւնս զխորհրդոյ սուրբ Պատկի կարևորագոյն է զխտել և ճանաչել և ամենայն զգուշութեամբ և երկիւղածութեամբ սրահել և պաշտպանել առանց զանցառութեան :

Նախ՝ ըստ կանոնի Աստուածային ստճմանադրութեան մի մարմին և մի անձն լինին այր և կին, օրինաւոր ամուսնացեալք սուրբ խորհրդոյ Եկեղեցւոյ շնորհուն, և այս միութիւն ամուսնական լծակցութեան անբաժանելի է և անքակտելի մինչև ցմահ միոյն և կամ միւսոյն ըստ յետագայ վըկայութեանց «Վասն այսորիկ թողցէ այր զՏայր և զմայր իւր և երթիցէ զՏեա կնոջ իւրոյ. և եղիցին երկաքեան ՚ի մարմին մի : Ապա ուրեմն ո՛չ են երկու. այլ մի մարմին : Արդ՝ զոր Աստուած զուգեաց, մարդ մի՛ մեկնեսցէ : Մատ. ԺԹ. 5. 6 : Քանզի կին առնակին ՚ի կենդանի այր իւր կապեալ կայ օրինօք. իսկ եթէ

մեռցի այրն, արձակեալ է յօրինաց առն, ապա ուրեմն մինչ կենդանի է այրն, շուն կոչի, եթէ լինիցի առն այլում, և եթէ մեռցի այրն՝ ազատ է յօրինացն, չհամարեալ շուն՝ եթէ լինիցի առն այլում»։ «Կին կապեալ է, ցորքան ժամանակս կենդանի է այր նորա, ապա եթէ ննջիցէ այր նորա ազատ է ում կամիցի ամուսնանալ, այլ միայն ճերամբ»։ Հռովմ. Է. 2 : Ա. Կորնթ. Է. 59 :

Արանելի սուրբ վարդապետն մեր Յովհան Ծործորեցի խորհրդածեղով 'ի վերայ աւետարանական բանից՝ գրէ. «Մի բընուած իւն է առն և կնոջ ոչ անձամբ, այլ յօժարութեամբ և սիրոյն կցորդութեամբ, առնն՝ իրբև իշխանի, և կնոջ՝ հնազանդելոյ հաստատապէս. արդ՝ զոր Աստուած զուգեաց մարդ մի՛ մեկնեսցէ . . . Այլ զիտեան ինձ զզօրութիւն բանիս, թէ որքան օրինակաւ պնտեաց, ոչ կարէ առնել բաժանումն 'ի մէջ առն և կնոջ : Նախ՝ թէ մի մարմին է, և զմի մարմին յերկուս հատանել, երկօցունց է մահ, թէ և հաշմ իցէ այրն կամ կինն, կամ ուրուկ կամ զիւահար, զի ոչ զուրուկ մարմին՝ յորժամ այսպիսի ցաւով տաղնապի, հատանմբ և 'ի բաց ընկննումբ : Եւ երկրորդ՝ թէ Աստուած զուգեաց և դու մարդ բաժանող հայեանց՝ ասէ՝ 'ի բնութիւնն, զի արարիչ և արարած նա շինէ, և դու քակես : Եւ երկրորդ՝ յօրինակէն պատկառի, զի որ զկին բաժանէ, զրեթէ զԵկեղեցի 'ի Քրիստոսէ որոշէ, որպէս Սարէլ և Արիոս, և կամ չար թաղաւորքն, որք բռնութեամբ յուրացութիւն ձգէին. արդ նոցա հաւասարի բաժանողն, զի այր և կին օրինակ է Եկեղեցւոյ, որպէս ասէ Պօղոս թէ՛ Վորհուրդս այս մեծ է, բայց ես ասեմ 'ի Քրիստոս և Եկեղեցի նորա»։ Մեկն. Մատթ. երես 399 : Եւ սուրբն Գըրիգոր Նարեկացի գրէ 'ի յառաջաբանութեան Երգոյն երգոյն Մեկնութեան : «Սուրբ ամուսնութիւն և սէր փեսայի ընդ հարսին և հարսին ընդ փեսային, որ ազատ լինի 'ի պիղծ խառնից, չէ օտար 'ի Հոգւոյն շնորհաց, որով և խորհուրդն 'ի Քր»

րխտոս և յնկեղեցի աւարտի, ըստ Առաքելոյն թէ, «Խորհուրդս այս մեծէ, բայց ես ստեմ' ՚ի քրիստոս և յնկեղեցի՝ վկայելով Սողոմոնի բանիցն: Արդ՝ որ զսուրբ ամուսնութիւնն պղծէ պիղծ խառնակութեամբ և չար գործովք, զնկեղեցւոյ խորհուրդ պղծէ և զքրիստոս անարգէ»: Երես 395:

Եւ սուրբն Կիւրեղ Երուսաղէմայ հայրապետն վասն պոռնկական ախտիւ վարակելոց զրէ բան աղլու և յորդորական. «Ո՛չ եթէ մարմին մեղանչէ անձամբ, այլ մարմնովն շունչն, այսինքն հոգին մեղանչէ, իբրու գործի իմն է մարմին շնչոյն, և իբր հանդերձ ինչ արկանելի շնչոյն, եթէ ՚ի սմանէ ՚ի պուսնրկութիւն մատնի, լինի և պղծեալ, ապա թէ ընդ սուրբ շունչ բնակեալ է, լինինա տաճար Հոգւոյն սրբոյ: Ո՛չ ես ստեմ զայս, այլ Պողոս Առաքեալն. «՛չ զիտէք՝ ստէ, թէ մարմինք ձեր տաճար են, որ ՚ի ձեզ Հոգին սուրբ բնակեալ է: Անխայեա՛ զու ՚ի մարմին քո, իբրու տաճար իցէ Հոգւոյն սրբոյ, մի՛ պղծեր պոռնկութեամբ զմարմին քո, մի՛ թաթաւեր պղղծութեամբ զայդ զեղեցիկ պատմուճանդ քո, ապա թէ պղղծիցէ երբէք, նկ լուս ապաշխարութեամբ, մկրտեաց, լուս, մինչ ժամանակ է»: Կոչումն Ընծայ. Երես 62: Այս ամենայն կնքի աղղու բանիւ սրբազան Առաքելոյն Պողոսի. «Պատուական է ամուսնութիւն ամենեին և սուրբ են անկողինք, բայց զշունս և զպոռնիկս դատի Աստուած»: Երբ. ԺԳ. 4:

Երկրորդ՝ զօրինական սահմանադրութիւնս եկեղեցական կանոնաց՝ որ վասն ամուսնացելոց հարկ է պահպանել. մի՛ լիցի համարձակել ումք ընդ կարի մերձաւորսն արեամբ և խնամական աղղականութեամբ ամուսնանալ որպէս օրինաղբրեցին նախնի սուրբ հարք. յորոց առեալ զրէ Ծնորհալի սուրբ հայրապետն մեր եթէ՝ «Մի՛ ոք համազգեաց, որոց արեան մերձաւորութիւն իցէ, պսակ օրհնութեան զիցէ և այլն»: Զկնի այսորիկ զպատճառն յարէ. «Եւ քանզի ամենայն փոյթ Աստուծոյ և Աստուածայնոցն յաղագս սիրելոյ է զմիմեանս

ժարդկան. վասն այսորիկ իրաւունս համարեցան, որք հողւովն օրինադրեցին զօտարացեալսն ՚ի միմեանց միանալ սիրով ամուսնութեանն կապակցութեամբ. իսկ զմերձաւորսն արեամբ բաւական վարկանի համազգութեամբ միայն ունել զհամադրութիւն սիրոյ առ իրեարս: Ընդհ. երես 41: Աւրեմն երկուներք և հողեոր հովիւք Եկեղեցւոյ առաջնորդք և եպիսկոպոսունք պարտին տեղեկանալ ՚ի կանոնական սահմանադրութեանց սրբոց հարց՝ զոնն զհամահաւաքեալ կանոնական գրութիւնս Մխիթարայ Գօշի մեծիմաստ և սրբակրօն վարդապետին մերոյ, և ամենայն ուշադրութեամբ նկատելով յայնս տալ հրաման Պսակի և կամ Հարսնախօսութեան:

Երրորդ՝ չունիմք հրաման ՚ի կանոնական գրոց՝ խորհուրդ Պսակի կատարել ՚ի վերայ այնոցիկ, որք նախ քան զՊսակն սուրբ ամուսնութեան վաւաչոտութեամբ յարեալ իցեն ընդ միմեանս բնակակից լինելով, շաղախեալ են պոռնկական պղծութեամբ, որ ասի առեւանկութիւն. որպէս բացայայտ գրէ Ներսէս Շրնորհալի «Մի՛ և այնոցիկ՝ որք և առեւանկս ասին, զնիցէ Պրսակս. զի հակառակ օրինաց Աստուծոյ է, և բիւր չարեաց պատճառք ՚ի սատանայէ շարժեալք ՚ի մոլեկան ակտոսն. և բազումք այն իսկ են, որ յետ սուտ պսակին, մեծաւ ատելութեամբ բաժանին ՚ի միմեանց, և պսակադիրքն այսպիսեաց կցորդ չարեաց նոցին լինիցին»: Ընդհ. երես 40:

Չորրորդ՝ մի՛ ոք յերկցանց սնտոի պատճառանօք ատելութեան առանց կանոնական և օրինաւոր հրամանի համարձակեցի վերատին պսակել զկնաթողս կամ զայրաթողս, որպէս գրէ Շնորհալի սուրբ Հայրապետն մեր առ քահանայս յասելն՝ «Մի՛ և կնաթողաց արանց կամ այրաթող կանանց առանց կանոնական հրամանին զնիցէ ոք պսակ, զի մի՛ լուծջիք դուք ՚ի քահանայական կարգէ բատ կանոնաց, և եղեալ պսակն քակտեցի, և եթէ բռնանան և ոչ բաժանին, ընդ պոռնկս համարեալ լիցին»: Ընդհ. երես 40:



Ապաքէն թողում հողեր հովուաց և երիցանց Եկեղեցւոյ՝ յազադս խորհրդոյ Եկեղեցւոյ պսակադրութեան խղճիւմաաց ընթեանուլ զսահմանադրութիւնս և զկանոնական օրինադրութիւնս սրբազան հարց Եկեղեցւոյ, և զանձեւ ՚ի միտս իւրեանց, և ամենայն զգուշութեամբ կատարել զպսակադրութեան խորհուրդն, յիշելով զայն Աստուածային բան անժըխտելի հրամանին, որ առ քահանայս հնոյ օրինաց եթէ՛ յՈրդի մարդոյ, դէտ կացուցի զքեզ տանք Իսրայէլի, լուիցես յինէն պատգամս, և սպառնացիս նոցա իբրև յինէն, յորժամ ասեմ ցանօրէնն, եթէ մահու մեռանիցիս, և դու ոչ զգուշացուցանիցես նմա, և ոչ խօսեսցիս զգուշանալ անօրինին և դառնալ ՚ի ճանապարհաց իւրոց չարաց և կեալ, անօրէնն այն յանօրէնութեան իւրում մեռցի, և զարիւն նորա ՚ի ձեռաց քոց խնդրեցից. իսկ եթէ դու զգուշացուցանիցես անօրինին, և նա ոչ դարձցի յանօրէնութենէ իւրմէ և ՚ի ճանապարհէ իւրմէ, անօրէնն այն յանօրէնութեան իւրում մեռցի, և դու զանձն քո ապրեցուցես»։ Եզեկիէլի Գ. 17-19 : Ըստ ամին յուշ լիցին ձեզ ո՞վ հողեր հովիւք և վերատեսուչք Եկեղեցւոյ սիրելիք մեր ՚ի Տէր հոգեբարբառ ազդարարութիւնք սրբազան Առաքելոյն Պօղոսի եթէ՛ ջգոյշ լերուք անձանց և ամենայն հօտիւք, յորում եղ զձեզ Հողին սուրբ տեսուչս՝ հովուել զժողովուրդ Տեառն, զոր ապրեցոյց արեամբն իւրով։ Գործ. Ի. 28 :

ԳԼՈՒԽ ԺԱ :

Ներդրածութիւն շնորհաց խորհրդոյ հիւանդաց բժշկութեանէ :

Խորհուրդ Եկեղեցւոյ՝ որ զործադրի ՚ի ձեռն հողեր պաշտանէից ՚ի վերջին տաղնապս հիւանդաց տալ նոցա շնորհ բժշկութեան, ըստ սահմանադրութեան Քրիստոսի Փրկչին մերոյ ՚ի հրամայելն աշակերտաց իւրոց ասելով՝ ջհիւանդս

բժշկեցէ՛ք» Մատ. Ժ. 8 : Եւ զինի ինքնազօր յարութեան իւրոյ՝ զձև կատարման խորհրդոյն յայտնի արար աշակերտացն . զի զձեռս իւրեանց ՚ի վերայ հիւանդաց դնելով կատարեսցեն : « Ի վերայ հիւանդաց ձեռս զիցեն և բժշկեսցին » . Մարկ. Ժ. 2 . 18 : Արդ՝ Յիսուս Փրկիչ մերս զոր ինչ աւանդէր և ուսուցանէր սրբազան դասուց Առաքելոց, նախ ինքն առնէր իրրև հեղինակ խորհրդոյ, և ապա ուսուցանէր : Ըստ այնմ՝ « Ամենեքեան՝ որոց էին հիւանդք ՚ի պէսպէս ցաւս՝ բերէին առ նա : Եւ նա իւրաքանչիւր ումեք ՚ի նոցանէ դնէր ձեռս, և բժշկէր զնոսա » . Ղուկ. Գ. 41 : Ապա ըստ ճշմարիտ հեղինակին խորհրդոյս Յիսուսի ֆրիստոսի սահմանեալէ նիւթն և կերպն խորհրդոյն հիւանդաց բժշկութեան . իսկ ձեռս դնել երիցանց ՚ի վերայ նեղելոց ՚ի վերջին տազնապս հիւանդութեան ջերմեռանդն աղօթիւք յիշելով և խնդրելով զառողջացուցիչ շնորհս սքանչելագործ անուան կենարարին մերոյ հաստատեն յետագայ վկայութիւնքս . « Եւ ասէ ցնա Պետրոս, Ե՛նեայ բըժըշկէ զքեզ Տէր Յիսուս ֆրիստոս, արի՛ և քեզէն թօթափեա՛ զանկողինս քո . և վաղվաղակի յարեաւ » . « Եւ եղև հօրն Պոպղեայ ՚ի ջերմ և յախտ թանչից հիւանդանալ՝ դնել : Առ որ մտեալ Պօղոս և կացեալ յաղօթս, եդ զձեռն, և բժըշկեաց զնա » . Գործ. Թ. 34 : ԻԸ . 8 :

Գիտեմ բարեմիտ ընթերցող, ունիս իրաւունս հարցանելոյ ցիս, եթէ առ ի՛նչ երբեմն ոմանք ՚ի սրբազան Առաքելոց օծմամբ իւրոյ ձիթենւոյ կատարէին զխորհուրդ բժշկութեան ՚ի վերայ հիւանդաց, որպէս գրէ Աւետարանիչն Մարկոս . « Եւ դէս բազումս հանէին, և օծանէին իւրով զբազում հիւանդս և բժշկէին զնոսա » . Մարկոսի 2 . 13 :

Սոյնպէս և սրբազան Առաքեալն Յակոբոս՝ յորժամ առաջին եպիսկոպոս կարգեցաւ յերուսաղէմ, իրրև կանոն սահմանեաց վասն հիւանդաց այսպէս, « Էջիւանդանայցէ ոք ՚ի ձէնջ, կոչեսցէ զբրիցունս Եկեղեցւոյն՝ և արասցեն ՚ի վերայ նորա

աղօթս, օճցնն իւղով յանուն Տեառն. և աղօթքն հաւատովք փրկեսցնն զաշխատեալն, և յարուսցէ զնա Տէր: Յակ. Ե. 14. 15: Իւղոյն գործածութիւն յայանի է 'ի սուրբ Գիրս, վասն զի սովորութիւնն էր և աւանդութիւնն ծխական իւղով ձիւթննոյ օծանել զսեղանս ողջակիցաց, զքահանայս, զթագաւորս, և զայս անուանէին մաքրութեան և սրբութեան օծումն՝ որպէս գրեալ է. Ելեց 1. 24. 25. 30: Ա. Թագ. Ժ. 2. 13: Աղա՛մ. 20. 21: Օծանէին և զմարմինս մեռելոց առ 'ի պատիւ. Մարկ. Ժ. 7. 3: Առստի տեսեալ սրբազան Առաքելոց եթէ իւղոյն գործածութիւն յարգի է յոյժ, զօծումն հաստատեցին յարայելացիս իբրև հեռաւոր նիւթ 'ի բժշկութիւն հիւանդաց, որպէս զի հռչակեսցի 'ի Հրէայս սքանչելագործ զօրութիւն անուանն Յիսուսի. իսկ յետոյ մոռացեալ՝ ասէ Ասկերերանն զսքանչելի զօրութիւն անուանն Յիսուսի, որք յերուսաղէմ Հրէայքն էին՝ առ հասարակ աւելորդ համարէին կոչել զերիցունս Եկեղեցւոյն՝ առանձինն զհիւանդս օծանէին իւղով և եթ ձիւթննաւ: Առստի Առաքեալն Յակովբոս իբրև կարգեցաւ առաջին կախիկոպոս Երուսաղէմայ, կամելով յայանել եթէ անզօր է իւղոյն գործածութիւն առանց աղօթից, միանգամայն զմտաւ ածեալ՝ զի զսովորական ծէսս ըստ ամենայնի խափանելով՝ տեղի տայ շփոթութեան տկարամտաց, և զի հաստատել կամէր զհաւատս և զլոյս նոցին յամենակարող զօրութիւն երկրպագելի անուան Տեառն մերոյ Յիսուսի Քրիստոսի, վասն այտորիկ այսպէս սահմանադրեաց. «Հիւանդանայցէ որ 'ի ձէնջ, կոչեսցէ զերիցունս Եկեղեցւոյն և արասցին 'ի վերայ նորա աղօթս, օճցնն իւղով յանուն Տեառն, և աղօթքն հաւատովք փրկեսցէ զաշխատեալն և յարուսցէ զնա Տէր: Ի վերայ սոյն առաքելական բանիցս՝ հոգեբուղի վարդապետութեամբ յոյժ յարմար բացատրութիւնս տայ Սարգիս Ծնորհալի վարդապետն մեր: Վատուէ աստանօր զառաջնորդս Եկեղեցւոյ՝ ասէ, և մեծապէս յարգէ

զնոսա, և մտերիմ ծառայս Աստուածութեանն և Հաղորդս  
գոլ զնոսա 'ի միտս ամենեցուն ընծայեցուցանէ իբրև զՄով-  
սէան և զԱհարոն, նա ևս զերազանցեալ քան զնոսա, ըստ  
որում մեծագունի քան զնոսա շնորհաց արժանաւորք եղեն,  
զի զամենայն զոր և ինչրէին հաւատովք՝ աւնուին, այսորիկ  
ազագաւ ասէ, կոչեցեն զերիցունս Եկեղեցւոյն : Որ սրբու-  
թեամբ իւրեանց և արդարութեամբ համարձակութիւն ու-  
նին առ Աստուած, աղօթիւք զայլոց մեզս սրբել և արդա-  
րացուցանել զնոսա : Եւ արդ՝ եթէ զհոգիս բժշկեն նոքա 'ի  
ցաւոց մեզաց՝ որքան ևս առաւել զմարմինս 'ի բնութեանս  
ցաւոց : Զնոսա կոչեցեն ասէ, զիմաստուն բժիշկս, որոց ան-  
հրնար ինչ ոչ է, այլ ամենայն ինչ հնարաւոր : Եւ նոքա, ասէ,  
աղօթս արասցեն 'ի վերայ նորա, և օճցեն իւղով յանուն  
Տեառն : . . . Արդ զայն օրինադրէ ստելով, օճցեն իւղով յա-  
նուն Տեառն : Եւ զոր ասէս, այս է, զոր օրինակ Առաքեալքն  
զբժշկութիւնան՝ զորս առնէին անուամբ Տեառն առնէին.  
յանուն Յիսուսի Քրիստոսի արի՛ և զնա՛ 'ի ծնէ կողին ասա-  
ցին : Եւ գարձեալ Պետրոս Տարիթա, արի՛, կայ յանուն Տեառն  
մերոյ Յիսուսի Քրիստոսի : Այսպէս ամենայն ումէք զայն ա-  
նուն 'ի կիր արկանէին : Նմանապէս և աստ ասէ, օճցեն իւ-  
ղով յանուն Տեառն, ապա յայտ է յայսմանէ, որպէս ևս վար-  
կանիմ, եթէ ոչ իւղն տայր զառողջութիւն հիւանդին, այլ  
անուն Տեառն» : Յակ. ճառ ԺԱ : Ուստի ուղղափառ և ա-  
ռաքելական սուրբ Եկեղեցին մեր զայս խորհուրդ բժշկութեան  
հիւանդաց կատարէ 'ի ձեռն երիցանց սահմանեալ աղօթիւք,  
և 'ի վերջոյ ասէ զայս քարոզ ընթացն հիւանդաց և ամենայն  
վշտացիոց ազաչեսցուք զՓրկիչն մեր Քրիստոս՝ զի ողորմեցի  
ըստ մեծի ողորմութեան իւրում, և բժշկեսցէ զախտս և ըզ-  
հիւանդութիւնս հոգւոց և մարմնոց ծառայից իւրոց, և այլն :  
Եւ զայս աղօթս թէ՛ Փարատեան զցաւս և բժշկեա՛ զհիւան-  
դութիւնս 'ի ժողովրդենէ քումմէ Տէր Աստուած մեր» : և այլն :



՚ի վերայ բանիցս այսոցիկ զրէ երանելին խորով Անձեացեաց  
Եպիսկոպոսն. «Աղօթք սրբոց յոյժ զօրաւորն յօգնականու-  
թիւն՝ ոչ միայն զմարմնոյ բառնալ զցաւս, այլ և զհոգւոյ,  
որք հաւատով և յուսով հայցեն ըստ մեծին Յակովբայ՝ որ  
ասէ. «Հիւանդանայցէ որ ՚ի ձէնջ, կոչեսցէ զերիցունս Եկեղեց-  
ւոյն, և արասցեն ՚ի վերայ նորա աղօթս. և աղօթք հաւատով  
փրկեն զաշխատեալն. և թէ մեղս ինչ իցէ, զործեալ թողցի  
նմա : Եւ զի ասէ, Օճցեն իւղով յանուն Տեառն : Այս ՚ի  
վերայ նորագունիցն ՚ի հաւատս, զի առաւել հաստատեցին  
՚ի սէրն Աստուծոյ, և զի զգալի մարմն զգալապէս զնիւթ  
բժշկութեան սիրէ ըստ թանձրութեան մարմնոյ». ՚ի Մեկ-  
նութեան Ժամագրքի :

Ապաքէն եթէ որ կամեսցի զնորարձակ ծանօթութիւն խոր-  
հրդոյս տեսանել, ընթերցցի զյօրինեալն յինէն զՀանդիսա-  
բան Ուղղափառութեան Հայաստանեայցս Եկեղեցւոյ. Տիպ  
Պօլոյ. երես ԾՅՅ :

Արդ՝ ՚ի կնիք տեսութեան համառօտ բանիցս յիշեսցի  
աստէն հոգեբուղն քարոզութիւն մեծ Հայրապետին մերոյ սր-  
բոյ Հօրն մերոյ Գրիգորի լուսաւորչի, որ զուքանչելի զօրութիւն  
անուան Տեառն մերոյ Յիսուսի Քրիստոսի քարոզեաց մեզ այս-  
պէս. «Այն իսկ են սրբոցն կամք, զի և ժողովուրդք նոցա բա-  
րեխօսութեամբն՝ յԱստուծոյ պաշտօն յորդորեսցին, և այն-  
պէս առցեն զաշխատութեանցն զիոխարէնան յամենասուրբ  
Երրորդութենէն. զի և Պօղոս և Բառնարաս արարեալ զնր-  
շանան յանուն Տեառն Յիսուսի Քրիստոսի, զառ ՚ի մօրէ ըզ-  
կաղն բժշկելով և զարմացուցանելով զամենեաին, մինչ զի բուրմ-  
քն աստուածս զնոսս համարեցան յերկնից իջեալ՝ զկեր-  
պարանս մարդոյ ունելով, վասն որոյ զօհիւք կամեցան պատ-  
ուել զնոսս որպէս զաստուածսն իւրեանց : Եւ յաղագս այ-  
նորիկ պատուեցին զհանդերձսն, և ճիշ բարձեալ ասէին : «Եւ  
մեք ձեզ նմանեալ մարդիկ եմք ծառայք Աստուծոյ բարձրե-

լոյ, որ արար զերկինս և զերիւր և որ 'ի նոսա արարածք ի-  
ցեն, և յանուն նորա բժշկեցաւ սա. զայս ասելով հաղիւ լը-  
ռեցուցին զամենեսին, զի լաւ համարեցան մեռանիլ, քան թէ  
զպատիւն Աստուծոյ յինքեանս ձգել: և փառաւորիւ 'ի մարդ-  
կանէ: Յաճախ. ճառ. Ժ. 2. :

ՊՐԱԿ Գ:

Պարտաւորութիւնք ազգի, որ ընկալեալ իցէ Աստուծոյ զառանձնաշնոր-  
հութիւն:

Արդ 'ի յաճախել առ մեզ բազմատեսակ շնորհացն Աս-  
տուծոյ, այժ պարտաւորութիւնք բազմադիմի զոհութիւնս և փա-  
ռաբանութիւնս մեր բոլորով սրաիւ մատուցանել առ շնոր-  
հապարդ և վերնախնամ մարդասիրութիւնն: Զայս կարևորա-  
գոյն պարտաւորութիւն զեկուցանէ երանելի սրբազան Առա-  
քեալն Պողոս Եկեղեցւոյն կորնթացոց յասելն՝ «Զի 'ի բազմա-  
ղէմ շնորհացն՝ որ 'ի մեզ, բազմօք յաճախեսցին զոհութիւնքն  
վասն մեր: Բ. կորնթ. Ա. 11: Տես, զի ուր և որոց յասուկ  
մարդասիրական խնամօք պարզեցան յԱստուծոյ առանձնա-  
շնորհութիւնք՝ անդանօր յաճախեցին զոհութիւնք և փա-  
ռաբանութիւնք առ Աստուած: Ահա՛ քեզ ապացոյց. զի այն  
ինչ Աստուած յայնի արար նահապետին Իսահակայ զիւր  
յատուկ խնամածութեան շնորհ, իսկոյն շնորհընկալն Իսա-  
հակ զպարտաւորութիւն իւր առ Աստուած զոհութեամբ և  
փառաբանութեամբ փութացաւ կատարել, որպէս գրեալ է: Եւ-  
երևեցաւ նմա Տէր 'ի զիշերին յայնմից, և ասէ, ես եմ Աստ-  
ուած հօր քո. մի՛ երկնչիր, զի ընդ քեզ եմ, և օրհնեցից ըզ-  
քեզ: և բազմացուցից զզաւակս քո վասն Արքահամու հօր քո.  
և շինեաց անդ սեզան, և կարգաց զանուն Տեառն. Մննդ.  
ԻԶ. 24. 25: Որպէս և 'ի զնալն նահապետին Յակովբայ 'ի  
Խառան և 'ի ննջել նորա ընդ երեկս արժանացաւ Աստուած

ճային տեսլան և առանձնաշնորհութեան, որպէս գրեալ է. «Եւ եհաս ՚ի տեղի մի և ննջեաց անդ, զի արևն ՚ի մուտս էր, և էառ ՚ի քարանց տեղւոյն, և եդ ընդ սնարս իւր, և նընջեաց յայնմ տեղւոջ. և ետես տեսիլս, և ահա սանդուղք հաստատեալ յերկրի, որոյ գլուխն հասանէր յերկինս, և հրեշտակք Աստուծոյ ելանէին և իջանէին ընդ նա, և Տէր հաստատեալ կայր ՚ի նմա, և ասէ, «Ես եմ Տէր Աստուած Արրաս համու հօր քո, և Աստուած Իսահակայ, մի երկնչի, զի երկիրդ՝ յորում դուդ ննջեցեր, քեզ տաց զդա և զաւակի քում . . . Եւ գործեալ Յակովբ ՚ի բնոյ անտի իւրմէ, և ասէ Տէր է ՚ի տեղւոջս յայսմիկ, և ես ոչ գիտէի : Զահի հարաւ և ասէ, ահա իմն է տեղիս այս և ոչ է սա, եթէ ոչ տուն Աստուծոյ, և այս է դուռն երկնից : Եւ յարեալ Յակովբ ընդ առաւօտն և էառ զվէմն, զոր եդ ընդ սնարս իւր, և կանգնեաց զնա արձան և էարկ իւղ ՚ի գլուխ նորա, և կոչեաց Յակովբ զանուն տեղւոյն այնորիկ տուն Աստուծոյ և ասէ, և վէմս՝ զոր կանգնեցի արձան, եղիցի ինձ տուն Աստուծոյ, և յամենայնէ՝ զոր տացես ինձ, տաց բեզ տասանորդ» . Ծն . ԻԼ . 11 . 15, 16, 19 22 :

Աստուածախօս մարգարէն Մովսէս զԱստուածային նախախնամութիւնս և զառանձնական շնորհաց ներգործութիւնս՝ որք եղեն յատկապէս առ ազգն Իսրայէլացւոց՝ յիշեցուցանելով՝ պարտաւոր կացուցանէ զնոսա յիշիլ միշտ և անմուաց ՚ի մտի ունիլ յաճախ զոհութեամբ և մշտնջենաւոր փառաբանութեամբ յաղագս պէսպէս շնորհացն Աստուծոյ, զոր տեսին աչօք և վայելեցին անձամբ : Վասն որոյ ժողովեալ զնոսա առաջի իւր սկսաւ պարտուպատշաճ պատուէրս տալ նոցա յասելն՝ «Տեսէ՛ք, զի ուսուցի ձեզ զիրաւունս և զդատաստանս որպէս պատուիրեաց ինձ Տէր առնել զայն յերկրին, յոր մրտանիցէք ժառանգել զնա : Եւ պահես՛ք և արաս՛ք, զի այն է իմաստութիւն ձեր և հանձար՝ առաջի ամենայն ազգացն՝ որք լսիցեն զամենայն իրաւունս զայսոսիկ, և ասիցեն ահա՛

ժողովուրդ իմաստուն և հանճարեղ, ազգս այս մեծ է :  
Քանզի ո՞վ իցէ ազգ մեծ, որոյ իցէ Աստուած մօտ 'ի նոսա,  
որպէս Տէր Աստուած ամենայնի, որովք կարդասցուք առ նա :  
Եւ ո՞ր ազգ մեծ, որոյ իցեն իրաւունք և դատաստանք ար-  
դարք ըստ ամենայնի օրինացս այսոցիկ, զոր ես տամ այսօր  
առաջի ձեր : Հայենց 'ի քեզ, և զզոյշ լն՛ր անձին քում յոյժ,  
մի՛ մտանայցես զամենայն բանս զայսոսիկ, զոր տեսին աչք  
քո, և մի՛ մերժեսցին 'ի սրտէ քում մէ զամենայն աւուրս կե-  
նաց քոց, և խելամուտ արասցես որդւոց քոց, և որդւոց որդ-  
ւոց քոց : Զօրն՝ յորում կացիք դուք 'ի Քորեք առաջի Տեառն  
Աստուծոյ ձերոյ, յաւուրն եկեղեցւոյ, յորժամ ասաց ցիս  
Տէր, թէ եկեղեցացո՞ առ իս զժողովուրդդ, և լուիցեն զզատ-  
դամս իմ, զորս ուսուցից երկնչիւ յինէն զամենայն աւուրս,  
որչափ կենդանի իցեն զոքս 'ի վերայ երկրի, և ուսուցեն զոր-  
դիս իւրեաց» Բ. Յրինաց, Գ. 5 — 10 : Զայս ամենայն առանձ-  
նաշնորհութիւնս Աստուածային խնամոց բազում մաստաբք  
և բազում օրինակօք 'ի ձեռն մարգարէից յայտներոց առ իս-  
րայէլեան ազգն միահաղոյն յիշելով հոգենուազ մարգարէն  
Գաւթի իրզէր և ասէր. «Ոչ այսպէս արար ամենայն ազգաց  
Տէր, և զգատաստանս իւր ոչ յայտնեաց նոցա» Առդմ. ԽԵ. 10 :

Արդ՝ եթէ իսրայէլեան ազգն միջնորդութեամբ Աստ-  
ուածահաճոյ նախահարցն և սրբոց մարգարէիցն յատուկ  
զԱստուածային նախախնամութեան շնորհ վայելելով պար-  
տաւորեցան զոհանալ զԱստուծոյ և յաճախել զփառարանու-  
թիւնս իւրեանց, ապա ո՞րչափ ևս առաւել նախանձախնդիրն  
Աստուածպաշտութեան ցեղն Հայկայ ազգ մեր Հայոց զոհու-  
թիւնս և փառարանութիւնս պարտաւորեսցի մատուցանել  
առ Աստուած, որ 'ի սկզբանէ աշխարհի նախասահմանեաց  
զերազանց խնամովք պարգեւել ազգիս Հայոց զբազմազիմի ա-  
ռանձնաշնորհութիւնս, զորոց ուրոյն ուրոյն մնայ մեզ զրեւ  
'ի ստորե :



Առանձնաշնորհութիւն Հայոց յաղագս Հայկայ սերելոյ 'ի Յարեթական  
օրհնեալ տոմէն :

Մասնաւոր խնամօքն Աստուծոյ սերունդք Հայկայ ա-  
 ձեցան յարմատոյ անտի սերնդեան Յարեթայ որդւոյ Նոյի,  
 վասն զի Հայի որդի էր թորգոմայ, և թորգոմ որդի թիրասայ,  
 թիրաս որդի Գամերայ, որդւոյ Յարեթայ՝ որ օրհնեցաւ 'ի հօրէ  
 իւրմէ 'ի Նոյ նահապեաէ այսու բարեմաղթութեամբ. «Ընդ-  
 արձակեսցէ Աստուած Յարեթի, և այլն»։ Յննդ. Թ. 27 :  
 Բանք օրհնութեան և մաղթանացս յոյժ համաւօտ երևին,  
 բայց զանազան զօրութիւնս Աստուածայինս պարունակեն յին-  
 քըն, կամէր ասել այրն Աստուծոյ սիրելի որդեակ իմ Յարեթ,  
 ընդարձակեսցէ ամենազօր Տէր Աստուած, այսինքն յաջողեսցէ  
 քեզ համարձակ և աներկիւղ գործել զհաճոյս բարերար կա-  
 մաց իւրոց, ոչ երբէք տկարացին զօրութիւնք անձին քո  
 յրնթացս կենաց քոց առաջի թ շնամեաց քոց, նուաճեալ  
 ընկձեսցին ընդ զօրութեամբ քով ամենայն հակառակորդք քո,  
 ընդարձակեսցի Աստուածպաշտութեան խորհուրդ մտաց քոց,  
 ահա՛ սաղմոսերգուն Գաւթի զայս բարեմասնութիւն Աստ-  
 ուածային զօրութեան յանձին իւրում տեսանէր շնորհեալ  
 յԱստուծոյ, ուստի գոհարանելով երգէր առ Տէր Աստուած.  
 «Ընդարձակեսցեր զզնացս իմ 'ի ստորէ իմմէ, և ոչ տկարացան  
 շաւիղք իմ»։ Սաղմ. ԺԷ. 36 : Եւ որդին Գաւթի իմաստ-  
 նացեալն Սողոմոն յայս միտ խրախոյս տայ առաքինասէր ան-  
 ձանց յասնն՝ «Եւ ոչ երկիցես 'ի զարհուրանաց 'ի վերայ հա-  
 սերոց ամբարշտաց, և յարշաւանաց 'ի վերայ եկեղոց, զի Տէր  
 եզկցի 'ի վերայ ամենայն ծանապարհաց քոց, և հաստատեսցէ  
 զտոն քո, զի մի՛ սասանեսցի»։ Առակ. Գ. 25. 26 : Ապա ի-  
 րաւամբ պանծայ Մովսէս Խորենացին յաղագս լինելոյն մերս  
 ազգի ծնունդ և սերունդ նախնի նահապետին մերոյ Հայկայ

որդւոյ Յարեթի օրհնեցելոյ՝ ի հօրէ՛ի Նոյ նահապետէն: Այս  
 Հայկ օրդի Թորգոմայ, որդւոյ Թիւրասայ, որդւոյ Գամբայ, որդւոյ  
 լոյ Յարեթի, նախնի հայաստանեայց և այս ազգ նորա և ծը-  
 նունդք աշխարհ և բնակութեան և յայսմ հետէ սկսան՝ ասէ,  
 բազմանալ և ընդ զերկիրն Վերք Ա. ելես 29: Սոյնպէս  
 և ստուգապատումն Յովհաննէս կաթողիկոս գրէ ՚ի պարճանս  
 ազգիս. «Եւ այնուհետև յայնմանէ ծանուցաւ մեզ մերոյն ան-  
 վերէպ զըուցաց հաւաստիք: և խնացեալ զխոսցոք զարի  
 սկայազօր ակոյեանն զեղեյիկ զՀայկ գոլ օրդի Թորգոմայ և  
 նախնի նահապետ և սերունդ ազգի մերոյ»: երես 11:

ԳՐՈՒՒ Բ.

Պատերազմն Հայկայ ընդ Բէյայ վասն Աստուածպաշտութեան՝ պար-  
 ճանք է Հայոց:

Սքանչելի առանձնաշնորհութիւն վերնախնամ տեսչու-  
 թեան ներգործեցաւ ՚ի բարեխոհ միտս Հայկայ, որով յուսա-  
 ցեալ յամենակարողն Աստուած, նախանձախնդիր եղեալ Աստ-  
 ուածպաշտութեան, անարդեաց զառաջնորդն կռապաշտու-  
 թեան՝ զամբարտաւանն և զամբարիշտն Բէյ, որպէս գրէ Վար-  
 դան վարդապետ պատմիչն մեր յազգս Հայկայ քաջութեանն  
 և նախանձախնդիր լինելոյն Աստուածային փառացս «Ոչ պաշ-  
 տեաց՝ ասէ, ընդ եօթանասուն և մի նահապետսն երկրի ըզ-  
 պատկերն Բէյայ, այլ խրախուսեալ յԱստուած՝ սատակեաց զնոյն  
 ինքն զկենդանին զառաջնորդն կռապաշտութեան»: ՚ի Գով-  
 ՚ուսաւորչին:

Ըստ այսմ գրէ և խորնացի սուրբ Հայրն մեր՝ եթէ Բէյ  
 ՚ի հաստատել զթագաւորութիւն իւրաւ ամենսխին, և բզ-  
 Հայկ միայն գտեալ նախանձախնդիր Աստուածպաշտութեան  
 սերնդովք իւրովք՝ «Առաքէ ասէ, ՚ի կողմն հիւսիսոյ զմի ոմն  
 յորդւոյ իւրոց առ Հայկ արամբք հաւատարմօք, զայ նմա ՚ի

հնազանդութիւն և կեալ խողաղութեամբս. և եկեալքն ըզ-  
խորխոր պատգամս Ներբողութայ ազդէին առ վնհազն Հայկա-  
սերով. «Բնակեցեր՝ ասէ, 'ի մէջ ցրտութեան սառնամանեաց,  
այլ ջնուցեալ մեղկեա՛ զցրտութիւն սառուցեալ քո հպար-  
տացեալ բարեցի. և հնազանդեալ ինձ՝ կեանց 'ի հանդարտու-  
թեանս. ուր հաճոյ է քեզ յերկրիս իմում բնակութեան : Եւ  
'ի բաց գործուցեալ Հայկայ զպատգամաւորան Բէլայ՝ իմաս-  
տութեամբ պատասխանեաց. դառնայ առաքեալն անդրէն 'ի  
Բաբելոն, ապա զօրածողով լինի 'ի վերայ նորա Տիտանեանն  
Բէլ ամբոխիւ հետեակ զօրաց, զայ հասանէ 'ի հիւսիսի եր-  
կիրն Արարտայ մերձ 'ի տունն Կաղմեայ, փախտական լինի  
Կողմոս առ Հայկ, քաջն թայիկս առաջի իւր առաքէ, զի-  
տեա՛ ասէ, ո՞վ մեծդ զիւցազանց, զի զիմեալ զայ 'ի վերայ քո  
Բէլ յաւերժիւք քաջօք և երկայնադիզօք հասակօք սկայիւք  
մրցողօք : Եւ իմացեալ իմ զմերձ լինիլն նորա 'ի տուն իմ,  
փախեայ, և գամ ահաւասիկ տազնապաւ : Արդ՝ աճապարեալ  
խորհել որ ինչ զործելոց ես : Իսկ Բէլ յանդուզն և անձոռնի  
զօրութեամբ ամբոխին, որպէս յորձան ինչ սաստիկ ընդ զառ-  
'ի վայր հեղեալ՝ փութայր հասանել 'ի սահմանս Հայկին, 'ի  
սիրտ և 'ի մարմին վտասհացեալ արանց զօրաւորաց : Աստ  
ուշիմ և խոհեմ սկայն քաջագանգուր և խայտակն աճապա-  
րեալ հաւաքէ զորդիս իւր և զթուունս արս քաջս աղեղ-  
նաւորս թուով յոյժ նուազունս, և զայլ ևս որ ընդ իւրով  
ձեռաբ, հասանէ յեզք ծովակի միոյ, որոյ աղինն ջուրքն.  
մանունս ունելով ձիունս յինքեան, և կոչեցեալ զզօրս իւր՝  
ասէ ցնոսա, յիշաննն մեր հանդէպ ամբոխին Բէլայ, զիպեալ  
ջանասցուք տեղւոյն, ուր անցեալ կայ 'ի մէջ խառն քաջացն  
Բէլ : Զի կամ մեայուր, և ալիս մեր 'ի ծառայութիւն Բէլայ  
կացցէ, կամ զաջողութիւն մատանց մերոց 'ի նա ցուցեալ-  
ցրուեսցի ամբոխն, և մեք եղիցուք յաղթութիւն ստացեալքս  
. . . Եւ հասեալ երկոցունց կողմանց սկայիցն 'ի միմեանս.

ահագին դղրդիւն 'ի վերայ երկրի առնէին շահատակելոյն, և ահա պակուցանողս տարազուք յարձակմանց զմիմեամբք արկանէին: Անդ ոչ սակաւք յերկոցունց կողմանց սկայից արք յաղթանդամք բերանոյ սրոյ դիպեալք, տապալ յերկիր կործանէին, և մարան յերկոցունց կողմանցն մնայր անպարտելի: Զայսպիսի անակնուհեղի դիպուած տարակուսանաց տեսեալ արքայն Տիտանեան զարհուրեցաւ, և 'ի նոյն բլուր՝ ուստի էջն, վերջոտնեալ ելանէ, քանզի խորհէր 'ի միջոցի ամրանալ ամբոխին, մինչև հասցէ բովանդակ զօրն, զի միւսանգամ ճակատ յօրինեացէ: Զայս իմացեալ աղեղնաւորին Հայկայ, յառաջ վարէ զինքն, մօտ հասանէ յարքայն, լի քարշէ պինդ զայնպիճն, դիպեցուցանէ զերեքթեանն կրծից տախտակին, և շնչօրնդ մէջ թիկանց թափանցիկ լեալ յերկիր անկանի սլաքն, և այսպէս ճոխացեալն Տիտանեան կործանի, յերկիր զարկուցեալ և փչէ զողին, իսկ ամբոխն տեսեալ զայսպիսի ահագին դործ քաջութեան, փախեան իւրաքանչիւր դէպ երեսաց իւրեանց, և վասն այսորիկ այսչափ բովանդակ լեցի ասելւ . Ա . Գիրք, ԺԱ:

Զայս Աստուածաշնորհ քաջութիւն Հայկայ և զԱստուածընդդէմ խրոխտ յարձակումն Բէլայ պարզ և դիւրահաս բանիւք նկարագրէ Յովհաննէս կաթողիկոս պատմագիրն: Եւ այնուհետև յայնմանէ ծանուցաւ մեզ մերոյն անվրէպ զբուցաց հաւաստիք, և իմացեալ զխոացաք զարի սկայազօր ախոյեանն գեղեցիկ զՀայկն գող որդի Թորգոմայ և նախնի նահապետ և սերունդ ազգի մերոյ: Եւ զսոյն սա զիտէ բանս ընդ վիթխարի ըսկայիցն միակամեալ գործել զբարձրարերձ ամբարտակին շինուած ամբարտաւանութեան, որք կարծէին կարել կատարել զամբարշտութեանն խորհուրդ: Իսկ ըստ Աստուածայնոցն պատմութեանց՝ հողմն ահագին զոգցես իմն Աստուածային հրամանաւն շնչեալ զբուրդն բարձրարերձ 'ի վայր հոսեալ կործանէր՝ զնոցայն ցուցեալ անվաստակ տքնութիւնս: Այսուհետև ապա Ներբովթն՝ որէ Բէլ, խրոխտաբար ձեռներէց լեալ



և 'ի վեր զինքն ամբարձեալ միապետել հնարէր առ հասարակ 'ի վերայ այլոցն ես սկոյլոց : Իսկ մերոյն Հայկայ՝ ուժեղակաբար ընդվզեալ և արտաքս զինքն 'ի հնազանդութենէ Բէլայ բերեալ՝ դայ հասանէ վաղվաղակի յայս աշխարհ մեր Արամանկաւ որդու վերով. զոր ծնաւ 'ի Բարխլոն. և այլ զբստերբք և թռուսմք, և ընդոճնեօք և եկօք յարելովք 'ի նառ իսկ Ներբովթն որ է Բէլ՝ զինի հետամտեալ Հայկայ հանդերձ իւրովքն ևս հրոսակօք արամբք կորովեօք յաղեղն և 'ի սուսներ և 'ի տէգ նիզակաց, և բախեալ 'ի դիմի հարեալ միմեանց 'ի ձորադաշտի միջ ահագին իմն զզոգմամբ իրբ և ընդ զառ 'ի վայր հեղեալ զսաստիկ ուղիւից վրդովումն այսպէս ահա իմն պահուցանօղս և սարսափելիս զմիմեամբք շահատակելովն արկանէին : Իսկ մերոյն Հայկայ լայնալիճ աղեղամբ զբեքթեալ և եանն նետ զիպեցուցեալ երկաթագամ տախտակի կրծոյն Ներբովթայ՝ թափանցանց ընդ թիկունս յայնկոյս յերկիր հարստէր :

ԳՆՈՒԻ Գ .

Անդրանիկ լինել Հայկական լեզուի է առանձնաշնորհութիւն ազգիս :

Աստուածային նախախնամական առանձնաշնորհութիւն առ ազգս Հայոց եղև և այս իսկ, զի յայն Աստուածաստ պատժոց խառնակութենէ լեզուաց ազատ մնաց լեզուն Հայկազեան, մինչդեռ Աշտարակաշինութիւնն ամենախրոխտ ամբարտաւանութեամբ Բէլայ հնարեալ 'ի Բարխլոն կրեաց յԱստուածուստ պատիժ պատուհասի՝ ըստ այնմ, շեւ ասէ Տէր, ահա ազգ մի և լեզու մի ամենեցուն, և զայդ սկսան զործել և ոչինչ պակասի 'ի նոցանէ, զամենայն՝ զոր ինչ յօժարեսցին զործել : Եկայք իջցուք և խառնակեսցուք անդ ըզլեզուս նոցա, զի մի՛ լիցեն իւրաքանչիւր բարբառոյ ընկերի իւրոյ : Եւ սփռեաց զնոսա Տէր Աստուած անտի ընդ երեսս

ամենայն երկրի. և զաղարեցին 'ի շինելոյ զքաղաքն և զաշտարակն. վասն այսորիկ կոչեցաւ անունն նորա խառնակութիւն. զի անդ խառնակեաց Տէր Աստուած զիզուս ամենայն երկրի. և անտի ցրուեաց զնսսա Տէր Աստուած. Ընդ երեսս ամենայն երկրի. Մննդ. ԺԱ. 6-10 :

Իսկ նախ քան զայս խառնակութիւն լեզուաց էր լեզու մի և բարբառ մի. որպէս գրի յԱստուածաշնչի. Եւ էր յամենայն երկրի լեզու մի և բարբառ մի ամենեցուն. Մննդ. ԺԱ. 1 : Ահա այս Աստուածագրեցիկ լեզու և բարբառ զկնի ջրհեղեղին քնաց 'ի նահապեանն Նոյ և յորդիս նորին 'ի Աբմ. 'ի քամի. և 'ի Յարեթ. որք ոչ մեկնեցան 'ի գաւառէն Հայաստանի. որ կոչի Նախիջևան այսինքն նախնի իջևան. որպէս գրէ Յովսեփոս պատմիչ. Եւ թէ այնպիսի անուամբ կոչեցաւ տեղին այն 'ի լեզու Հայոց Նախիջևան. որ յաւարէն ասի Առք-Քէր-Քէր. այսինքն իջևան. այլ միայն Հայկ նահապեան մեր դնաց 'ի Բարսիլոն. և նկատեալ անդանոր զչարախորհուրդ դառաջարիութիւնս կռապաշտութեան ամբարշտին Բէլայ. և նախանձախնդիր խորհրդով Աստուածային փառացն մեկնեալ անտի սերնդովք իւրովք եկն յիջևանս մեծի նահապետին Նոյի. և զլսողին 'ի բոց թողեալ զԱստուածասաստ լեզուն և ըզբարբառն խառնակութեան՝ որ 'ի Բարսիլոն՝ սկսաւ սերնդովք իւրովք խօսիլ հանապազ զայն Աստուածաշնորհ հայրենական լեզուն. որ աւանդեցաւ 'ի նահապետէն Նոյի. և զկնի յողմելոյ նորա զԲէլ Աստուածազօր քաջութեամբ և խոհեմութեամբ ժառանգէ. տիրէ հայրենատուր աշխարհին իւրոյ՝ ամենայն բարեկարգութեամբ յարդարեալ զբազմատեսակ գործս քաղաքականս և զշինուածս աշխարհիս. որով Արարատեանս երկիր անուանի Հայաստան : Զայսմանէ տայ ծանօթութիւն համառօտակի Յովհաննէս կաթողիկոս պատմիչն. Եւ այնպէս զնա (զԲէլ) սատակեալ ինքն (Հայկ) տիրէ հայրենատուր վիճակեալ աշխարհին իւրոյ. յիւր անուն անուանելով զսա

Հայք : Եւ յետ այսորիկ բազում զործս քաղաքականս յար-  
դարեալ և շինութեանց աշխարհի պարսպեալ և կեցեալ ամս  
նչ սահաւս մեռանի. հաւատսլով զսչսորչ մեր Արամա-  
նեկայ որդոյ իւրոյ :

Անքեացի այս խորհրդածութիւն մեր բանիւ խնասանոյն  
Սողոմոնի. որ յիշեցուցանէ մեզ զարդարութիւնն Նոյի և  
զԱստուածային խնամօք ազատ և անարատ մնայն նորին 'ի  
չարոյսօժար միարանութենէ անախ աշատրախին շինութեան  
և զամբծութիւն բարբառոյ լիզուին 'ի բարխլանական խառ-  
նակութեանցն խօսից զնախանձախնէիր փառացն Աստուծոյ  
զքաջն Հայկ հզօր անուամբ նշտնակելով. շնոյն և 'ի միարա-  
նութիւն շարութեան ազգացն շիտթելոց ծանեաւ զարդարն  
և պահեաց զնա անարատ Աստուծոյ : Եւ 'ի վերայ որդոյն  
զթուլեմամբ պահեաց զհզօրն : Իմաստ . Ժ . 5 :

ԳՆՈՒՆ Դ.

Նիստ Նոյեան տապանին 'ի լեառն Արարատ 'ի Հայաստան' պար-  
ծանք է ազիս Հայոց :

Ո՛չ փոքր առանձնաշնորհութիւն Աստուածային բարե-  
բարութեանն եղև առ ազգս Հայոց, զինի զպաշարելոյ ջրհե-  
ղեղին նիստնոյեան տապանին 'ի լեառն Արարատայ՝ զոր ատուզե  
սուրբ Պիրն. շեւ նստու տապանն յեթեմերորդում ամսեանն  
'ի քսան և եօթն ամոսն 'ի լեռինս Արարատայ. Մննչ . Ը . 4 :  
Եւ լեառնս այս անուանեալ Արարատ կամ Մասիս է 'ի Հա-  
յաստան. զոր ոչ միայն ազգոյին պատմիչք մեր հաստատեն,  
որպէս Խորենացին, ցովհաննէս կաթուղիկոսն, Մազխարոս, և  
Վարդան, այլև բազումք յարտաքին պատմագրաց ստուգեալ  
հաստատեն որպէս Արիւղենոս 'ի Քրանիկոն Եսեբեայ՝ թղթ .  
50 . գրէ : Եւ նաւն երթեալ յաշխարհն Հայոց դադարէր, և  
'ի փայտիցն գեղ օղնակահութեան բնակչաց աշխարհին պար-  
գեւէր : Սապէս և բերոս քաղզէացի ըստ վկայելոյ Յովսե-

պոսի՝ի նոյն Քրոնիկոնի, ՔղԹ, 65, վիպագրեաց և զարկղակերպ տապանէն, որով Նոյ նախնին մերոյ ազգիս ասրեցաւ: Եւ երթեալ դաշարէ ՚ի գուլա լերանց Հայաստան\* աշխարհին: Եւ ստաբէոս Անախոբացի ՚ի չորրորդ դարուն գրէ, ճապանն Նոյի ամբարձեալ ՚ի ջուրց՝ եկաց ՚ի գաղաթն լերին, որէ ՚ի Հայաստան: Եւ սուրբն Յովհանն Ռսկերեքան հաստատէ զոյս ամենայն ՚ի բանս Ա. Քեսաղ. ճառ Ը. Էւ աւատայցէ՞ք արդեօք եթէ եղև ջրհեղեղ, եթէ զառանցելոց ինչ բանք թուլցին ձեզ ուր և լերինքն, յորս տապանն դադարեաց, վայնն, զՀայոց լերանցն ասեմ: Եւ ի ճառն սիրոյ ասէ. «Այսքէն և զարդիս լերինք Հայաստանեայց վասն ջրհեղեղին վիայնն, ուր եկաց տապանն Նոյի, ոչ պարէն և այժմ՝ անդանօր պահեալ կան նշխարք նորուն ՚ի մեր խրատ:»

Արդ՝ հարկէ դիտել և ճանաչել մեզ, եթէ քանի՞ առանձնաշնորհութիւնս եղև Յարեթեան ցեղիս նստելով Նոյի տապանին ՚ի լերինս Արարատայ՝ որ ՚ի Հայաստան, քանզի նախ Աստուածային մարդասիրական խնամոց և նախասահման պահպանութեան սերնդոց արդարոյն Նոյի, առաջին սեղան ողջակիզացն փառարանութեան առ Աստուած՝ կազմեցաւ ՚ի Հայաստան՝ ուր տապանն հանդեաւ, ըստ այնմ՝ Եւ շինեաց Նոյ սեղան Աստուծոյ, և էառ յամենայն անասնոց սրբոց և յամենայն թռչնոց, և ևհասն ողջակէզ ՚ի վերայ սեղանոյ, և հաստեցաւ Տէր Աստուած ՚ի հոտ անուշից՝ Մննդ. Ը. 20, 21: Երկրորդ՝ յետ ջրհեղեղին ծաւալեցաւ ՚ի Հայաստան աշխարհի ՚ի վերայ սերնդոցն Նոյի Աստուածային հողենորոգ օրհնութիւնն. Եւ օրհնեաց Աստուած զՆոյ և զորդիս նորա, և ասէ ցնոսա, աճելէ՞ք և բազմացարուք և լցէ՞ք զերկիր և օրհնէ՞ք զմաս. Մննդ. Ք. 1: Եւ երրորդ՝ առաջին քարոզ Աստուածպաշտութեան և Աստուածահաճոյ արդարութեան ըսկզբնաւորեցաւ ՚ի Նոյէ՝ ՚ի Հայաստան աշխարհի որպէս գրէ սըր-

\*) Ի բնագրին՝ Հայոց քն:



բազան Առաքեալն Պետրոս. «Զու՞թ երորդն զնոյ՝ զարդարու-  
թեանն քարոզ պահեաց 'ի ջրհեղեղէ աշխարհի, ամբարշտե-  
լոցն ածեալ»։ Բ. Պետ. Բ. 3 :

ԳԼՈՒԽ Ե.

Յատուկ ատանձնաշնորհութիւն եղև Հայոց նախ առաջին քարոզութիւնն  
քրիստոնէական հաւատոյ 'ի Հայաստան՝ Մոզուցն, որք եկին երկիր-  
պագանել սուրբ ծննդեանն ֆրիստոսի :

Այլ իմն հրաշալի ատանձնաշնորհութիւն Աստուածա-  
յին սքանչելի տնօրէնութեանն յայտնեցաւ 'ի Հայաստան աշ-  
խարհիս յաւուրս երկրպագելի ծննդեանն Յիսուսի ֆրիստոսի.  
զոր գրէ սրբազան ակետարանիչն Մատթէոս. «Եւ 'ի ծնանիլն  
Յիսուսի 'ի Բեթղեհէմ՝ Հրէաստանի յաւուրս Հերովդէի ար-  
քայի, ահա Մոզք յարևելից եկին յերուսաղէմ. և ասնն, ո՞ր  
է՝ որ ծնաւ արքայն Հրէից, զի տեսաք զաստղն նորա յարև-  
ւելս, և եկաք երկիրպագանել նմա»։ Բ. 1.—1.22 :

Արդ՝ արժան է նկատել թէ այս նորատեսիլ Հրաշալի  
աստղն Աստուածային կուսական ծննդեանն Յիսուսի շնորհաց  
և փառացն յայտարար՝ ո՞ր երևեցաւ, յայտնի առնէ ակե-  
տարանական բանն թէ՝ «Ահա Մոզք յարևելից երկին յերու-  
սաղէմ» և թէ՝ «Տեսաք զաստղն նորա յարևելս»։ բառիսս  
«իս» իմանի Հայաստան աշխարհ, քանզի երջանիկ Մոզքն՝ որք  
ունէին զուսումն աստղարաշխութեան 'ի նախկին հեղինակոց  
Զարեանդ և Մոզս անուանեալ նահապետաց իւրեանց սերելոց  
'իսերնդոյ նահապետին Ամայէին յարևելից յաշխարհէն Պարսից  
և Պարթևաց, ուր կայր առաջին գաւառ Մոզս անուանեալ.  
Թո՛ղ զի Պարսիկք և Պարթևք Մոզք կոչէին 'ի ժամանակնս  
Արդ՝ Մոզս է մի 'ի գաւառաց աշխարհին Հայոց՝ կոչեալ Մոկ  
յանունն նահապետի ուրումն հայկազնոյ, յորմէ և ծառալե-  
ցաւ ուսումն մոզութեան. որպէս Մովսէս քերթողահայրն յիշէ  
'ի կարգս նախարարացն Հայոց և զիշխանն Սուրայ յասելն.

«Սուրայ յողզէն Մոկայ» և թէ՛ «Եր երբ մն զՏեա երամա-  
կաց ցռուց յանդգնագոյնս արշաւեալ ընդ խորտարորտն և  
'ի վնտուտ տեղիս, յորմէ կասել սկսաւ Շապուհ, իսկ Ատուհայ  
Մոկացուց եպերեալ զնա ասէ, զնա՛, զնա՛ Աստուածորդիդ Պար-  
սից, թէ այր իցես»։ Գ. Գիրք. ԻԳ. ՄԵ : Եթէ որ կամի զըն-  
դարձակն իմաստիցս տեսնել, ընթերցցի զՀնախօսութիւն  
Հայաստանեայց. Հատ. Գ. 52, 55 :

Արդ յայսմ աշխարհէ՛ որ անկանի ընդ արևելլ, եկին  
Մողքն՝ որով լոյս յայտարար շնորհաց երկրպագելի սուրբ ծը-  
նընդեանն Յիսուսի ծագեցաւ 'ի վերայ Հայաստան աշխար-  
հի նորատեսիլ և հրաշալի աստեղըն, որ լուսեղէն բարբառով  
իրբև թէ քարոզէր աշխարհիս, եթէ լոյսն յաւիտենական  
ծագեցաւ, ապա 'ի բաց արարէ՛ք զխաւարային գործս մեղաց,  
մտտիք առ Տէր և առէ՛ք զլոյս, և երեսք ձեր մի՛ ամաչես-  
ցնն, թողէ՛ք զգերութիւն ստտանայի, որ բերէ զյաւիտենա-  
կանն դատապարտութիւն, քանզի երևեցաւ շնորհն Աստու-  
ծոյ փրկիչ ամենայն մարդկան, թողէ՛ք զհոգեկորոյս մոլորա-  
կան և զղիւական պաշտօնն կռամոլութեան, քանզի Աստուած  
'ի մարմնի ծնաւ ձեզ. փութասջիք 'ի բէթղեհէ՛մ 'ի մտերն եր-  
կրպագանել սքանչելահրաշ մարդասիրական Աստուածային  
յայանութեանն. փափազեսջիք շնորհնկալ լինել և ուսանիլ  
'ի հրեշտակաց զպարտուպատշաճ փառարանութիւնս գոհու-  
թեամբ հանդերձ վերառարել 'ի բարձունս, որ հաճեցաւ իջա-  
նել յերկնից 'ի փրկութիւն մարդկայինս բնութեան : Եւ ընդէր  
Մողքն եկին յերուսաղէմ, վասն զի ծանօթք էին մարգարե-  
ական աւանդութեան Բաղասմայ Բեովրեան միջագետացոյ  
սահմանակից եղելոյ Մոկաց, եթէ ծագելոց է հրաշալի աստղն  
Յակովբայ, որպէս գրեալ է : «Ծագեցէ աստղն Յակովբայ, և յար-  
իցէ այր յարայելէ, և հարցէ զիշխանս Մովարայ, և առցէ  
աւար զամենայն որդիս Սեթայ»։ Թուոց. ԻԳ. 17 : Արդ՝ իբրև  
տեսին Մողքն զաստղն նորահրաշ, յիշեցին զմարգարէական

աւանդութիւնն Բաղասամայ, որ հռչակեալն էր յարեւելս 'ի Մուկրս և 'ի Միջագետս, և փութացան ճանապարհորդել Աստուածային շնորհացն ներդործութեամբ 'ի սիրտս իւրեանց, զայս իմաստս ղեղեցիկս ճառէ Ներսէս Շնորհալի 'ի Մեկն. Մատթէոսի. Բաղուամ քննութեան պէտք էին մեզ, թէ ուսա՞մ Մողք էին, և յորմէ՞ աշխարհէ, և ո՞ յորդորեաց, ա՞ծ զնոսա, և յի՞նչ պատճառս, ազգաւ 'ի Պարսից էին և աշխարհաւ յարեւելից, որպէս Աւետարանիչս ցուցանէ, րայց շարժման նոցա պատճառ, ոչ յինքեանց յատուկ և ոչ յԱստուծոյ առանձին, այլ ինքեանք յօժարեցան և Աստուած յորդորեաց :

Եւ ըստ սրբոյն Դիոնեախոսի Արիսպագացոյն. «Բնաւորական է մարդոյ զգալնօք զալ յիմանալիսն» : Արդ՝ զգալի էր աստղն, և իմանալի ներքին լուսաւորութիւն մտաց նոցա, որպէս ասէ Ոսկերեան, «Թէ ոչ միայն աստղն թուի ինձ ըզգործն զայն ցուցանել, այլև Աստուած, որ 'ի միտս նոցա արկանէր, և ոչ զանձնիշխանութիւն նոցա խափանեաց այնու, իբր թէ բանի վարելով, այլ ինքեանք յօժարեցան և Աստուած յորդորեաց : Այս երանելի Մողքս մինչ իմաստասիրեցին ըզնորատեսիլ աստեղն գուշակութիւն, յԱստուածային ազդեցութենէն յորդորեալ կատարեցին զհոգեոր իղծս իւրեանց 'ի Բեթղեհէմ 'ի սուրբ այրին երկրպագանելով Աստուածորդւոյն Յիսուսի փրկչին մարդայելոյն վասն մեր, մատուցանելով ըզխորհրդական ընծայս իւրեանց՝ որպէս զրէ աւետարանիչն Մատթէոս. «Եւ իբրև մահն 'ի տուն, տեսին զմանուկն Մարեմաւ մարբն իւրով, և անկեալ երկիրպագանէին նմա, և բացեալ զգանձս իւրեանց մատուցին նմա պատարագս ոսկի, կնիւրուկ և զմուռս» . Բ. 11 : Զայս խորհրդական նուիրեալ պատարագս յիշատակէ յերգսն Շարահանի մերօւմ քերթուղահայրն մեր Մովսէս Խորենացի : «Եւ Մողքն աստեղն նշանաւ եկին 'ի Բեթղեհէմ երկրպագին Տեառն, և 'ի յայրին մատուցին զընծայս խորհրդոյ» : Զտեսութիւն խորհրդական և

բարոյական մտաց ընծայիցն երջանիկ Մոզուց բացատրէ հոգեւոր վարդապետութեամբ Ներսէս Շնորհալի գրելով 'ի Մեկն. Մատ. Ա. 11 «Այլ զի՞նչ ոսկի և կնդրուկ և զմուռս, քանզի զկեկեղեցական պաշտօնս յառաջադոյն ցուցանէին, զի զօսկին ընծայէին որպէս երկնաւոր թագաւորի, իսկ կնդրուկն որպէս Աստուծոյ, և զմուռն իրրև հանդերձեալ մեռելոյ : Աւ դարձեալ, քանզի մարդիկ յոսկի պատկերս երկիրպագանելով դիւաց, որպէս առ Քաղզէացւոյքն օտարացուցին զնա յԱստուծոյ, իսկ նոքա 'ի դիմաց հեթանոսաց նուիրելով նմա զուկին հանդերձ երկրպագութեամբ, անդէն դարձուցին զպատուականութիւն նիրթոյն առ արարիչ իւր, և կնդրուկն՝ քանզի անուշահոտ է, նշանակեցին՝ զի հոտովն անուշից՝ որ 'ի նըմանէ՝ լուծանելոց էր հոտն մահու՝ որ բղխեաց յօձէն, իսկ զմուռն՝ զի նա է բժշկական՝ յայտ արարին, զի բժշկելոց էր նա զբեկումն Արամայ : Արդ՝ 'ի գառնալն Մոզուց հարկադրէին արդարև հռչակել յերկիր իւրեանց 'ի Մոզս 'ի Հայաստան աշխարհի զԱստուածայայտութիւնն՝ զոր տեսին 'ի Քթղեհէմ, ըստ ներքին Աստուածային ազգեցութեան պարտաւորեալ որպէս և քարոզեցին 'ի Միջագետս և 'ի սահմանս նորս որում մերձ էին : Ըստ Յովհաննու աւետարանչին իրաւորանելով՝ «Կեանքն յայտնեցան, և տեսաք, և վկայեմք, և պատմեմք ձեզ զյաւիտենական կենացն, որ էր աւ շօր և երևեցաւ մեզ : Զոր տեսաքն և լուաք, պատմեմք և ձեզ, զի և դուք հաղորդութիւն ունիցիք ընդ մեզ» : Ա. Յովհ. Ա. Զ. Ծ : Զքարոզութիւն երջանիկ Մոզուցս հաստատէ սուրբն Յովհանն Ռակեբերան, «Ընդ այլ ճանապարհ զնային՝ ասէ, յաշխարհն իւրեանց, զի՞նչ պաշտօն կալան անդ յաշխարհին, բայց միայն զայն Աստուածայայտութեան շնորհ, զնոյն քրիստոնէական փրկագործ տնօրէնութեանն լոյս, որում ականատես եղին, հռչակեցին և քարոզեցին անվեհեր յամենայնի» :



Առանձնաշնորհութիւն էր ազգիս անդրանկհաւատութիւն թաղաւորին մերոյ սրբոյ Արգարու 'ի Քրիստոս, որով սկիզբն եղև 'ի Հայաստան լուսաւորութեան 'ի քրիստոնէական հաւատս :

Առանձնաշնորհութիւն եղև ազգիս ըստ Աստուածային ըսքանչեւի նախասահմանութեանն, քանզի 'ի քարոզութենէ երանեւի Մոզուցն ծագեցաւ լոյս ճշմարիտ քրիստոնէական հաւատոյ 'ի միտս բարեպաշտ թագաւորին մերոյ Արգարու՝ որ էր 'ի Միջագետս, յայտմ քարոզութենէն՝ ճշտակաւ արծարծեալ 'ի միտս նորին այս լոյս Աստուածաշնորհ, մինչ վերադարձեալ յերուսաղեմայ եկին երեք հաւատարիմ նախարարքն նորա : Վասն զի կենարարին մերոյ Յիսուսի Քրիստոսի սքանչելագործութեանն ականատեսս եղին, և եկեալ պատմեցին նմա, ընդ որ յոյժ զարմացեալ առաւել ևս հաստատեցաւ 'ի հաւատս, և 'ի հեռուստ անտի զհաստատուն յոյս իւր և զկատարեալ սէրն ուղղեալ հաստատեաց բոլորով սրտիւ 'ի Քրիստոս Յիսուս 'ի Փրկիչն աշխարհի, որպէս պատմէ Մովսէս Խորենացի յասնին՝ Էւ և նոցա դարձեալ անտի ելին յերուսաղէմ տեսանել զՓրքկիչն մեր Քրիստոս վասն լոյս համբաւոյ սքանչելագործութեանցն, որում և ականատեսս եղեալ պատմեցին Արգարու, ընդ որ զարմացեալ Արգարու հաւատաց ճշմարտապէս իւր յարգարև Որդի Աստուծոյ, և ասէ, այն զօրութիւնքն զմարդոյ են, այլ Աստուծոյ, զի չեք որ 'ի մարդկանէ որ կորէ զմեռեալս յարուցանել, բայց միայն Աստուած: Եւ քանզի ապականեալ էր մարմին իւր 'ի չարաշար ցաւոց, որ պատահեցին նմա 'ի Պարսից աշխարհին յառաջքան զեթն ամ, և 'ի մարդկանէ ոչինչ եղև հետք նմա բժշկութեան, և տասնել թուղթ աղաչանաց զալ և բժշկել զնա 'ի ցաւոյնս: Այսու համարձակութեամբ ճշմարտութեան հաւատոյ փութացաւ զրել աղերս ջերմեռանդութեան առ Յիսուս Քրիստոս Փրկիչ աշ-

խարհի՝ սրինակ զայս. «Արդար Արշամայ իշխանի աշխարհի առ Յիսուս Փրկիչ և բարերար, որ երևեցար աշխարհի երուսաղէմացւոց, ողջոյն :

Առեալ է իմ վասն քո և վասն բժշուածեանդ՝ որ լինին ի ձեռս քո առանց դեղոց և արմատոց, զի որպէս ասի տաս դու կուրաց տեսանել և կաղաց դնալ և զբորտարս սրբել, և զայս պիղծս հանես, որ միանգամ չարաչեալ են երկոր հիւանդութեամբք՝ բժշկես դու և զմեռեալս յաբուցանես : Եւ իբրև լուայ վասն քո զայս ամենայն, եղի ի մտի իմում մի յերկուց աստի, կամ թէ դու Աստուած իցես իջեալ յերկնից գործես զայդ, կամ թէ Որդի իցես դու Աստուծոյ, և զայդ առնես, արդ վասն այսորիկ գրեցի ես առ քեզ՝ աղաչել զքեզ, զի աշխատ լինիցիս և եկեացես առ իս, և բժշկեսցես զհիւանդութիւնս՝ զոր ունիմ ես : Նաև լուայ՝ զի Հրէայք արանջնն զքէն, և կամին չարչարել զքեզ : Բայց քաղաք մի փոքրիկ և գեղեցիկ է իմ, և բաւական է մեզ երկոցունցս :

Մինչ ընկալաւ Փրկիչն մեր Յիսուս Քրիստոս ՚ի հրեշտակացն զԹուղթն Արգարու և մարդասիրական շնորհիւն արժանի արար զնա պատասխանուոյ իւրում, յայնժամ հրամայեաց Առաքելոյն իւրոյ Թովմայի գրել առ Արգար զայս օրինակ :

Երանի՛ իցէ այնմ՝ որ հաւատայ յիս իբրև ո՛չ իցէ տեսեալ նորա զիս, զի գրեալ է վասն իմ այսպէս, զի որք տեսանենն զիս, ո՛չ հաւատացենն յիս, և որք ո՛չ տեսանեն, նորա հաւատացեն և կեցցեն. իսկ վասն այնր զի գրեցիր դու առ իս զալ ինձ առ քեզ, արժան է կատարել աստ զամենայն ինչ, վասն որոյ առաքեցայ ես, և կատարեցից զայս, ապա համարձայց առ այն՝ որ առաքեացն զիս, և յորժամ համարձայց, առաքեցից զմի յաշակերտաց անտի իմոց, զի գցաւս քո բժշկեսցէ, և կեանս քեզ և որոց ընդ քեզ են շնորհեսցէ :

Ընդ այս աւետարեր գրութիւնս հետեւեցուցանէ Մովսէս Բու-

րենացի սուրբ հայրն մեր և զայս թէ, ըջայս թուղթ երևր Անանէ սուրհանգակ Արգարու, ընդ որում և զկենդանագրու թիւն փրկչական պատկերին, որ կայ յեղեսիայ քաղաքի մինչև յայսօր ժամանակի: Գիրք Բ. Լ. ԼԱ. ԼԲ:

Բարեմի՛տ ընթերցող, եթէ կամիս վերահասու լինիլ ամենայն պարագայից, եթէ զեւրդ եղև յետ համբարձմանն Փրկչին մերոյ Յիսուսի՝ յօթանասնից անտի Առաքելոյն Քաղէոսի զնալ յեղեսիա քաղաք, աւետարանել անդ ըստ հրամանի Տեառն մերոյ և բժշկել զԱրգար, և զամենայն հրաշագործութիւնս արարեալ յանուն Տեառն մերոյ Յիսուսի Քրիստոսի, և ս և տեսանել զթուղթ Արգարու առ Տիրերիտոս Այսրն Հռովմայեցւոց՝ առ Ներսէս և առ Արտաշէս արքայն Պարսից առ ՚ի ծանուցանել նոցա զՃշմարտութիւն քրիստոնէական հաւատոյ՝ զոր ինքն ընկալեալ էր, այլովք հանդերձ: Արժան է ընթեռնուլ զսուրգապատում մատենագրութիւնս նորին Խորենացւոյ: Անդ. ԼԳ. ԼԴ:

Արժան համարիմ աստանօր ծանօթութիւնս տալ ընթերցողաց համազդի սիրելեաց իմոց՝ զբերով զերաւացի վիպասանութիւնս Յովհաննու կաթուղիկոսի. ըբայց Արգարու աղականեալ լինէր մարմինն չարաչար ակտիւ, և վասն զի Մարիսար բղեաշին Աղձնեաց և Շամշագրամ նահապեան Աղահունեաց և Անան հաւատարիմք արքային Արգարու, ելեալք յերուսաղէմ և տեսեալ զսքանչելի բժշկութիւնն Քրիստոսի Աստուծոյ մերոյ՝ եկեալ պատմեցին Արգարու: Սակս այսորիկ զրէթուղթ աղաչանաց զալ առ նա և բժշկել յախտէն յայնմանէ, զոր ոչ ոք երբէք ՚ի մարդկանէ եղիտ բժշկութիւն: Չոր և ընկալեալ Փրկիչն մեր, և արժանի պատասխանուոյ զնա համարեալ զրէ առ նա, առաւել երանելով զայնոսիկ, որք ոչն տեսեալ իցեն զնա և հաւատասցեն, և ՚ի կատարել ասէ զկամս առաքչին իմոյ, առաքելոց քեզ զմի յաշակերտաց իմոց, զի զցաւս քո բժշկեսցէ և կեանս շնորհեսցէ:

քեզ և որք ընդ քեզդ են : Իսկ զԹուղթ փրկչին բերեալ առ Արգար Անանայ սուրհանդակի ընդ նմին և զկենդանադուռ թիւն փրկչական պատկերին, որ կոյ մինչև ցայսօր յԵղեօացւոց քաղաքի : Ապա յետ համբառնալոյ Փրկչին մերոյ յերաներորդի ամի Թագաւորութեանն Արգարու թովմաս Առաքեալ մի յերկոտասանիցն առաքէ զԹադէոս յեօթանասնիցն ընտրելոց բժշկիւ զԹագաւորն Արգար ըստ խոստման Փրկչին մերոյ Յիսուսի Քրիստոսի, զոր և արժանի վերկաւն իսկ դրով տալ զուետարանական աւետիան : Որոյ սպասեկեալ 'ի տուն իշխանին Տուբիայ բաղրատունւոյ, որ ցայն վայր կայեալ մնացեալ էր հայրենի օրինօքն : Իսկ իշխանին Տուբիայ առեալ ածէ զԱռաքեալն առ արքայն, և նշան հրաշալի 'ի դէմս Առաքելոյն արքայն տեսանէր, և ապա ընդգծեալ 'ի Տունկս երկիրպագանէր նմա 'ի վերայ երեսաց երկրի, իսկ Առաքեալն զձեռն 'ի վերայ եղեալ Արգարու բժշկէր զնա ալ և բոլոր իսկ զՏիւանդս և զախաածէոս, որք 'ի տանարքայի և յամենայն քաղաքին բժշկէր : Եւ միլրտեցաւ ինքն Արգար և ամենայն քաղաքն, և օր ըստ օրէ բաղձանային հաւատացեալքն 'ի Տէր : Իսկ սրբոյն Թադէի զԱյդէ ոմն խոյրայիր ձեռնադրեալ և փոխանորդ իւր թողեալ յԵղեօայ, և ինքն դայր առ Սանատրուկ քեռորդին Արգարու աւետարանել վիճակելոցն նմա զՔրիստոսի Աստուածութիւնն : Բայց Արգար մեծի յուսոյ զանձն տուեալ և կենահարորդ գտեալ փառացն Աստուծոյ, և հեռեկալ 'ի խոստովանութիւն անշարժ յուսոյն՝ վաճանի վերաթեւեալ 'ի վերին աշտարակն Սիօն :

Արդ՝ տես դու աստանօր զքանչիւի և զերկնաձիր շնորհն Աստուածային յատուկ իմն խնամածութեամբ անսպառ տարածեալ 'ի վերայ ազգիս Հայոց, քանզի մինչ սրբազան Առաքեալն Թադէոս նահատակեցաւ 'ի ձեռն ամբարշտին Սանատրիոյ, սկսաւ զիւական կապալաշտութեանն մոլորութիւն երկիւ և 'ի հոււտացեալս 'ի Քրիստոս Յիսուս, որք հաստա-



տուն կայեալ էին 'ի խոստովանութիւնս Ճշմարիտ հաւատոյ, օր քան զօր սաստկանային սոսկալի տանջանք և նահատակութիւնք 'ի կռամով բանա որաց անտի 'ի կողմունս Հայաստան երկրի :

Գ.ՈՒԻ Է.

Հլաշալի պատկեր սրբոյ Ատուածածնի շնորհի ազգիս Հայոց 'ի ձեռն  
Բարգուղիմեայ Առաքելոյն :

Հայաստան աշխարհ ո՛չ մնաց յանմխիթար թշուառութիւնս յետ վկայական մահուան թաղէոսի Առաքելոյն, այլ վերնախնամ Տեսչութիւնն փութացոյց զԲարդուղիմէոս սրբազան Առաքելսն յերկոտասանից անտի 'ի քարոյն զՃշմարտութիւնն Քրիստոնէական և լուսով Աւետարանական վարպետութեան հալածել զհոգեկորոյս խաւարն կռամողութեան: Անէր երանելի Առաքելալ ընդ իւր զհրաշագործ պատիւերն ամեներանեալ կուսին սուր: Ատուածածնի 'ի հոգեկոր փոփանս և 'ի յատուկ մխիթարութիւն հաւատացեալ բնակչացն 'ի Հայաստան աշխարհի ըստ զրելոյ Մովսիսի Խորենացոյ առ Սահակ մեծ իշխանն Արծրունեաց, յայանելով զամենայն պարագայս պատմութեան, յորոց և մեր առեալ բառ առ բառ ընդ զրով արկցուք աստանօր: Վարդուղիմէոս Առաքելալ մի յերկոտասանիցն ո՛չ զոյր ընդ նոսա 'ի զուգահաւաքման կուսին, վասն զի կամք էին Տեսան այսմ այսպէս լինել, զի ընդ թովմայի 'ի Հնդկիս էր երթեալ և եկեալ նա յետոյ առ Առաքելսն՝ բանաղբօսաց զնոսա ցուցանել նմա զգանձն Ատուածային զմարմին ամեներանեալ կուսին: Եւ յօժարեալ նոցա ընուել զփափագ տենչանաց եղբօն իւրեանց, բացեալ այնուհետեւ զսուրբ զերեզմանն, գտին ունայն յԱտուածակիր մարմնոյն: Եւ հիօցեալք իմացսն թէ 'ի դադարել օրհնութեան հրեշտակացն և սաղմոսերգու-

Թեանցն զի՛նի երից աւուրց 'ի նոցանէ փոխադրեցաւ մարմինն սուրբ 'ի ձեռն նոցին հրեղինաց դասուցն: Ապա յոյժ սգացեալ Բարդուղիմէոս, զի ո՛չ ժամանեաց նա տեսութեան սրբոց Կուսին, և ոչ լուաւ զորհնութիւնսն վերջին որպէս զայլ Առաքեալսն և զԱշակերտսն Տեառն, և ոչ 'ի գերեզմանին եգիտ, տրտմէր առաւել քան զառաւել:

Չայն տեսեալ երանելի Առաքեալքն, մխիթարել զեղբայրն իւրեանց կամեցեալ, ետուն նմա զպատկեր Տիրամօրն, որ էր 'ի փայտն նկարեալ բնաւորեալ զօրութեամբ, զոր առեալ Բարդուղիմէոս զուարճացաւ, և իրրև ընդ կենդանոյ համարեալ նայէր: Ապա մեծաւ փութով ել 'ի Հայս հրամանաւ սուրբ Հոգւոյն, զի զԹագէոս Առաքեալ սպանեալ էր Սանատրուկ արքայ յԱրտաշ գաւառի Հայոց: . . . Եւ եկեալ յաշխարհն Անձեացեաց 'ի համբաւ քարի միջ, քանզի զեք բազումք բնակեալ էին անդ, և պատրէին զմարդիկ տեղւոյն: . . . Հասեալ սուրբ Առաքեալն Աստուծոյ անդ, հալածեաց զգարբինսն զգործունեայս չարին, և զիւռսն փրշրեաց՝ որ յանուն Անահայ էր:

Անդ հիմնարկեալ սուրբ Առաքեալն զհիմն տաճարի սրբութեւոյն իւրովք իսկ ձեռօքն շինեալ զեկեղեցի փոքրագոյն, և անուանեաց զնա սուրբ Աստուածածին, և եղ 'ի նմա պատկեր Տիրութեւոյն, և տայ զնա սուրբ կանանց, և զլուխ կացուցանէ անդ զքոյր Բուսկանն, և զքոյր Որմզդատայ, և ըզՄաքովորի և զայլ կանայսն ընդ ձեռամբ նոցա կացուցանէ, շինէ խրճիթս վանիցն, և տեսուչս հրամայէ լինել հաւատացիւոյ, և քահանայ կացուցանէ անդ յիւրոց աշակերտացն, և անուանէ զտեղին Հոգեաց վանս յանուն Տիրամօրն և սուրբ Կուսին, զի բազում սքանչելիս կատարէր Աստուած 'ի ձեռն սուրբ Կուսին յայնմ ա՛ղւոջ: Եւ ինքն սուրբ Առաքեալն ելեալ աւետարանէր 'ի Հայս, և կատարեցաւ յԱւրրանոս քաղաքի:

Սոյն այս երանելի Առաքելոյս Բարդուղիմէոսի՝ տնօրէն  
նութեամբ Տեառն մերոյ Յիսուսի Քրիստոսի գալն ՚ի քարո-  
ղութիւն Հայաստան աշխարհիս զկնի Քաղէոսի Առաքելոյն  
և կատարին չարչարանօք ՚ի բռնաւորէն Սանատրիոյ, համա-  
ռօտիւ պատմագրէ Յովհաննէս կաթողիկոս այսպէս: Երկ ա-  
պա ՚ի Հայս նորին իսկ քեռորդի Սանատրու կ կացեալ լինի  
Թագաւոր, որ թէպէտ և ՚ի սկզբան քարոզութեան Քաղէոսի  
Առաքելոյն հաւատաց ՚ի Քրիստոս, դարձեալ ուրանայ, և յետ  
փոքր ինչ ապա բազում չարչարանօք և սրով կատարեալ սուրբ  
Առաքեալն ընդ նմին և զղուստն իւր զՍանդուխտ վճարէ  
՚ի կենացս, որք ՚ի լոյս կենաց անվախճանից փոխեցան ընդ  
աջմէ փառայն Աստուծոյ: Իսկ զկնի այսորիկ ապա և Բար-  
դուղիմէոս մի յերկոսասանից անտի, որ Հայաստան աշխար-  
հիս ՚ի Տեառնէ վիճակեցաւ, իսկոյն յայսմ ժամանակի ՚ի Սա-  
նատրիոյ կատարի չարչարանօք, և արեամբ չափ նահատակեալ  
՚ի Հայս յԱրատրենոն քաղաքի, ուր և եղան իսկ նշխարք ոս-  
կերաց նորա ՚ի պարծանս Հայաստանեայցս և ՚ի բժշկութիւն  
ամենայն ախտաժեւատաց՝ երես ԶԶ, Թիսղ Մուկվ: Բայսպիսի  
Աստուածային առանձնաշնորհութիւնս ազդ մեր Հայոց ա-  
ռաւել փառաւորեալ և պերճացեալ գտանի, զորս յայտնի կա-  
ցուցանեն աննախանձ ոգւով ճշմարտասէրք, որպէս սուրբն Սեդ-  
րեստրոս Հռովմայ հայրապետն ՚ի սիրակցութեան և ՚ի տե-  
սութեան իւրում ՚ի Հռովմ ընդ բազմավաստակ առաքելա-  
պատիւ սրբոյն Գրիգորի Լուսաւորչին մերոյ ականատես իսկ  
եղև հրաշիցն և սքանչելեացն՝ զորս Աստուած եցոյց ՚ի նմա,  
վասն որոյ նախ ինքն պատուեաց զնա, որպէս զրէ Ազաթան-  
զեղոս զնոյն բան Սեղբեստրոսի մեծի հայրապետի, Էվանն  
որոյ ասէ և ես Սեղբեստրոս, որ ականատես եղէ այնպիսի զար-  
մանալեացս, որով պատուեաց Աստուած զՊարթևն մեծ, մե-  
ծարեցի և ես զնա բառ իմում կարի, տալով նմա զվսկանն  
իմ պատուականն, որ էր լեալ սրբոյն Թակովբայ Տեառնեղբօր

առաջին եպիսկոպոսի Երուսաղէմի: Եւ զինի բազմատեսակ պատուամատոյց մեծարանայն յատուկ ընդհանրական հրովարտակս զրէ Սեղբեստրոս առ պատրիարղունս արեւելից. զի զՀայոց հայրապետն համապատիւ ինքեանց ծանխցեն՝ զայս օրինակ: Երեցի և հրովարտակս ընդհանրականս առ Աւետարանչաց աթոռակալ պատրիարղունս յարեւլս, զի զՀայոց հայրապետն համապատիւ տեսցեն ինքեանց. վասն զի երկոտասան Առաքելոյն չորք անդանօր կատարեցան:

Անդ կայ և պատկիր Փրկչին, զոր առաքեաց Արգարու, որ յառաջ քան զամենայն թագաւորս նա հաւատաց ՚ի Քրիստոս Աստուած: Անդ կայ և փայտեղէն պատկերն սուրբ Աստուածածնի, զոր Տէրն անառնագրեաց և օրհնեաց յաւուր սուրբ Աստուածածնի փոխման ծնողի և մօր իւրոյ: Անդ կայ և խաչամասն պատրոնիկ, որ էր ՚ի պարանոցի սրբոյ կուսի Հրախփսիմէ օրիորդին, և այս մասն շեղինէի և Աստանդիանոսի՝ զոր մեք պարգեւեցաք Տրդատայ: Անդ կայ և գեղարդն Ղունկիանոսի հարիւրապետին, որով խոցեցաւ կող Փրկչին, և բոխեաց ջուր և արիւն. նշանակ մկրտութեան և հաղորդութեանն. ջուրն ՚ի լուացումն աւազանին, և արիւնն յարումն խորհրդին: յԱղաթ. ՚ի Թղթին Դաշանց:

Արժան համարեցայ սպաքէն զյօրինեալն զսխրալի շարական ՚ի մեծէն Վարդանայ Բարձրբերդցւոյ ՚ի վերայ սբանչելագործ Տեառնամուխ գեղարդին յուշ առնել ընթերցողացն՝ որ գտանի ՚ի մեծաղիր և Ծոխ ձեռագիր Շարականի ՚ի մատենադարանի սրբոյ Աթոռոյս կաթուղիկէ Էջմիածնի:

Իսկ դու պարծանքդ պարծանաց գեղարդդ սուրբ և գերազանց, որ ձեռամբ Թադէոսի սուրբ և ընտրեալ Առաքելոյն, առաքեցար մեզ ապաւէն հիմն բարեաց հաստատութեան, քեզ զՔրիստոս բարերանեմք հիմն բարեաց Եկեղեցւոյ: Թեաւոր սուր երկօայրի, և բանալի անձառ շնորհաց, զի դու բացեր զկողն կենաց՝ ջուր և արիւն արտաբերեալ՝ որով մկրտիմք



և հաղորդիմք 'ի բնակութիւն երրորդութեան. քեզ քրիստոս:

Գեղեցիկ գոյն գովելի ներկեալ արեամբն Յիսուսի, 'ի փառս ազգիս Հայաստանեայց արձանացար յերկրի մերում. աշտարակ բարձր և ամուր պարիսպ հրեղէն շուքանակի. քեզ քրիստոս բարեր:— Աստուածամուխ սուսերդ սուրբ Աստուածախառն զօրութեամբ, որով կորին արմատք ախտից և ցաք մեղաց և յանցանաց. քեզ փրկեսցուք 'ի փորձութեանց և յամենայն որոշայթից. քեզ քրիստոս բարեբանեմք: Գեղապաճոյճ Գեղարդն սուրբ և թարղմանիչ անմահ Որդւոյն, որով ցուցաւ Աստուած և մարդ. ստոյգ մեռեալ և կենդանի. յոր հաւատաց հարիւրապեան և վկայեաց Աստուածութեան. քեզ քրիստոս բարեբանեմք:— Աստուածաներկ սուր փայլածունիգակ 'ի ձեռն Յիսուսի, որով փախչին փաղանգ դիւաց. և բնակին գունդք հրեշտակաց. քեզ կրքեսցուք զզգայարանս և զրոշմեսցուք զմիտս և զՏոգիս. տալով պատիւ երրորդութեանն Հօր և Որդւոյ և սուրբ Հոգւոյն. կենդանութեան և յետմահու. և յանսպառ յաւիտենից:

ԳՆՈՒԻ Ը:

Առանձնաշնորհութիւն է Աստուածային յաւերժական Լուսաւորութիւն  
Ընդհանուր ազգիս 'ի քրիստոնէական հաւատս 'ի ձեռն սրբոյն  
Գրիգորի Լուսաւորչի:

Յետ վկայական մահուան սրբազան Առաքելոցն Քաղէոսի և Բարդուղիմէոսի զի՞նչ զգաց Հայաստան, ոչ այլ ինչ. եթէ ոչ զսպառուճն բարի սերման Աւետարանական Վարդապետութեան և օր ըստ օրէ նուազուճն Քրիստոնէական Ճշմարտութեան, և զի՞նչ կրէին հաստատուն յուսով և սիրով Յիսուսի Քրիստոսի վառեալ ջերմեռանդ հաւատացեալքն. եթէ ոչ հալածանս 'ի կռամոլ բռնաւորաց անտի և զանազան տանջանս, և միանգամայն զմարտիրոսական նահատակութիւն ըստ զըրեւոյ Խորենացւոյն: Բայց խոստովանիմք ընդ հոգեհուազ մար-

դարէին Գաւթի Եթէ յՈ՛չ Թողու Տէր զդաւազան մեղաւորաց ՚ի վեճակս արդարոց, և արդարք մի՛ ձգեսցեն զձեռս իւրեանց յանօրէնութիւնս։ Սողմ՝ ձե՛ր Ծ : Յիշեսցուք աստանօր զԱստուածային սքանչելի շնորհաց և մարդասիրական զարմանալի ներգործութեան զյուսալիւր խոստովանութիւնս հրեշտակակրօն սուրբ վարդապետին մերոյ Գրիգորի Նարեկացւոյն՝ զոր զրէ՛. շէւ յորժամ սպառին առ ՚ի մէնջ բարիքն, զառաւել զարմանալինն յայնժամ ներգործեսս։ ՄԳ : Զսորին ապացոյցն Տէր մեր Յիսուս Քրիստոս ՚ի փրկագործ տնօրէնութեանն յայնի արար ՚ի հարսանիս Անայ Գալիկեացւոց՝ ՚ի սպառիլ զինւոյն հրաշագործեաց անդ զՅուրս լցեալս ՚ի Թակոյկս՝ ՚ի զինի փոխարկելով։ Յովհանն. Բ. Ծ 9 :

Ահա այսպէս զհոգևոր արամութիւն ազգիս Հայոց ՚ի զարմանալի ուրախութիւն փոխարկեաց յարուցանելով ՚ի պարթեական ազգէն Լուսաւորիչ տանս Թորգոմեան զսուրբն Գրիգորիոս. յաղագս որոյ գոհանալով զայսմ առանձնաշնորհութենէ Աստուածային կանխագիտութեանն ՚ի լուսաւորութիւն և ՚ի փրկութիւն ազգիս Հայոց յերգս Շարականի մերում զրէ Խորենացին : Էբրաշափա՛ս Աստուած և մի՛շտ բարեխնամօղոր յառաջգիտութեամբ զփրկութիւն Հայաստանեայց սկզբնաւորեալ, ՚ի պարթեական մեղապարտ ազգէն Լուսաւորիչ մեզ շնորհեցեր. վասն որոյ բարեխօսութեամբ սորա Փրկիչ՝ կեցն՝ զմեզ այժմ և ՚ի քո ահաւոր գալստեանս :

Ամի՛ս ծանօթանալ Աստուածային առանձնաշնորհութեան առ ազգս Հայոց՝ զոր հրաշագործեաց ՚ի ձեռն սուրբ Լուսաւորչին մերոյ, լուր Ազատագեղոսի, որ նկարագրեալ զհոգեւոր բարեկարգութիւնս Եկեղեցեաց՝ զմկրտութիւն Թագաւորին Տրդատայ, պալատական մեծամեծաց, ընտանեաց նորին, արքունական զօրացն և զսքանչելեացն պատմէ : Էւեհ անդ հիմունս և շինեաց եկեղեցիս, և զնշխարս՝ զորս ունէր յոսկերաց սրբոցն ՚ի տէրունական տանն բնակեցուցանէր : Սոյնպէս և

ընդ ամենայն կողմանս գաւառացի դնէր հիմունս և կեցեցեաց, և ուղղէր սեղանս, և կացուցանէր քահանայս, և ամենայն երկիր գարձեալ սրտիւք իւրեանց կանխէին ՚ի պահս և յաղօթս և յերկիւղ Աստուծոյ :

Եւ ի ընդ կիտին եղելոյ պահոցն կատարելոյ, առեալ սրբոյն Գրիգորի զաշխարհարնակ զօրացն, և զինքնին զթագաւորն, և զկին նորա զԱշխէն և զմեծ օրիորդն Խոսրովի գուխա և զմեծամեծան ամենայն, և ամենայն մարտիաւ բանակին հանդերձ, առեալ ընդ այգուն առաւօտուն լուսանալոյ յափն Եփրատ գետոյն մատուցանէր և անդէն մկրտէր առ հասարակ զամենեսեան յանուն Հօր և Որդւոյ և Հոգւոյն սրբոյ :

Եւ իբրև իջանէին մարդիկն ամենայն թագաւորան ՚ի մկրտութեան անդր ՚ի ջուրս Եփրատ գետոյն, նշան սքանչելի երևեալ յԱստուծոյ, զի զտեղի առեալ ջուր գետոյն, անդրէն գարձան ընդ կրունկն : Եւ յոյս սաստիկ երևեալ ՚ի նմանութիւն սեան լուսաւորի և եկաց ՚ի վերայ ջուրց գետոյն, և ՚ի վերայ նորա նմանութիւն տէրունական խաչին, և այնչափ ծագեաց լոյսն, մինչև արգելոյր զճառագայթս արեղական և նուազեցուցանէր : Եւ իւրն օծութեան՝ զոր արկանէր Գրիգոր ՚ի վերայ մաղկանն, շրջան առեալ ՚ի միջ գետոյն շուրջ զմարդկամբն խաղայր :

Եւ ամենեքեան զարմացեալ բարձրացուցանէին զօրհուսութիւն ՚ի փառս Աստուծոյ, և ընդ երեկ աւուրն նշանն անբերեցթ լինէր, և նոքա ՚ի վեր յաւանն դառնային, և որ մկրտեցան յաւուր յայնմիկ՝ աւելի քան զհնգեասասն բիւր մարդիկ ՚ի յարքունական զօրացն :

Եւ անտի ելեալ մեծաւ յնծութեամբ և սպիտակազգեստ հանդերձիւք, սաղմոսիւք և օրհնութեամբք, կանթեղովք վառելովք և ջահիւք բորբոքելովք, մեծաւ լրջմտութեամբ և բազում զուարթութեամբ լուսաւորեալք հրեշտակացեալք,

և առեալ զանուն որդեգրութեանն Աստուծոյ. և մտեալ 'ի ժառանգութիւն սրբոյ Աւետարանին և 'ի վիճակ սրբոյն խառնեալք ծաղկեալք հոտ անոյշ 'ի Քրիստոս, ելեալ 'ի վեր 'ի ատրուական աունն դառնային :

Եւ անդ մատուցանէր զօրհնութեան պատարագն և հազորդէր զամենեսեան 'ի խորհուրդն գոհութեան, բաշխէր ամենեցուն զսուրբ մարմինն և զպատուական արիւնն ամենափրկչին Քրիստոսի զկենդանարարն, զկեցուցիչ ամենայն մարդկան, զարարիչն և զաշխարհագործն ամենայն արարածոց, զԱստուածատուր շնորհս առ ամենեսին առատապէս մատակարարէր : Այս ամենայն սքանչելահրաշ զօրութիւնք Աստուածային շնորհաց և փառաց յայտնեցան յաշխարհիս Հայոց Աստուածազօր արդեամբք անտանելի չարչարանաց և 'ի խոր վերային համբերատար հողուով մնալով մեծ հայրապետին մերոյ սրբոյն Գրիգորի Լուսաւորչի, վասն որոյ զայս ամենայն խոստովանելով երախտադէտ մտօք երդէ 'ի Շարականի ուղղափառ Եկեղեցի մեր : Որ ետուր համբերութիւն անտանելի չարչարանաց սրբոյն Գրիգորի և նորին ժուժկալութեամբն լուսաւորեցեր զՀայաստան աշխարհս : Հրաշալի զարմացմամբ երանելին սուրբ Գրիգոր զանտանելի զչարչարանս 'ի յանձնէառ. և երիւք հնօք ամօք 'ի մէջ թիւնաւորացն բնակէր անազընդային տանջանօքն 'ի վերայինն : Ունկնդիր լիցուք և Յովհաննու կաթուղիկոսի պատմութեան, որ սքանչելի իմն հանդիսացուցանէ մեզ զբազմավաստակ և զհրաշալի արդիւնս սրբոյ հօրն մերոյ Գրիգորի Լուսաւորչի յասելն, յետ բազում և անտանելի չարչարանացն և անհնարին և դառն կտտանաց և զհնդկաստան ամ լինելոյ 'ի խոր վերային 'ի դղեակ բերդին որ յԱրտաշատ, ելեալ 'ի խորոց թիւնաւորացն արտափայլեցաւ 'ի փրկութիւն մեզ, և զանձառելի և զանպարագիր Երրորդութեան հոգեզուարճ բղխումն յինքն ձառագայթափայլեալ զքօլոր Սրամեանս Ազն բուժեաց յախտից և 'ի կռապաշ-



տու թե՛նէ : Եւ յեօթն և 'ի տասներորդ ամի արքայութեանն Տրդատայ նստաւ յաթոռ սրբոց Առաքելոյն Բարդուղիմէոսի և թաղէոսի սրբութեանցն զտեալ քահանայադործող և ծընող մեր ըստ Աւետարանին և նախահայր աստանօր արտաադրելով : Երես 24 :

Սոյնպէս և երանելի վարդապետն Յովհան Երզնկացի գրէ 'ի շնորհաբան ներբողս 'ի սուրբ Լուսաւորչին՝ շնորհաբան բարունջն վերադիտող Գրիգորիոս՝ բազմագունի բարեացն՝ որ 'ի քէն մեզ ընձեռեցաւ . զո՞րպիսի ընծայս՝ յորում մեծամեծ և անզուգահան իրի նուիրեսցուք բազմաբան վարդապետութեամբ ըստ սաւորեալք քահանայապետական հայցուածոց նուիրեալքս : արիական հսկողութեամբ հովուեալքս : Ճգնաւորական ալօթիւք պատասխարեալքս : Յաճախ . երես 298 : Զզօրութիւնս արդեանց սրբոց հօրն մերոց Գրիգորի Լուսաւորչի վայելէ ազգս Հայոց, որ նախ ամենակարող խնամօքն և զօրութեամբ Աստուծոյ պաշտպանեալ ըստ հոգւոյ և ըստ մարմնոյ, զյոյս իւր հաստատեալ է 'ի նոյն ամենարաւական օգնականութիւն Աստուածային ըստ հոգնուագ մարդարէին Գաւթի, որ ասէ . Երանի ազգի՝ որում Տէր Աստուած Յակովթայ օգնական է նմա, և յոյս նորա 'ի Տէր Աստուած է : Սաղմ. ձԽԵ :

Եւ երկրորդ՝ զարժանընդունակ աղօթիցն սրբոց Լուսաւորչին զարդիւնս վայելեալ մինչև ցարդ չետես զաղանդ չարափառ թշնամեաց հաւատոյ ուղղափառ Եկեղեցի ազգիս Հայոց, ըստ այնմ՝ շնորհաբան առեալ Լուսաւորչին զնշխարսրբոց Կարապետին, շուրջ պարսպեալ զկողմն աշխարհին շնորհօք սոյն զբանն օծողին, աստ թշնամիք մի՛ զօրասցին, մի՛ հերձուածոց ազանդք բուսցին, յերկնից գայր ձայն Աստուածային, թէ հայցուածք քո կատարեսցին : Շարական : Այս բան ունի հաստատութիւն յաշակերտէ անտի Լուսաւորչին Չենոբայ եպիսկոպոսին Տարօնոյ, որ գրէ այսպէս : Եւ այս առեալ զաջ թե՛ն սրբոց Մկրտչին տեառնագրեաց զգաւառն

ասելով, եղիցի աջ Տեառն 'ի վերայ գաւառիս այտորիկ պահեալ 'ի թ շնամեաց. և թէ վասն մեղաց իւրեանց տանջեցան 'ի Տեառնէ սակայն թ շնամիք մի՛ յերկարեացին, այլ չարեօք իւրեանց սատակեացին, և մի՛ հերձուածողք բնակիւցին յայսմ աշխարհի. աջ սրբոյ Կարապետին եղիցի պահապան, և միտնգամայն եղիցի տունս այս շէնուած յաւիտենական յազգաց յազգս. և ասացեալ զամէնն. Հայն զզոյի եհաս յակաջս մերս, երես 61 : Վասն որոյ ոչ երբէք 'ի վեր երեւեցան աղանդապետք յեկեղեցին մեր, և ոչ տեղի գտան հերձուածոյն հոգեկորոյս բանք, և ոչ երբէք ընդարձակ բնակութիւն գտին ուրեք 'ի Հայաստան, որպիսիք էին Արիոս, Մակեդոն, Պօղոս Շամշտացին, Նեստոր, Եւտիքէս, և սոցին նման ամբարիշտ աղանդաւորք և հերձուածողք՝ որք նշովեալ և մերժեալ են յառաջելական ուղղափառ և 'ի սուրբ Եկեղեցւոյ մերմէ :

ԳՒՌԻՒ Ք.

Առանձնաշնորհութիւն է ազգիս Հայոց հրաշալի տեսիլ սրբոյ հօրն մերոյ Գրիգորի Լուսաւորչի գնեակերպութենէ շինութեան մայր Աթոռոյս սրբոյ Կաթողիկէ Էջմիածնի :

Յատուկ առանձնաշնորհութիւն եղև առ ազգս Հայոց սքանչելի տեսիլն այն, յորում յայտնեցաւ Աստուածային հրաշալի ձեակերպութիւն շինութեան մայր սուրբ Տաճարին կաթողիկէ Էջմիածնի. վասն զի 'ի սքանչելի ճառագայթից լուսոյն Քրիստոսի ձեակերպեալ ցուցաւ 'ի հոգեզուարթ տեսլեան առաքելապատիւ մեծի Քահանայապետին մերոյ, զորմէ Ագաթանգեղոս պատմագրէ, շնորհք պատմեցից ձեզ՝ ասէ, եղբարք՝ զյայտնի սէր արարչին առ ձեզ, որ ինձ երեւեցաւ ահաւորութեամբ տեսլեանն, Աստուածութիւնն խոնարհեալ առ սուրբ Վկայքս իւր, և սոցա զանհամեմատն բարձրութիւն յանպատումս վերացեալ անզուգականութեան արքայութեանն երբնից, Արդ՝ զլինելոց, ընդ ձեզ կենսաբեր տուչութիւն շե-

նորհեւոյ, երևեալ ինձ տեսիլ անպատում սքանչելի Աստուածակերպ: զորոյ փոքր 'ի շատէ առ ի զհանգամանսն: . . . .  
Յանկարծակի եղև ձայն սաստկութեան, բոմբիւն որոտման, ահաւոր թնդիւն իբրև զձայն եռանդեան կուտակելոյ խռովութեան ալեաց ծովու, բացաւ խորանաչէն յարկն հաստատութեան երկնից, և իջեալ այր մի 'ի նմանութիւն լուսոյ՝ կուշեաց զանուն իմ և ասէ: Վրիգորիոս, և իմ նայեցեալ տեսիլ զկերպարանս նորա. և զարհուրեալ զողացեալ յերկիր կործանեցայ: Եւ ասէ յիս, նայեաց զու 'ի վեր, և ասն զսքանչելիսս՝ զոր ցուցանեմ քեզ: Եւ ապա 'ի լուսոյ անտի ձայն տուեալ քաջալերէր և յորդորէր զես, և եւ զու քնջ լեր ասէ, պինդ կաց զգոյշ լեր, զի զործ 'ի ձեռն եկեալ հասեալ է քեզ, զի քեզ բարութիւն զիւրեալ է ինեւոյց, զի և զու ընդ ճշմարիտ մըշակսն մտեալ՝ վարձս առցես զանապական պարզեացն Քրիստոսի: Արդ՝ զգոյշ լեր աւազիկ, որ քեզ աւանդեցաւ 'ի Տեառնէ Յիսուսէ Քրիստոսէ, շինեցիւր զՏաճար անուանն Աստուծոյ 'ի տեղւոջն՝ որ քեզ ցուցաւ, որ սիւն հրեղէն ունէր ոսկի խաւրիսիս, և զվկայարանս սրբոցն՝ 'ի տեղիս՝ ուր զնան ինքեանք 'ի կենդանութեան իրեանց՝ յուսովն՝ որ առ Աստուած, զի բժշկեցին հարուածեալքդ, և քարոզութեանն աջողուած յառաջագէմ լիցի հանապազորդութեամբ օր ըստ օրէ հասանել ամենեցուն 'ի շտի հասակի կատարմանն Քրիստոսի: Եւ զայս ասացեալ՝ շարժուին եղևալ, և ընդ առաւօտանալն ծածկեցաւ տեսիլն: Երես 270, 271, 277, 278:

Եւ անբողէ զայս առանձնաշնորհութիւն սուրբն Ներսէս Շնորհալի 'ի Շարականի մերում պատմարանորէն այսօրինակ: «Եջ Միածինն 'ի Հօրէ և լոյս փառաց ընդ նմա. ձայնք հնչեցին սանդարմեաք անդնդոց: Տեսեալ զլոյս մեծ հայրապետին Վրիգորի՝ պատմէր ցնծութեամբ հաւատացեալ արքային: Եկայք շինեցուք սուրբ զխորանն լուսոյ, քանզի 'ի սմա ծագեաց մեզ լոյս 'ի Հայաստան աշխարհի: »

Առանձնաշնորհութիւն է ազգիս Հայոց զիւս Աստուածաշնորհ հայկական  
տառիցն ի ձեռն սրբոյն Մեսրոպայ թարգմանչի :

Առ ազգս Հայոց յատուկ պարգև երկնաձիր և մտանա-  
ւոր շնորհ Աստուածային խնամոյն է սրշարև համարելի հայ-  
կական տառիցն նշանագրութիւնք, զորս յաղօթս Աստուածա-  
հաճոյ խնդրուածոց իւրոց տեսանէր թարգմանիչ սուրբ վար-  
դապետն մեր Մեսրոպայ, հոգւոյն իւրոյ պարզագոյն տեսու-  
թեամբ հրաշագործեալ յԱստուածուստ, զի թաթ ձեռին  
աջոյ գրէր և զձէր՝ ՚ի վերայ վիժին զնշանագիրս մերս հայկա-  
կան տառից, և զայս ո՛չ թէ ՚ի քուն երազի տեսանէր՝ այլ  
յաղօթս ՚ի հոգեկիր սրտին երևութացեալ նշմարէր, որպէս  
գրէ Ղազար Փարպեցի, «Յայնժամ Մեսրոպայայ ՚ի Յարեւոսէ ե-  
պիսկոպոսէ գտեալ և անցեալ ընդ Փիւնիկէ ՚ի Սամոս գիւմն՝  
քանզի Յպիփանու վճարեալ զկենցաղս՝ թողեալ լինի աշակերտ  
մի անուանեալ Հաուփանոս հրաշալի արուեստիւ Հիլին գրու-  
չութեան, որ ՚ի Սամոս էր միայնացեալ: Առ սա երթեալ Մես-  
րոպայ, և յայսմ ևս անշահ թնացեալ՝ յաղօթս սպաւ ինի, և  
տեսանէ ո՛չ ՚ի քուն երազ, և ո՛չ յարթնութեան տեսիլ: այլ  
՚ի սրտին գործարանի երևութացեալ հոգւոյն թաթ ձեռին  
աջոյ գրելով ՚ի վերայ վիժի, զի որպէս ՚ի ձեռն վերջք գծին  
ուէնէր քարն, և ո՛չ միայն երևութացաւ, այլև հանգամանք  
ամենեցուն որպէս յաման ինչ ՚ի միտս նորահաւաքեցաւ. և  
յարուցեալ յաղօթիցն ստեղծ զնշանագիրս մեր հանդերձ  
Հաուփանոսիւ, ձեռակերպեալ զգիրն առ ձեռն պատրաստ Մես-  
րոպայ՝ փոխադրելով զհայերէն աթութայն ըստ անսոյթա-  
քութեան սխորոյիցն Հիլինացւոց, և այնպէս գիպեալ  
զիւտի նշանագրայն, ձեռն ՚ի գործ արկանէր երանելին Մաշ-  
տոց՝ յերխրելով զնա ընդ սուրբ հայրապետին Հայոց Սա-  
հակայ գիւրահար ճանապարհ յուցանելով կարգադրութեան  
գրենոյս և հեզենային ուղղաձայնութեան :



Սոյնպէս յերևելի աշակերտաց որոշոյն Սահակայ և Մեծ-  
բովայց հանձարարանն Վորիւն պատմագրէ : Յայնմ ժամանա-  
կի՝ ասէ, երանելի և ցանկալի աշխարհս Հայոց անպարտան  
սքանչելի լինէր. յորում անկարծ ուրեմն օրէնսուսոյցն Մովսէս  
մարդարէական զասուն և յառաջագէմն Պօղոս բովանդակ ա-  
ռաքելական գնդուն հանդերձ աշխարհակեցոյց Աւետարանաւն  
Քրիստոսի միանդամայն եկեալ հասեալ ՚ի ձեռն երկուց հա-  
ւասարելոյն հայարարաւք հայերէնասխօք գտան : Անդ էր այ-  
նուհետև սրտալիբ ուրախութիւն, և անաւայել տեսիլ հա-  
յելոյն. քանզի երկիր՝ որ համբաւուցն անգամ օտար էր կող-  
մանցն այնոցիկ. յորում ամենայն Աստուածագործ սքանչելա-  
գործութիւնքն դործեցան. առժամոյն վաղվադակի ամենայն  
իրացն եղելոց խելամուտ լինէր, ոչ միայն ժամանակաւ պաշ-  
տեղելոցն, այլև յառաջագոյն յաւիտենիցն և ապա եկելոցն,  
սկզբանն և կատարածի. և ամենայն Աստուածատուր աւան-  
դութեանցն : Կսկ իբրև զչափ առեալ զիրացն հաստատութեան  
և համարձակագոյն և առաւելագոյն զաշակերտութեանն նո-  
րաղիւտ վարդապետութեանն խմբէին ուսուցանել և թեքել և  
պատրաստական քարոզութեանն անդէտ մարդկան յօրինել. որոց  
և խքեանք իսկ ՚ի կողմանց և ՚ի դաւառաց Հայաստան աշխար-  
հին յորդեալք և զբղեալք հասանէին ՚ի բայեալ աղբիւր զխառ-  
թեանն Աստուծոյ, քանզի յԱյրարատեան դաւառէն ՚ի կայս  
թագաւորացն և քահանայապետացն բղխեցին Հայոց շնորհք  
պատու իրանցն Աստուծոյ. անդ էր յիշելի և մարդարէականն.  
եթէ եղելի անդ աղբիւր բղխեալ Գաւթի. որ և սկսան իսկ  
սինք եկեղեցւոյ միջամուխ ձեռամբ զգործ աւետարանչացն  
Քրիստոսի գործել. զուժարել ՚ի կողմանս ՚ի դաւառս ՚ի տեղիս  
տեղիս Հայաստան ազգին՝ զաս դաս զաշակերտեալն ճշմար-  
տութեան զհաստատելոցս ի կատարումն զխառթեան. բա-  
ւականս և առ ՚ի զայլսն զեկուցանելոյ. որոց կանոն և օրինակ  
զիւրեանց անձանց արգասիս եղեալ. և պատու իրեալ կալ ՚ի նմին

կանոնի, և իւրեանց անդէն զառքն թերակաց արքունիսն հան-  
դերձ ամենայն ազատագունդ բանակաւն Աստուածիդէն իմաս-  
տութեամբն վարդապետեալ : Զայս շնորհ երկնաձիր պար-  
գեացն Աստուծոյ յիշատակէ և Յովհաննէս կաթողիկոս պատ-  
մագիրն : Վնդ այն ժամանակս ապա եկեալ Մեսրովպայ, և բե-  
րեալ զնշանագիր մերոյ լեզուի, զոր գողցես նմա պարգեւեալ  
'ի տուչութենէ շնորհացն Աստուծոյ, իսկ և իսկ 'ի հրամանէն  
մեծին Սահակայ ժողովէ մանկունս խոհեմամիտս, տրամախո-  
հըս, քաջուշեղս, փափկամանկս, և դպրոցս կարգէ ըստ գա-  
ւառաց գաւառաց ուսուցանել մեծաւ պնդութեամբ. յես-  
որոյ չուեալ 'ի Վիրս, և անդ ըստ լեզուի նոցա արարեալ նը-  
շանագիր, վարդապետս և դպրոցս 'ի նմա ևս կարդէ : Եւ ա-  
պա իջեալ 'ի կողմն Աղուանից և նոցա ևս ստեղծանէ նշա-  
նագիր ըստ կիսահագագ և խնցրեկոր լեզուի նոցա, վերակար-  
գելով 'ի նմա ևս աշակերտանոցս, և ապա ինքն դարձեալ դառ-  
նայ 'ի Հայս և գտանէ զսուրբն Սահակ անդադար 'ի թարգ-  
մանութիւն պարապեալ : Առ այս ամենայն Վարդան վար-  
դապետ Բարձրբերդցի 'ի Շարականի սրբոց թարգմանչաց յոր-  
դորէ զազգ մեր գոհարանական երգօք երկրպագանել Աստ-  
ուածային անեղկան լուսոյն : Որ խորհրդեամբ ճշմարտ լու-  
սոյ փառաց անեղին նկարագրեցաւ մեզ գիր կենդանի յար-  
գանդ մաքուր մեծին Մեսրովպայ, անմատոյց լուսոյն երկիր-  
պագեսցուք :

Արդ՝ անհրաժեշտ պարտաւորութիւն ինձ համարիմ խը-  
րատ յորդորական աւանդել յԱստուածային խնամոց պաշտ-  
պանեալ և բարեզարդեալ սիրելի Ազգիս Հայոց, զի մի՛ լի-  
ցի երբէք պարծիլ և բարձրամտիլ յիշելով զԱստուածատուր  
բարեմասնութիւնս յատկացեալս ինքեան, նպաստ առեալ ըզ-  
բան հօգեբրգօղին Դաւթայ, եթէ յՈ՛չ այսպէս արար ամենայն  
ազգաց Տէր : Այլ զի՛նչ՝ զխորհրդական խոստովանութիւն  
նոյն երջանիկ Մարգարէին պարտէ և մեզ ունիլ 'ի բերան և

սրտի մտօք և ջերմեռանդութեամբ աղաղակել առ աղբիւրն շնորհաց առ ինքնարուն բարութիւնն այսպէս: «Պարծանք զօրութեանց մերոց դու ես Տէր, և 'ի կամս քո բարձր եղիցի եղջիւր մեր»: Սաղմ. 22. 13 :

Պարծանք ազգիս բարի և հաճելի Աստուծոյ եղիցի. յորժամ ուղղին առ Աստուած, ճանաչելով զնա ամենակարող զօրութիւն և ինքնարուն բարութիւն և կատարելով զկամս նորին ամբաւ մեծութեանն: Վասն որոյ պարտիմք կրթել ըզմիտս և զկամս մեր այսու բանիւ սուրբ Գրոյն: «Մի' պարծեսցի խորհրդականն 'ի խորհուրդս իւր, և մի' պարծեսցի հըզօրն 'ի զօրութեան իւրում: և մի' պարծեսցի մեծն 'ի մեծութեան իւրում: Այլ որ պարծին' 'ի Տէր պարծեսցի, 'ի խորհուրդս զիտութեան զՏէր ճանաչել: Առնել զիրաւունս և գործել զարդարութիւն 'ի վերայ երեսաց երկրի»: Ա. թագ. Բ. 14—16 :

Ի վախճան գրոցս խրատական և յորդորական բանք երջանիկ Առաքելոյն Պօղոսի ազդեսցին 'ի սիրտս և 'ի միտս մեր ջերմեռանդ և շնորհասպարտ երախտագիտութեամբ ճանաչել զԱստուածային շնորհաց բարերարութեանն ճիւտութիւն պարզ և սիշտ խոնարհիլ առաջի նորին խնամառատ մարդասիրութեանն, և նովաւ պարծիլ հանապազ առաքինական գործովք բարգաւաճեալ: Ըստ այնմ թէ՛ «Ձի շնորհօք էք փրկեալք 'ի ձեռն հաւատոցն: Եւ այս ոչ 'ի ձէնջ, այլ Աստուծոյ պարգև է, ոչ 'ի գործոց, զի մի' ոք պարծեսցի»: Եփես. Բ. 8, 9 :







## Յ Ա Ն Կ

ԻՄԱՍՏԻՑ ՊԱՐՈՒՆԱԿԵԼՈՑ ՅԱՅՍՄ ՄՈՏԵՆԻ :

	Երև
Արզարու հաւատալն ի Քրիստոս սկիզբն եղև լուսաւորութեան	
Հայոց ի Քրիստոնէական Հաւատս — —	147
Արզար գրէ թուղթ առ Յիսուս Քրիստոս հրախրելով զհայկե- ղեսիս քաղաք — — — —	148
Ազգատեանցք և եղբայրատեանցք — —	39
Ապաշխարութեան խորհուրդ զսուղ զգջացելոց փարատէ Աս- տուածային շնորհաց մխիթարութեամբ — —	108
Ապաշխարութեան խորհրդոյ հիմն է խոստովանութիւնն առա- ջի քահանայի — — — —	110
Առանձնաշնորհութիւնք Ատուծոյ առ Իսրայէլացիս —	132
Առաքեալք ընտրեցան ի Քրիստոսէ մատակարար շնորհացն Աս- տուծոյ — — — —	82
Առաքեալք առ Խնչ հաստատեցին զգործածութիւն խղոյն ի խորհուրդ բժշկութեան հիւանդաց — —	128
Աստուածաշունչ սուրբ Վիրքն է հայելի Աստուածային բազ- մապատկ շնորհաց — — — —	1, 12
Աստուածաշունչ սուրբ Գրոց բարեմտութեամբ ընթերցումն ա- ռիթ է փրկութեան հոգւոյ — — — —	23
Աստուած ընդէր լոյս անուանի — — — —	46
Բարդուղիմէոս Առաքեալ բերէ ի Հայաստան զպատկեր սրբոյ Կուսին Աստուածածնի — — — —	151
Գայթակղեցուցիչ բանք ապականեն զմարտութիւն վարուց	76
Գրիգորի սրբոյ Լուսաւորչի մերոյ տեսիլ զձեակերպութենէ շի- նաթեան կաթուղիկէ Էջմիածնի — — — —	160
Գրոշմին խորհուրդ անջնջելի ապաւորէ զշնորհս Հոգւոյն սր- բոյ ի հոյիս հաւատացելոց — — — —	95
Գրոշմին խորհուրդ անկրկնելի է — — — —	98
Եկեղեցի Հայոց անարատ ունի միալ յազանդոց — —	159

Եկեղեցւոյն Քրիստոսի պաշտօնէից զի՛նչ են պարտաւորութիւնք	113
Եղբայրսիրութիւն և ազգասիրութիւն նշան են քրիստոնէութեան	35
Եղբայրսիրութեան յատկութիւնք և արդիւնք նորա	— 37
Երանութիւն յախտնական հանդերձեալ կենաց	— 16
Երանութիւն առաքինեաց	— — 15
Երանութիւն այնոցիկ, որք ուղիղ մտօք նկատեն ի սուրբ Գիրս	19
Թաղէտի Առաքելոյ քարոզութիւն ի Հայաստան	— 149
Թշուառութիւն այնոցիկ, որք ո՛չ ուղիղ մտօք ընթեռնուոն ըզսուրբ Գիրս	— — — 20
Լուսաւորութիւն Ազգիս Հայոց ի ձեռն սրբոյն Գրիգորի.	155
Լուսով երեսաց քոյ տեսանեմք զլոյս՝ յի՛նչ միտս մեկնի	— 90
Խղճի մտաց արթնութեան հարկաւորութիւն	— — 21
Խոտտումանութիւն առաջի ֆահանայի զլիսաւոր հիմն է ապաշխարութեան խորհրդոյ	— — — 109
Խորհուրդք ընդդէմ բնական և զրաւորական օրինաց ապականեն զճողոյն սրբութիւն	— — — 77
Խորհրդոյ բժշկութեան հիւանդաց հեղինակն է Եփեսոս Քրիստոս	— — — 127
Հաղորդութեան սրբազան խորհուրդ միացուցանէ ընդ Քրիստոսի զարժանապէս մերձեցողն ի նա	— — — 98
Հաղորդութեան խորհուրդ նկարագրէ զխաչելութիւն Փրկչին	110
Հաղորդութեան խորհուրդ զրաւական է արժանաւորաց հանդերձեալ անմահ կենդանութեան	— — — 102
Հաղորդութեան խորհրդոյն ներգործութիւն յոյս յարութեան պարգեւէ	— — — —
Հաղորդութեան խորհրդոյն օրինակ էր հաց և զինի մատուցեալ ի Մեղքիսեղեկէ առ Արրահամ	— — — 104
Ի Հայաստան ի զաւառն Մովսէս երեկցաւ աստղն ծննդեան Եփեսոսի	— — — — 143
Հայաստանեայց սուրբ Եկեղեցի անարատ մնացեալ է յազանդապետաց	— — — — 160
Հայկայ պատերազմ վրան Աստուածպաշտութեան ընդ Բելայ	136
Հայոց պարժանաց մինն է Հայկայ սերին ի Յարթիական օրհնեալ տոհմէն	— — — — 135
Հայոց լեզուն անդրանիկ է	— — — — 139
Հաւատացելոյն պարտականութիւն է երախտագէտ լինել բաղմապատիկ շնորհաց մարդեղութեան Փրկչին	— — — 27
Հաւատք Քրիստոնէին պարտ ի ունել ընդ խր նաև զառաքինութիւն	— — — — 15

Հողոյն սրբոյ շրջինն ի վերայ ջուրց յարարչագումութեան անդ՝ նշանակէ զներգործութիւն շնորհաց յաւազանին մկրտութեան խորհրդոյ — — — —	81
Հրածարելոյն միանգամ ի մկրտութեան ի սատանայէ չէ վայել ասկ այլուր զհրածարութիւն — — — —	73
Մարդեղութիւնն Յիսուսի Քրիստոսի է ձրի շնորհք առ մարդկայինս բնութիւն — — — —	55
Մարդեղութեանն Յիսուսի Քրիստոսի ձիրք շնորհաց բազմաստակ եղին առ մարդկայինս բնութիւն — — — —	80
Մարդկան վասն ստեղծան ամենայն արարածք — — — —	53
Մարդկային բնութիւնս ի պատկեր Աստուծոյ ստեղծու, յիշն միտս ասի — — — —	88
Մետրուկայ սրբոյ վարդապետի երեկ նշանագրութիւն Հայկական տառից — — — —	162
Մկրտութիւնն ներգործէ զղերբնական զօրութիւնս շնորհացն Աստուծոյ — — — —	61
Մկրտութիւնն արժանաւոր առնէ որդեգրութեան շնորհաց շօր Աստուծոյ — — — —	63, 79
Մկրտութիւնն տայ զշնորհանմանակցութեանն և հազորդակցութեանն Յիսուսի Քրիստոսի — — — —	64
Ի մկրտութեան երկոց ընկղմեն զերկայս ի ջուր աւաղանին ի նշան հազորդակցութեան նորա շնորհաց մահուան և երեքօրեայ թաղմանն Յիսուսի — — — —	68
Ի մկրտութեանն սրբէս պարտ է հրածարեցուցանել ի սատանայէ զուրացօղն, որ զարձեալ եկեսցէ ի ճշմարիտ հաւատս Քրիստոսն, յիշն — — — —	70
Մկրտելոյն սիւսողամ անհնար է կրկին մկրտիլ — — — —	69
Մոգքն երկրպագութիւնն ի ծննդեանն Փրկչին էին ի Մոկաց գաւառէն Հայաստան աշխարհի — — — —	143
Մոգքն ընդէր եկին յերուսաղէմ յերկրպագութիւնն ծննդեանն Յիսուսի — — — —	144
Մոգքն ուստի ունէին զուսումն աստղաբաշխութեան — — — —	143
Մոգքն քարոզեցին զՔրիստոս ի Միջագետս և ի Մոկս — — — —	146
Մոլորութիւնք ի հաւատոյս ապականենն զհոգի շիջուցանելով զլոյս շնորհաց — — — —	75



Մտլութիւնք ասպականեալ վարուց զչնորհս չողոյն սրբոյ հնուացուցանեն	76
Յիսուս զարդանայր խնատութեամբ և հասակաւ չնորհօք յԱստուծոյ և ի մարդկանէ. յինչ միտս մեկնի	50, 92
Յիսուս ընդ զգալի տեսակօք հացի և զինչոյ հաստատեաց զի- մանալի խորհուրդ Հաղորդութեան	105
Յիսուսի Քրիստոսի թուղթ առ Արգար	148
Յիսուսի Քրիստոսի Աստուածութիւնն յայտնեցաւ ի թափօր վկա- յութեամբ Հօր Աստուծոյ	50
Նոյեան Տապանն նստաւ ի վերայ լիբինն Արարստայի Հայաս- տան	141
Նոր կտակարանն է հանդիսարան չնորհաց սքանչելի մարդեղու- թեան Փրկչին	25
Շնորհք Քրիստոնէական Աստուածածանօթութեան է ի նա- խասանմանութենէն Աստուծոյ	29
Շնորհք չառաջին առ մարդն է մարդասիրութիւն Աստուծոյ	43
Շնորհքն Աստուծոյ ձրխապարդն է հատուցումն վարձուց	54
Շնորհացն լուսոյ մերձաւորս առնեն ճշմարիտ հաւատք	1
Շնորհացն լոյս փարատէ զխաւար մեղաց հալածելով զսա- տանայ	6
Պարզեք կատարեալք զինչ նշանակ են	44, 87
Պարզեք բնականք Աստուածային հասարակարար ի վերայ չա- րեաց և բարեաց	54
Պատկեալք անբաժանելի են ի միմեանց մինչև ի մահ	123
Պատկի խորհուրդ օրինակ է Քրիստոսի չնորհօք միութեան ընդ Եկեղեցւոյ	122
Պատկի խորհրդոյ պաշտօնեայք պարտին ըստ կանոնաց պը- տակել	125
Սէրն Աստուածային յինչ պարտաւորէ զմեզ	45
Ստեղծումն մարդոյ ի գերբնական վախճան յախտեանական կենաց	52
Վարդանայ Բարձրբերդցւոյ շարական ի սուրբ Գեղարդն Քը- րխատի	154
Տուրք բարիք զինչ նշանակէ	44, 85
Քրիստոս է մի միայն զուլս Եկեղեցւոյ	64
Քրիստոնեայք որդիք լուսոյ են	10
Քրիստոնէական Աստուածածանօթութիւն առանց արդեանց զործոց չէ բաւական ի փրկութիւն	31

